

This volume was digitized through a
collaborative effort by/ este fondo fue
digitalizado a través de un acuerdo
entre:

Biblioteca General de la
Universidad de Sevilla


www.us.es

and/y

Joseph P. Healey Library at the
University of Massachusetts Boston
www.umb.edu



25 1/2
—
m — 28



ELEMENTA PHYSICÆ

CONSCRIPTA IN USUS ACADEMICOS

A

PETRO VAN MUSSCHENBROEK

QUIBUS

Nunc primum in gratiam studiosæ juventutis accedunt ubique
auctaria quamplurima, frequentissimæ adnotationes, Dispu-
tatio physico-Historica de rerum corporearum origine, ac
demum de rebus Cælestibus Tractatus

OPERA ET STUDIO

ANTONII GENUENSIS

In Regia Neapolitana Academia Philosophiæ,
Professoris celeberrimi.

EDITIO TERTIA VENETA

*Ad novissimam Neapolitanam exacta, atque in multis
emendata atque aucta.*

TOMUS PRIMUS.



VENETIIS,

MDCCLXI.

Ex TYPOGRAPHIA REMONDINIANA.
SUPERIORUM PERMISSU, AC PRIVILEGIO.

Hæc studia adolescentiam alunt, senectutem oblectant,
secundas res ornant, adversis perfugium ac solatium
præbent, delectant domi, non impediunt foris, perno-
ctant nobiscum, peregrinantur, rusticantur.

Cicero pro Archia Poeta.




RECENTIS EDITIONIS

TYPOGRAPHUS

AD LECTOREM.



Imul ac Musschenbroekiana hæc Physicæ Elementa in lucem prodire, tanto ab omnibus plausu excepta sunt, ut brevi temporis intervallo pluribus in locis, atque in plures etiam linguas conversa iterum iterumque recudere necesse fuerit. Nuperrime Vir Cl. Antonius Genuensis in Regia Neapolitana Academia Philosophiæ Professor præstantissimus, atque ob egregia Logicæ, & Metaphysicæ Elementa a se conscripta longe celeberrimus, ut Juventuti sibi ad Physica studia concreditæ consuleret, novam Neapoli horum Elementorum editionem suscepit, nec nudam illam quidem, nec qualis ab Auctore primum prodierat, sed multis in locis auctam, ac perpetuis eruditissimisque adnotationibus illustratam, cujus editionis exemplaria omnia tam cito distracta sunt, ut fere statim alteram exornare necessarium duxerit, iterum auctam, novisque adnotationibus, atque aliis



locupletatam, quæ videri possunt in duobus Monitis, quæ duabus illis Editionibus sunt præfixa. Nos igitur Physicæ scientiæ amatoribus rem non ingratam facturos esse existimavimus, si aurea ista Phisicæ Elementa prout a Cl. Genuensi expolita, atque illustrata fuere, nostris etiam typis excuderentur. Cum autem Neapolitana Editio quamplurimis, iisque gravissimis mendis typothetarum incuria scateret, nos operam dedimus, ut summa cum diligentia illa omnia emendarentur, & curavimus ut quantum fieri posset ad pristinum nitorem, & elegantiam præclarum hoc opus revocaretur. Vale.



PRIORIS EDITIONIS

NEAPOLITANÆ

MONITUM AD LECTOREM.



Abes, Lector erudite, Petri van-Musschenbroekii celeberrimi apud Hollandos Philosophiæ Naturalis Professoris, Physicæ Elementa. Paucis te horum docebimus originem. Auctor, qui Ultrajectum, ut Physicam traderet, fuerat accersitus, ann. 1726. Epitomen edit Elementorum Physico-Mathematicorum, nudam illam & exanguem, nec tam ut tirones manuduceret, quam ut totius systematis Physici, quod animo gerebat, specimen daret. Quum id viris quampluribus in his disciplinis subactis impense placuisset, paulo id corpulentius conformavit ann. 1736. propositiones singulas Mathematicis rationibus, quoad fieri poterat, demonstravit; experimenta addidit; resque omnes ita diduxit, ut intelligi ab adolescentibus divinæ hujus facultatis studiosis minori possent difficultate,

Multæ ei laudi id cessit opus: sed expositulabatur majus. Ergo patria lingua eadem elementa aucta, ornata, perpolitata promulgavit: ea pereleganter vertit Gallice Massuetius ann. 1739. duobus tom. 4. Inde iterum tironum ergo ann. 1741. Latina dedit Elementa, aucta quidem & Scholarum in morem pressa tom. 1. 8. Ea juventuti Neapolitanæ, quæ vehementissime hæc persequitur studia, utilissima fore rati, typis nostris evulgare studuimus, nec sine novis aut auctariis, aut ornamentis. Duobus ea tomis in 8. damus, commentariisque illustramus. Prodit jam primus tomus. Quæ ei accedere ut in antecessum scias operæ pretium putamus. Addita est *disputatio Historico-Physica de origine & constitutione rerum corporearum*: In ea veterum ac recentiorum Physiologorum systemata mundana enarramus, idque a barbaris ipsis nationibus facto initio ad tempora usque nostra. Deinde passim in ipsis Elementis quæ paullo obscuriora visa sunt, explicamus clarius, quæ paullo debilia, argumentis vel experimentis confirmamus; ac tandem quæ minus solida, minusque probabilia, etiam confutamus, sed modeste, & humane, uti philosophos agere jus atque æquum est. Nec enim ii fu-

smus,

mus, qui cujusque in verba juramus : philosophandi potius his in rebus libertatem amamus, aliisque ut ament authores sumus. Non est porro ut particulatim additamenta enarremus : plura ea sunt & multijuga. Tute potius lege : pernosces quam nullis laboribus parsumus, ut publicæ litaremus utilitati. Vale.



ALTERIUS NEAPOLITANÆ
 EDITIONIS
 MONITUM AD LECTOREM.



UM Physicæ Elementa a Cl. Petro van-
 Musschenbroekio in usus Academicos
 concinnata, & in hac nostra Civitate au-
 ctariis pluribus in gratiam studiosæ ju-
 ventutis paucis ab hinc annis exornata
 & recusa, ita distracta sint, ut ne unum
 quidem eorum exemplar apud nostros Bi-
 bliopolas invenire liceat; novam hanc eorundem Ele-
 mentorum editionem ex typis nostris damus, Physico-
 rum tironum, quibus eadem satis se commendarunt, uti-
 litati, assiduisque expostulationibus tandem obsequentes.
 Id vero ita exequuti sumus, ut nullis laboribus, dili-
 gentiæ, impensis parserimus, quo ornatus præclarius-
 que Musschenbroekianum hoc opus in lucem prodiret,
 non modo typographicis mendis, quantum fieri potuit,
 expurgatum, sed novis quoque accessionibus sparsim
 auctum, castigatumque. Historica imprimis, *de rerum
 naturalium origine*, disputatio, quæ in priori editione
 accessit, in hac novis est locupletata additamentis,
 meliorique forma & methodo ornata. Prioris quoque
 Editionis tractatus *de rebus cælestibus*, in hac studiosæ
 juventuti aptior & accommodatior evasit. In ipsis vero
 Physicæ Elementis non modo ejusdem prioris editionis
 additamenta accessere, sed nova quoque ab iisdem ma-
 nibus huc illuc interspersa sunt auctaria, argumentis,
 de quibus agitur, satis apta & accommodata. De his,
 quæ editionis hujus excellentiam utilitatemque valde
 commendant, ipso in limine Lectorem moneri oport-
 tebat.

PRÆFATIO

AUCTORIS.



EST ea nostrorum temporum felicitas, ut a plurimis solertibus & a doctrina instructis Philosophis Rerum naturalium Scientia magno ardore & animi contentione, non tantum in Belgio, sed in universo Terrarum orbe, excolatur & promoveatur: Proscriptis hypothesibus fingendi libido, antea actis temporibus adeo amata & in usu, est refrænata, & in earum locum accuratæ observationes, experimenta de industria, destinatosque in fines capta, ac fideliter descripta, ut & probæ demonstrationes Geometricæ successerunt. Inventa est vera stabilisque Philosophandi methodus, qua certum verumque in Physica comparare, & a commentis Scientiam purgare licet: Ex observationibus nempe & periculis, inter se comparatis, sequela certa colliguntur, Mathesis ubivis in subsidium vocatur, actionum proportionales investigantur, ex iis regulæ, in æternum duraturæ, concinnantur, nihilque inter vera reponitur, præterquam quod probe & evidenter demonstratum fuit. Quotiescunque Naturæ subtilitates occurrunt, quæ mentis aciem, repetita & sollicita examina effugiunt, limites intelligentiæ humanæ positos, vel sufficientium datorum penuriam, ad eas ratiocinio, ut par erat, expediendas, palam agnoscere ingenuos & veritatis amantes non pudet: quo pacto nec inani jactantia se Philosophi extollunt, nec se, nec alios decipiunt; verum mortales, gloriæ ex natura cupidos, inflammant, ad ea, quæ abscondita dicuntur, investiganda & explicanda.

Opusculum hoc Physicum in juventutis Academicæ usum conscripsi; cumque ab eo tempore, quo primum in lucem prodit, plurimis inventis Naturalis Scientia insigniter aucta fuerit, eorum nonnulla collegi, & huic editioni addidi, & aliquas demonstrationes prolixiores, minusve universales, mutavi; quædam alia novis argumentis & observationibus illustravi, politius limari, alia, quæ senior atas melius detexerat, expunxi, vel emendavi: In Physica enim usus & observatio continuo aliquid novi apportat, & contingit nonnunquam, ut, quæ antea inter demonstrata fere numerabantur, non omni cum cautela examinata & perpensa fuisse animadvertamus. Abstini a rerum sublimium pertractatione, ne Auditores, qui Philosophiæ/discendæ se accingunt, subtilitatibus defatigarem, & absterrem: eo potius collineavi, ut Physicæ prima duntaxat fundamenta, sed vera jacerem: idcirco amenissima & utilissima elegi, cunctaque clare exponere, præjudicatas opiniones examinare, atque erroneas ex meo aliorumque hominum animo expellere, annisui fui. Nullius partes sequor, nisi Veritatis: Ea, quæ Acutissimus Cartesius bene demonstravit, retinui: Plurima & subtilissima inventa, quibus Illustris Newtonus, (grande illud Britannicæ decus, & cui nulla secula parem tulerunt!) Philosophiam amplificavit, avidè arripui: Nobilissimi & ingenio excellentissimi Viri, Leibnitii sententiam de corporum motorum viribus in ratione velocitatis duplicata amplexus sum, eamque demonstrationibus & experimentis roboravi; quoniam ejus dogmatis veritatem ab hujus eximii Philosophi partibus stare, omnes accuratæ observationes in corporibus motis capta evincunt.

Universis in corporibus Attractionem dari ex multiplici edoctus sum experientia: non ex hypothese, non ex aliquo partium studio, non ex præjudicio, hanc statuo; olim eam cum plurimis aliis Eruditis inter figmenta repositueram; sed multa in corporibus capta pericula, phenomenorum examina repetita, & diu protracta meditationes me prorsus de veritate Attrahentis principii

pii evicèrunt : Non sunt corpora duntaxat Res extensæ, & quæ nihil, præterquam quod ex Extensione fluit, possident, veluti multi Philosophi opinati sunt ; qui hac freti hypothefi, omnia ab externo impulsu corporeo phænomena deducere moliti sunt : a Sapientissimis nostræ ætatis viris abunde probatum est, uti Rerum omnium, ita & Corporum Substantias mentis humanæ aciem fugere, eorum Naturam ignorari, penitus latere, quid intra superficies externas concludatur : Multa observantur attributa, quæ ex Extensione non sequuntur, nec cum ea aliquid commune habent, sed intrinsecus in corporibus morantur, & tantum ex effectibus colliguntur. Quæ Attractionis sunt apparitiones, ab impulsu corporeo externo suscitari non possunt : Quoniam vero Attractio a nonnullis ex Philosophia ejecta erat, omnia phænomena externo impulsui absque accurato examine statim adscripta sunt ; cumque nulla causa impellens sensibus patebat, homines pruritu fervido omnia explicandi acti, subtilissimum aliquod fluidum finxerunt, cui plurimos effectus pro lubitu adscripserunt, adeo ut nihil tam absconditum daretur, quod hujus ope explicari non solebat ; interim nullus Philosophantium ullo verosimili argumento, id Fluidum existere, demonstrare potuit ; quod non mirandum, nam in Natura rerum non existit. Sed liberales simus, dari concedamus ; ab eo Attractionum phænomena effici non posse, cuilibet, vires suas in iis expediendis experienti, patebit : ideo a nonnullis adhuc altera hypothefis in hac hypothefi assumitur, id scilicet Fluidum juxta leges incognitas operari, ut ita hypothefis per hypothefim sanciat : Tantum valent præjudicia & partium studium ! Idcirco difficultates, quas adversus Attractionem Philosophi nonnulli obmovent, nec attingam, nec diluam, cum nullas hucusque viderim, nisi ex hypothefibus immaturis & præjudiciis ortas. Quamplurima experimenta & observationes in dies obviæ Attractionem dari in corporibus clarissime demonstrant ; verum qualis sit hæc attrahens vis, quomodo in corporibus

ribus sedeat , quo pacto operetur in alia ; quamam in proportionem distantiarum semper agat , nequaquam clare intelligimus ; in novo hoc dogmate nimis paucos huc usque progressus fecimus , longe plura desiderantur observata , antequam Leges ejus omnes demonstrari poterunt , ideo vix nostris temporibus quædam ratiociniis Geometricis tractare licuit . Procul igitur abest , ut latentissimas Naturæ operationes levissimo labore & usu unius vocis me explanare affirmem : Forsitan Sapientes eo nunquam pervenient , ut modum , quo vis attrahens operatur , cognituri sint ; quoniam nullarum rerum operationes intelligimus , quamvis effectus ex iis fluentes in dies observemus : Nam quomodo duo sibi occurrentia corpora in se operantur ? quid est Vis in moto corpore ? quomodo vis ex uno in alterum transfunditur ? vel si vim infinita quantitate cuilibet corpori infusam ex hypothese nonnullorum concesserimus , quo pacto vis in vim alterius corporis operatur ? Omnia hæc mortales latent : Qui vero impulsionem corporum clarissime se intelligere autumant , quia quotidie effectus manifesti in oculos incurrunt , ad id , quod effectus producit , non attenderunt . Nec melius cognoscitur , quo pacto corpus humanum in Mentem , rem incorpoream , aut Mens in corpus agit : aut quomodo Spiritus in Spiritum operatur ; cuncta hæc arcana sunt , in quæ penetrare nobis concessum non est . Hisce igitur relictis ad observandos effectus & capienda experimenta nos potius accingamus , ut vera & certa data ratiocinandi acquiramus , exutis præjudiciis , posito partium studio , neglectis inanibus disputationibus , latentem veritatem duntaxat investigemus , Scientiam promoveamus , studium operamque nostram eo dirigamus , ut utilitas inde summa in genus humanum redundet ; nisi enim utile sit , quod facimus , stulta & inanis est gloria . Tum ut Dei O. M. infinita Sapientia , immensa Potentia , nullis linguis satis prædicanda Bonitas , in omnibus creatis indicetur , ostendatur , celebretur ; quæ argumentis ex Physica petitis optime effici

effici possunt: ideo precipuam in eo semper posui curam operamque, ut meis Auditoribus, quacunq; data opportunitate, Divina hæc attributa monstrarem, exponerem, eosque ad veram pietatem, reverentiam & amorem erga Deum inflammarem & adhortarer.



NOI RIFORMATORI

dello studio di Padova.

COncediamo Licenza a *Giambatista Remondini Stampator di Venezia* di poter ristampare il Libro intitolato *Elementa Physicæ &c.* a *Petro Musschenbroeck* osservando gli ordini soliti in materia di Stampe, e presentando le Copie alle Pubbliche Librerie di Venezia, e di Padova.
 Dat. li 22. Luglio 1761.

(Angelo Contarini Proc. Ref.

(Francesco Morosini 2. Cav. Proc. Ref.

Registrato in Libro a Carte 94. al Num. 306.

Giacomo Zuccato Seg.

OR-

O R D O C A P I T U M.

Disputatio Historico-Physica de rerum
Corporearum Origine & Constitutio-
ne. Pag. I.CAP. I. De Veterum Sententia circa Mundi Originem
ad Philosophiam usque Græcanicam.

- §. I. **Q**uid Principia, quid Elementa? 2
Doctrina Hebræorum de rerum corporearum o-
rigine. ibidem.
- §. III. Chaldæorum doctrina de rerum corporearum origi-
ne. 3
- §. IV. Persarum, Indorum, & Serum Physiologia. 8
- §. V. Phœnicum Physiologia. 10
- §. VI. Egyptiorum Physiologia. 12
- §. VII. Thracum doctrina de rerum corporearum origine. 16

CAP. II. De Physiologia Græcanica.

- §. I. De Secta Ionica. 18
- §. II. De Secta Italica, deque ejus Auctore Pythagora. 20
- §. III. De Sectis, quæ ex Ionica & Italica prodire, & primum de Academica seu Socratica, & Platonica. 25
- §. IV. De Aristotile ejusque Peripatetica Secta. 29
- §. V. De Secta Stoica. 34
- §. VI. De Secta Eleatica. 36

CAP. III. De Physiologia Recentiorum.

- §. I. De Litterarum miserrimo statu, earundemque restauratione. 46
- §. II. De Præcipuis Italis, qui pro litterarum restauratione suam dederunt symbolam. 47
- §. III. De Gallorum Philosophorum post renatas litteras co-
riphæo Renato Cartesio. 53
- §. IV. De Præcipuis Britannis Philosophis. 58
- §. V. De Præcipuis Germanis Philosophis. 65

ELE-

ELEMENTA PHYSICA.


CAP. I.	DE Philosophia & regulis Philosophandi.	pag. 70.
II.	De Corpore in genere ejusque Attributis.	76
III.	De Spatio vacuo.	107
IV.	De Loco, Tempore & Motu.	121
V.	De Potentiis prementibus.	134
VI.	De Viribus Corporum motorum.	138
VII.	De Gravitate.	152
VIII.	De Mechanica.	180
IX.	De Attritu Machinarum.	203
X.	De Motu Composito.	211
XI.	De Descensu Gravium supra planum inclinatum.	220.
XII.	De Oscillatione Pendulorum.	224
XIII.	De Motu Gravium Projectorum.	236
XIV.	De Viribus Centralibus.	240
XV.	De Corpore Duro, Molli, Flexili, Elastico.	247
XVI.	De Percussione.	251
XVII.	De Corporibus Electricis.	263
XVIII.	De Corporum Attractionibus.	271
XIX.	De Cohærentia.	301
XX.	De Fluido in Genere.	319
XXI.	De Actione Fluidi ex Gravitate.	326
XXII.	De Fluido per vasis foramen fluente.	333
XXIII.	De Fluidis prosilientibus.	343
XXIV.	De Corporibus Firmis Fluido immersis, & de Gravitate specifica.	345
XXV.	De Aqua.	365
XXVI.	De Igne.	386

DISPUTATIO PHYSICO-HISTORICA,

De rerum corporearum origine & constitutione.



UI in studiis hodie Physicis atque Mathematicis versantur, ita a novis rapiuntur ingeniis, itaque omne antiquitatis refugiunt commercium, ut nihil ferme probent, quod aut ipsi, aut recentiores isti Philosophi non invenerunt, aut adornarunt: veterum vero ingeniorum conatum aut velut minus utilem negligunt, aut velut puerorum contemnunt. Præterea in severioribus disciplinis consummati ita omnia fastidire videntur, quæ Geometrarum, & Arithmeticorum non sapiunt oleum, ut, quemadmodum olim Plato, iis omnibus ad se aditum occludant, qui Geometrico pulvere non sint conspersi. Ego etsi non negem plurima ævi nostri Philosophos effecisse, & rebus ipsis Mathematicis auctis, illustratisque, cetera quoque Philosophiæ studia aucta & illustrata intelligam, iisque impense delecter, & Mathematicorum scitis, sicubi id fieri potest commode, utar libentius: tamen in ea sum sententia, historiam philosophicam omnis ævi, omniumque nationum, Philosopho esse non ad ornatum tantum & pompam, sed ad scientiam maxime perutilem, nullumque esse ullius ingenium sapientiæ amatori negligendum. Quum enim mens nostra sit brevis, pluresque, ut in proverbio est, cernant acutius, quam pauciores; & præterea in præcipuarum rerum inventionem, non tam industria & solertia, quam natura ipsa & casus contulerit, maximum profecto lumen est allaturus Philosopho, omnis ævi, omniumque nationum de natura rerum sensus, ejus vero defectus non incomtum modo eum & quasi rusticum, sed minus etiam doctum facturus. Accedit eodem, quod quum disciplinæ omnes non plenæ, perfectæque inter Adæ posteros de Cælo ceciderint, sed sint inventæ, auctæque paulatim, juvat haud dubium scire, quando, & a quibus, & qua via ac ratione inventæ eæ primum sint & excultæ. Quocirca optime eos de Republica litteraria meritos censeo, qui (suere autem plurimi, &



& docti quidem atque eruditi) Philosophiæ historiam sunt persecuti. Cujus nunc ego partem unam, *de rebus corporearum origine & constitutione*, eamque per summa capita explicaturus, ut Physicæ tironibus morem geram, doctos quidem rogo mihi ut ignoscant, si graves res quasdam, minime quas fere tironum captus possit, aut omitto, aut attingo leviter; tirones vero, si aliquando (quæ scribentis labori iusta datur venia) & genio indulgeo, & paullo longius, quam ferre ii possunt, divagor.

C A P. I.

De Veterum sententia circa mundi originem ad Philosophiam usque Græcanicam.

§. I. *Quid Principia, quid Elementa.*

QUI veterum Philosophorum sententias circa rerum corporearum originem hucusque explicuerunt, in eo sunt omnes, quod scio, hallucinati, quod non recte inter ἀρχαί, *principia*, & στοιχεῖα *elementa* distinxerint: quum id in historia rerum Physicarum perdiligenter sit discriminandum, si veteres Philosophos intelligere velimus. Sunt autem ἀρχαί *principia universi activa*: στοιχεῖα vero res illæ, ut ut inertes, & quibus velati ex materia quadam, universum conflatur. Vi igitur τῶν ἀρχῶν, στοιχεῖα coagmentantur, hæcque corporumque series, ordinemque conficiunt. Confirmari id plurimis posset veterum Græcorum Philosophorum locis, nisi esset supervacaneum. Sed conferatur Plutarchus *de placitis Philosophorum*.

§. II. *Doctrina Hebræorum de rerum corporearum origine.*

DE origine autem mundi Philosophis sibi non convenit. Quibusdam, quod magis simile vero est, & quo omnes duce natura vehimur, nec æternum illum, & genitum, placuit: aliis genitum quidem, sed æternum: nonnullis nec genitum, & æternum. Qui autem genitum fecerunt, plurima sunt in dissensione ac varietate positi: nec enim de causa genitricæ, nec de ratione, qua sit genitus, nec de elementis, elementorumque natura, atque vi, con-

veniunt. Quod ut intelligatur clarius, facto a vetustissimis nationibus principio, præcipuarum annumerabimus opiniones. Auspicabimur autem ab Hebræis, si non ætate, at certe dignitate, & Philosophiæ præstantia, longe clarissimis.

Statum est certumque Hebræorum dogma, *mundum nec esse æternum, & a Deo esse creatum*: Deum vero esse ens intelligentissimum, potentissimum, optimum. Quod etsi passim legatur in libris Hebræorum sacris, tamen ex instituto explicatur a Mose sub Geneseos initio. Sic autem eo in loco Vulgata nostra. *In principio creavit Deus Cælum & terram; terra autem erat inanis & vacua, & Spiritus Domini ferebatur super aquas. Et dixit Deus fiat lux &c.* Ex eo loco hæc deducere posse videmur 1. Ex Mosis doctrina Deum esse primum, unicumque Mundi ἀρχὴν & δημιουργὸν opificem. 2. Ab eo omnium primum conditum esse chaos, quod *maim*, aquas vocat, aquas vero pro Massa fluida accipit. 3. Hoc fluidum *vehementissimo motu* agitatam, qui est *ruah Jehovah*, Spiritus Dei (1). 4. Hinc mechanicis legibus efformasse Planetas, & Stellæ. 5. Porro produxisse in Tellure *vires genitrices* animantium, plantarumque verbis illis, *producat terra herbam, quadrupedia, volatilia, pisces &c.* 6. Tandem homines, animantia nempe ratione prædita, effecisse (2).

§. III.

(1) Eum Spiritum vocabulo *Amor*is a veteribus nominatum scribit Cudworth *System. Intell. c. 4. §. 14.* Moshemius vim quandam in natura activam, & genitricem vocabulo illo designatam propugnat, *adnotat. 57. ad eundem §.* Quæ eadem opinio fuit Theophili ad Autolycum, & aliorum veterum Patrum.

(2) Quum nullus Scripturarum locus æque sit obscurus, nullusque Religionis, & Philosophiæ magis intersit, hac de re paulo luculentius commentari operæ pretium est. In primis Geneseos verbis interpretandis in diversa abeunt Linguæ Hebrææ docti. Sunt quidam, qui opinantur prima illa verba sic verti posse, *Quum primum creavit Deus Cælum & terram, terra erat inanis & vacua.* Qui si is idem est Mosaicus scripti sensus, videtur Moses in ea fuisse sen-

tentia, qua ceteræ ferme nationes, chaos præexistisse mundi generationi. Reapse qui hunc in modum verti verba illa posse docent, in primis Richardus Simonius *In Hist. Crit. vet. test.*, non dubitant asserere, ex hoc Geneseos loco nullo modo materiæ creationem ex nihilo deduci posse. Eodem vero redit interpretatio Hieronymi Oleasri, qui verbum *bara* vertit *divisit*, ita, *in principio divisit Deus Cælum, & terram.* At fidem omnem superat, Rabbini Maimonidem, cujus magna est apud Hæbræos existimatio, audacter adfirmasse, non materiæ modo, sed ne mundi quidem creationem disci posse ex hoc loco: quod nempe Moses de Deo loquatur ex populari sensu. *In More Nebuchim part. 2. cap. 25.* Alii vero censuerunt mundi generationi chaos nunquam præexistisse, etsi

§. III. Chaldaeorum Doctrina de rerum corporearum Origine.

HÆc est de origine mundi divinatorum librorum doctrina. Ceteras autem res naturæ quod spectat, non valde eas curasse Hebræos, earumque proinde valde fuisse rudes, in confesso est. Accedamus nunc ad Chaldaeos, celeberrimam olim Asiæ Philosophorum sectam, & antiquissimum doctorum genus, ut loquitur Cicero (a). Vetus oraculum memoratum Eusebio (b) ex Porphyrio, Chaldaeorum æque atque Hebræorum sapien-

(a) L. 1. de Divinat. (b) Præp. 9. 10.

id populariter, & ad captum Hebræorum sit a Mose narratum; sed omnia esse eodem temporis momento a Deo facta, eoque digesta ordine, quo nunc sunt. Ita, præter alios, sensisse videtur Beatus Augustinus, vir in primis doctus & acutus. At alii ex opposito sex annis ex Chaos mundum, aut potius Tellurem nostram, mechanicis legibus formatam autumant. Ita Wisthon in *Theoria Telluris*. Legatur examen Theoriæ Telluris Burnetii, cum animadversionibus in Theoriam novam Wisthoni, a Keillio editum. Sed omnes sententiæ istæ uno, eoque perquam validissimo argumento confutantur, quod & vim Mosais verbis inferunt, & vetustæ Hebræorum omnium, atque Christianorum sentientiæ traditioni adversantur.

Strabo autem Geographus, ut & quidam alii Gentiles, alia videntur Mosaicam doctrinam ratione interpretati. Strabo enim in xvi. Geographiæ, scribit, ex Mosi sententia Deum esse τὸ πᾶσι χορηγῶν ἀπλῆτας ἔχον, ἔδαππας, ὃ καλεῖται ἄρᾶν, ἢ κόσμον, καὶ τὴν τῶν ὄντων φύσιν. nempe, quod nos omnes continet, terram, & mare, quod Cælum & mundum, & rerum omnium naturam appellamus. Straboni similia scribit Diodorus Siculus in *Biblioth. hist.* lib. 40. in *Eclogis* apud Photium

Myriobibl. Cod. 244. In quam sententiam videntur inducti ex eo, quod nulla Idola, nulla Tempa videntur a Mose inducta. Ex ea certe causa Juvenalis *Satyr.* xiv. v. 98. de Judæis scripsit:

Nihil præter Nubes, & Celi Numen adorant. Sed auctores istos imperitiæ potius rerum Hebraicarum, quam malitiæ accusaveris. At non eodem modo ferri potest Tolandi impudentia, qui in *originibus judæicis* pag. 157. & alibi non veretur Strabonem apertæ Mosi narrationi præferre. Præsidium iners ex Dei nomine *Jehovah* accersis, quod primum Moisi usurpatum constare ait ex ipso Mose, apud quem Deus nemini id iudicasse antea dicitur. Id vero vocabulum, quod ita Tolando placet, significat τὸ ὄν Græcorum, mundum incorruptibilem, æternum, & interminabilem. Sed quam hæc sunt putida! diserte enim Moses tradidit hunc *Jehovah* mundum condidisse: id conservare summa libertate, quum possit destruere, idque plurimis eventis demonstrasse: omnia ab eo pendere, esseque coram illo inania: vetat prætereā ullam fieri *Jehovah* imaginem, quod nulli rei assimilari possit. An qui hunc in modum loquitur, Deum cum Universo confundit? Quæ quum sint, pudet me Tolandi interpretationes pluribus confutare.

pietiam conjungit, atque commendat, *Μένει χαλδαίοι σοφίαν λαχόν*, ἢ δ' ἄρ' Εἰβραίοι, *Chaldaeis solis sapientia cessit, Hebraisque*. Astronomiæ fama celeberrima apud veteres fuisse Chaldæi. Alexandri Macedonis tempore 470000. annorum observationes astronomicas jactasse dicuntur (a). Sed observationes Astronomicæ, quas Callisthenes ad Aristotelem misisse scribitur, quasque ex Porphyrio memorat Simplicius (b), annos continebant 1903., quorum initium retrogrediendo incidit in annum mundi 1750., in annum vero post diluvium 94., quo circiter tempore, ex Hebraica Chronologia, Babylonicæ turris constructio facta est. Vide Stanleyum loco citato & Marshamum (c). Plinius vero (d) hunc in modum scribit: *Epigenes apud Babylonios DCCXX. annorum observationes siderum cotilibus laterculis inscriptas docet, gravis auctor in primis. Qui minimum Berosus & Criodemus CCCCLXXX. annorum*. Fuit autem Epigenes circa Alexandri tempora, ut conjicit Burnetius in Archæologiis (e). Quidquid ejus sit, ex veterum testimoniis constat, antiquissimos fuisse Chaldæos Philosophos. Id autem narrationi Mosaicæ valde est consentaneum: quandoquidem primi post diluvium mortales ea incoluerunt loca, in quibus postea Chaldæi floruisse dicuntur, circa Armeniam nempe, Mediam, Partæjam, Assyriam, Persiam &c. (1).

Tom. I.

B

Ex

(a) Stanl. par. 13. sect. 1. c. 1. (b) In prim. de Calo.

(c) Can. Chron. lib. 4. p. 504. (d) Lib. 5. cap. 56.

(e) Lib. 1. cap. 9.

narrationi præferre. Præsidium iners ex Dei nomine *Jehovah* accersit, quod primum Moyfi usurpatum constare ait ex ipso Mose, apud quem Deus nemini id indicasse antea dicitur. Id vero vocabulum, quod ita Tolando placet, significat τὸ ὄν Græcorum, *mundum incorruptibilem, æternum, & interminabilem*. Sed quam hæc sunt putida? diserte enim Moses tradit hunc *Jehovah* mundum condidisse; id conservare summa libertate, quum possit destruere, idque plurimis eventis demonstrasse: omnia ab eo pendere, esseque coram illo inania: vetat præterea ullam fieri *Jehovæ* imaginem, quod nulli rei assimilari possit. An qui hunc in modum loquitur, Deum cum Universo confundit? Quæ quum sint, pudet me

Tolandi interpretationes pluribus confutare.

(1) Veteres Scriptores artium & disciplinarum omnium apud vetustas has nationes cultores quidem Chaldæos faciunt, inventorem vero Zoroastrem, aut Zardhust. At quis mortalium fuit Zoroaster, quo tempore vixerit, unus ne, an plures fuerint, tam est inter eruditos controversum, quam quod maxime. De Zoroastre Persico, aut Bactriano recentiore illo Persicorum Magorum institutore, probabiliora quædam produxit vir veteris Persicæ linguæ callentissimus Thomas Hyde, *De veteri Persarum Religione*. Sed & ea varie interpolata atque corrupta esse censet vir Polystor Albertus Fabricius *In Biblioth. Græc. lib. 1. c. 36.*

Ex iis autem qualibuscumque Chaldaeorum litterarum fragmentis, aut potius, ut ego puto, ex traditione magna ex parte a Græcis depravata, vel etiam conficta, hæc de universo apud Chaldaeos doctrina colligitur a Stanleyo. Naturarum omnium tres classes Zoroastrem partitum, scribit Pletho in oraculis. In prima classe eas posuit naturas, quæ nec initium habuerunt, nec finem sunt habituræ: in altera eas, quæ initium habuerunt, fine vero sunt carituræ: in tertia perituras. Ad primam classem pertinet Supremum Numen, seu unicum illud & bonum principium rerum omnium. Reperitur in his Chaldaicis fragmentis principium hoc vocatum ignem *or*, vel *our*. In oraculis Zoroastriς *ὑπατον πῦρ supremus ignis* (1). Ab hoc aeterno igne emanasse *ὑπερκόσμιον φῶς Supramundanum lumen*, infinitum, idemque incorporeum, ac lucidum spatium, intellectualium naturarum sedem beatam, ex Chaldaeorum doctrina tradidere Græci. Sed crediderunt ne ita ut loquebantur, an pro Orientalium nationum genio tropis indulgente, aliud intellexerint, forte ipsam Dei intellectivam, & vivificam vim, incertum. Scimus Daniele(m) (a) simili loquendi modum scribere, *Deum incolere lucem*; & quidem *lucem inaccessam*, ut loquitur Paulus (b). Christianorum quoque opinio est communis, Empyreum Cælum, idest, si verbum verbo reddas, *Cælum igneum*, sedem esse beatorum. In Apocalypsi Joannis *Fluvius igneus a facie Dei exire scribitur*. Hæc tamen Theologi allegorice solent interpretari: sed nihil vetat & cum naturali sensu accipere: consentaneum id enim est Religionis nostræ principiis. Hæc do-

(a) Cap. II. v. 22. (b) 1. ad Timoth. 4. v. 16.

quamquam Pridaus in historia Judæorum nimium hæc extollit. Ego (quum ejus libri copiam mihi fecisset ex ditissima Bibliotheca sua Neapolitanarum litterarum Mecænas, non avita tantum nobilitate, quam litteris & virtute magnus *Mattheus de Sarno* a Fabricii opinione non dissentio. At de Chaldaeorum Zoroastre, ut ut vulgata plurima incerta omnia. Sed similis vero veteres nationes plurimorum inventa in personatum quempiam retulisse; Ægyptios in *Mercurium*, Thraces in *Orpheum*, Lydios in *Marsyam*, Celtas in *Arimanium*, Germanos in *Tuisconem*, ut Chaldæi in Zoroastrem. Legatur

Vicus noster in Tabula Chronol ad Scientiam Novam, Deslandius *Histoire Critique de la Philosophie tom. 1. pag. 220. Urfinus de Hermese Zoroastre &c.* alique.

(1) Hinc ignis cultus apud Chaldaeos & Persas. Fortassis & inde Oppidum, unde Abrahamus vocatus a Deo venit in Chananitidem, *Ur* dictum: nam *Ur* illud non ignem, ut plerique opinati sunt, sed oppidum, ad Mesopotamiæ Septemtrionem, Tigrim versus, memoratum quoque Ammiano Marcellino lib. xxv. c. viii. plurimis probat Samuel Bochartus *Phaleg. lib. 1. cap. 2.*

docent, resurrectura olim beatorum corpora *Spiritualia*, atque lucidissima: par ergo est credere & lucidissimam corpoream sedem habitura. Quidquid sit, hæc ad litteram intellecta a veteribus verò valde est simile. Nam veteres nationes tam sublimes atque metaphysicas de rebus divinis cogitationes non habebant: simplicius, ut vivebant, cogitabant. Nec nos remorari debet, vocatum ab illis ignem incorporeum: mos enim fuit veterum ferme omnium, etiam Philosophorum, crassiora tantum corpora vocare *corporea*, subtiliora *incorporea*, ut præter alios docet Basilus de *Spiritu Sancto*, & Psellus de *Dæmoniis*; & pluribus ostendunt Petavius de *Angelis*, & Huetius in *Origenianis*. Jam hic ignis per universam materiam diffunditur, eamque vivificat: unde in oraculis itidem vocatur *ζωογόριον πῦρ vivificus ignis*. Qua etiam de re appellari potest *mundi anima*, *natura genitrix*. Cum hac autem natura genitrice conjungendæ sunt, si credimus Psello, ex Chaldæorum doctrina *potentiæ mundanæ*, quæ auctore eodem Psello, ex Chaldæorum sententia, *Sola & indeclinabilis mundorum causa sunt*. Hæ autem potentiæ an *ideæ* sint Divinæ Mentis Philonis (a), an *Dii minores* Timæi (b), an abstracta & separata Platonis exemplaria, an quid aliud, parum scire refert. Id certe magna consensione veterum scriptorum de Chaldæis discimus, eos ante corporeum hunc mundum, mundum alium naturarum incorporearum a Deo genitum, illumque primum omnium lumine illo Dei illustratum, docuisse. Vide Stanleyum loco superius citato. Quod & placuit Patribus ferme omnibus Græcis, Latinorumque pluribus, qui *plures æternitates* (ut verbis loquar Hieronymi) *Angelos ante corporeum mundum conditos* docuerunt. Legatur Petavius de *Angelis*.

Ad res corporeas quod adinet, materiam Chaldæis æternam positam, scribit Diodorus Siculus (c): & Chaos mundo præexistisse, quæ antiquarum omnium gentium opinio fuit, docet Eusebius in præparatione. Ex ea autem materia conflatos tres præcipue mundos oracula tradiderunt 1. *Empyreum*, qui proxime supramundano subjacet lumini, quique sit *σεπτουα*, *solidum firmamentum* rotundissimum: 2. *æthereum*, qui Empyreio adjacet: 3. & crassum omnium infimum, quem solum vocant *materialem*, quod crassus & tenebrosus sit. Sed Franciscus Patricius eos hoc ordine distribuit. 1. Empyreus. 2. Ætherei, nempe orbes fixarum

B 2

& Pla-

(a) De gubern. mundi. (b) Plato in *Timæo*. (c) L. 2.

& Planetarum, excepta Luna. 3. Elementares, aereus, aqueus, & terrestris. Observatione autem dignum est, quod traditur Psello, Empyreum tributum *Menti*, æthereum *Animæ*, materiale seu crassum *Naturæ*. Quæ quidem pol credo nisi Oedipus intellexerit, *interpretari alium posse neminem*. Sed & illud quoque observandum est, Planetas, ex oraculorum doctrina, statui Ζῶα πλανώμενα *animantia erratica*. Quod reperias passim alios usurpasse Philosophos Græcos, qui habitatos esse Planetas, aut saltem *interiora quodam spiritu ali*, & *moveri*, magna consensione docuerunt. Jam vero Gens Astrologiæ Judiciariæ, ut magna veterum pars, impense addicta, credidit septem has erraticas stellas, habere rationem causarum agentium in unumquodque eorum, quæ in vita accidunt. Qua persuasione (et si non defuerint magna ingenia, præsertim in Italia nostra, quæ desertæ causæ patrocinium susceperunt, Cardanus in primis, vir haud dubium doctissimus) nihil esse stultius potest. Atque hæc est Chaldaica physica, si vera oraculorum compilatores narrant. Ex his licet conjicere elementa mundana ex Pseudo-Chaldaica hac Philosophia, esse. 1. lumen supramundanum. 2. ætherem. 3. materiam. 4. mentes. 5. animas. 6. naturas.

§. IV. Persarum, Indorum & Serum Physiologia.

A Cœdamus nunc ad Persas, Indos, & Seres, qui profecto inter primos Telluris incolas connumerandi sunt, seu profanos, seu sacros historicos consulamus. Nam Seres, & Sineses antiquissimam esse gentem, litteris, armis, vitæ commodis jamdiu florentissimam, Sinesium annales tradunt. Indos vero, Celto scythas, hisque conterminos Medos atque Persas Græci Latinique faciunt populorum vetustissimos. Qua de re vide Justinum Trogi(a), Paulum Pezronium, Sufordium in historia sacra & profana, qui a Noë Seres natos valde putat probabile. Historia autem Mosaica docet in Armeniæ Montibus primum confedisse Noemi posteros: ergo eæ omnium primum regiones cultæ, quæ ab Armenia Orientem spectant Solem, utpote & mediterraneæ, & planiores, & aquis perennibus irriguæ. Fuere his nationibus sui sapientes, qui uti apud ceteras alias nationes antiquas, φιλόσοφοι erant, atque φιλόδοτοι, ut Suidæ vocibus utar verbo Μάγοι. Est autem id obser-

van-

(a) In 2. cap. 1.

vandum apud veteres quasque nationes, eosdem & *Sapientes*, & *Theologos*, & *Sacerdotes* fuisse.

Quæ fuerit Persarum de origine mundi sententia, incertum: nihil enim ferme tradunt veteres præter hæc duo: Persas & ovum mundi symbolum statuisse, & ignem coluisse (a); in quo cum Aegyptiis, Phœnicibus, Phrygibus, Chaldæis, Thracibus Orphicis, & vetustis Græcis consentiunt. Qui hæc interpretantur, non sibi conveniunt. Ignem colere veluti supremi Dei simulacrum scripsit Maximus Tyrius (b): quod sane perspecte eum interpretari censeo. Duo ergo Persæ universi principia, ovum Chaos, quæ est materia; & ignem, idest ἀρχή, Principium activum, & mentem, statuerunt. Quæ quum sit & cæterarum nationum sententia; inde patet, cur ovum symbolum mundi apud veteres ferme omnes nationes reperiatur; ignis vero tam latè per Asiam, Africam, & Europam cultus fuerit. Jam doctrina ignis Persarum eum Chaldæica illa oraculorum consentit (1).

Porro Indorum duo fuisse sapientium genera, *Brachmanes*, & *Germanes* (seu *Sarmanes* ex Clémente Alexandrino, *Samanes* ex Porphyrio) auctoritate Megasthenis veteris Indicarum rerum scriptoris, docet Strabo (c). Celebratissimi sunt in Græca, Latinaque historia Indorum *Gymnosophistæ*. Quæ autem horum fuerit de origine mundi sententia, non admodum liquidum est. Mundi materiam aquam extitisse censebant, si Straboni fides: fluidum scilicet chaos, ut ego accipio; in quo cum reliquis orientalibus conveniebant. Nec tamen ἀρχή excludebant; Deum enim omnium Opificem faciebant. Παλιγγενεσίαν *Regenerationem* admitterant omnium rerum, uti tradit Clemens Alexandrinus (d); quæ res non eodem modo ab omnibus accipitur. Sunt qui in hac doctrina Pantheismum reperiunt: quasi nempe veteres Indi, uti Siamenses, & Sineses hodierni, agnoverint, Mundum ex duobus conflatum, 1. materia crassiore; 2. & ætherea atque activa, quæ sit mundi *Spiritus*: Inde vero deduxisse, rerum omnium generationem esse variam modifi-

B 3

ca-

(a) *Voss. de Idolol.* l. 2. c. 64. (b) *Dissert.* 38.(c) *Geogr. lib.* 15. (d) *Stromat.* 2.

(1) Nihil hic memoro de duplici mundi Principio, bono uno, malo altero, quæ Zoroastrem Persam induxisse contendit Bælius *diff. art. Zoroast.* Vir enim veterum rerum Persicarum peritissimus Thomas Hyde *de vet. Persar. Relig.*, eumque secta-

tus Humphredus Prideaux in *hist. Jud. &c.* negant id unquam ex Zoroastriis libris deduci, aut unquam Zoroastrem docuisse, cœva esse principia illa, ut ut minus docti sic crediderint.

cationem æthereæ cum crassiore materia, mortem vero esse *παλιγγενεσίαν*, idest transitum *Spiritus*, seu ætheris ex uno in aliud corpus, quæ & *μετεμύχως* quoque sit. Revera qui de rebus Indicis & Sinensibus nostra memoria ad nos paullo certiora retulerunt, non dubitant hujusmodi apud illos Pantheismum regnare, eumque ab antiquis derivari (a). Proditum quoque a recentioribus istis scriptoribus est, Indos Philosophos rerum omnium emanationem ab una Dei substantia, exemplo Araneæ telam e sinu suo evomentis, describere, aut Oceani & vasculorum ex aquis Oceani repletorum (b). Ego ista affirmare nolim ex ejusmodi loquendi tantum modis emphaticis, aut ex emphaticis exemplis: quum utrumque gentile sit Orientalibus Gentibus.

§. V. Phœnicum Physiologia.

Succedant his Phœnices populi perantiqui ad imam oram Maris mediterranei sit. Hæc gens adeo litterarum fama percubuit, ut apud plurimos vulgatum fuerit, litteras a Phœnicibus inventas, ut tradit Plinius. Numeros etiam invenisse dicuntur, tum & Astronomiam, seu Sideralem scientiam: ad hæc Nauticam, & nova per Oceanum itinera, quæ apud Herodotum & Diodorum descripta habes. Omnimodæ tandem Philosophiæ peritos Phœnices facit Strabo (c). Sed ut veterum aliorum Philosophorum, qui Græcos præcesserunt, ita Phœnicum nihil ad nos distincti pervenit, præter fragmenta quædam Sanchoniathonis Berytii, qui ante Trojana tempora vixisse dicitur, quæ tamen viri docti plurimi in dubium revocarunt (1). Ea in ordinem diges-

(a) Desland. in *hist. crit. Phil. lib. 1. cap. 7.*

(b) P. Bouchet *lottr. édisan. 13. c. 148. Badius in dict. Art. Japon.* (c) *Geogr. 14.*

(1) Viri, ut dixi, plurimi, iique doctrina conspicui imposturam aliquam hac in re subodorantur. Et primum quidem, quod ad ætatem hominis istius pertinet, fabulosum id esse plurimis argumentis demonstravit Antonius Vandalus in *Dissert. super Sanchoniathone*. At novem illos Sanchoniathonis libros non a Philone Bibliensi versos ex Phœnicia linguæ, sed confictos; aut certe a posteriori alio Græculo suburratis suspicatus est Joannes Henricus Ursinus de *Zoroastre, Hermete, & Sanchoniathone*. Henricus vero Dodwellus duas

an. 1691. edidit epistolas Anglicanæ linguæ, in quibus id ex instituto aggressus est demonstrare, Sanchoniathonis illa orania primum a Philone Biblio conficta, dehinc ab aliis nullo judicio, ut erant bona ex parte antiqui, adoptata. Richardus Simonius, quo apud me nemo his in rebus nasutior, circa tempora Porphyrii Historiam Sanchoniathonis confutam conjicit in *Biblioth. crit. tom. 1. cap. 1x.* Quod tamen minus verum videtur: quandoquidem Athenæus *lib. 3. c. 36. Dipsos.*, qui integro ferme seculo est Porphyrio anti-

digessit Cumberlandus, commentariisque illustravit. Ex his fragmentis hæc de rerum *Origine & Constitutione Phœnicum* fuisse videtur doctrina. 1. Universo huic præexistisse *chaos turbidum, seu aerem tenebrosum*, idque per infinitum prope tempus. 2. Huic chaos *πνεῦμα Spiritum*, quem vim genitalem interpretatur Grotius (a) 3. Hunc *Spiritum* tandem aliquando captum amore *ἡδὴ ἰδίων ἀρχῶν*, *Principiorum suorum* idque Platonicos, ut videtur, (seu id Sanchoniatho, seu Philo excogitaverit) ætius se Chao immiscuisse, eamque commistionem vocatam *cupidinem*. 4. Ex hoc conjugio natum *Μῶρ* (Mosaicum abyssum interpretatur Grotius) seu materiam quandam paullo corpulentiorē, licet mollem. 5. Hinc tandem factum rerum omnium *Seminarium*. Atque hunc in modum locus ille (b) ab Eusebio prolatus coagmentandus & explicandus est, si Auctorem sibi constare velimus. Apparet autem hinc. 1. Materiam universi statui fluidam & tenebricosam. 2. Principium poni naturam non genitalem solum, sed & intelligentem, uti ex vocabulis *ἰδίων ἀρχῶν* liquidum est. Non recte igitur Eusebius hanc Phœnicum cosmogoniam atheismi insinuat, quasi a mundi creatione omnem supremæ mentis curam

B 4

ex-

(a) *De verit. Relig. Christ. l. 1.* (b) *L. 1. præp. c. 10.*

quior, Moschi simul meminit, & Sounietonis Phœnicum scriptorum: *peregrinus autem sit oportet* (inquit eum in locum Casaubonus) *in Republ. literaria, qui neget pro Σανκιάωνι scribendum esse Σανχωνιάωνι*. Mitto quod addit ibidem Casaubonus, ejusdem Sanchoniathonis & Philonem Judæum, & Josephum meminisse: *in quo*, inquit Fabricius, *proculdubio memoria excidit*. Gratum saltem fecisset, si Philonis, & Josephi loca indigitaſſet. Ipse vero Albertus Fabricius *Biblioth. Græc. lib. 1. xxviii. §. 3.* variis prolatis opinionibus, rem, ut mihi videtur, in medium relinquit; at in partem negantem inclinat, *Budæi* judicio. Ego in Fragmentis Sanchoniathonis Platonismi vestigia deprehendi, non nego: at id satis non est, ut de libri genuinitate dubitemus: potuit enim id ab Interprete Philone proficisci. Sed illud me magis commoveret, quod sequitur. Scripsit Philo iste Bibliensis, ut ex Suida conjicit Vossius, circa primi se-

culi finem, quo tempore Ethnicorum Religio eam maxime ob rationem contemptui esse cœperat, quod Deorum pluralitatem inducebat. Ethnici Philosophi, ut causam suam honestius defenderent, tantam Deorum, Dearumque copiam ad Physicas revocabant causas, & allegorias esse naturalium rerum docebant, Stoicorum potissimum exemplo. At Philo id videtur indignatus, quantum ex ejus præfatione in libros Sanchoniathonis, quam retulit Eusebius, patet, eamque ob rem ait in eadem præfat. se vertere voluisse Sanchoniathonis libros, ut avitam sustineret Religionem, demonstraretque tanti Theologi auctoritate, tot Deos virtutis merito factos. Hinc illæ lacrumæ! Nam alioquin scimus Ethnicos alios in eundem finem plura alia commentos. Sola Apollonii Thianæi vita a Philostrato scripta id evincit. Sed hæc talia sunt, ut ea neque negare, neque affirmare sit animus.

excluserint. Rectius Grotius vestigia quædam Mosaicæ doctrinæ in hac narratione agnoscit (a).

Sed & illud non est tacendum, doctrinam *atomorum*, quam Leucippus, Democritus, Epicurus tam celebrem effecerunt, Phœniciis plurimos tribuere. Strabo enim (b), & Sextus Empiricus (c) Moschum quendam Phœnicium (Moschum alii legendum utrobique putant) qui ante Trojæ excidium vixisse creditur, doctrinæ atomorum inventorem faciunt. Ex instituto hac de re & prolixè disputat Radulphus Cudworthus sub initium Systematis intellectualis, ibique vir elegantissimus & acerrimi iudicii Moshemius. Non vacat horum disputationem aut describere, aut colligere. Duo addo. 1. Hæc narratio unius Posidonii fidei nititur, de qua nonnihil addubitare videntur Strabo, & Sextus: re enim narrata uterque addit, *εἰ δὲ δὲ Πόσιδωνος πεισθῶσι* Posidonio creditur: quod acute observatum Burnetio (d). Alterum idem observat Burnetius: *non mihi videtur*, inquit, *indolem antiquissimorum temporum referre iste modus philosophandi per hypotheses, & systemata, quem modum ab introductis atomis sequebantur Philosophi*. Hæc Græcanica sunt, ut par est credere, & sequitoris ævi. Quamquam non video cur aut Phœnices Græcis habendi sint agrestiores, quando constat humanitatem a Phœniciis venisse ad Græcos; aut admittendæ sint hypotheses & systemata, statim ac quis atomos corporearum rerum esse elementa dixerit. Quod vero Huetius (e) contendit Moschum hunc eundem fuisse ac Mosem *argumentis id facit tam infirmis*, inquit Buddeus (f), *ut paucos in sententiam istam sit pertracturus*.

VI. Ægyptiorum Physiologia.

Ventum est ad Ægyptios. Antiquissimam eam esse Gentem, & litteris olim florentissimam, gravissimi tradunt Auctores. Bochartus Chamum facit Ægyptiorum fundatorem (1). Sed ego ut tantam Ægyptiorum antiquitatem ab-

- nuo,
(a) *De verit. Relig. Chr. Lib. 1. §. 15. adnot. 2.* (b) 16.
Geog. (c) *Lib. 1. adv. Physic.* (d) *In Archeol. pag. 360.*
(e) *Dem. Evan. pr. 6.* (f) *Hist. Phil. c. 3. ad §. 14.*

(1) Idque duobus maxime argumentis. I. Quod in Sægis Hebræorum litteris 1. *Paralip. iv. v. 40.* & alibi, Ægyptus vocetur terra Cham. II. Quod ipsi Ethnici Scriptores Hamoniam Ægyptum appellant, in Sa-

cris vero Ididis *χρημα* dicatur, auctore Plutarcho *de Iside & Osiride*. At, ut eidem Bocharto observatum, quum vocabulum Cham *calidum & nigrum* significare possit, cur non hinc potius Ægyptus Chami terra

nus, ita ferre eos nequeo, qui Ægyptiorum litterarias res ad Cælum evehunt. Diodorus Siculus (a) omnem Asiæ litteraturam, Astronomiæ potissimum scientiam, ab Ægyptiis repetit, quorum vult colonias esse plerasque Asiaticas nationes; in quo ignoratione temporum, populorumque originum hallucinatur. Historia enim Mosaica, quæ pluribus ex causis Ethnicis omnibus est præferenda, ex Asia aliarum nationum omnium originem deducit. Sed & Geometria, ejus Ægyptios inventores faciunt Herodotus in *Euterpe*, Plato in *Phædro*, Diodorus (b), Strabo (c), Laertius in *proœmio*, Jamblicus (d), vulgaris & puerilis fuisse ante Græcos Philosophos reperitur. Siquidem Pythagoras, qui apud Ægyptios diu fuerat peregrinatus, quum excogitasset demonstrationem propositionis Euclidæ XXXVII. libri primi, Hecatombem; Thales vero inventa circuli & trianguli *adscriptione*, vel *inscriptione* gaudio emotus Diis bovem immolasse fertur apud Laertium. Quæ inventa, & ob inventa gestientes lætitiæ demonstrant, nedum apud Ægyptios, sed apud Græcos ipsos Pythagoræ & Thaletis tempore puerilem fuisse Geometriam. Idem dicendum de Ægyptiorum Astronomia. Nempe quædam Cœli phænomena observabant Ægyptii & Chaldæi, sed observatu faciliora, & quæ hodie agrestes ipsi pagani observant. Fixarum quarundam ortus & occasus, errantium periodos & revolutiones vestigabant, iisque pro Calendario, Agricultura, Arte Genethliaca utebantur. At Planetarum theorias, Astronomiæ partem maxime operosam, nec Chaldæi unquam, nec Ægyptii intellexerunt, aut attigerunt (e). Sane veteres magna consensione tradiderunt, Thaletem primum fuisse, qui Eclipses prædixit (f): tantum in Astronomia Ægyptii & Chaldæi profecerant! & profecto quum & essent in Geometria, aliisque Mathematicis imperiti, & nondum Te-

(a) *Lib. 1.* (b) *Lib. 1.* (c) 16. & 17. (d) *De vita Pyth.* (e) *Burnet. in Arch. lib. 1. c. 13.* (f) *Laert. in Thal. Cic. de divinit. lib. 1., Plin. lib. 2. cap. 13.*

dici potuit? Sed cultus est in Africa Cham sub Jovis Hammonis simulacro? id quidem video placere multis. At non æque video cur in posteris Noachi esse alius non potuerit, qui & ipse Cham diceretur; aut Chami posteros, qui in Africam deveniunt, communis parentis memoriam, relato inter Deos Chamo, colere non

potuisse. Cur autem sic puto ea esse ratio quod migrationes populorum tam antiquas non habeo, quam isti volunt: & primos illos mortales Noach, Sem, Cham, Japheth, tam cito eas terras deseruisse, quas primum incoluerant, non admodum simile vero putaverim.

lescopiorum usus invaluisse, qui poterant in eas res ingenio penetrare, quas recentes Astronomi tot auxiliis stipati abstrusissimas esse fatentur. Hoc acute perviderunt, si fides Proclo habenda (a), Lunam esse, *ἀθέριαν γῆν* *ætheream tellurem*, & *ἀστέρων πῦρ*, *stellas ignem*, quod verum est.

De origine autem mundi sic censuisse Ægyptios, discimus ex Laertio in proœmio. Materiam universi Principium esse *ὑλὴν molem confusam*. Ex hac discreta quatuor *στοιχεῖα* elementa, & præterea animantia perfecta. Sed præstat hac de re audire Diodorum in primo sic differentem ex Ægyptiorum sententia. Quum primum res universæ existere cœperunt, unius vultus (*) fuisse Cælum & terram, permixta eorum natura. Postquam discessissent a se ista corpora, mundo contigisse eum, quem nunc videmus, ordinem: aerem autem perpetui motus factum compotem. Hujus, quod maxima erat igneum, ad sublimia loca erectum, quippe quum sursum tendat ob levitatem talis natura: eademque de causa solem & ceteram siderum multitudinem mansisse in perenni vertigine: quod vero cœnosum ac turbidum cum humida concretionem imo subsedisse in loco, vi gravitatis. Sed hoc quoque eum volutaretur in se, versareturque perpetuo, ex humidis mare, ex solidioribus edidisse terram, sed cœnosam mollemque valde. Hanc vero, ut primum qui soli adest ignis collucere cœpit, incaluisse: tum vero quum fermentaretur summa facies, intumuisse pluribus in locis humentia, atque iis putredines extitisse tenuibus pelliculis circumdatas. Quod etiam nunc in stagnis locisque uliginosis fieri conspiciunt, ubi post refrigeratum solum, subito incalescit aer, non autem paulatim immutatur. Quumque ad eum modum ex calore facta impleta essent quæ madebant, iis fortibus advenisse alimentum noctibus ex circumfusa nebula, diebus vero eos ab æstu solidatos. Postremo quum ad sui plenitudinem venissent ii fetus, perustaque, atque ita rupta essent membranarum involucria, enatas apparuisse omnimodas animantium formas. Horum alia plurimum sortita caleris ad loca supera abiisse, facta volucra: & quæ terrestri crassitie essent prædita, ea in reptilium & aliorum humi viventium posita classe. At quæ de humente natura traherent plurimum, ea quoque ad locum perlata cognatum sibi, dicique natantia. At tellurem, quum

& ab

(a) In Thim. lib. 1.

(*) *ἰδέαν*, adspæctum, faciem, quidquid ex universo cernitur. Vultum vertit Grotius Ovidium imitatus.

Ante mare & terras, & quod tegit omnia Cælum,
Unus erat toto nature vultus in orbe.

Et ab æstu Solis & a ventis magis magisque induruisse, ad postremum non suffecisse gignendis majoribus animantium; sed ea ex mutuo coitu cœpisse gigni. Videtur ab his quæ dicta sunt ne Euripides dissentire, qui Anaxagoræ Physici discipulus fuit. Nam is in Menalippe sic loquitur,

Figura ut una fuerit, & Cœli & Soli:

Secreta quæ mox ut receperunt statum,
Cuncta ediderunt hæc in oras luminis,
Feras, volucres, arbores, ponti gregem,
Homines quoque ipsos

De prima igitur rerum origine (ex Ægyptiorum sententia) talia sunt quæ accepimus. Qui Diodori locus ostendit Mechanicam philosophandi rationem non penitus fuisse veteribus ignotam (1).

Hæc autem Diodori narratio huc redit. 1. Extitisse Chaos quoddam primigenium: 2. Deinde motu partes universi singulas locum suum accepisse, ita ut vi mechanica ignis sublimem locum, terra infimum, media corpora medium obtinerent: 3. Animantia omnia ex molli adhuc tellure nata, & adaptata locis, in quibus nascebantur. Sed iidem Ægyptii, ut tradit Laertius, addebant, Mundum hunc, ut mechanice ortus est, ita fore interiturum, idque, aut combustionem, aucto ignis calore, aut inundatione, excrescentibus aquis. Nulla in hac narratione alterius activi principii fit mentio, præterquam motus. Sed fortassis Diodorus, ut physicorum est mos, explicatis rebus mechanice, non putaverit fieri oportere mentionem divinitatis. Nam alioquin constat Ægyptios suum Chneph veluti supremum nomen ovum ore tenens, quod esset Mundi symbolum, depinxisse. Non recte igitur Eusebius Atheismi hanc Ægyptiorum Cosmogoniam accusat.

S. Thra-

(1) Unus apud Ægyptios artium omnium & disciplinarum inventor auctus Mercurius, quem *Trismegistum*, idest ter magnum vocant. Quis autem fuerit Mercurius iste, quando vixerit, quid scripserit, quæ fuerint ejus columnæ, ad quas legendas tanta aviditate peregrinabantur Græci, contendunt Philologi, & lis adhuc sub Judice est. Consulatur Burnetius in *Archæol.* loc. cit., Hermannus Couringius lib. 1. de *Hermetica Medicina*, Ursinus de *Hermete &c.* Narrat Jamblicus a Mercurio scriptas duas Myriades voluminum: Mane-

tho vero (uterque apud Eusebium in primo *Præparationis*), sex Chiliades, quingentas, & viginti quinque supra tres Myriades. Ex hoc autem viri quidam eruditi conjiciunt nunquam extitisse Mercurium, scriptaque omnia, aut pleraque Ægyptiorum, ut majore in honore haberentur, majorisque essent auctoritatis, sub Mercurii nomine vulgata. Nam quod contendit Huetius, Mercurium eundem fuisse, atque Moysen, & Mercurii columnas Mosaicam Doctrinam continuisse, id quale sit viderint alii.

§. VII. *Thracum doctrina de rerum corporearum origine.*

Litterarum Thracum auctorem magna consensione Veteres faciunt Orpheum (1). Is rerum originem eodem ferme explicuit modo, quo recensiti alii, ut pulchrum sit videre totam atiquitatem in uno hoc mirifice convenisse, ex chaos primum orta omnia. *Æthera & Chaos* pro universi *institis* habuisse Orpheum, scribit Suidas, voce ὄρφ., sed quæ tamen a Deo essent facta. Primus præterea Orpheus fuisse dicitur, qui Lunam, & reliquas Stellæ perinde ut terram nostram incoli & habitari docuerit. Certe in Orphicis hoc dogma olim lætitatum testatur Plutarchus (a), & ex eo (b) Eusebius. Hinc fortassis idem hauserunt Anaximanes, Anaxagoras, Aristarchus, Democritus, alique veterum Græcorum plures, ut discere possimus, non esse hanc recentiorum tantum Astronomorum opinionem, sed cum Mundo ipso fortassis natam; qua profecto nihil est validius ad Dei sapientiam, potentiam, bonitatem intelligendam. De Luna Orpheus, apud Proclum in Timæum, hæc habet:

Ἡ πολλὰ ἔρη ἔχει, πολλὰ ἀσία, πολλὰ μέγαρα
Hæc Montes habet, & Urbes, adeoque superbas.

Conjungi possunt cum Orpheo Linus & Musæus, quorum ille

(a) *De Placit. lib. 2. c. 13.* (b) *Præp. Lib. 15. cap. 30.*

(2) Hunc ante bellum Trojanum, & quidem *μία γενεά una generatio* vixisse, ex antiquiorum traditione Græcorum scribit Theodoretus (*de Græc. affect. curat. serm. 2.*) Tradit Diodorus Siculus libro quarto in Ægypto omnem pene suam Physiologiam, & Theologiam Orpheum didicisse, quod confirmare nititur Burnetius (*Arch. lib. 1. cap. ix.*), ut nempe statuât Ægyptiorum Mercurii, Phœnicum Sanchoniathonis, Orphei Thracum, Cosmogoniam unam eandemque esse; quippe & ab Ægyptiis Sanchoniathonem sua omnia accepisse scribit Philo apud Eusebium. Sed si ullus unquam fuit Orpheus, vero est proximius, ejus Physiologiam atque Theologiam ab oriente potius profectam, unde originem duxisse Thracæ pluribus demonstrat vir doctissimus Paulus Pezronius *de origine Galiorum*. Sane Thracum, quæ fertur de Universo doctrina cum orientali con-

venit. Dixi autem, si ullus unquam fuit Orpheus; quoniam non abhorret a vero, uti Ægyptios Sacerdotes sub Hermetis nomine, ita Thrates sub Orphei sua vulgasse. Revera negat Aristoteles (*apud Tull. lib. 1. de nat. Deor.*) ullum fuisse Orpheum, esseque id nomen fabulosum censet, cui & Dionysius quidam a Suida laudatus, & Androtion apud Ælianum (*var. hist. l. viii. cap. vi.*) & Gerardus Vossius (*de Arte Poetic. cap. xii.*) ad stipulantur. At Vossio præsertim irascitur Burnetius: hic quippe tale in Orpheo Cosmologiæ suæ præsidium reperisse sibi visus est, ut audacter scriperit in archæologis l. 1. c. 9. *Hunc, si ab umbris revocare liceret, ut ille olim suam Euridicem, ad probandam doctrinam nostram circa rerum origines unus valeret multos testes.* Legatur de hac eadem re Andreas Christianus Echembachius in *Epigenæ de Poësi Orphica*.

ille præceptor, hic discipulus Orphei fuisse dicitur. De Lino hæc prodidit Laertius in procemio, eum nempe carminum suorum hoc fecisse initium,

Olim tempus erat, simul indigesta jacebant

Quo cuncta. . . . additque inde Anaxagoram sententiam illam suam accepisse, *Omnia simul erant, Mæns autem accedens ea in ordinem induxit*, quæ Mosaicam sapit Cosmogoniam. Musæum præterea, eodem Laertio teste, docuisse terebant & *ἐξ ἑνὸς τὰ πάντα ex uno omnia fieri*, & in unum resolvi, quod de Chaos, ut firmata erat atque vulgata veterum traditio, intelligi debet (1). Orpheo jungendus Hesiodus (2), alique veteres Græciæ Poetæ, qui Cosmogonias, & Theogonias cecinerunt; nihil autem habent aut novi, aut proprii. Omnes hoc unum recinunt, omnium primum extitisse chaos; inde natum universum, & quidem mechanicis motionibus, non sine supremæ cujusdam mentis cura. Ea de re legatur Grotius de veritate Religionis Christianæ (a), & sæpe laudatus Burnetius in *Archæologiis* (b), quo in loco τὸ ἀρχαῖον χάος omnium veterum nationum atque Philosophorum consensione probatum, plurima eruditione demonstrat.

CAP.

(a) *Lib. 1. §. 16.* (b) *Lib. 2. cap. 1.*

(1) Cæterum in his verbis Johannes Franciscus Buddeus (*Hist. Eccl. Ver. Test. period. 11. sect. 11. ad §. 18.*) Orphei simul & Musæi Pantheismum detexisse sibi visus est. Vult ergo omnem illum τελετῶν ceremoniarum apparatus, quos suos initiasse Orpheum tradunt veteres, huc directum, ut horribile dogma, *Naturam esse Deum*, idest Pantheismum, animis inculcaret suorum. Ergo ubi Burnetius sanctioris Theologiæ Orpheum Doctorem ita facit, ut Mosi audacter conferat; Buddeus profanæ impietatis facit propagatorem. Angli Pantheistæ de Lino, non de Musæo, verum illum referunt.

Ἐκ πάντος δὲ τὰ πάντα, & ἐκ πάντων πάντων ἐστίν, ex toto quidem sunt omnia, & ex omnibus est totum (*Pantheisticon pag. 5. apud Sykes connexion de la Religion naturelle & de la révélation pag. 85.*). Hujus autem verbi sequuntur, quem semper habent in ore, fusior est explicatio. . . . Universum itaque, cujus exigua portio est mundus hic aspectabilis, affirmant esse infinitum tam extensione, quam

virtute; continuatione vero totius & partium contiguitate unum: immobile secundum totum, quum extra eum nullus sit locus aut spatium: mobile autem secundum partes, sive per intervalla numero infinita; incorruptibile simul & necessarium utroque modo, existentia scilicet æternum & duratione: insciscens etiam eminenti quadam ratione. . . . cujus sunt denique partes integrantes semper eadem, ut partes constituentes in motu. Hæc illi Lini versiculum explicantes. At ita veteres interpretari est velle recentium notiones antiquorum verbis affigere. Quid est aliud videre duplices Thebas, & geminum Solem?

(2) Ex Hesiodo potissimum suum Chaos, & mundi hinc geniti originem describit Ovidius in primo *Metamorphoseon*, ubi sic canit.

Ante mare & terras, & quod regit omnia, Cælum,

Unus erat toto naturæ vultus in orbe,

Quem dixere Chaos, rudis indigestaque moles.

Legatur totus locus.

*De Physiologia Græcica.**§. I. Et primum de Secta Jonica.*

Postquam philosophandi libertas apud populos obtinuit (1), Physici apertius de rebus naturæ & disseruerunt, & scripserunt, Physicamque a Theologia sejunxerunt, in primis Græci. Horum præcipuas Sectas ad tres retulerunt veteres historiæ philosophicæ Scriptores, *Jonicam, Italicam, & Eleaticam*. *Jonicam* Thales Milesius, aut, ut Burnetio placet, Phœnix, fundasse dicitur Augustino (a), Anaximander vero Diogeni Laërtio (b). Sed quum hic fuerit Thaletis discipulus, potuit eidem id tribui, quippe qui auxerat, quod Magister inchoaverat. Dicti autem sunt Jonici peculiari nomine *Physici*, quia relicto, ut dixi, prisco theologicis philosophandi more per symbolorum caliginem, naturales tantum res scrutabantur: ex quo fortassis factum est, ut Thales pluresque alii Jonici Athei audirent, quod necesse erat contingere Philosophis paulo liberioribus apud ineptas illas & stupidas nationes.

Jam Universi materiam fluidum quoddam statuerunt Jonici ferme omnes, in quo a *Chaologis* antiquioribus non discesserunt. *Aquam* materiam hanc appellabat Thales, *Orientalium Maim*, ut puto, imitatus. Anaximander vero *infinitam* quandam extensionem, quo ad totum immutabilem, mutabilem vero quo ad partes, ex qua nascerentur & in quam redirent omnia, ut retulit Plutarchus de Placitis in primo. Anaximanes Anaximandri discipulus aerem infinitum vocabat: Anaxagoras vero Anaximanis discipulum, infinitum quoddam, sed ex infinitis particulis variorum generum, similem tamen conflatum: ut videre possis Jonicos ferme omnes, alios quidem clarius, alios vero paulo obscurius, eadem de prima rerum origine dicere. Jam Anaxagoræ doctrinam ita elegantissime describit Lucretius.

Nunc

(a) *De Civ. Dei lib. 8. c. 2.* (b) *In præmio.*

(1) A Thalete videtur hæc apud Græcos libertas cœpisse. Antiquiores enim Philosophi ob populi superstitutionem vetabantur de rerum natura aperte loqui: itaque duplicem ad-

hibebant linguam, *Theologicam* unam cum populo, qua sententias symbolorum caligine invollebant: alteram *Physicam* cum initiatis, quod Burnetius in Archæologiis passim observat.

Nunc & Anaxagoræ scrutemur homæomeriam:

Principium rerum, quam dicit homæomeriam:

Ossa videlicet e pauxillis atque minutis.

Ossibus: sic & de pauxillis atque minutis

Visceribus viscus gigni: sanguinemque creati

Sanguinis inter se multis coeuntibus guttis:

Ex aurique putat micis consistere posse

Aurum: & de terris terram concreescere: parvis

Ignibus ex ignem: humorem ex humoribus esse:

Cetera consimili fingit ratione, putatque.

Quid autem senserint de principio universi activo Jonici, acerrime disputari solet. A Deo factum esse mundum dixisse Thaletem, scribit Laertius. Deum cuncta ex aqua finxisse doctrinam esse Thaletis tradit Cicero (a). At id magna consensione veteres Anaxagoræ tribuerunt, ipse in primis Cicero eodem loco, quum scribit: *Inde Anaxagoras, qui accepit ab Anaximane disciplinam, PRIMUS omnium rerum descriptionem & modum, Mentis infinita vi ac ratione designari ac confici voluit.* Nota sane est Anaxagoræ sententia πάντα χροματα ἐν ὁμῇ, εἴτ' ὅς ἐδωκεν διακοσμήσει omnia simulerant confusa, deinde mens superveniens ea ordine digessit. Eam ob rem locum hunc Ciceronis depravatum suspicatur Bælius (b). At L' Escalopier doctus & eruditus Jesuita, qui Ciceronis libros de natura Deorum perpetuis commentariis illustravit, rem ita componit, Thaletis quidem eam esse doctrinam, ab Anaxagora vero longe lateque promulgatam. Et quidem τὸ πρῶτον omnium non ad Thaletem, sed ad Anaximandrum, Anaximanem, aliosque Jonicos, qui nihil diserte de Principio activo universi monuerant, referri commode potest.

Jam vero, si Burnetio credimus, hanc immensam fluidamque materiam in vortices disposuere Jonici. Præterea de Planetis & Stellis fixis idem senserunt, quod hodie doctissimi Astronomi. De Anaxagoræ vorticibus videtur testari Plato in Phædone, quo in loco inducitur Socrates deridens circumpositum Telluri ab Anaxagora vorticem. Sed & Clemens Alexandrinus (c) Anaxagoræ divas vortices memorat, eosque αἰώντιος stulte positos appellat. Porro Lunam esse corpus opacum ἡσδὸς αἶμα, & a Sole illustrari Jonicorum erat doctrina. Sed & habitari Lunam, & esse in ea colles, & valles, totidem verbis dicebat Anaxagoras. Is præterea So-

lem

(a) De Nat. Deor. l. I. (b) In dict. art. Anaxag. Rem. D.

(c) Strom. 12.

lem dicebat $\mu\acute{\alpha}\sigma\sigma\alpha\varsigma$ $\delta\iota\epsilon\pi\upsilon\rho\alpha\varsigma$ *massam ignitam & candentem*. Quibus recitatis subdit Burnetius, gratulari nos oportere *veram Cœlorum Physiologiam, quam nuperis seculis restitutam vidimus, antiquis sapientibus non ignotam fuisse*. Interim valde vereor ne his antiquorum vocabulis notiones affigantur recentiorum; sic enim habeo, dixisse quidem Jonicos aliquid, quantum Burnetius contendit, non dixisse (1).

§. II. *De Secta Italica, deque ejus auctore Pythagora.*

SECTÆ *Italica* auctor perhibetur Pythagoras, qui seculo ante Christum VII. floruit. Nemo hoc Philosopho aut in rerum perpetua inquisitione pertinacior, aut magis in peregrinatione literaria infatigabilis, aut mente acutior. Ex ejus fontibus totam pene philosophiam suam Græcia irrigavit, potissimum in iis quæ ad Mathesim & Metaphysicam pertinent. Præceptorem habuisse Pherecidem quendam Syrum scribunt veteres; sed & Ægyptios, & si quibusdam credimus, Hebræos, tum Chaldæos, atque Persas litterarum flagrans studio adiit, & in ea peregrinatione quadraginta circiter annos consumpsit; atque, quo magis se insinuaret in singulorum adyta & arcana, omnium fere quum Græcorum, tum Barbarorum Sacris initiatum ferunt (a). Pythagoras innumeros habuit ex Asia atque Europa egregios sectatores, & qui ejus Philosophiam longe lateque prolexerunt. Profert eos Stanleyus (b) in *historia philosophica*. Eorum illustriores fama fuerunt Archytas Tarentinus, Empedocles Agrigentinus, Ocellus Lucanus, Parmenides Eleates. Sed & Plato, quamquam videatur ad Jonicam pertinere sectam, Pythagoricus & ipse fuit; quandoquidem a Pythagora non mathematicas modo res, sed metaphysicas quo-

(a) *Laert. de Pyth.* (b) *Part. 8. c. 23. & 24.*

(1) De Geometria Thaletis ex instituto differit Stanleyus (*Hist. Phil. part. 1. cap. VII.*). Proclus ab Ægyptiis Thaletem Geometriam ad Græcos derivasse scribit (*in Euclidem l. I. 1.*); sed plura ei addidisse fatetur. Hujusmodi quædam Institutionibus suis Geometricis admiscuisse Euclidem constat. Stanleyus enumerat sequentia.

I. *Quævis diameter circulum bifariam secat*: quæ definitio potius habenda est diametri: nec est cur hanc

ob rem magnas Thaleti gratias habere debeamus.

II. *Triangulorum Isoscelium anguli ad basim sunt inter se æquales, & productis &c.*

III. *Si duæ rectæ sese mutuo secent, angulos ad verticem faciunt inter se æquales.*

IV. Eidem tribuit prop. 26. libri primi Euclidis. Tribuit & 1. 2. 3. 4. & 5. libri quarti Ramus. Legatur & Proclus in Euclidem.

quoque accepit, veterumque Pythagoreorum fuit studiosissimus. Ex his (nam consentiunt veteres nihil eum literis mandasse) ejus dogmata petenda; nec tamen sine magna cautione: nam quum varia vulgaverint, argumento est & suas magistri sententiis admiscuisse.

In confesso est ex veteribus Græciæ philosophis neminem Pythagora longius latiusque Mathematica provexisse. Ejus inventa omnia, & augmenta copiose simul & perspicue enarrat Stanleyus. Tres Pythagoras mentis humanæ status, quod ad scientiam attinet, statuebat, *infimum*, *supremum*, & inter utrumque *medium*. In infimo Mens est, quousque sensu utitur, & circa ea, quæ sunt *sensibilia* occupatur: In *supremo* versatur, quum quæ sunt *intelligibilia*, ab omni materiæ concretionem segregata, contemplatur. Medium vero status est *Geometria* & *Arithmetica*. Homines a *sensibilibus* incipere, ad *intelligibilia* vero ferri non posse, nisi status *medii*, idest Geometriæ, & Arithmeticæ ope, docebat: Geometriam enim neque circa *sensibilia*, neque circa *pura* intelligibilia versari, sed utraque conjungere, gradumque esse a *sensibilibus* ad *intelligibilia*. Quod tam præclare dictum est, ut avidissime illud Plato, Platonicique arripuerint.

In investigatione *naturæ* has debere esse primas Philosophi curas, ut ex quibus principiis omnia sint facta, requireret, Pythagoras atque Pythagorici docebant, ut auctor est Sextus Empiricus (a). Ipsi vero, cunctis attente perpenſis, hoc primum reperisse sibi videbantur, *apparentia hæc ex non apparentibus constare oportere*, idest *composita ex simplicibus*: nisi enim simplicia sint, sed omnia sint composita, nulla esse rerum *principia prima*. Unde conjiciebant *corpora ex incorporeis fieri*. Quæ autem sint hæc principia, ut ex eodem Empirico discimus, Pythagoricis non convenit. *Unitatem & binarium indeterminatum* statuunt, ex quibus contendebant *natos numeros*, ex numeris *puncta & lineas*, hinc *plana omnia & solida*. At alii ex *puncto* omnia facta docent: inde enim *lineas*, ex lineis *superficies*, ex superficiebus *solida* nasci. Quæ quum Pythagoras Pythagoreique passim docerent, factum est, ut veteres omnes scripserint, *rerum corporearum elementa ex Pythagoreorum doctrina esse numeros*. At si numeri, ut Arithmetici solent, *abstracte* accipiantur, quis mortalium un-

Tomo I.

C

quam

(a) Adv. Matth. lib. 9.



quam intellexerit, qui possint *corpora ex numeris* constari? Quis non videat quam sint hæc absurda & Philosophis doctissimis indigna? Eam ob rem viri docti in varias iverunt sententias: Itaque tuentur allegoricas ea dicta esse, numerisque intelligi aut *atomos*, aut *ideas Platonicas*, aut verum ordinem & concentum ex unitate suprema, Deo nempe, profluentem, aut similia, quæ longum esset examinare (1).

Jam de Universi ordine hæc censuisse Pythagoram scribit Burnetius. Solem in centro mundi nostri, seu systematis planetarii, situm immobilem: Tellurem vero circa Solem circumagi. Cælos fluidos & æthereos statuisset; singulasque stellas pro totidem mundis numerasse, auctor est Plutarchus de *Placit. Phil.* (a). Quod spectat ad Solem, rem aliter videtur narrare Simplicius (b): nempe Pythagoram in mundi centro ignem statuisse, &, qui penitus
hæc

(a) *Lib. 2. c. 13.* (b) *In Arist. de Cælo cap. 8.*

(1) Quod numeros (inquit Burnetius in *Archæolog. lib. 1. cap. ix.*) prout principis habuerit Pythagoras, restantur omnes veteres Plato, Aristoteles cum suis commentatoribus Græcis, Plutarchus, Sextus Empiricus, ceteri: neque restantur modo, sed ea dæd ut nota & confessa varie dissequunt, discutunt, exponunt, refellunt. Caret tamen tam fundamento, quam ordine hic modus philosophandi: Numeri enim sequuntur res, rerumque divisionem: neque si antecederent, aut corporibus molem, aut animabus & mentibus cogitationem conferre poterant, quum utriusque destituuntur. Manifestum sane est numeros, præter numeros, nihil posse generare. . . Quapropter cum omnia ex numeris composita Pythagoras, subintelligere non potuit causas efficientes, neque materiales, sed aliquo modo exemplares, imagines nempe quasdam rerum & suis causis exorientium. Quemadmodum enim numeri progrediuntur ab unitate, sive monade omnium simplicissima radice, in magis, magisque compositos, novasque induunt proprietates in illo progressu; ita a Deo simplicissimo recedunt gradatim rerum productarum classes, retinentque characteres aliquo modo suis numeris analogos. Hæc Burnetius. At Jacobus Brukerus in *Sche-*

diasmate Historico Philosophico de convenientia numerorum Pythagoræ cum ideis Platonis, harumque ex illis origine, si Buddeo credimus in *Hist. Phil. pag. 99.*) evincit numeros hujusmodi Pythagoricos nihil esse aliud, quam *ideas Platonis*. Ipse interim Buddeus Burnetio adhæret. At alii magnis argumentis atomos interpretandos numeros illos censuerunt, quod indicare videtur Sextus Empiricus loco superius prolato. Legatur Cudworthus in *Syst. Intell.* Nolim tamen eo niti argumento, quod numeros vocaverit Pythagoras *Monades*: Monadis tantum meminere Pythagorici omnes, non etiam *Monadum*. Nec desuere, qui in hac Pythagoræ doctrina Pantheismum subodorati fuerint. Auctor est Cicero Deum Pythagoræ fuisse *Mentem, per universum commenteantem, ex qua animi nostri caperentur*. Ergo quum doceant Pythagorei animas ex *Monade* nasci, *Monas*, unde cuncta progignuntur, Deus est, ex quo & animi, & reliqua fiunt. Quid si Pythagoras, ut erat ille assuetus enigmaticis philosophari, Monadis nomine intellexerit *Chaos* primigenium? Nam mirum certe est potuisse illum a sententia tanta antiquitatis consensione firmata omnino discedere.

hec intelligunt, affirmare, ignem illum esse vim procreantem, nutrientem, & excitantem; mundique centrum illud esse Telluris centrum, non Universi. Certe Laertius (a) Philolaum primum facit auctorem ejus systematis, terram motu in orbem ferri. Nec valde repugno potuisse, ut Philolaum, ita Aristarchum Samium ex Pythagoræ fontibus systema illud haurire. Sed viri docti Ezechiel Spanhemius, & Joannes Albertus Fabricius in Biblioth. Græc. (b) perperam Pythagoreis hanc sententiam tribui contendunt. Nec diffitendum est, antiquorum verba paulo intorqueri a recentioribus istis interpretibus.

§. 18. Paucis nunc complectar, quid de Deo, & anima mundana docuerit Pythagoras. Tullius (c), & Lactantius (d) testificantur Pythagoræ definitum Deum *animum per universas mundi partes commeantem atque diffusum, ex quo omnia, quæ nascuntur animalia, vitam capiunt*. Cicero hæc ita accepisse videtur *quasi animi nostri essent partes divine ipsius naturæ*. Quod si verum est, profecto manifestarius Pantheista fuit Pythagoras: nec enim aliud Spinoza, alique Pantheistæ docent (1). Vide quæ dicta sunt p. 17. not. 1. Justinus Martyr in *Protreptico* ita & ipse de Pythagoræ Deo differit, ut Pythagoræ Pantheismum confirmare videatur. *Unus est, inquit, Deus, non ille autem, quemadmodum nonnulli sunt suspicati, extra hunc mundi ornatum; sed ipse in se totus in CIRCULO TOTO (universum accipio) omnes inspiciens generationes. Omnium ipse est TEMPERATIO, & virtutum operumque ejus omnium OPIFEX, PRINCIPIUM omnium. UNUM Cæli lumen*

C 2

& pa-

(a) Lib. 8. segm. 85; (b) Lib. 1. cap. 20. §. 9.

(c) Lib. 1. de nat. Deor. (d) Instit. lib. 1. cap. 5.

(1) Pantheistæ Angli in *Pantheismo* pag. 54. & 55. apud Sykes (*Connexion de la Religion naturelle & de la revelée* tom. 1. pag. 87. 88.) eodem prorsus modo loquuntur.

Modimperator

In mundo omnia sunt unum,
Unumque est omne in omnibus.

Resp.

Quod omne in omnibus Deus est;
Æternus ac immensus,
Neque genitus neque interitus.

Modimp.

In eo vivimus, movemur, &
sumus.

Resp.

Ab eo natum est unumquodque;
In eumque denuo revoluturum,
Omniumque ipse principium &
finis.

Modimp.

Carmen accinamus
De natura universi.

Resp.

Quidquid est, hoc omnia animat,
Format, alit, auget, creat
Sepelit, recipitque in se omnia,
Omniumque idem est Pater;
In idemque omnia quæ oriuntur,
De integro atque eodem occidunt.

¶ *parens omnium. MENS & ANIMATIO universorum; circularum omnium MOTIO.* Nec tamen hinc moveor, ut Pythagoram Pantheistam faciam. Nam I. Hæc esse, ut referuntur, ab illo dicta, vix mihi persuaserim in tanta potissimum Pythagoreorum dissentione, & varietate. II. Tenuit Pythagoras veterum orientalium emphaticam docendi rationem. III. Tenuit & enigmaticam, quæ occasio fuit, cur ejus dicta in partes varias discipuli traxerint, uti in rerum obscurarum interpretatione usu venit.

Sed & illud inter Pythagoreorum dogmata valde est celebratum, *anima quadam mundum esse animatum*, quod placuit Platoni, Platoniciſque ferme omnibus; placuit & recentioribus plurimis, in primis, *Cudwortho*, *Moro*, *Clarkio*, *Newtono*, aliisque. Legenda omnino sunt, quæ de *causa genitricis* differit *Cudworthus*, & quæ ibi doctissime adnotat *Mosshemius*. Me prohibet instituti operis ratio longius progredi: ad pauca verba rem conferam. I. Plurima esse in Tellure rerum genera quæ vivunt, *plantas* nempe, & *animantia*, non est quod dubitemus. II. Has res omnes ex *seminibus* suis, aut *ovis* statim quibusdam temporibus prodire in compertis est. III. Temporis harmoniam quandam esse inter plantarum, animantiumque generationes, fierique eas non ordinata tantum perennitate, sed & successione quadam pene immutabili, itaut licet nec omnia semina, nec omnia ova eodem anni tempore pariant; eodem semper anni tempore in eadem regione, ejusdem generis semina, & ova adaperiantur. IV. Sequi generationes istas vim caloris, ejusque incrementa, aut decrementa. Quibus ex rebus hæc sequi videntur. I. Esse in universo, saltem in Tellure nostra, *vim quandam genitricem*, *Principium quoddam hylarchicon, archæon*. II. Causam hanc mechanicis legibus operari, varieque agere in variis seminibus, aut ovis. III. Naturæ esse mediæ, igneæ scilicet, aut cum igne conjunctæ, & si *Stoicis*, atque *Heraclito* credimus, ignem ipsum. IV. Causam hanc eam fortassis esse, quam veteres, Aristoteles potissimum, *Naturam* appellabant. V. Eam tamen a *mente* universi creatrice pendere (1).

Ex

(1) Sed in eo gravissima inter Philosophos versatur quæstio, an hæc *Natura*, *Causa Genitrix*, *Principium Hylarchicon*, aut si aliud est voca-

bulum, quod id quod volo clarius explicem, ipsa sit *Dei voluntas universi creatrix & conservatrix*, an res aliæ a Deo conditæ, & inter causas

Ex Pythagoreorum omnium scriptis unus ad nos *Ocellus Lucani* libellus demandatus est. In hoc libro mundum esse æternum, tam quod ad formam, quam quod ad materiam, statuit. Sed quisquis hunc librum legerit, Aristotelicam in eo contineri doctrinam facile odorabitur. Nec dubitant viri docti plurimi & acuti librum esse *ἁδὲ ἐπιγραφοῦν*. Legatur Albertus Fabricius in *Bibliot. Græc.* Certe in libello *Timæi Locri*, & in Platonis *Timæo*, qui ex illo pene totus est haustus, mundum, Deosque minores omnes a Deo supremo factos, scribitur: fuit autem & hic *Timæus Pythagoreus*. Præterea Plutarchus (a) veterum Philosophicarum opinionum callentissimus, diserte scribit, *Pythagoras & Plato genitum a Deo mundum ajunt.*

§. III. De Sectis, quæ ex Ionica & Italica prodire, & primum de Academica, seu Socratica, & Platonica.

EX Ionica simul & Italica aliæ Philosophorum Sectæ prodire: Academica enim, quæ a Socrate videtur coëxisse, tum Peripatetica & Stoica philosophia, Ionicorum & Italicorum fontibus pene omnis est irrigata. Socratica, seu Academica, atque hinc primus ejus ramusculus Platonica Philosophia in Theologicis magis, Geometricis, atque Ethicis, quam in Physicis præcelluit. De Universo hunc in modum censuisse Socratem & Platonem scribit Plutarchus (b): *Socrates & Plato (ambo enim idem de universo senserant) tria statuunt principia τὸν θεόν, τὴν ἕλην, καὶ τὴν ἰδέαν, Deum seu Mentem, Materiam, & Ideam. Mens est quod Deum nominat, Materia primum rebus orientibus, &*

C 3

inter-

(a) De Plac. l. 2. c. 4. (b) De Plac. cap. 3.

ut vocant, secundas referendæ? Plurimi veteres Ecclesiæ Patres, in primis Gregorius Nyssenus, in *Dial. de anima, & resurrexi.*, & Augustinus non aliam agnoscere videntur Naturam præterquam Dei voluntatem. Sequiores vero Theologi, iis exceptis, qui physice omnia a Deo prædeterminari docent, naturam aperte a Deo distinxerunt, eoque vocabulo causarum secundarum vires intellexere. Nam qui Physicam prædeterminationem induxerunt, omnes videntur activas vires ab universo

eradicasse. Saltem Auctoris operis vulgatissimi *Actions de Dieu sur les Creatures*, qui horum partes magna doctrina, & elegantia tuetur; hanc esse sententiam, nemo, qui legerit, dubitabit. Ego, si quod sentio dicere non prohibeor, & intelligo Creaturarum esse aliquas activas vires, quas naturam appello; & eorum sententiam, qui omnem ab Universo Activitatem (si eo uti licet vocabulo) auferunt, auctoribus interim imprudentibus, ad Pantheismum vergere video.

*intereuntibus subjectum. Idea natura corporis expertis in conceptionibus mentis (ἐν τοῖς νοήμασι) & imaginationibus Dei. Deus autem mens mundi. Quod spectat ad materiam, tradit Laertius (a) statutam infinitam, inordinateque motam, figurarum expertem, ordinatam tandem atque ornata a Deo, Qua ex re patet Platonem a veteribus Chaologis non discessisse: materia enim illa æterna, & inordinata chaos est. Id vero mirifice confirmatur ex iis, quæ in *Timæo* habet. Sed & Calcidius in *Timæum* Platoniam materiam *sylvam* appellat, idest *chaos*; nisi forte ex ὕλην fecerint *sylvam*. Audiendi ergo non sunt recentiores quidam, qui persuadere nobis conantur, posuisse Platonem materiam a Deo creatam: qua de re vide Moshemium apud Cudworthum in dissertatione *de rerum origine*. Jam vero ex eodem Laertii loco discimus non materiam inertem positam æternam, sed & motam, suapte nempe natura, licet perturbata motione, ita ut chaos referret. Quod addit statutam materiam omnis formæ expertem, id non Scholasticorum in morem accipiendum, quasi omni forma substantiali nudam, sed ita ut ista perturbata motione nihil referret, neque aquam, neque terram, neque ullum aliud corporum genus, quamquam ita fuerit a natura comparata, ut ordinata motione ad quamlibet corporum formam referri potuerit.*

De Deo vero, idest activo universi Principio cum Pythagora sensisse Plato videtur, Mentem nempe esse incorpoream (idest, quæ nullam corporum referat speciem, ac proinde minime sit humanis sensibus subjecta) quæ rebus omnibus insit, per universum diffusam, vimque, naturam, motum omnibus largiatur; ut quemadmodum animus noster per singula corporis humani membra diffunditur, arctissimeque ipsis conjungitur, ut inde calor omnis, ac motus oriri debeat, sic etiam Deum Spiritum, animam, mentemque universi vocarunt, sunt verba Eduardi Corsini, viri longe eruditissimi in *Instit. Phys.* (b). Pergit vero vir doctus, atque Platonis hunc Deum Virgilii verbis describit,

*Spiritus intus alit, totamque infusa per artus
Mens agitat molem, & magno se CORPORE miscet.
Inde hominum, pecudumque genus, vitæque volantum.
Sic apibus partem divinæ mentis, & haustus
Æthereos dixere: Deum namque ire per omnes
Terrasque, tractusque Maris, Calumque profundum.*

Hinc

(a) In vita Plat. (b) Disp. 1. cap. 2.

Hinc pecudes, armenta, viros, genus omne ferarum,

Quemque sibi tenues nascentem arcessere vitas.

Confirmat porro idem Stoicorum sententiis, qui Deum esse *Cæli ac terræ, ceterarum rerum animam dixerunt*. Cum Pythagora, ac Thalete, Deum statuentibus *animum* per naturam rerum *annem intentum*. & *commeantem* sensisse Platonem, tandem concludit. Atqui viri docti plurimi jamdudum observarunt in *Thaletis, Pythagoræ, & Stoicorum* Philosophia Pantheismum contineri; ergo & Plato, si Philosophiæ suæ auctoribus, sibi que consentaneus esse vult, Pantheista erit. Nollem ego virum doctum hanc Jonicorum, Italicorum, Stoicorum, Platoniorumque doctrinam cum Christiana comparasse, & Librorum sacrorum, atque Patrum eam in rem præsidium advocasse. Nam quod ait, *emphasim* quamdam esse in his veterum Philosophorum verbis, non nego: at ea talis est *emphasis*, ut, quod caput est, *mentem cum materia commistam, eamque permeantem, eique fato quodam, idest necessitate natura conjunctam & colligatam*, quin dixerint veteres illi, & quin intellexerint ut dicebant, non efficit.

Jam vero quid de *Ideis* senserit Plato, quod, ex Plutarchi partitione, tertium est universi principium, & olim disputatum est acerrime, & nunc disputatur. Posteriorum Platoniorum ferme omnium sententia est, esse eas *Dei Patris cogitationes in ipsa ejus mente permanentes*, ut Plotini verbis dicam. Idem Plutarchus loco superius prolato sentit: idem Seneca (a), *plenus est*, inquit, *his figuris* (Deus), *quas Plato ideas appellat, immortales, infatigabiles*. Veteres etiam plurimi Ecclesiæ Theologi, in primis Augustinus, eandem Platoni tribuerunt sententiam. Ea de re digna lectu sunt, quæ Petavius de Deo copiose commentatus est. At Aristoteles, Platonis discipulus, idque per xx. annos, si Laertio fides, vir in primis mentis acumine præstantissimus, aliam magistro suo tribuit sententiam. Pluribus enim in locis *librorum metaphysicorum* aperte testificatur, Platonem posuisse *ideas*, non veluti imagines in divina mente existentes, sed potius veluti *substantias quasdam incorruptibiles, & incorporeas, a rebus omnibus, & ab ipso Deo sejunctas, ac separatas*, quas veluti archetypas rerum formas, & exemplaria inspiciebat Deus, ad illarum similitudinem materiam disponderet, resque omnes produceret. Quæ quum quid essent intelligere non posset, va-

niloquia, cantiones inanes, nugas, cantilenas insulas, & circulatorum fabulas eas appellavit. Quæ Aristotelis testificatio, Platonicaque doctrinæ interpretatio procul dubio recentiorum omnium Platoniorum auctoritati est præferenda, nisi canones omnes Criticos violare velimus. Nam quod ajunt, imposuisse Platoni petulanter Aristotelem minus verum reperio; in Ethica enim ad Nicomachum honorifice de Platone loquitur, quum hujusmodi memorat ideas, *vir, inquit, mihi amicissimus ideas induxit*: nec simile est vero tam absurdam sententiam eo tempore virum doctum Platoni tribuisse, quum infinita esset adhuc in vivis Platonis discipulorum turba. Sed, inquiunt, an tantus Philosophus tam stulte ineptire potuit? Quasi vero ullum sit absurdum, quod non aliquis Philosophorum dixerit. Quocirca rebus accurate perpensis Jacobus Bruckerus (a) non dubitat Aristotelis veriorē esse sententiam, idque pluribus confirmat argumentis. Sed ingenuitati debeo, hujusmodi portentosam opinionem in Platonis libris, qui exant, diserte nullibi reperiri, nisi longe detortis sententiis; tum alteram opinionem vix ab alio vetustiore Platónico ante Tullium, Senecam, & Plutarchum, doceri.

Degeneratione porro Universi hunc in modum disseruit Plato. *Quum oporteat (dicam verbis Burnetii) mundum esse visibilem & tangibilem; nihil autem sit visibile sine igne, nihil tangibile sine terra, corpore solido; hæc duo Elementa in primis erant necessaria: ut vero cohereat mundus, & quid unum sit, opus esset ut hæc duo extrema per aliquod medium proportionale conjungerentur: solida autem non uno, sed duobus semper mediis inter se copulantur. Deus igitur ignem inter & terram, aerem, aquamque disposuit, tanquam proportionalia: ideoque ex quatuor elementis hoc modo dispositis mundus necessario conflatus est. Deinde quum corpora solida resolvantur in plana, & plana iterum, juxta Platonem, in triangula, ideo elementa hæc ex triangulis composita esse voluit. Ita ignem ponit esse figuræ pyramidalis propter penetrationem, & compositum ex quatuor triangulis: Aerem facit Octoedrum, productum ex octo superficiebus, quarum unaquaque in sex scalena dispertitur. Terram figuræ Cubicæ, propter soliditatem, ideoque genitam ex sex planis, quorum unumquodque constat ex quatuor triangulis. Denique aquam facit Icosoedram ex viginti triangulis conditam, e Scalenis, eisdem unoquoque compacto. Et*

(a) In *hist. de Ideis* sect. 1. ad §. 5., & in *Hist. Crit. Phil.* t. 1. p. 695.

cum mundi corpus hoc modo construxisset, Animam ei mathematicam ex numeris & proportionibus constatam inserit & associat. Hæc Burnetius ex Timæo potissimum. Quæ ea maxime de causa retuli, ut cognoscatur, quot paradoxa, inconditasque opiniones nimius Matheseos abusus in Physicis disciplinis inducere possit. Nihil addo de anima Platonis mundana, quod ea res adeo est involuta, ut multis explicari non debeat, paucis non possit.

§. IV. De Aristotele, ejusque Peripatetica secta.

Primus Græcorum Philosophorum Aristoteles Stagiritæ Platonis alumnus a constante antiquorum Chaologorum doctrina discessit: nullum enim *Chaos* Universo præexistisse, sed fuisse illud, ita ut nunc est, ab æterno *idem*, *idemque* æternum futurum, diserte docuit, quum alibi, tum potissimum de *Cælo* (a). Quod & Censorinus de *die natali*, & Lactantius, & veteres Aristotelicæ Philosophiæ interpretes confirmant. Legi possunt quæ de hac re copiose & doctè disferit Jacobus Thomæus de *Exustione mundi Stoica* (b). Nec tamen ingenitum universum voluit, sed potius a Deo, *æterna* & *suprema* mente, factum: sed factum tamen ab æterno. Id in octavo Physicorum librorum sic conatur probare. Quidquid sit, actione aliqua, seu motione fit: ejus vero actionis & motionis Principium aliquod *activum*, *motivum*, *causa* sit oportet. At ea causa aut ab alia determinatur, ut moveat, aut ipsa se determinat. Dicere causam hanc ab alia determinari, ducit nos in progressionem causarum, quarum alia ab alia movetur, infinitam, quod esse nequit: quippe si quælibet, ut moveat, ab alia est adigenda ad motum, nulla quum sit prima in infinita serie, nec ulla profecto movebitur, aut movebit. Ergo prima quædam causa est, quæ ipsa se, aliaque omnia movet. Jam vero hæc causa aut ab æterno continua perennitate movet, aut quamquam non ab æterno movit, deinceps ad movendum se ipsa determinat. Posterius hoc esse nequit: nam si statuas tempus fuisse, quum hæc causa non moveret, intelligi non potest, quænam eam deinde causam ratio commoverit, ut moveret: ab *inactione* enim ad actionem nulla res suapte natura transire potest. Quocirca, concludit, causa isthæ æterna ab æterno movit, atque ab æterno opus suum fecit.

Qua

(a) In 1. cap. 9. (b) Dissert. 4.

Qua ratione (nam his exemplis utuntur veteres Peripatetici quam libenter) si Sol æternus fuisset, æternum & fuisset lumen: si ab æterno objectum lumini fuisset corpus, fuisset & ejus umbra æterna: si cretæ pes ab æterno hæssisset, æternum ejus fuisset vestigium. Atque hæc talia sunt, ut facile intelligamus Universi productionem factam a Deo, ex Aristotelis sententia, *naturali quadam necessitate*, ut perspecte observat Thomæsius: atque idcirco prævisse Aristotelem Spinozæ, quod plurimis probat Walchius in dissertatione *de Atheismo Aristotelis*. Hujusmodi autem erroris origo hinc & in Aristotele, & in Spinoza petenda, quod uterque *intrinsecas* Dei actiones cum *extrinsecis* imperite miscuerit. Illæ enim proculdubio æternæ sunt, *necessariæ*, *immutabiles*; quandoquidem ipsa Dei sunt *essentia*: non item istæ, quæ liberæ sunt, Deique voluntati subjectæ.

Ceterum *sublunarem mundum* ex quatuor Elementis constare, *terra, aqua, aere, igne* docuit Aristoteles. Terram in centro universi immobilem statuit (a) eo potissimum argumento, quod gravia ad centrum universi gravitent; gravitant vero ad centrum Telluris; Telluris igitur centrum & universi centrum. Cujus argumenti propositiones quum manifesto sint falsæ, quantum ei sit pondus, vel rerum physicarum tirones noverunt. Legatur Abrahamus Gravius in *historia philosophica* (b), quo in loco aristoteleas hac de re argumentationes profert. Jam *ignem elementarem* sub Lunæ Sphæra statuit, in quo, ut in aliis plurimis, imperitiam rerum physicarum patefecit; ita ut mirum sit tam absurdam opinionem potuisse a tot præclaris Peripateticis per plura secula defendi. Lepide Burnetius (c) ignem hunc *fatuum* appellat. At *mundum Cælestem* ex nullo horum quatuor Elementorum compactum, sed ex *diviniore quadam materia* (quam idcirco quintam vocat substantiam) *eaque immutabili* constitutum docet. Atque quinta hæc *materia, essentia, substantia* adeo Aristotelis est propria, ut in Aristotelis vita, quæ sub Ammonii nomine exstat, in *Physicis* hoc esse Aristotelis præcipuum scribatur.

Persequamur autem externum hunc universi apparatus. Cælos solidos atque adamantinos esse vult: Stellæ vero instar clavorum aureorum in laquearibus orbium defixas, aut potius densiores partes suorum orbium: libro enim de

Cælo

(a) Lib. 2. de Cælo c. 13. & 14. (b) Lib. 4. c. 16.

(c) In Arch. lib. 1. cap. 13.

Calo 2. cap. 7. aperte docet *astra* ejusdem esse naturæ, cujus sit corpus, in quo sunt fixa. Planetas sua natura lucidos efficit: Cometæ inflammationes esse non ultra mediam aeris regionem factas (a): *Galaxiam* esse meteorum (b). Quæ adeo sunt ineptæ, ut me pœniteat *Genii hujus naturæ*, nec tam quod ita pueriliter in Astronomicis balbutiverit, quam quod veterum quædam acute observata velut deliramenta superbe contemserit; ipse vero, magnus ille, si diis placet, Physicæ instaurator, tam deridicula substituit, ut habeamus unde affatim pueris risum captemus. Tam in Physicis profecerat Aristoteles, ut *plebeis oculis*, inquit perbelle Burnetius, *natura phenomena contemplatus sit!* Quid, quod in ipsa terra ne generalia quidem explicuit? qualia sunt motus maris, phænomena magnetica, metallorum & mineralium vires & compositiones, & quæ ejusdem sunt generis plurima.

Perscrutemur porro intimiorem Universi structuram, prout eam Aristoteles tradidit: nam in hoc potissimum Aristotelica Physica occupata est. Tria esse docet Universi principia Aristoteles, *materiam, formam, & privationem*. Displicebat Aristoteli & *unum* illud Eleatenium (c), & Anaxagoræ *ὁμοιομετρία*, & Democriti infinita atomorum turba, ut nequid dicam de Pythagoræ numeris, quos ille, ita ut sonant verba, semper accepit & risit. Contendebat principia Universi debere esse contraria: nam principia sunt, quæ neque ex se mutuo, neque ex aliis sunt, sed ex quibus sunt omnia. Atque talia sunt *prima contraria*, quæ *prima* quum sint, ex aliis esse nequeunt: quumque *contraria* sint, non possunt ex sese invicem existere (d). Concludit hinc esse *tria*, quorum duo sint contraria *privatio*, & *forma*; tertium sit commune utriusque subjectum, quod *materiam* vocat. Materiam neque generari, neque corrumpi vult: eam esse *unam, infinitam, immutabilem, simplicem* docet. Ex ea tamen, & in ea *formas* omnium rerum generari. Nec vero formas esse aut *alterationes*, aut *commutationes partium*, quod veteres Eleatenses, & Democritici docuerant, sed *substantias*, & τὸ τί ἦν εἶναι, quod quid est esse. Hinc in libris de *generatione & corruptione* veteres oppugnat, quod generationem & corruptionem per solam transmutationem partium explicabant, ignoratis *for-*

mis

(a) *Lib. 1. Meteor. cap. 6.* (b) *Ibid. cap. 8.*

(c) *Phys. lib. 1. cap. 3. & 4.* (d) *Ibidem cap. 3.*

mis substantialibus (1). Legatur hac de re acute disputans Eduardus Corfinus (a), & Bruckerus (b).

De materia Aristotelis prima infinitas agitarunt Peripatetici turbas. Averroistæ materiam hanc primam esse voluerunt *solam potentiam, actum purum, solum Deum* (Legatur Joan. Picus Mirand. in Apol.). Videntur igitur hunc in modum cogitasse. I. Existere ab æterno extensionem quandam *immensam, simplicem, immutabilem*. II. Eam *purum esse actum, primumque actum*. III. In ea gigni *naturæ necessitate formas omnes corporeas, adeoque esse eam formarum omnium universi primum subjectum, hancque esse materiam primam, naturam, Deum*. Quod quum placuisset pluribus Italis Aristotelicæ Philosophiæ interpre-

(a) In *Physica disp.* 4. c. 3. §. 2. (b) In *hist. de ideis sect.* 1. §. 9.

(1) Tam mordaciter disputatum est a Scholasticis de formis hujusmodi substantialibus, ut Gisbertus Voetius non dubitaverit asserere, *formarum substantialium negationem Scepticismo, & Atheismo viam pandere*; quamquam affirmatissime dicere possumus, neminem minus quid hæc verbi *formæ substantiales* significant, intellexisse, quam eos qui tam contentiose, tamque obstatine ea de re disputarunt. Veteres potius paulo clarius de his Aristotelis formis videntur sensisse. Plutarchus de *Placit. phil.* lib. 1. cap. 10. post descriptionem Socratis, atque Platonis ideas velut *substantias a materia sejunctas*, addit: *Aristoteles species quidem, & ideas reliquit, sed neutiquam a materia sejunctas*. Ex Plutarchi ergo sententia Aristotelis formæ substantiales ipsæ sunt *substantiales* Platonis *ideas*, sed in materia inhærentes. Simplicii quoque testimonio idem confirmat Bruckerus (*Hist. Phil. de ideis sect.* 1. §. 1x.) qui velis remissique in eandem pergit sententiam.

Formas autem istas in rebus viventibus, homine præcipue, *ἐντέλεχεις* appellavit Aristoteles (lib. 11. de anim. cap. 1.), novo prorsus, ceterisque antiquioribus Græciæ Scriptöribus inusitato vocabulo. Cicero legisse videtur *ἐντέλεχεια*; quocirca vocem illam interpretatur *formam*.

invasam motionem & pervenientem (*Tuscul. quest. lib. 1. cap. x.*) Legatur Angelus Politianus in *Miscellaneis* cap. 1., qui ita omnino legendum, & in Cicerone, & in Aristotele contendit. Id autem, & probatum est Leibnitio, & rationi est similis; quandoquidem viventium animæ sunt *naturæ sese percipientes*, a quibus animantis motiones omnes proveniunt. At Peripateticorum turba omnis dissentit, veteresque refragantur codices, in quibus magna consensione *ἐντέλεχεια* legitur. Adeatur Walchius de *Atheismo Aristotelis* cap. 3. sect. 2. §. 2. Scribit Crinitus de *honestâ disciplina*, Hermolaum Barbarum, ut ejus vocis potestatem disceret, malum Genium advocasse, eamque reddidisse *perfecti habiam*, quod fabulosum esse probat Naudæus (*Apol. virorum magis suspect.* cap. xiii.) Scaliger (*exercit.* 80. sect. 3.) existimat vocabulum hoc compositum ex *ἐν*, quod sit anima in omnes artus infusa, & ita pars compositi, & *τέλος*, quod sit finis, & perfectio, & ex *ἐχειν*, quod possit producere omnes operationes & motus. Ego, si quid in me judicii his præsertim in rebus inesse potest, priorem prætulerim interpretationem; quippe quod Aristotelico Systemati magis est consentanea.

tibus, in primis Vanino, hinc natus est teterrimus ille tot Aristotelicorum Atheismus, *Naturam esse Deum*. Legatur Buddeus de *Atheismo & superstitione*, & vita Lucilli Vanini Roterodami gallice edita 1717. Qua ex re patet, si recte Aristotelica doctrina accipitur, similia de materia prima cogitasse Aristotelem, quam quæ cogitavit Joannes Lockius, qui *spatium reale*, addita vi resistendi, evadere corpus censuit (a). Quæ omnia magis etiam confirmant, quod superius audacter diximus, prævisse Spinozæ Aristotelem.

Non puto supervacaneum conspectum errorum Aristotelis, quem Burnetius proposuit, tamquam hujus historiæ coronidem adnectere.

I. Mundum æternum esse statuit ex utraque parte, ingenuit nempe, & incorruptibilem.

II. Cælos solidos & eodem tempore in contrarias partes actos.

III. Materiam Cælorum divinam, *quintessentialem*, immobilem.

IV. Fixa esse densiores partes suorum orbium, & Planetas lucidos sua natura.

V. Lucem nec corpus esse, nec qualemcumque motum corporeum.

VI. Sub concavo Lunæ ignem latere elementarem.

VII. Galaxiam esse meteorum, & cometas itidem ultra mediam aeris regionem non eVectos.

VIII. Terram herere immobilem in centro universi.

IX. Sursum & deorsum in natura fundari secundum rationes immutabiles.

X. Formas rerum animatarum esse substantiales, & qualitates sive affectiones corporum ab eorum modis prorsus distingui.

XI. Sensationem fieri per species intentionales. Rarefactionem & condensationem fieri per incrementum, & decrementum extensionis in materia.

XII. Providentiam infra Lunam non descendere.

XIII. Animam esse Entelechiam (vocem barbaram & ambiguam) & immortalitatis dubiæ.

His dictis addit: *vale Stagirita: semper mihi eris malus Astronomus, Theologus pejor, Physiologus pessimus*. Hæc Burnetius. Ego, quod ad me attinet, fateor, horum plurima

(a) *Acosta nota 2. ad S. 18. c. 10. l. IV. de Intell. hum.*

ima Aristoteli, viro ceteroquin docto, idcirco affigi, quod ejus scripta, ob genium hominis aut natura abstrusi, aut arte, non satis intelligantur. Nam sane, quis putaverit virum acutum, ad systemata factum, tot secum ipsa pugnantia sentire potuisse?

§. V. De Secta Stoica.

SToici aut ab Anthistene, aut, quod fama vulgatius est, a Zenone Cittio habent originem (a). Stoicorum secta in Moralibus magis est audienda, quam in Physicis: ut enim in iis profusi, ita in his, ut magna seculi Socratici philosophorum pars, admodum parci. Rem omnem Stoicorum physicam paucis complexus est Buddeus in *epitome historiae Philosophicae* (b). Stoicorum igitur de universo dogmata ad hæc refert. I. Mundum hunc componi ex materia, & anima mundi, quo nomine ipsum Deum, hoc est ignem purissimum, intelligebant. II. Cuncta Fato regi, cui ipse Deus sit obnoxius, Fati nomine rerum omnium immobilem, & immutabilem ordinem intelligentes, aut vicissitudinem necessariam mundi creati, & increati. III. Perpetuas mundi esse periodos, itaut hoc mundo per ignem destructo, & ad flatum mundi increati reducto, novus prodeat per seminales rationes, qui idem Fatum sit subiturus. IV. Mundi materiam simplicem, informem, atque immotam ab aeterno extitisse, semperque extaturam. V. Solem purissimum esse ignem, uti & cetera astra. VI. Lunam ad terræ naturam accedere. VII. Astra non errantia cum universo Cælo circumvolvi, errantia vero propriis motibus cieri. VIII. Animum hominis divinæ essentia esse particulam, hoc est animam mundanæ, quæ in sideribus purior sit: unde ex Cælo & æthere advenire, & cum hac essentia iterum tandem uniri. Hæc ille: quorum quædam sunt, quæ paullo uberius sunt explicanda.

Primum omnium Stoici, ut docet in Zenone Laertius, Principia ab Elementis distinguebant: illa enim, inquit Plutarchus, & numquam orta est, & numquam interitura: Elementa autem in mundi exustione, peritura. Principia duo, activum unum, idest Deum, passivum alterum, materiam. Dicunt Stoici nostri, inquit Seneca (c), duo esse in rerum natura, ex quibus omnia fiant, causam (Deum, quem

paucis

(a) Laertius li. 7. segm. 1. (b) Cap. 4. §. 38. (c) Ep. 65.

paucis post rationem vocat), & materiam. Materiam pure passivam fecere, inertem, sine ulla aut vi, aut motu, simplicibus constantem partibus, ut a corporibus, quæ principitata vocarent Scholæ, secernerent. Materia huic Deum, principium activum, ubique præsentem esse, cum ea compenetrari, ejusque esse animam, & naturam. Quid est aliud natura, inquit Seneca (a) quam Deus, & Divina Ratio toti mundo & partibus ejus inserta? & in secundo naturalium quæstionum (b) vis, inquit, Deum naturam vocare, non peccabis; est enim: ex quo nata sunt omnia, cujus Spiritu vivimus. Hujusmodi autem Deum & naturam ita definit; ut eum dicat ignem esse artificiosum ad gignendum progredientem viam, uti Cicero in secundo de natura Deorum nos docet. Quod ita, ut dicebant, intellexere, quippe qui nullam substantiam prorsus incorpoream agnoverunt, ut pluribus demonstravit Lipsius (c). Porro Naturam hanc & Fatum quoque appellabant, ut nos docet Laertius (d), cui similia habet ex Chrysippi mente Cicero (e). Fati autem hujus nomine æterna, & ex necessitate naturæ manantia Dei Decreta, quæ in ordinatas universi & necessarias motiones abirent, intellexisse videntur. Quæ res, quum valde sit perplexa, neque paucis explicari possit, multis vero non deceat, omittitur. Sed patet ex his pauculis, non injuria censuisse & Christianum Thomasium in dissertationibus de exustione mundi Stoica; & Buddeum de Atheismo & superstitione, Spinozismum in hac Stoicorum doctrina contineri. Saltem, ut ego arbitror, plurima, quæ Spinozismi sint fulcra: nam alioquin quædam sunt in Spinoza, quæ, nisi verba fœde intorquere velimus, veterum nemo dixit. Conferri potest & Cudworthus in systemate intellectuali.

Sed & illud in Stoicorum Physiologia celebratum est, perpetuas esse mundi ἀποκαταστάσεις, seu vicissitudines, interire nempe veterem, hinc ex ejus λόγοις σπερματικοῖς, rationibus seminalibus, veluti ex cineribus phoenix, alium prodire. Stobæus (f) Zenoni, inquit, Cleanthi, & Chrysippo placet, mutari naturam in ignem, ut semen; idque rursus perfici & deduci in eandem, quæ obtinuit antea, mundi compagem. Hanc naturæ revolutionem παλιγγενεσίαν

(a) Lib. 4. de benef. cap. 7. (b) Cap. 45. (c) In Phys. Stoic. lib. 2. cap. 45. (d) Lib. 8. Segm. 135. (e) Lib. 1. de nat. Deor. (f) In Eclog. Phys. lib. 1. cap.

τῶν ὅλων, regenerationem cunctorum appellat Marcus Antoninus Imperator, ejusque sæpius meminit. Meminit & ejusdem Stoicorum dogmatis Origenes in quinto contra Celsum, & Eusebius in decimoquinto Preparationis. His autem vicissitudinibus, quæ ab æterno pluries factæ sint, fiantque in æternum, mundum perennem fieri docebant Stoici. Ita Natura materiam permeans atque pervadens æternis Fati legibus, eam aut compaginat, aut dissolvit, totumque hoc, quo continemur, quodque, ut loquitur Seneca (a) unum est, & Deus, cujusque & socii sumus & membra suapte natura, aut in concinnam machinam distribuitur, aut in chaos convolvitur & perturbatur: Adeo veteres traditiones interpolabant, aut in conjecturis suis balbutiebant Stoici. Legatur, qui his de rebus ex instituto differit Christianus Thomæus de exustione mundi Stoica (b).

§. V. De Secta Eleatica.

Trium Græcarum Philosophiæ sectarum, enarratis jam iis quæ ad Jonicam, & Italicam pertinent, una restat Eleatica, de qua, ut cœpimus, pauca. Ejus origo Sectæ a Xenophane Colophonio repetitur: at quum aucta plurimum atque illustrata sit a Parmenide & Zenone Eleatis, Eleatica est dicta. Fuit autem Elea Minoris Asiæ urbs in Mysia majore. Nihil perplexius in historia Philosophica, quam Eleatenſium de rerum origine & constitutione doctrina: nam & nulla Eleatarum supersunt monumenta; & qui de illorum philosophia literis aliquid tradiderunt, aut minus ea intellexisse videntur, aut non sincere enarrasse. Cicero in secundo Academicarum quæstionum, Xenophanes, inquit, unum esse omnia dixit, neque id esse mutabile, & id esse DEUM, neque natum unquam, & sempiternum, conglobata figura. Similia habet Sextus Empiricus (c), Xenophanis nempe dogma fuisse universitatem esse Unum, & Deum rebus inesse omnibus: esse autem rotundum, & nullis passionibus obnoxium, & immutabilem, & rationalem. De Melisso vero & ipso Eleatenſi scribit Laertius (d) positum ei universum infinitum, immutabilem, immobilem, unum, sibi ipsi simile, ac plenum, motumque non esse, verum videri esse. Plato in Sophista quoque testificatur positum Eleatenſibus universum immobile, quod non habeat locum, in

(a) Ep. 92. (b) Dissert. 9. (c) Pyrr. Hypoth. 1.
(d) L. 9. Segm. 24.

quo moveatur. At quasi repente Scena conversa, scribit Laertius Xenophanes quatuor rerum omnium Elementa statuisse. Empiricus vero, omnia ex terra fieri, velut Xenophanis dogma refert (a), Stobæus aquam quoque addit (b). At Parmenides ignem, & terram, illud activum, passivum hoc (c).

Qui hæc interpretantur in diversa abeunt. Joannes Christophorus Wolfius ad Origenis philosophumena, Nicolaus Hieronymus Gudlingius, Petrus Baelius (d), Joannes Franciscus Rudden de Atheismo & superstitione (e) inter Pantheistas Eleaticæ Sectæ Philosophos referunt; non alia, inquiunt, ratione intelligi illud potest, unum esse omnia, idque esse Deum. Enim vero recentiores Pantheistæ non aliam loquuntur linguam, uti superius demonstravimus. Sed & Aristoteles ita Eleatensium id enarrat dogma, ut hoc ipsum clarius efficiat. Parmenides, inquit, (f) omnium rerum unum esse principium, & id immobile docuit: unum porro omnia, & ens infinitum esse: quidquid vero est præter ens, id non esse: ens vero unum esse: quidquid ergo præter unum sit, id esse nihil: Omnia ergo unum esse. Nec nego, si Pantheistæ fuissent Eleatæ, clarius sententiam suam explicare non potuisse: at ut id asseveranter affirmem unum illud prohibet, quod mihi persuaserim, plura esse a vetustis Philosophis horridius, & emphaticius dicta, quæ nimium urgenda non sunt, potissimum quum bonam in partem inflecti possunt. Nan & Deum esse omnia, & Deum esse Naturam plurimos quoque veteris Ecclesiæ doctores dixisse reperias, quæ non idcirco ita sunt dicta, ut eadem ab hujus seculi Pantheistis dicuntur. Cavendum semper est in veterum interpretatione, ne verbis antiquis novas affigamus notiones. Id interim non eo inficias, non Eleatenses modo, sed Græcos ferme omnes Philosophos, si, quod alias dixi, sibi esse consentanei voluissent, Pantheistas futuros fuisse: at ut id diserte voluerint, id vero est, quod non constare affirmo. Accedit quod narrationes superius memoratæ sibi ipsæ adversantur, si acri judicio expendantur. Quis autem sibi persuaserit viros non prorsus ineptos dogmata manifesto pugnancia docuisse?

Tom. I.

D

Jama

(a) *Advers. Phys.* 1. & *alibi*. (b) *Ecl. Phys.* c. 24.(c) *Laert. lib.* 9. c. 22. (d) *In Dict. art. Xenoph.*(e) *Cap.* 1. §. 19. & *in hist. Phil.* c. 4. §. 47. & 48. (f) *In 1. Ph.* c. 2.

Jam vero de Cælo, corporibusque Cælestibus id notatu dignum reperitur in decretis Xenophanis, *infinitos esse Soles in immenso Cælo, & infinitas Lunas nostræ non dissimiles: nostram vero habitari, eamque esse Terram multarum urbium & montium*. Vide *Philosophumena* Pseudo Origenis (a), Ciceronem in *Accademicis questionibus* (b). Hæc haud dubium, licet antiquiora, quippe Orphicis communia, ostendunt, magnam animo Eleatenſes uniuerſi imaginem, & præclaram geſſiſſe, nec, quod μικρόθυμοι pusillanimes Philoſophi fecerunt, omnia tellure concluſiſſe. Illud impenite ſimul, & minus pie, quod hæc omnia ingenita fecerint. Illud autem quid ſibi velit non intelligit Burnetius, quod ex Parmenide narrat Laertius, homines ἐξ ἡλίου, ex Sole natos. Itaque ſuſpicatur legendum ἐξ ἰλῦος, ex limo. At utrumque fortalliſ dixit Parmenides, *calore nempe ſolis ex limo genitos homines*, quod præter alios Ægyptii ipſi, ut ſuperius enarratum eſt, docebant. Sed utcunque ſit, mirum eſt perſuaſum eſſe potuiſſe Philoſopho ulli, animal tam ſagax, tam providum ex inerti tellure gigni potuiſſe. Sed fatendum eſt majus etiam eſſe illud, quod Lucilius Vaninus dialogo 37. prodiit, ex Simiarum, Porcorum, & Ranarum putredine genitum primum hominem.

Quum furor haud dubius, quum ſit manifeſta phreneſis.

Ad Eleaticam Sectam referunt hiſtorici & Democriticos, qui vetuſtæ hujus phyſicæ hiſtoriolæ agmen ſunt clauſuri. Abderites magna veterum conſenſione perhibetur Democritus Olympiade 19. floruiſſe, anno vero ſecundo Olympiadis 93. obiſſe, ſcriptum eſt in Eusebii Chronico: at apud Laertium dicitur natus Olymp. 80., quod placuit & Stanlejo. Incerta omnia pronunciat Baelius (c). Fertur ultra centeſimum annum vixiſſe. De ejus indole, inſtitutione, peregrinationibus, plurima multiplicique doctrina, quæ feruntur, omnia idem collegit Baelius. In conſeſſo eſt, veterum omnium Philoſophorum longe acutiſſime in rerum naturam penetraſſe Democritum. *Atomos*, & *inane* prima eſſe, ex quibus omnia ſint conſtata, docuit. Utrumque autem

(a) Cap. 14. (b) Libro 4.

(c) In dict. art. Democr.

autem a Leucippo accepit (1). Atomos, idest corpuscula infecabilia, multitudine infinitas statuit; inane vero infinitum magnitudine (2). Leucippus infinita hæc & infecabilia

D 2

(2) Plutarch. de plac. in 1. cap. 18.

(1) De atomorum inventore quædam in superiori capite adnotavimus: paucula hic addenda non abs re putamus. Burnetius (in Arch. lib. 1. cap. vi.) Leucippo inventæ atomorum hypotheseos gloriam eripi non posse contendit. At, præter ea, quæ de Moscho superius sunt dicta, viri plurimi, longe Leucippo, & Democrito antiquiorem eam esse opinionem, conati sunt demonstrare. Edmundus Dickinsonus non Mosi tantum, quod & probat Huetius, hanc doctrinam traditam scribit, sed & Noacho, & si Diis placet, ipfis antediluvianis Patriarchis: certe a Noacho ad Aristotelem usque Philosophiam hanc corpuscularem apud pleræque omnes nationes obtinuisse contendit. Democriti porro atomos Pythagoræ fuisse Monades, haud dubitat. Sed & Radulphus Cudworthus In Syst. Intell. cap. 1. §. v. & seqq. id ipsum omni, quo potest, conatu, & viris equisque, ut dicitur, confirmare studet, iis tamen rationibus, quibus id docto Interpreti Moshemio non persuadet.

Jam & de origine doctrinæ de inani par discordia. Non desunt, quæ litteratorum est Borea, qui ab Adamo eam repetant: memoratum quippe in Scripturis vahiah expansum, & shehom abyssum, & shohou vacuum, & elimah nihilum (Jobi xxvi. xi. 7.) & quæ sunt hujusmodi. At hæc quum ex populari sensu sint dicta, hoc probant aerem vetustis populis vacuum appellatum (vide Clericum in laudatum Jobi locum, & in caput primum Geneseos). Enim vero ut sublimes has abstractasque notiones veteres homines non habebant, ita divinis Scripturis, quæ populariter naturæ res

describunt, tribuendæ non sunt. Job sane non alia ratione pronunciat terram fundatam super nihilum, quam qua Ovidius in primo Met. canit, quod

..... circumfuso pendens
in ære tellus

Ponderibus librata suis.

& Manilius lib. 1.

..... quum pendeat

Mundus, & in nullo ponat
ipse vestigia fundo.

Græcos ergo Philosophos hæc primum tradidisse non est quod dubitemus. Horum autem, quod ad vacuum spectat, historiam hunc ferme in modum exhibet Baelius in dict. art. Leucip. ex Plutarcho de Placit. lib. 1. cap. xviii. Nempe a Thalete usque ad Platonem neminem fuisse, qui vacuum seu inane admiserit. II. Leucippum, Democritum, Demetrium, Metrodorum, & Epicurum vacuum & quidem infinitum statuisse. III. Stoicos censuisse nullum intra mundum esse vacuum, sed extra mundum esse vacuum infinitum. IV. Aristotelem docuisse tantum esse inane extra mundum, ut respirare posset Cælum. At quod primo loco statuit Baelius, id oppugnatur ab Henrico Moro, & Josepho Raphson, qui a Pythagora vacui doctrinæ repetunt originem. Cassendus vero auster negat ullum unquam Aristoteli statutum vacuum (Phys. sect. 1. lib. 11. cap. 2.) Sed persequamur vacui historiam. Scholastici Philosophi nullum esse in natura vacuum, illud etiam a natura horri tenuerunt. At Galilæus, Torricellius, Petrus Cassendus vacui acerrime defensionem susceperunt. Interea Renatus Cartesius, atque numeros Cartes-

bilis corpuscula in se invicem commutari, totumque pervadere inane, atque in sese mutuo incidere & implicari, indeque mundos generari docebat (a). Sed inane hoc non extra mundum, quod Stoicis placuit, & Aristoteli, verum per omnia interspersum admississe Democriticos ex Philo. pono, & Aristotele demonstrat Thomas Aldobrandinus ad laudatum Laertii locum. Jam æternas esse atomos, & ab æterno vi motrice præditas opinatus est Democritus; qui

(a) *Laert. lib. 9. Segm. 30.*

Cartesianorum cohortes ita induruerunt, ut nec fieri vacuum, nec ullam ejus intelligi ideam posse, contentione magna probare conati sint. His, etsi alia ex causa, aliisque rationibus, accessit fenes Malmesburiensis Thomas Hobbius in *Physica*. Illis ex adverso Angli plurimi, & docti quidem atque acuti Philosophi, Henricus Morus, Joannes Lockius, Isaacus Newtonius, Samuel Clarkius, Josephus Raphson, tum & plurimi Newtoni sequaces, Gravefandius, Keillius, Musschembroekius hic noster, alique numero propemodum infinito, ita se opposuerunt, ut jam omnia Europæis Philosophis vacua videantur. Enimvero Reipublicæ litterariæ Rhadamanthi quidam severo pronunciant ore, ita rem omnem Musschembroekium concessisse, ut vix friggat Momus (*Memoire de Travaux*). Quum ecce, quod minime timebatur, clarissimi Philosophi Gotofredus Leibnizius, & Christianus Wolfius, alique non pauci, qui acutissime cernere dicuntur, quum omnia monadibus plena viderent, nullibi, nisi forte in Epicureorum sincipite, vacuum introspererunt. Ergo certamina recrudescunt, gignitque iterum

Ira tyces inimicitias, & funebre bellum.

O miseris hominum mentes! o peffora ceca!

Jam ut eruditionem Democriti Physicam tirones animo comprehendant,

percessebo breviter libros, quos aut de rebus naturæ, aut de mathematicis scripsisse ex Trafyllo refert Laertius in IX. Sect. 45.

I. *Diascosmus magnus*, seu de universo. Hunc librum mirum in modum laudat Tullius in Lucullo. II. *Diascosmus minor*. III. *Descriptio mundi*, seu de mundi dispositione. IV. *De planetis*, quos plures esse, quam septem, ostendit. V. *De natura*. VI. *De natura hominis libri duo* Hippocrati dedicati. VII. *De mente & sensibus*. VIII. *De coloribus*. IX. *De differentibus figuris atomorum*. X. *De mutationibus figurarum*. XI. *De spectro*, sive de providentia, quo libro, formas rerum, quas videmus, divinitate præditas esse disputavit, ut ex Cicerone, Plutarcho, Augustino docet in Bibliotheca Græca Fabricius. Vide, quæ hac de re disputat Bælius in dict. Art. Democritus. XII. *De pestibus*. XIII. *Causæ Cælestes*. XIV. *Causæ aeræ*. XV. *Causæ de igne*. XVI. *De Sonis*. XVII. *De Seminibus plantarum, & fructibus*. XVIII. *De animalibus libri tres*. XIX. *De lapidibus*. XX. *De Metallorum natura*. His accedunt mathematica, de contextu Circuli & Sphæra, de Geometria, de Numeris, Astronomia, Uranographia, Geographia, Polographia, Astinographia, & infinita alia Mechanica, Musica, Poetica, Medica, de quibus diffuse Stanleyus in *Democrito cap. VIII.*

qui etiam singulis atomis quandam veluti animam & sensum tribuisse ex Plutarcho de *Placitis Philosophorum* (a) conjicit Baelius in *dictionary* (b). Quod si Leucippus, Epicurus ceterique ex hoc grege Philosophi admisissent, apte cohærenterque adfirmare inde potuissent ex plurimum atomorum complexu animam sensumque gigni posse, uti observatum eidem Baelio laudato loco. Inanimatis enim constitutis atomis, qui ex earum plurium congerie anima, sensusque fiat, ut his Philosophis placuit, intelligi nulla ratione potest, quemadmodum Plutarchus adversus Epicureum Colotem argumentatur. Sed quod non videtur Baelio observatum, *racionales* item & *liberas* atomos oportebat statuuisse Democritum, si sibi cohærere voluisset; alias enim gravissimæ illæ difficultates, quas Baelius memorat loco citato, sæcæ rectæque remanent, uti facile ostendi posset, si disputationis hujus ratio pateretur.

Atomorum ex Democrito proprietates duæ *figura*, & *magnitudo*. Figuræ quidem infinitæ sunt, angulares, non angulares, rectæ, rotundæ, leves, asperæ, hamulatæ, curvatæ (c). Quantum ad magnitudinem adeo exiguas esse atomos voluit, ut omnino oculis sint imperviæ. Statuit eas præterea ita solidas, ut *individua* sint, utque neque pati, neque alterari queant. His accedit atomorum motus ex insita atque æterna vi motrice perpetuo manans. Moventur itaque atomi in *infinito inani*, in quo nihil est summum, nihil infimum, nihil extremum, uti Lucretius plurimis demonstrat argumentis. Hoc motu, qui ex Democrito semper est obliquus, colliduntur atomi, aut separantur, atque ita res omnes efformant. Hic idem motus, quippe æternus, & necessarius, *Fatum* est Democrito, & providentia (d). Discrimen autem rerum ex atomis conflatarum a *figura*, *situ* & *ordine* atomorum repetunt Leucippus & Democritus. Ergo in explicandis rerum *generatione*, *corruptione*, *alteratione*, non ad ullas *formas substantiales*, sed ad coagmentationem, dissolutionem,

D 3 per-

(a) Libro 4. cap. 4.

(b) Art. Leucippe not. E.

(c) Arist. 1. de gen. & corrup. Laertius in x.

(d) Stob. Ecl. Phys. c. 8.

perturbationem atomorum corpuscularis Philosophiæ Auctores confugiunt: coagmentatione enim fit generatio: dissolutione corruptio: perturbatione alteratio. Aristoteles in *primo de generatione & corruptione* hoc potissimum argumento hanc oppugnat doctrinam, quod generatio & corruptio, si nihil novi producat, a se non differant, itaque *ad formas* confugit *substantiales*. Cui argumento quantum sit ponderis non video: nam & discrimen *generationis*, & *corruptionis* ex *coagmentatione*, & *perturbatione* est in Democritea Philosophia manifestum: & refert parum sit necne huiusmodi discrimen, quando nullam in natura *substantiam* ex nihilo generari gravissimæ demonstrant rationes.

In explicanda autem atomorum natura in quibusdam a Democrito dissentit Epicurus: addit enim & tertiam proprietatem *pondus*; & atomorum motum duplicem facit, *rectilineum*, & *declinationis*: quæ commentus est, & quia rectilinetiæ gravitatis motu fieri corpora non posse vidit; quoniam parallelæ ferrentur eo motu atomi: & ut ne libertatem ab universo auferret, si motum tantum *rectilineum indeclinabilem* statuisset. Rectilineum motum a pondere atomorum derivat: itaque pondere naturali gravitat atomus, semitamque rectilineam conatur describere (a). Pondus autem istud atomis ingenitum, atque intrinsicum esse vult (b). At in eo & Lucretius & alii Epicurei ingenium valde torquent, undenam ea *declinatio*, quæ ipsissima videtur quibusdam Newtonianorum *vis centripeta*, nascatur. Cicero enim in *primo de Finibus* gravissime eam ob rem Epicurum reprehendit, quod *motum* induxerit sine causa, quod Physico est indignum. Plutarchus certe, & Laertius eas Epicureorum proferunt rationes, quas tirones ipsi riferint, ut *quod atomus magnis intervallis resultat*; *quod spatiis brevibus pulsa, repulsæ, quasi concutitur, palpatæ*, quæ qui interpretetur pol iste *magnus mihi erit Apollo*. Scio quosdam a *vi attractrice* hanc declinationem repetere, atque blandiri sibi, in Epicurea Physiologia *vires gravitationis*, & *attractionis*, reperiisse. Ego similia hæc esse video, eadem non video. Ceterum utrum revera in his Epicureorum viribus *ponderis* & *declinationis* vires *centripetæ* & *centrifugæ* Newtonianorum contineantur, paulo prolixius explicitum est in notis ad §. 551.

Jam

(a) Lucret. in 2. v. 217. Cic. de Finib. in 1.

(b) Lucret. in 1. v. 94. Laert. 10. Seg. 43.

Jam ex Democrito mundi in infinito inani dantur infiniti secundum omnes circumstantias, ut auctor est Plutarchus de *Placitis Philosophorum* (a). Horum nonnulli inter se non solum similes, sed undique perfecte & absolute ita pares sunt, ut inter eos ne minimum quidem intersit, ut tradit Cicero (b); omnes vero & generantur & corrumpuntur (c). Sol & Luna ex levibus componuntur corpusculis *vertigine circumactis*, ut Cartesianos vortices legere possis, ut fusius Huetius in *Censura Philosophiæ Cartesianæ*. Luna planities continet, montesque, & valles (d). Jam vero, si interpretanti Burnetio credimus, agnovit Leucippus motum terræ circa suum axem: & in prima Telluris origine & formatione, quum massa fluida in corpus globosum subsidebat, ait hunc globum membrana quadam circumductum fuisse, cetera omnia continente: quam membranam udam primum & limosam, postea induruisse. Quæ Ægyptiorum sunt Cosmogoniæ consentanea. Id præterea tribuit Leucippo, memorasse eum, situm Telluris mutatum olim fuisse: quod ex Plutarcho simul & Laertio discimus: concluditque id ei difficile non fuisse, qui terram pendulam, & circa suum axem rotatam agnovit. Ad hæc homines ex aqua & limo primum genitos esse ex Democrito tradit Censorinus (e), quæ Epicuri quoque sententia fuit. Animam ignem quendam & calorem esse Democritus statuebat, eamque ex rotundis atomis conflatam, quod & Epicurus deinceps, & Lucretius in III. statuit. Hinc eam mortalem voluere. In *natura Deorum Democritus nutare videtur*, inquit Cicero (f). Nullum alium admisisse Deum præter *imagines quasdam, aut simulacra a natura rerum emanantia*, scribit Sextus Empiricus (g); atque ita intelligo, pro *vani* antiquorum *imaginibus* traduxisse quæcumque de natura Deorum dicuntur; in quo eum sectatus est Epicurus, qui, ut gravissime Cicero, *verbo Deos tenuit, res sustulit*.

Jam Democratici & Epicurei inane hoc & universum infinitum esse voluerunt. Ergo, quod erat consuetaneum, nullum in eo centrum, contra quod voluerunt Peripatetici, posuerunt, Disputat hac de re Lucretius in primo de *natura rerum* elegantissime, nec incoite. Argumenta ejus huc redeunt. I. Quum dico universum, omnia dico:

D 4

Nunc

(a) *Lib. II. c. I.* (b) *Academic. Quæst. lib. 4.*(c) *Laert. in 9. 44.* (d) *Plut. de Plac. II. 25.*(e) *De die natali c. 4.* (f) *De Nat. Deor. I.*(g) *Adv. Mathem.*

*Nunc extra summam quoniam nihil esse fatendum est,
Non habet extremum: caret ergo fine, modoque.*

II. Si jam finem habere constituatur omne quod est spatium, si quis procurrat ad ultimas ejus oras, *jaciatque volatile telum*, aut extra volabit, aut consistet. Utrum dixeris, spatio fines demes:

*Nam sive est aliquid, quod prohibeat, officiatque
Quo minus, quo missum est, veniat, finique locet se,
Sive foras fertur, non est ea finis profecto.*

III. Si termini sunt spatio, extra quos ferri atomi nequeant, jam omnes ad unum centrum gravitant: id autem efficere debuit, ut

Ex infinito jam tempore subsidendo

unum occupaverint locum, massamque fecerint unam. Argumentum est pluribus obnoxium exceptionibus. IV. Res qualibet aliis terminari videmus, terram aqua, colles, montesque aere: quo autem dicemus terminari spatium?

Pergit autem, atque ostendere conatur nullum esse in universo centrum.

Illud in his rebus longe fuge credere, Memmi,

In medium summa (quod dicunt) omnia niti....

*Nam medium nihil esse potest, ubi inane, locusque
Infinita....*

Talia porro addit, quæ clarius etiam ostendunt systema mundanum Democriticum, & Epicureum similimum esse Cartesiano; (quamquam & plurima Newtono habet consentanea). Compaginantur nempe in utroque atomi non *mediis cuppedine vinctæ*, sed pondere, & declinatione. Quocirca nullus est secundum Epicureos in universo locus, ubi atomi non gravitent,

*Nec quisquam locus est, quo corpora quum venere
PONDERIS amissa vi possint stare in inani*

sed semper conantur: ex quo fit, ut quolibet momento tem-

temporis possit universum dissolvi, atque ex oculis eripi, si Epicureis credimus. Sed video obscuritatem esse aliquam in hac Lucretii mundana theoria. Vult Lucretius vim *ponderis* atomorum, idest *gravitationis*, nullum habere medium, quo feratur, in quo consentientes habet recentes philosophos, qui nullum centrum virium centrifugarum agnoscunt in immenso vacuo. At illud non explicat, an vis declinationis, quæ necessario centripeta esse debet, ad ullum feratur centrum, quod erat explicatu necessarium, ut intelligi posset mundum compaginari.

Qui præterito seculo Democriticam Philosophiam instaurare cœperunt, Maignanus in primis, & Gassendus, non eodem modo vetera illa acceperunt. Ac primum de natura *vacui* discordant. Epicureorum *inane* non metaphysicum, sed vulgare intelligit Maignanus, nempe pro subtilissimo corpore & fluidissimo, quale est æther, idque plurimis veterum exemplis confirmare nititur: quod, docti viri pace, est nolle videre, aut, nisi illud malit, cæcurire. Sanius ergo hæc interpretatur Gassendus. Nec minor de natura atomorum contentio. Gassendus non negat atomos partes habere, saltem tales, quæ intelligi, & designari possint: itaque quod atomus dividi nequeat, non ejus tribuit simplicitati, sed soliditati, & omnis interspersi inanis defectui. At Maignanus post Lucretium, omnino simplices facit atomos: alioquin, si compositæ sint, rerum naturalium elementa esse nequeant: elementa enim esse simplicia debent. Atque hanc eandem opinionem sequuti sunt Leibnitius, & Wolfius, quemadmodum in sequenti capite explicitum erit.

C A P. III.

De Physiologia Recentiorum.§. I. *De litterarum miserrimo statu, earundemque
Restauratione.*

Videbantur Græcanicæ litteræ ad summum ejus, quæ inter homines versatur, sapientiæ apicem pertigisse; nam non artes modo humaniores, sed sublimes ipsæ disciplinæ, Mathesis, Theologia, Physica, Ethica longe lateque per orientem, occidentemque provectæ erant, auctæque plurimum, defœcata, illustrata. *Sed negatum summis stare diu.* Nam ecce repente mutata scena, barbarisque, & ne fando quidem antea notis gentibus ex imo Oceano excitis, atque per cultas Asiæ, Europæ, Africæ oras effusis, terra telluri incubuit nox. *Coorta Sarmatarum ac Suevorum gentes, nobilitatus cladibus mutuis Dacus.* Jam vero Italia novis cladibus, vel post longam seculorum seriem repetitis, afflicta. *Hauستا, aut obruta urbes: fecundissima Græciæ, Italiæque ora incendiis vastata, consumitis antiquissimis delubris: polluta cerimonia: plenum exiliis mare: infecti cadibus scopuli: publica privataque omnia profanata jura: intermissæ artes: exsusta bibliothecæ ditissimæ, omnia vastante Ostrogothorum, Gothorum, Longobardorum, Wandalarum, Herulorum, Saracenorum, Turcarum fœda coluvie, seu ita humanarum rerum fatiis vertentibus, seu, quod vero proximius, atrocibus malis nefanda Christianorum scelera Deo ulciscente.*

Quis talia fando Myrmidonum, Dolopumve, aut duri miles Ulixis temperet a lacrymis?

Sed avertamus nos a conspectu malorum, quæ & nostra tot per annos vidit ætas, & Physiologiæ dogmata tota mente repetamus. Ante annum 1453. unus erat toto philosophiæ vultus in Occidente. Nihil enim aliud privatæ publicæque Scholæ, præter unam Aristotelis doctrinam, crepabant. Hic unus hominum magister, Philosophorum Deus audiebat. Quum hoc eodem anno Constantinopolis in Turcarum venisset Dominatum, immanem barbariem,

ty-

tyrannidemque veriti Græci plurimi, magna copia per Italiæ amœnissima ora effusi, sunt benigne quum Neapoli, tum præsertim Florentiæ excepti. Ergo literas Italos purgare, polire, restituere, Italarumque ingenia excitari. Cœptum Aristotelis, Averroistarumque jugum excuti, & aut Platonica restituta, aut nova excogitata. Paulatim historia naturalis, Anatomia, Astronomia, Mechanica aucta & illustrata. Instrumenta plurima physica, potissimum optica inventa, quæ naturæ aut longinqua, aut occulta detecta. Res infiniti operis esset, quæ scientiis naturalibus addita sunt, complecti, atque enarrare: nec disputationis hujus termini, quos mihi præscripsi, sinunt; res est præterea adeo vulgata, ut qui hujusmodi sunt rerum studiosi, infinitam ubique scriptorum copiam sint habituri. Paucorum ergo, sed illustriorum, in extrema hac historiolæ nostræ parte, meminerimus. Interim legatur, si vacat, Christophorus Augustus Heumannus in *Actis philosophorum*, & Morhofius in *Polyhistore*. Quæ igitur restant ad quatuor capita conferam. I. Italos. II. Gallos. III. Anglos. IV. Germanos.

S. II. De præcipuis Italis, qui pro literarum
restauracione suam dederunt symbolam.

ITalos primum post fœdam illam Occidentis barbariem literas, impulsoribus, ut dixi, Græcis restituisse in aperto est. Neapolitani Alphonsi Regis auspiciis circa quinti & decimi epochæ Christianæ sæculi medietatem magnum sibi omnigenæ eruditionis nomen peperere: gens mentis acumine præstantissima, & nisi Soli, ut puto, ubertate paullo latior, negligentiorque, primis humanæ sapientiæ Conditoribus, Auctoribusque par. In primis memorandus est Bernardinus Telesius nobilis Consentinus, qui prævalido mentis conatu physica Peripateticorum Principis dogmata convellere ausus, summa ejus ætatis ingenia cunctis fere in orbis gymnasiis concitavit. . . . seduloque mathematicarum addictus studio, ac potissimum opticæ, nova, inexcogitata, imperscrutabilia prope quamplurima detexit. Ita Johannes Imperialis in Telesii vita. Scripsit libros novem de rerum natura juxta propria principia, in quibus quum Aristotelis principia physica oppugnasset, Parmenidis

dis doctrinam, omnia esse unum, eaque ex igne, quod activum sit principium, & terra, quod sit passivum, conflata, restituere conatus est (1).

Telefio jungendus est Jordanus Brunus Nolanus Monachus primum Dominicanus, mox transfuga, vir ingenio quidem præcellens, pietate nefarius, qui Romæ an. 1600. ceu impius jure ac merito ultrices expertus est flammæ (2). Observatum est in Actis Lipsiensibus (a) mundanorum vorticum systema, quod Renatus Cartesius vulgavit, Bruno referri acceptum oportere; quod & Bælius (b), & Petrus Daniel Huetius (c) confirmant. Exiit, inquit Huetius, inter novitios philosophos Jordanus quidam Brunus Nolanus, quem Cartesiana Doctrina Antesignanum jure dicas, adeo accurate om-

nem

(a) *Mense Jan. 1682. p. 187.*

(b) *In dict. art. Brunus.* (c) *Censura Phil. Cart. cap. 8.*

(1) *Telestianæ Philosophiæ synopsim erudite & ἀκριβῶς nuper tradidit Academicæ Consentinae præcipuum ornamentum & decus Salvator Spiriti in pereleganti ejus opere Memorie degli Scrittori Cosentini superiori anno Mutianis typis edito. Plura sane in Telefii philosophico systemate deprehendes rationi & experimentis dissona, plura item phantastica, & vix intelligibilia. Horum nonnulla postquam recensuerat Baco de Verulamio de Augmentis Scientiarum addit: Qua in parte non admodum feliciter Telefius perfungitur, sed more adversariorum suorum se gerit, qui cum prius opinentur, quam experiantur, ubi ad res particulares ventum est, ingenio & rebus abutuntur, & tam ingenium, quam res misere torquent. Verum hæc pro temporum illorum conditione facile condonabis Telefio; nec parum id est, quod iisdem temporibus ausus fuerit adversus Peripateticorum Principem, ingentemque ejus sectatorum turbam primus signa dare, hominumque ingenia ab ejus tyrannide in libertatem vindicare; hinc idem Verulamios ita de eodem subiunxit: De Telefio autem bene sensimus, atque*

eum ut amatorem veritatis, & scientiis utilem, & nonnullorum placitorum emendatorem, & novorum hominum primum agnoscimus.

(2) Gaspar Scioppius hæc Bruno tribuit dogmata. I. Innumeros esse in immenso universo mundos. II. Animos humanos non modo ex corporibus in alia corpora migrare, sed ex uno etiam mundo in alium. III. Una eademque anima duo corpora vivere posse. IV. Magiam scientiam esse, quam damnari non sit fas. V. Spiritum Sanctum nihil esse, nisi mundi animam. VI. Mundum esse ab æterno. VII. Moysen miracula arte magica edidisse, & in ea fuisse Ægyptiis omnibus instructiorem. VIII. Mosaiscas leges humana esse commenta. IX. Sacras Scripturas mera esse somnia. X. Dæmones fore ut tandem aliquando redimantur a miseria. XI. Solos esse Hebræos, qui ab Ada, & Eva sint progeniti, nationes vero alias ab alio coepisse homine, qui diu antea fuerit a Deo creatus. XII. Christum nec Deum esse, & insignem fuisse magum. Quæ nefaria dogmata in ejus libro de immenso & innumerabilibus extare sunt qui tradunt. *Mr. la Croix dans les Entretiens pag. 287.*

nem propemodum ejus compositionem præsignavit in eo libro quem de Immenso & Innumerabilibus inscripsit.

Circa eadem tempora vixit Julius Cæsar Vaninus Taurisani in Apulia natus, qui nisi impietate doctrinam suam frædasset, magnis Philosophiæ instauratoribus par esse potuisset. Ejus doctrina naturalis pene est Eleatica. Legi potest Vanini vita superius citata. Superfunt ex ejus scriptis plurimis Amphitheatrum *providentiæ* Lugduni 1635. & Dialogi de *Naturæ arcanis* Parisiis 1615.

Recensendi hoc loco essent, si Philosophorum Neapolitanorum historiam scribere in animo esset, viri illustres Johannes Baptista a Porta, Campanella, Borellus, alique: sed vetant angustia. De Campanella pauca. Is natus est *Styli*, quod Calabriae est oppidum, an. 1568. Monachus fuit Dominicanus. A Telesio ad philosophandum excitus ipsemet scribit in *Syntagmate de libris propriis* art. 7. *Telesius*, inquit, *me delectavit tum ob libertatem philosophandi; tum quia ex rerum natura, non ex dictis hominum penderet*. Inter opiniones ejus singulares primum meretur locum ea, qua rebus omnibus, etiam iis, quæ inanimæ vulgo habentur, animum tribuit atque sensum, veluti in libro de *sensu rerum* edito 1590.: motum se, & in eam opinionem impulsam ait a rerum, quæ cernuntur, *sympathia*, & *antipathia*. Videbatur, sed quasi inscius, eo rapi, quo veteres illi omnes, qui *archon* quoddam principium universo dedere, aut quo recentiores Newtoniani, qui mutuum corporum omnium *attractionem*, haud dubium ab *hylarchico* principio manantem, aut induxerunt, aut instaurarunt, illustraruntque. Quod vero ajunt qui ejus refellunt doctrinam, *intellectum quoque universæ materiæ dedisse*, id, horum pace, minus verum puto: video enim æquo nimius ejus doctrinam provehi, sententiasque paullo emphaticas pronunciatas in deteriorem torqueri sensum, quod ingenuo interprete indignum (1).

Nec segnius ceteri Itali philosophiæ studia prosequerantur. Primum in his meretur locum Hieronymus Cardanus Mediolanensis, qui natus est anno vulgaris epochæ 1501. mortuus an. 1576. Is in *natura scientia tot nova attulit*, in-


(1) Auctor libri *Principia naturæ*, qui gallice prodiit, hunc eundem universalem sensum plantis, igni, aliisque corporibus videtur dedisse.

inquit Vossius (*a*), *ut summus vir Andreas Alciatus eum vocaverit virum inventionum*. Ipse ei infensus Julius Cæsar Scaliger tantis eum laudibus ornat, ut nil exigi majus ab amico possit. Sunt qui Cardanum de Deo non recte sensisse scribunt, quos non probo, uti nec probat Samuel Parkerus (*b*), & Bælius in *Cardano*. Sane in libro *xxi*. de subtilitate Deum definit, *Causam, originem, fontem, & principium omnium horum, quæ in universo sunt*. Interim fatetur se nescire Dei naturam: *si scirem*, inquit, *Deus essem; nam Deum nemo novit, nec quid sit quisquam scit, nisi solus Deus*. Libros vero istos de subtilitate hunc in modum concludit, *Tu igitur altissime, a quo omnia bona profluunt, cujus nutu cuncta moventur, cujus imperium nullis finitur limitibus, claritas infinita, qui solus lumen verum habes, solus vere æternus, totus in teipso, tibi soli notus, cujus sapientia omnem excedit cogitationem, unus atque incomparabilis, extra quem nihil est, qui me velut terræ vermem in umbra scientiæ direxisti, cui quicquid veri hic scriptum est, debeo... ignosce mihi, mentemque meam illuminando pro tua indefessa liberalitate ad meliora dirige*.

Quæ pertinent ad universum in libris de Arcanis æternitatis subtilissime edisserit Cardanus: *Universum hoc*, inquit (*c*), *sive sit unum, sive plura; & si unum, seu finitum, seu infinitum; & si finitum, an aliquid extra se habet, an mobile, an immobile; sit quoque genitum, vel ingenitum; & si plura, finita ne numero, an infinita, in libris de Arcanis æternitatis dictum est*.

Præcipua Philosophiæ hujus capita breviter enumerabo ex Cardani libro de subtilitate potissimum hausta. I. Principia rerum naturalium statuit quinque; *materiam, seu hylem, formam, animam, locum, motum, quæ omnia æterna, idest immutabilia esse vult*. II. Materiam pene immensam sine ullo vacuo statuit: eam autem vocat *ingenitam, & nunquam interitæram*; quod ita intelligit, non ut materia sit sempiterna, sed ita ut nec generetur, nec corrumpatur. III. In ea Naturam quandam esse, *principium activum motionum, & animam*, agnoscit. Hanc naturam in singulis rebus spectatam esse & *formam*, aut cum *forma* conjunctam. Ab eadem provenire mutationes omnes in materia, eas quoque, quas vacui horrore vetustiores Peripate-

(*a*) De *Mathematicis* par. 41. (*b*) De Deo & *prov. disp.* 1. sect. 25. (*c*) Lib. 1. de *variet.* cap. 1.



patetici tribuebant. IV. Negat ullum esse sub Cælo ignis elementum, idque validissimis rationibus, aitque se ea in re ita licere ab Aristotele dissentire, ut ille dissensit a Platone, *homo, inquit, ille fuit, & in multis aberravit*. Itaque tria tantum esse docet elementa, *terram, aerem, & aquam*, eaque omnia natura sua esse frigidissima vult, quod sint expertia lucis & caloris, seu materiæ igneæ, quam extrinsecus tantum recipiant: hinc flammam vocat *aerem accensum*. V. Ignem non *substantiam esse vult*, aut materiam quandam, sed summam *caliditatem*, idest summam partium cuiusvis corporis agitationem, *fulmenque* nihil esse aliud, quam *celerrimum ignem*. VI. Terram esse in medio universi *immobilem*. VII. Aquarum falsedinem repetit & a montibus salinis, & a calore Solis maria torrentis. VIII. Planetas, præsertim Lunam, non omne lumen a Sole habere, sed proprio quoque, quod sit quavis flamma nostra splendidiùs, lucere, ejusque rei argumentum esse, quod in maximis Lunæ deliquiis, ea prunarum referat colorem: nec vidit Lunam non in terræ perfectam umbram immergi, dum ea patitur deliquia, sed in semiumbram. IX. Cometas non fieri ex vaporibus terrestribus, quum altiores videantur eo loco, ad quem exhalationes terrestres pertingere possunt, qui Cardano est a Tellure passibus 772. millibus diffitus; Cometæ vero ad locum decuplo altiores videantur: sed nec esse vult Stellas errantes, verum meteora luminosa a Solis forte radiis exorta, quale, inquit, ipsa est via lactea. Hunc in modum vir doctus inter vera & falsa errabat. Sed impendio longius evagatur oratio. Unum addo, neminem philosophorum magis universum Intelligentiis, & Dæmoniis implevisse: adeo omnia ejus scripta Intelligentias, & Dæmonia crepant. Tandem quum in Cardano, aliisque hujus ævi philosophis *antipathiam* illam, & *sympathiam* Universi contemplor, mihi videor mutuam hanc Newtonianorum attractionem videre: sane attractio hæc & sympathia ab eodem videtur in utrisque principio derivari, hylarchico nempe, archæo, aut quocumque id vocabulo appelletur.

* Andreas Cæsalpinus Patriam habuit Aretum; obiit vero Romæ an. 1603. Papæ Clementis VIII. primarius Medicus. Is sanguinis circulationem omnium primus in orbem aut intulit, aut explicuit; quod quamquam fatetur ipse Bælius (a), præstat tamen ejus verbis confirmare: nam Angli
magna

(a) In dict. art. Cæsalp.

magna consensione Harveo suo id tribuunt. In *questionibus* igitur *Peripateticis* (a) hunc in modum scribit Cesalpinus: *Idcirco pulmo per venam arteriis similem ex dextro cordis ventriculo fervidum hauriens sanguinem, eumque per anastomasm arteria venali reddens, in sinistrum cordis ventriculum tendit, transmissio interim aere frigido per aspera arteria canales, qui juxta arteriam venalem protenduntur &c.* De rerum origine & constitutione ita differuit Cesalpinus, uti Aristoteles ipse, quem nemo haud dubium acutius interpretatus est, uti Parkerus agnoscit (b). Mundum esse æternum, omnia in natura fieri æterna quadam necessitate, hominum brutorumque animas vires esse materia indissolubiles, atque per totam diffusas materiam. Eam ob rem Bælius cum Spinozistis facere Cesalpinum scripsit.

Pauca nunc de Galilæo celeberrimo Fiorentino philosopho & mathematico, qui anno 1642. ætatis suæ 78. mortuus est. Egregia prorsus sunt, & quæ Galilæus ipse majora optare non potuisset, virorum doctorum de eo judicia. Ejus ingenii se admiratorem fatetur Grotius in Epistola ad ipsum Galilæum. *Exacto judicio, magnaque interioris Geometriæ notitia instructus censetur in Actis Eruditorum an. 1684. Galilæus omnium solertissimi ingenii esse videtur scripsit Rapius in Animadversionibus ad philosophiam* (c). *Tanti apud Gallos æstimatus fuit, inquit Leo Allatius, ut nonnulli illius tantum visendi causa iter in Italiam instituerint.* Renatus ipse Cartesius, nimium alias sui admirator, ceterorum ferme omnium contemptor, non mediocriter eum laudat (d), eam potissimum ob rationem, quod *Materias Physicas Rationibus Mathematicis examinare conetur.* * Georgius Bernhardus Bulfinger in primo solemni Academiæ Petropolitanae conventu an. 1725. ita apte, eleganterque Galilæum commendat: *Galilæum hic primum appello, virum ingenio & meritis magnum. Ille physicis tractationibus novam induxit formam; ille novam Astronomiæ lucem intulit; ille exemplo ostendit optima quæque nondum detecta esse, posse autem a nobis plurima detegi; ille viam & prævit, munivit, qua sola tuto liceat progredi, & ad veritatem pertinere; ille æmulos præstantia inventorum excitavit; ille excitatos commercio & consiliis suis adjuvit; ille Amicos, & Discipulos reliquit Magistro suppres; ille immortalem Italiæ suæ gloriam intulit.* Plurima haud dubium sunt, quæ aut ipse

(a) *Lib. 5. cap. 3.* (b) *De Deo & provid. disp. 1.*

(c) *Sect. 18.* (d) *Part. 11. epistolarum ep. 91.*

ipse detexit, aut ab aliis accepta auctiora fecit & meliora. In primis Copernicanum systema de motu Telluris circa Cæli orbes nullo agitato motu plurimis confirmare & ornare conatus est in dialogis *de Systemate Mundi*. Telescopii Astronomici inventionem, quamquam adhuc ea de re lis est sub iudice, uti docet Georgius Paschius *de inventis novo antiquis* (a), eidem vindicat Janus Nicius Erythræus (b). Telescopii hujus beneficio & maculas solares, & circumjoviales planetas detexit Galilæus; quamquam laudatus Paschius illas Christophoro Schenero e florentissima litteris & pietate Societatis Jesu familia philosopho, hos Simoni Mario detectas * falso iudicio velit. Ex his, ut & ex plurimis aliis Galilæi nostri inventis, quæ missa facio, unum ad disputationem hanc nostram pertinet, systema mundanum. De eo igitur paulo prolixius esset dicendum; sed quum id abunde præstitum sit in Institutionibus Astronomicis, quæ ad calcem operis hujus sunt, hoc in loco quicquam de eo memorare supervacaneum esse puto.

§. III. *De Gallorum Philosophorum post restauratas litteras coriphæo Renato Cartesio.*

Accedamus ad Gallos, qui præterito sæculo mentis præstantia, perspicuitate, & elegantia in primis flo-
merunt. Plures ex hac gente essent commemorandi, si non
disputationem tironum ergo, sed plenam historiam scribere
instituissemus. Ergo ad Cartesianos omnem conferam ora-
tionem. Renatus des-Cartes, qui & Cartesius dicitur, in
Turonibus natus est, stirpe in *Armorica*, & *Pictonibus* per-
illustri. A prima juvenia studiis deditus in Philosophia, &
Mathematicis stupendos fecit progressus. Tam immodico
flagravit mathematicarum disciplinarum studio, ceteras ut
omnes ex earum formulis vellet pertractatas; nec ullam
esse aliam scripsit investigandi veri rationem, quam cuncta
mathematicis rationibus persequi (c). Eam certe ipse viam
atque rationem philosophandi sequutus est, concedendum-
que hoc Gallis, universam Europam ad accuratius, fa-
nariusque philosophandum excitam ea methodo a Cartesio
esse; quum alii, qui eum antecesserant, conatus, utut egre-
gii, vix latam profecerint unguem. Quamquam id non

Tom. I.

E

tana

(a) *Cap. 7. §. 4.* (b) *pinocbot. 1. pag. 279.*

(c) *Part. 2. epistolarum, ep. 91.*

tam Cartesii ingenio, quam tempori concedam; de provincia enim ille triumphavit, in qua plura Europæ ingenia laboraverant. Mortuus est vir celeberrimus an. 1650. vitæ suæ 54.

De universo hæc opinatus est Renatus. Extensione illud *indefinitum* esse voluit, tantum nempe, cujus extrema intelligere non valeamus. *Vacui* juratus hostis, nec esse illud uspiam, nec concipi, nec esse posse. Cujus ea est ratio, quod materiæ naturam in triplici posuerit extensione. Ergo nihil intelligere poterat tripliciter dimensum, nisi corpora: vacuum igitur, inquit, aut corpus est, siquidem extensum est; aut non est, si extensione caret. Una igitur eademque res sunt Cartesio *Quantitas*, *extensio*, *Materia*, *Corpus*. Jam nullas esse in corporibus *vires motrices*, sed unam Dei voluntatem motiones omnes universi efficere subobscurè quidem Cartesius, apertè vero ejus sectatores, in primis Malebranchius, docuerunt. Et Cartesius quidem eandem motus quantitatem semper a Deo in materia conservari scribit. Malebranchius vero (a) longa ratiocinationum, eaque subtili serie concludit, nec corpora esse ullo modo posse motus causas, nec spiritus ullos creatos. Dicere ergo necesse est, inquit, a sola Dei voluntate motum produci, atque vim moventem corporibus motis non inesse, quum ea nihil sit præter Dei Voluntatem. Dicitur tamen globus causa naturalis motus, quem communicat corpori, cui occurrit, non realis, sed tantum occasionalis, quæ Auctor naturæ utitur ad agendum illo, vel hoc modo, illa, vel hac occasione. Motus hujusmodi tres statuit leges mechanicas Cartesius. I. Omne quod movetur, quantum in se est, semper moveri pergit, nisi ab externa aliqua causa cohibeatur. II. Omne, quod movetur, semper tendit moveri per lineam rectam. Utramque complexus est Newtonus in principiorum Mathematicorum libro 1. lege motus prima, quæ est hujusmodi; Corpus omne perseverat in statu suo quiescendi vel movendi uniformiter in directum, nisi quatenus a viribus impressis cogatur statum illum mutare. III. Si corpus, quod movetur, alteri occurrat, si quidem habeat minorem vim ad pergendum per lineam rectam, quam hoc aliud ad ei resistendum, tunc in aliam partem deflectitur, & suum motum integrum servando, solam motus determinationem amittet. Contra vero, si illud majorem habeat vim ad pergendum secundum lineam rectam, quam hoc ad ei resis-

(a) De ing. verit. lib. 6. part. 2. cap. 3.

sistendum, tunc corpus in motu existens secum hoc aliud movendo tantum de suo motu deperdet, quantum ei tribuet. Explicata hæc habes apud Cartesium ipsum in Principiis, tum & ab ejus sectatoribus Sylvano Regis, Antonio le Grande, Jacobo Rohaulto, aliisque viris hujus sectæ illustribus.

Omnium tamen est ingeniosissima Cartesii Cosmogonia. Eam sic molitur Cartesius. I. Deum sub rerum initium ingentem materiam creasse in particulas quamproxime inter se æquales figura fere cubicas divisam. * II. His duplicem indidisse motum; primum nempe quo singulæ circa proprium axem, seu circa seipsas volverentur; alterum, quo earum plures simul circa commune centrum moverentur; totque constituta hujusmodi centra, quot sunt stellæ fixæ, Planetæ, & Cometæ. III. Priori motu cubicarum particularum angulos contractos, contritosque; indeque tria materiæ nata genera, *subtilem & igneam; globosam & ætheream; crassam & terrestrem*; eaque tria esse universi elementa. Posteriori vero motu tot enatos vortices, quot constituta fuerant communia centra. IV. In circumrotatis vorticibus *subtilem materiam* centrum potissimum occupasse, *rotundam* atmosphæram; *crassam* vel interpositam, vel ad extimam delatam superficiem. V. Hinc factum, ut vorticum omnium centra fuerint totidem Soles vividi, atque ardentes. VI. Crassa tamen materia quorundam vorticum paulatim incrustatum fuisse Solium vultum, eoque esse, qui Planetæ appellantur. VII. Horum idcirco Vortices tardiores factos, abortos esse a grandiori aliquo vortice, ut a Saturno Saturnales, a Jove Joviales, a Tellure Lunam. VIII. Sed & grandiores istos (*omne enim regnum sub regno graviore est*) a maximo aliquo deglutitos, ut sexdecim nostros a Sole, ab alia qualibet fixarum fortasse alios. IX. Particulas omnes materiæ leves esse, idest omnes conari recedere a vorticis centro: gravitatem vero nasci ex earum vi, quæ vehementius recedant; ab his enim tardiores premi deorsum. X. Ea igitur corpora esse graviora, quæ particulis primi & secundi elementi, quæ vehementissime a vorticis centro conantur recedere, minus sint referta.

Cosmogoniam hanc velut fabulam sub initium habuit Cartesius: sed paulatim eo res provecta est, ut rerum suarum amore impense Renato capto, fabula evaserit historia. Mira autem sunt, quæ inde pro universa Physica

deduxit. Pauca attingam. I. * Lumen nihil esse aliud, nisi pressionem materiæ subtilis Solem constituentis in proximam materiam ætheream & globosam, eamque per totam vortici longitudinem diffusam. Oculis nempe, eorumque nervo optico hinc agitis, luminis in nobis procreatur sensatio. Ea ex re fit, ut quum omnia sint plena, a Stellis ipsis fixis per immensa intervalla, temporis momento, seu in instante lumen ad nos deveniat. Quam luminis doctrinam gravissimæ rationes, atque plurima recentiorum experimenta minus esse veram demonstrant: qua de re legatur Auctor noster. II. Ex materiæ particulis quasdam esse, quæ inter globorum angulos transeuntes *cochlearem* induant figuram, quas ideo *striatas* appellant Cartesiani. Harum ingentem copiam ferri in Telluris vortice e septentrione ad meridiem: eam esse *magneticam materiam*: inde provenire non *magnetis* modo, sed & *acus magneticæ* phenomena. III. Oceani fluxus, atque refluxus quum fluido Telluris vortici, tum etiam Lunæ motui deberi: nam dum inter Lunam & Tellurem materia Cælestis fluit, quasi comprimitur; ab ea Telluris centrum urgetur, simulque & terrestria corpora, imprimis aqua: inde Oceani fluxus. At recedente paulatim hinc Luna, motaque Tellure, liberius Cælestis vagatur materia, proprioque renisu ressuunt aquæ. Sed huic sententiæ quum capta in Oceano atque Euripis experimenta, tum gravissimæ refragantur rationes, quas vir summus Isaacus Newtonus, alii que ubertim suppeditabunt.

Jam, ne longius progrediar, quid de principiis universi activis senserit Cartesius explicandum est. Dum adhuc esset in vivis Atheismi expostulatus est Renatus, cum a Martino Schuokio, tum potissimum ab infenso doctrinæ suæ hoste Gisberto Voetio. Utrique autem ita respondit, ut potuerit eos poenitere temeritatis suæ. Interim argumenta existentiae Dei, quæ in meditationibus *de prima philosophia* protulit, sublesta sunt doctissimorum ferme omnium judicio. Qua de re legantur Gassendus in *objectionibus*, Huetius in *Censura*, Buddeus de *Atheismo, & superstitione*. Præterea in Cosmogonia exiguum videtur Dei habuisse rationem, conatusque est omnia Epicuream in modum, omni sublata providentia, explicare. Tandem, si Henrico Moro credatur, dum substantias incorporeas omnino fecit *inextensas*, inextensa vero nullibi esse docuerit, eas quoque esse negasse videtur, aut risisse. His ego addo

addo, quod quum mentes nihil esse aliud voluerit, quam *cogitationes*, nec cogitationes intelligi possint nisi *modi*, id videtur animo voluisse, cogitationem modum esse alterius substantiæ. Et sane *Joannes Regius* in libro, quem præscripsit, *Cartesius verus Spinozismi architectus*, conatus est demonstrare, Cartesium, saltem si sibi consentaneus esse voluisset, in eodem revolutum cœno, quo inde Spinoza: quo certe tendit, si attente pensentur, ejus de existentia Dei, ut vocat, *demonstratio* ex idea Entis summe perfecti deprompta: ea enim ex universi adpectu & contemplatione hauritur, uti observant *Huetius* & *Gassendus*. Accedit eodem, quod doctrina animarum humanarum, qua statuuntur *mere cogitationes*, intellectus vero *pure passivus* ponitur, non possit nisi in Pantheismo locum habere. Nec idcirca Cartesium Pantheistam efficio: tantum agnosco plurima esse in ejus Philosophia, quæ, nisi bonam in partem accipiantur, possint eo perducere, quo, quum iis esset abusus, perductus est Spinoza, qui Universum *unam esse substantiam*, eamque *æternam*, duobus *conflatam attributis*, æterna, & *immensa cogitatione*, æterna & *immensa extensione solida*, totumque id esse Deum. Nec id mediocriter confirmant quæ de brutis disputat: nam & hæc in Cartesianâ Philosophia celeberrima est doctrina, *bruta animantia meras esse machinas*, horologiorum instar: nihil esse in illis *animæ*, nihil *sensus*, nihil *cognitionis*: mechanice brutorum omnium operationes fieri, ut in horologiis, aut, si rite accipiatur, Deum brutorum esse animam. Quæ interim sententia etsi a Cartesianis plurimis, non satis tamen feliciter, propugnata, sequioribus philosophis & absurda visa est, & sensui hominum communi adversa: quamobrem vix hodie reperias qui Cartesianis hac in re non stomachetur.

Hæc Cartesianæ Philosophiæ summa. Unum superest ut memoremus, habiturum fuisse Cartesium, si vixisset, unde affatim voluptatis, & ejus, ad quod maxime litterati homines contendunt, præmii, gloriæ nempe, hausturus fuisset: raro enim, aut nunquam alias post hominum memoriam commemoratum est, tantum intra paucos annos uni mortali nomen, tantam apud barbaras ipsas gentes partam gloriam. Nullus fuit ante inductum Newtonianismum Reipublicæ litterariæ locus, quo Cartesii dogmata non celebrarentur. Sed (adeo verum *mortalia facta peribunt!*) cessit Newtonianismo.

§. IV. De Præcipuis Britannis Philosophis.

A Ccedamus nunc ad Anglos. Fera olim, atque inhospita Britannia, extra hominum mores cultusque polita, feracissima hoc nostro ævo extitit magnorum ingeniorum. Longum esset omnia connumerare: de Burnetio tantum, Wistono ac Nevvtono pauca dicemus. Magnum sibi Thomas Burnetius peperit nomen edito præclaro opere *Theoria Telluris sacra* Londini 1681. 4., recuso mox Amstelodami 1699. 4. In eo opere Mosem interpretari se proficitur, at revera Mosaicam miserum in modum contorquet narrationem. Mosem in Ægyptiorum, ait, eruditione innutritum didicisse ab iis mundi origines, sacram rem, nec imperito popello evulgandam, arcana lingua narrare, idest *ἑλληνορικῶς*: aut, quod vero etiam similis censet, imitatum vetustos Theologos poetas, a quibus fortassis eam acceperit historiam, qui divinas res veriti, aut mirati symbolico carmine cecinerunt. Ergo quæcumque de origine mundi scripsit, alias, quam ipsa sonant verba, easque abstrusiores habere sententias putat. Si igitur Burnetio credendum, antequam Deus ad Tellurem conformandam adgrederetur, dudum jam partes universi alias, Planetas, Solem, Stellæ fixas conflaverat, sedibusque suis locaverat. Nunc ad opus aggreditur terraqueum. Ingentem materiæ massam cret, in particulas diversorum generum divisam; has movet, miscetque. Hoc *ἀρχαῖον* est *χᾶος*, primum genium nempe illud, quod veteres ferme omnes meminere. Jam ejus Chaos particulæ quæ quidem paulo erant graviores centrum undique convenere, nucleumque ibi, qui paulatim in metallum induruit, composuerunt. At aqueæ partes nucleum hunc undequaque circumdederunt, atque ingentia maria, quæ *thēom*, *abyssum*, vocat Moses, effecerunt. Mari porro circumquaque oleaginosæ, crassæque aliæ particulæ, minus tamen gravitantes, infederunt, mollemque primum pelliculam, mox etiam densiorem, durioriæque crustam contexuerunt. Erat autem Telluris primigenia illa facies amœnissima, nec aliud nisi delicias spirans. Evaporationibus subterranei Oceani, quæ rorem efficiebant, plantæ nutriebantur, fontesque, atque rivuli, placidi ii quidem, & crySTALLINI, progigebantur. Sed paulatim uita solis radiis, post 1656. tandem annos, pluribus
in locis

in locis fessa, disrupta magno fragore, hominum ferme omnium exitio, succubuit eidem Oceano; & resilientibus aquis, omniaque mergentibus, Noeticum illud factum est diluvium, ita ut pauci huc illuc mortales evaserint, ex quibus genus humanum sit reparatum. Hinc montes, valles, prærupti scopuli: hinc insulæ, isthmi, freta: hinc subterranei lacus, aut maria; hinc subterraneæ cavitates.

Gulielmus Wistonus origines Mundi, quas enarrat Moses non ita accipiendas, quasi totum Universum spectent, sed Tellurem tantum nostram respicere arbitratur. Tellurem vero priusquam in hanc formam effingeretur, Chaos turbidum fuisse putat, idque ex Cometæ cauda factum; nam nihil dubitat ante Telluris generationem Stellas, Solem, ceterosque Planetas diu fuisse a Deo creatos, quamquam Moses ad historiam judaicam properans minus idclare narrat. Maxima autem Chaos illius pars, si credimus Wistono, aerea fuit atmosphæra, sed adeo densa, ut solares radii nullo modo, ne lux quidem ulla Telluris superficiei affulgeret. Interea rerum vis quædam genitrix, *ruah jehovah*, *Spiritus Dei* Mosi dicta, omnia permeabat, operique perficiendo incumbibat. Hæc quum geruntur, Tellus nondum circa axem suum agitata, circumacta tamen, utut informis, circum Solem, annum suum cursum peragebat. In fine hujus anni, aer, quum perpetuo ex eo crassiores particulæ excernerentur, mollique subderent crusta, paulo evasit rarior: ergo lux quædam subobscura adhuc & maligna illuxit. Ita primo die, qui id temporis primus fuit annus, *facta est lux*. Pergit porro, atque eadem lentitudine secundo die, idest altero anno, illustriorem factam vult aeris atmosphæram, itaut magna ejus pars appareret, quam vocat Moses *rakiah*, idest expansum, Græcus, Latinusque interpret *firmamentum*. Tercio anno induruit adeo superficies illa & crusta maribus incumbens, ut omnino tegerentur aquæ, videreturque Tellus minus humida minusque aquosa, planisphæra, undique æqualis, nullis nec montibus, nec vallibus, nec fluminibus, nec lacubus prærupta: ita *apparuit arida*. Quæ quum facta essent, quarta tandem Telluris circum Solem revolutione, idest quarto die, penitus defœcato aere, Sol, Planetæ, atque Stellæ sunt conspectæ, quas idcirco eo die facta memorat Moses. Tum quinto anno in maribus

quidem pisces, in aere volatilia produxit. Sexto tandem, quum satis Telluris jam indurisset superficies, bruta animalia, & homines, quibus incoleretur Tellus, produxit Deus (1).

Jam ventum est ad virum summum Newtonum. Nemo post hominum memoriam aut ingenio plus valuit, aut judicio fuit æquiore, aut meditatione & studio exercitior. Longe is a Cartesii indole absuit: non enim vagis hypothesebus, & conjecturis, sed certis experimentis, solidoque ex experimentis conformato ratiocinio philosophari amabat. Ergo opera ipsa factum est, ut conjecturalis illa Cartesiana Physica ex Anglia, quo se insinuaverat, ejiceretur, atque statueretur hæc altera modestior ea & certior. Hinc inter præcipuas philosophandi leges hanc sibi præstabilivit Newtonus. *Causas rerum naturalium non plures admitti debere, quam quæ & VERÆ sint, & earum phenomenis explicandis SUFFICIENT, qua vagas, incertaque*

(1) Plures viri docti Burnetii & Whistoni theoriæ consutarunt, in primis Auctor libri *Moses vindicatus*, qui Amstelodami an. 1694. 12. prodit. Joannes Keill. in *Examine theoriæ Telluris a Burnetio editæ tum quæmadversionibus in theoriæ novam Whistoni* Londini 1698. 8. Budæus in *hist. Eccl. vet. test.* tom. 1. period. 1. sect. 1., ad §. 11. Sane vero non video cur debeamus a simplici Mosaica narratione discedere. Unum video potissimum Burnetio & Whistono negotium fecisse, quod de diebus, primigenia luce, factisque quarto tandem die Sole, atque Stellaris aliis narrat Moyses. Sed ea leviora mihi videntur, quam ut idcirco deferenda sit Mosaica historia. Statuimus, quod caput est, Deum mundum effecisse eo temporis intervallo, quod sex nostris diebus æquivalet. Non video cur non potuerit Moyses hoc spatium vocabulis diei & noctis distinguere, ut facilius intelligeretur a suis. Nec in Penta-teucho id est novum. Nam, ut cetera mittam, ut intelligeretur a suis, adhibuit in diluvio Noetico enarrando vocabula animantium *purorum*, & *impurorum*; quanquam id discrimen non obtinuit (quidquid pauci contra moliuntur) nisi post promulgatam legem *rituam*. Jam non

intelligo, qui valeat Burnetius explicare systemate suo *subcaelestium*, atque *supra caelestium* aquarum divisionem, quam secundo die factam narrat Moyses. Aquas enim *Maim* ille vocat primigenii Chaos fluidam incompositamque massam: hanc ait divisam medio *vakiab* extensione aerea, ut nempe parva quædam pars efficiundæ Telluri hic relicta sit, maxima altius provecta, ut inde cetera fierent corpora. Sed non est hic ea de re disputandi locus.

* Unum tantum addo, Burnetium in Ægyptiorum, Thracum, Phœnicum aliorumque veterum Physiologia sui systematis fundamenta deprehendisse, ipso nec diffidente. Sed nescio, an fateatur etiam clarius idipsum systema enarrari dialogo primo de *Veterum Rhetorica* Francisci Patritii. Hic enim inducitur Julius Strozzi, qui refert patrum suum Baldasar Castiglioni, cum Hispaniæ esset, audivisse ab Æthiopiarum quodam Philosopho ibidem commorante Diluvii Universalis narrationem, ejusdem modum & causas continentem, quam in eorum vetustissimis annalibus contineri adfirmabat. Hanc vero laudato Patritii dialogo relatam si diligenter expendas, haud valde a Burnetii systemate dissentiri facile deprehendes.

tasque Cartesianorum hypotheser ex Philosophiæ regno disternat vult. Ea ex re factum est, ut Europæ celeberrimæ quæque Academiæ ex *Romanensi* illa physica ad certiores, solidioremque revocarentur. Mortuus est vir doctus an. 1727. ætatis suæ 85., Patriæ, exterisque desideratissimus. Quæ autem in rebus naturalibus conatus est paucis complectar: etenim quum in his Auctoris nostri Elementis, adjectisque notis ejus doctrina omnis luculentissime sit explicata, non est cur multis eadem repetamus.

DEUM omnium rerum opificem; *materiam* vero id ex quo a Deo cuncta sint formata, tum *Spatium æternum*, in quo materia, & corpora sint posita, universi esse principia vult Newtonus. In ejus ergo Philosophia explicanda quatuor potissimum capita complecti oportet. I. Deum. II. Spatium. III. Materiam. IV. Motum, motusque leges, quas Deus in universo efformando præstabilisse videtur. Deus ei est *ens intelligentissimum, æternum, immensum, uniforme, organorum, membrorum, partiumque expers*, (a). Ejus existentiam ex universi partibus omnibus, motibus, ordine, legibus perevidentissime deprehendi, atque intelligi docet. Nullus certe est, qui tam honorifice de Deo loquitur, tamque pure, quam Newtonus, ubicumque se occasio offert. Sed & Volterius in *Metaphysica Newtoniana* testatur, Samuelem Clarkium, doctum illum Newtoni discipulum & familiarem, quotiescumque Dei nomen profert, tanta pietate & reverentia commoveri solitum, ut statim se totum mirifice componeret ad obsequium; rogatumque, quid ita, testificatum, a Newtono se id consuetudine didicisse.

De spatio ita sensit, esse illud immensum, atque æternum, nihilque esse aliud, nisi ipsam Dei immensitatem. Nempe ut Deus *semper existendo facit æternitatem*, ita *existendo ubique immensum efficit spatium* (b). Qua in re & plurimi eum antecesserunt, in primis ejus popularis Henricus Morus in *Enchiridio Metaphysico*. & sequuti sunt plurimi, omnium vehementissime Clarkius & Raphsonus. Sed hoc est, quod pluribus non valde arrisit, proptereaque Newtonum non recte de Deo sentire arbitrati sunt. Nam quum Deus totus sit actio, & necessaria actio, seu, quod idem est, *purus, primus, necessarius actus*, ut Scholæ loqui amant: si spatium hoc immensum ipsa est Dei *essentia & natura*, jam totum hoc spatium actio est: pen-

(a) In *Princ. Math. Schol. gen.*, & *question. 31. Qpt.*

(b) *Schol. gen. superius citato.*

netrat porro id spatium corpora omnia, singulasque materiae partes; ergo Deus est, vita, anima corporum omnium, singularumque materiae partium. Newtonus ipse (a) quum dixisset, *conformationem primam partium omnium universi, potissimum animantium, nulli alii rei tribui posse nisi intelligentiae & sapientiae Entis potentis semperque viventis, qui sit ubique scilicet praesens, possitque voluntate sua corpora omnia IN INFINITO SUO SENSORIO (spatio) movere, adeoque cunctas universi partes ad arbitrium suum fingere & refingere; vidit, quid inde deducere aliquis posset: quocirca addidit. Nec tamen mundum spectare debemus tanquam corpus Dei, neque partes ejus tanquam partes Dei. Deus est ens uniforme, organorum, membrorum, partiumque expers: illa autem omnia sunt creaturae ejus, ei subjectae, & voluntati ejus; isque nihilo magis est eorum ANIMA, quam anima hominis est anima specierum illarum, quae per organa sensuum deferuntur in sentiendi locum, ubi anima eas percipit immediata sui praesentia, sine ullius rei tertiae intervenitu. Responsio haud dubium, tanti viri pace, coacta longaque repetita, animaeque exemplum, a re nostra immane quam alienum videtur.*

Jam de materia hunc in modum scribit in laudato Opticae loco. *Illud mihi videtur simillimum veri, utique Deum Optimum Maximum, in Principio rerum materiam ita formasse, ut primigeniae ejus particulae, e quibus deinceps oritura esset corporea omnis natura, solidae essent, firmae, durae, impenetrabiles, & mobiles; iis magnitudinibus & figuris, iisque insuper proprietatibus, eoque numero, & quantitate pro ratione spatii, in quo futurum erat, ut moverentur, quo possent ad eos fines, ad quos formatae fuerant, optime deduci. Quae porro particulae primigeniae, quippe plane solidae, longe longeque duriores sunt, quam ulla corpora ex iisdem deinceps cum occultis interjectis meatibus composita: imo tam perfecte durae, ut nec deteri possint unquam, nec comminui: nec adeo ulla in consueto naturae cursu vis sit, quae id in plures partes dividere queat, quod Deus ipse in prima rerum fabricatione anum fecerit. Tamdiu dum particulae illae integre permanent, poterunt sane per omnia secula ex iis composita esse corpora ejusdem semper naturae & texturae. Verum si illae deteri aut comminui possent, jam futurum sane esset, ut rerum natura, quae ex iis pendet, immutaretur. Aqua & terra ex particulis imminutis & detritis, particularumque frag-*

(a) In Opt. q. 31.

fragminibus composita, non utique eandem hodie naturam, texturamque haberent, ac aqua, & terra in principio ex particulis integris composita. Quare ut rerum natura possit durare, existimandum est corporum omnium mutationes, invariis solummodo separationibus, novisque conjunctionibus & motibus durabilium illarum particularum consistere. Nam corpora composita disrumpuntur non particularum ipsarum solidarum fractura, sed separatione earum, qua parte ex commissuris inter se junctæ erant, & paucis tantum in punctis inter se contingebant. Porro videntur mihi hæc particule primigeniæ, non modo in se vim inertia habere, motusque leges passivas illas, quæ ex vi ista necessario oriuntur; verum etiam motum perpetuo accipere a CERTIS PRINCIPIIS ACTUOSIS, qualia nimirum sunt gravitas, & causa fermentationis, & coherentiæ corporum. Atque hæc quidem principia considero non ut occultas qualitates, quæ ex specificis rerum formis substantiabilibus Aristoteleorum) oriri fingantur, sed ut universales naturæ leges, quibus res ipsæ sunt formata. Quippe principia quidem talia reuera existere, ostendunt Phenomena naturæ, licet ipsorum cause quæ sint, nondum explicatum. Hæc ille.

Pauca nunc de Newtoniana Cosmogonia. Testis est Volterius in citatis epistolis, universi theoriæ suam, dum in horto meditabundus deambulet, decedentesque adspiceret fructus, excogitasse Newtonum. Omnium ergo primum ex Planetarum circum Solem revolutione deducebat aperte Planetas in Solem gravitare: quæcumque enim corpora, quæ circum aliquod centrum aguntur, in id gravitare, seu a centro illo attracta, seu ab externa causa adacta, id procul omni est dubio. Vi ergo centripeta, a quacumque ea causa producatur, in Solem aguntur Planetæ: at si centripeta tantum hac vi impellerentur, omnino cum Sole jungerentur: ergo & centrifuga vi a Sole abiguntur. Harum ergo duarum virium quasi commissione & temperatione universi stat ordo. Attractiones has vires centripetas vulgo vocat; contenditque universalem esse, mutuamque & magnorum corporum, & minimarum materiæ particularum attractionem istam, ita ut non Planetæ Solem tantum, sed & Sol Planetas, & singulæ Planetarum, Solisque partes, singulas attrahant, aut in singulas gravitent. Attractionis hujus, aut gravitationis se causam ignorare fatetur Newtonus: sed discimus ex Scholio generali superius laudato in eorum sententiam inclinasse, qui principium quod-

quoddam hylarchicum in Universo statuerunt. *Adicere jam*, inquit, *liceret nonnulla de Spiritu quodam subtilissimo corpora crassa pervadente, & in iisdem latente, cujus vi & actionibus particulae corporum ad minimas distantias se mutuo attrahant.... & corpora electrica agunt ad distantias majores.... & lux emititur, reflectitur, refringitur, infectitur &c.* Sed an hinc etiam repetierit Planetarum mutuas in sese gravitationes, non ausim dicere: a Dei potius voluntate illas derivasse videtur.

Quibus ex rebus patet longe a Cartesianis Newtonianos Philosophos distare. Primum corporum particulae etiam primigeniae friabiles Cartesianis: at solidae ita Newtonianis, ut nulla naturae vi frangi possint; quae opinio longe est rerum naturae accommodatior: nam si prima ipsa corporum elementa dividi, & mutari possunt, nec ulla essent stata atque permanentia corporum genera, & generationum constans ordo interrumperetur, omnibusque ex rebus possent omnia prodire. Tum nullum in Cartesiana secta Spatium vacuum, ne possibile id quidem, quae sententia valde est physicis disciplinis incommoda: immensum vero vacuum statutum Newtonianis, quo Naturae corporeae phaenomena facilius explicantur & dilucidius. Adhuc motus Astrorum circumvolutione vorticis fit in Cartesiana secta: viribus centrifugis atque centripetis in Newtoniana. Praeterea corpora omnia Telluris in Cartesiana levia, idest centrifuga: in Newtoniana gravia, seu centripeta. Porro ibi motus omnes pullione, hic eorum pars major attractione explicati. Praeterea in Cartesiana lumen motio est aetheris materiae: in Newtoniana fluidissima atque subtilissima materia e corporibus luminosis manans. Magnes vi Materiae striatae impellitur ad ferrum, si Cartesianis credimus: a principio attrahente rapitur ex Newtonianorum sententia. Oceani ibi fluxus, atque refluxus caelestis efficit materia, quae per arctiorem locum transiens aequas premit: hic attractione Lunae & Solis elewantur aquae. Colores ibi variae Solis radiorum reflexiones a variis superficiebus: hic variae innatae refrangibilitates eorundem radiorum. Tandem, ut cetera mittam, nihil nisi hypotheses vagas incertasque docet Cartesius: nihil nisi quod aut experimenta, aut rationes demonstrant, adoptat Newtonus. Ergo determinatae Cartesianorum sunt hypotheses, ex quo ad solidiorem Physicam scientiam ab incertis hypothesis revocata est Europa. Atque

que quemadmodum ab occultis qualitatibus, ad hypotheses tam repente conversa est per Cartesium, ita ab hypothesebus ad experimenta, mathematicasque rationes, quod conati jamdudum erant Democritici, a Newtono. Ita

Multa renascentur, quæ jam cecidere . . . Sed an hoc etiam? . . . cadentque

Quæ nunc sunt in honore? . . . opinor.

§. V. De Præcipuis Germanis Philosophis.

Dicendum nunc est de Leibnitio & Wolfio Germanorum omnium celeberrimis Philosophis. *Gotofridus Gulielmus Leibnitius* (sunt verba Joan. Francisci Buddei (a)) *Mathematicus insignis, ingenioque tam vasto præditus, ut nulla fere sit pars eruditionis, quam non attigerit. Ad Philosophiam, quod attinet, tantum abest ut Cartesii aliorumque recentiorum placita prorsus calculo suo adprobaverit, ut Scholasticorum contra laudaverit philosophandi rationem; eorundemque labefactatam hætenus, & tantum non conculcatam, postliminio restituere auctoritatem adgressus sit. Mundum ex Monadibus compactum esse vult: monades vero esse substantias simplices vi quadam activa animatas. Earum quatuor esse vult genera. Unum earum, quæ sola vi motrice sunt præditæ, ex quibus corpora sint composita. Secundum earum, quæ mundum repræsentent clare, sed minus distincte, ex quibus consistant animæ brutorum. Tertium earum, quæ mundum clare & distincte repræsentent, quales animæ hominum. Quartum, seu potius quarta, eaque perfectissima monas, ea est quæ repræsentet simultanee & distincte omnia possibilia, qui est Deus (b). Atque hoc est maximum in Leibnitiana Philosophia *πᾶσις ὅλων*, quamlibet monadem universitatem rerum, qua distincte, qua confuse, veluti in speculo referre. Qua de re in Actis Eruditorum Lipsiæ plura relata reperiuntur.*

Quandoquidem autem Christianus Wolfius viris equisque, ut dicitur, Leibnitii dogmata propugnare est adgressus, hanc universi structuram, monadamque istarum naturam ex Wolfio ipso enarrabimus. Is igitur in *Cosmologia* (c) sic omnium primum *Elementum* definit, *principium internum corporum irresolubile in aliud prius*. Corporum igitur elementa

(a) *In Epit. hist. Phil. adnotat. ad §. 31. cap. 6.*

(b) *Budd. loc. cit. (c) Sect. 2. cap. 2. §. 181.*

menta esse ait simplicia, uti elementa vocabulorum, quæ simplices sunt litteræ, quæ nempe in alias litteras solvi nequeant. Hinc corpora esse entia composita ex simplicibus substantiis sumit. Addit propterea nihil esse in corporibus *substantiale* præter simplicia isthæc entia, corporaque vocari quidem posse *aggregata* ex *substantiis*, non vero *substantias*: quippe ipsa simplicium substantiarum unio, qua fiunt corpora, substantia non est. Jam vero reperit in corporibus *vim activam motricem*, quam non quidem *substantiam*, sed *substantialem* appellat, quamque ex simplicibus manare substantiis demonstrat; ea vel maxime ratione, quod quæ reperiuntur in substantia composita sint ex simplicibus, ex quibus ea constat.

Quod autem elementa corporum sint substantiæ omnino simplices, sic probat. Elementa ea sunt, ex quibus primum corpora conficiuntur: hæc autem si ex aliis sunt composita, elementa non sunt, nec priora: substantiæ ergo simplices sint oportet. Quicumque igitur prima elementa composita esse statuunt, ii una opera elementa esse negant. Non ergo sunt corpora prima isthæc elementa. Eandem ob rationem nec extensa sunt, nec figurata, nec magna. Præterea nec ullum occupant spatium, & intestino motu nullo agitari possunt: hæc enim omnia in simplicibus substantiis esse nequeunt. Tales ceterum sunt, ut in iis *ultimæ rationes* eorum omnium, quæ in rebus corporeis deprehenduntur, contineantur. Ergo in his elementis phænomenorum omnium, quæ in corporibus observantur, rationes primæ sunt pervestigandæ. Et primum corporum *similitudo*, aut *dissimilitudo*, *identitas*, aut *diversitas* ex hujusmodi tantum Elementis est explicanda: nam si eadem fuerint elementa, idem perdurabit corpus: sin mutantur, mutabitur: similia elementa similia conflagunt corpora: dissimilia conflagunt dissimilia. At dicet fortasse aliquis, ex simplicibus his atque inextensis substantiis corpora extensa & solida procreari non posse: penetrabunt enim sese mutuo; nec infinita vel latum unguem extendentur. Eam Wolfius rationem nihili prorsus facit: putatque se ex horum elementorum natura explicare facillime simul & clarissime posse, quo tandem pacto extensio ex iis solida & divisibilis prodeat. Id sic exorditur:

Singula elementa dissimilia omnino esse, nullumque esse alteri prorsus simile, ne fieri id quidem a Deo posse; quod
nulla

nulla subest *sufficiens ratio*, contendit, jactatque vel experimentis quamplurimis quum sibi, tum etiam Leibnitio patuisse. *Similitudo*, inquit, *posita est in eorum identitate, per quæ entia discerni solent*: quum autem *entia simplicia per se tota discernantur, nihil idem habent*: dissimilia ergo sunt. Sed quo potissimum monadum *natura*, & *essentia* continetur? Nempe, inquit, *vi activa, anima*. Est scilicet cuilibet propria vis quædam activa, & anima, qua est quod est, & ab aliis omnibus distinguitur, discerniturque. Non ergo eos probat, qui atomos omni *activitate* spoliant; non posse eos hujusmodi atomis rerum naturalium causas, ordinem, vim explicare contendit. Jam ob hanc *activam vim* elementa in continuo sunt conatu, quo fit ut *interius cujuslibet atomi status* perpetuo mutetur: quippe *status* elementi ab ejus actione pendet, actioque illa in omni ferme temporis momento varia est & diversa. Sed status tamen hujusmodi connexi inter se sunt, ita ut fato velut quodam alter ex altero necessario maneat, atque possint ex primo ceteri omnes perspicui & prævideri. In tanta autem universi extensione, in qua, si Leibnitianis credimus, ne minimum quidem *vacuum* est, quanta erit elementorum hujusmodi copia? Quod cujusque elementi status? quot omnium? Interim & elementa omnia, & omnes omnium status talem habent inter se connexionem, talemque conficiunt harmoniam, ut (quale paradoxum!) si unum elementum pereat, si unus perturbetur suprema aliqua vi & potentia, status tum totius universi ordo, connexio, series, harmonia turbabitur. Ita Wolfius (a). His hunc in modum explicatis, ad id tandem adgreditur explicandum in *Cosmologia* (b), qui fieri possit, ut ex monadibus istis corpora coagmententur. Singula, inquit, elementa, in singula agunt, a singulisque in singula reagitur. Ergo mutua hac actione copulantur: eadem, ne sese penetrarent, præpediuntur. Quocirca ita uniuntur, ut simul alterum extra alterum existat: ea est extensio, quæ nempe partes habeat extra partes. Sed qui solida? nempe quia agens undequaque. Atque est hæc Wolfii de rerum corporearum elementis doctrina per summa capita explicita. Nullum, ut patet, isti philosophi *vacuum spatium* esse contendunt: spatiumque nihil esse aliud volunt, quam corporum extensionem, *coexistentiam*, & situm. Ea de re

acer-

(a) In *Theolog. nat. part. 1.* (b) *Secl. 2. cap. 3.*

acerrime pugnatum est Leibnitium inter & Samuelem Clarkium: cujus disputationis præcipua momenta extant in *miscellaneis gallice editis, quæ præscripta sunt Recueil des diverses pieces sur la Philosophie, la Religion naturelle &c. pars Mms. Leibniz, Clarke, Newton, & autres auteurs celebres. Amst. tom. 2. in 8.*

Jam quid isti docent de viribus universi activis, intelligitur facillime, si Leibnitianam & Wolfianam celeberrimam illam harmoniam præstabilitam enarraverimus. Diffuse systema hoc explicatur a Wolfio in *Psychologia Rationali*: nos in pauca conferemus verba. Omnium primum statuit Wolfius, Mentem humanam talem esse a Deo creatam, ut vi sua primigenia, sine ope externæ ullius causæ omnes suas *perceptiones, & appetitiones*, continua serie, eaque immutabili sibi producat: ita nempe ut primus Mentis status, velut A, rationem contineat sufficientem omnium aliorum possibilium. Sed prima illa animæ humanæ vis potis est perenni perceptionum serie *repræsentare sibi universi partes omnes*. Nihil ergo ex corpore meat in animam. Quinimmo si nullum esset corpus, non minus anima ea perciperet, aut ageret, quæ percipit, agitque *naturæ suæ necessitate*. Porro & illud statuit, corpus humanum ita esse compactum, ut vi motrice donatum, nulla alterius causæ ope, omnes sibi actiones suas procreet. Non id impellitur a mente: ne impelli quidem potest, quum tangi ab ea nequeat. Est in primigenia sua vi ratio sufficiens, quæ omnes suos status immutet. Ergo quæcumque in corpore nostro proveniunt motiones, dummodo ex *passiones* non sint, idest ab externis corporibus factæ, ita in eo proveniunt, ut, etiamsi nulla esset anima, fierent tamen eodem ordine. Oculos attollo, aut demitto, circumvolvo, adaperio, aut claudio: manus extendo, aut contraho: agitor, aut curro: nihil ejus Anima: a natura omnia corporis prodeunt. Non est ergo corpus, dicet aliquis, animæ unitum. Falso, inquiunt. Perceptiones, atque voluntates animi ita in eo innascuntur, ut coexistant motionibus in corpore, aut ab externa causa, aut ab ipsa corporis natura excitatis; motiones vero corporis, quæ liberæ creduntur, ita fiunt, ut Mentis perceptionibus atque voluntatibus respondeant. Credas alteras ab alteris nasci: illæ tamen nec se norunt unquam, tantum abest ut a se invicem producantur. Præstabilita est a Deo hæc harmonia: ita pergit.

Nihil

Nihil illam perturbare, nihil ei officere potest. Quam sane opinionem vix mihi persuaferim serio aut Leibnitio & Wolfio propugnatam, aut ulli, qui non sit omnino vecors, probari. Sane vero dum hæc mecum reputo, in ea magis magisque sententia pertinax hæreo, tanto homines de rebus naturalibus scripsisse verius, quo simplicius philosophati sunt. Ex quo enim, Græcorum, maxime lascivientium haud dubium ingeniorum opera, elaborata naturæ systemata, & a cōmuni hominum sensu remota, certe nimis methaphysica, in lucem prodierunt, tantum abest ut naturæ harum rerum cognitio aucta sit & illustrata, ut scepticismus potius in dies longe lateque provectus sit, provehaturque etiamnum: idcirco de rerum origine & constitutione quanto agrestius barbaræ nationes senserunt, tanto veritati fuere propiores. Res omnes illæ ex turbido Chaos supremæ Mentis numine atque consilio discretas, conformatasque: homines ex creta confictos, divina cogitandi & sentiendi vi addita: animas in corpora dominari, eaque pro arbitrio regere: cuncta sensuum nos via percipere, & quæ sunt his similia, magna consensione docebant. At hi abstractis adscitis notionibus, dum philosophiam ab hominum commercio iterum ad mundum intelligibilem revocare student, omnia rixis, vanis quæstionibus, tenebris oppleverunt. Veteres de Natura, Deo, Religione sanctius credere putabant, quam inquirere: majores ergo istis in rebus audiebant doctores; iis etiam auscultabant: isti dum omnia vetera, quasi vieta contemnunt, libertate abutentes perridicula quævis absurda conceptis ad fucum faciendum argumentis orbi obtrudere conati sunt. Eleganter Homertus in Odyss. B.

Πᾶροι γὰρ τοῖ παῖδες ὅμοιοι πατρὶ πέλονται

Pauci sunt filii, qui patribus similes proveniunt

& Horatius

Damnosa quid non imminuit dies?

Ætas parentum peior avis ruit

Nos nequiores, mox daturos

Progeniem vitiosiore.

E L E M E N T A P H Y S I C Æ C A P U T I.

De Philosophia & Regulis Philosophandi.

§. 1.



Philosophia est Scientia omnium rerum, Divinarum, & humanarum, earumque proprietatum, operationum, effectuum, causarum, quæ Intellectu (1), Sensibus, Ratione (2), vel alia quacumque via cognosci possunt, ad veram hominum felicitatem, quantum in hac vita fieri potest, comparandam, aut conservandam, destinata.

Per *Res Divinas* intelligimus Deum, omniaque, quæ extra se producit, opera, sive Spiritualia, sive Corporea, sive Extensa fuerint.

Res humanas vocamus omnes hominum actiones, omniaque artificia, quæ ab hominibus, res creatas certo ordinantibus modo & situ, peraguntur.

Quicquid ad Spiritus spectat, Intellectu & Ratione cognoscitur.

Quodcumque est corporeum, sciri tantum potest Sensuum ope. Ambarum rerum Scientia, intellectu & sensibus acquisita, Ratiocinio extenditur quamplurimum.

Vox ipsa *Philosophia* studium Sapientiæ denotat, inventa fuit a Pythagora, se artem scire nullam, verum eas se investigare, profitente; cum *Σοφοί* appellarentur, qui artibus, & scientiis antea operam dabant.

§. 2. Est Philosophia admodum ampla Scientia: idcirco dividenda merito in aliquot partes. Ex ad sex referri possunt: ut sit 1. *Pneumatica*, quæ agit de quorumcumque Spirituum Existentia, Attributis, & Operationibus. 2. *Physica*, quæ examinat Spatium totius Universi & omnia in

(1) *Pura* scilicet *intellectione*, quæ res sensibus minime subjectæ citra phantasmata percipiuntur; vel ipsa clara *intuitione*, quemadmodum a-

xiomata percipimus.

(2) Ratiocinio nempe & conjectura, quæ ex intellectu & sensibus proficiuntur.

in se corpora, indagans eorum Naturam, Attributa, Proprietates, Actiones, Passiones, Situm, Ordinem, Vi- res, Effectus, horum Causas, Modos, Magnitudines, O- rigines; & ea Mathematicæ, quantum fieri potest, pro- bans. 3. *Teleologia*, scrutatur fines, propter quos omnia in Universo existunt, cunctæque rerum Actiones & Mu- tationes ac motus fiunt, quantum humana sagacitate in- dagari possunt. Hæc tamen scientia nunquam perfici pot- erit, quia fines, quos sibi Deus proposuit, cunctos eruere hominibus concessum non est; & raro quidquam vere de- monstrari, idest secundum rigorem mathematicum, potest. 4. *Metaphysica* exponit generalia, omnibus rebus creatis communia. Quid sit Ens, Substantia, Modus, Relatio, Possibile, Impossibile, Necessarium, Contingens, &c. (1). 5. *Practica* tradit regulas, ad quas unumquemque actiones suas dirigere oportet, ut officia Deo, sibi, aliisque homi- nibus præstanda exsequatur, sive in statu naturali, sive civili, sive oeconomico vixerit; quo actiones bonas a ma- lis distinguendo, bonasque, hoc est, virtutes exercendo, vitam beate transigat. 6. *Logica*, explicat animæ humanæ Intelligentem, Ratiocinantemque facultatem, & simul docet Regulas recte ratiocinandi, tum vitandi erroris, & methodum dirigendi ingenii, ut latentes veritates exan- tur, & demonstrantur.

§. 3. Optima ad addiscendam Philosophiam sternitur via, præmissa cognitione *Artium Liberalium*, & imprimis *Ma- thesi*. Quia 1. hæc ingenium potissimum acuit. 2. Docet quid sit vera demonstratio. 3. Absque hac nihil in Me- chanica, Hydrostatica, Optica, Astronomia cognosci pot- est. Ex memoratis Philosophiæ partibus Physicam eligimus, ejus fundamenta hic tantum tradituri. Mox autem abunde apparebit, illam esse Scientiam adeo amplam, ut in annuis exercitationibus, quæ Juventuti Academicæ consecrantur, prima fundamenta delibare tantummodo concessum sit.

§. 4. Objecta Physicæ sunt *Corpus*, *Spatium*, & *Motus*. Quid vero per hæc intelligitur paucis indicabo. Quamcum- que rem oculis intueri, vel manu comprehendere & pal- pare possumus, quæque pressionem resistit, *Corpus* appellamus. Extensionem Universi, in quo corpora ponuntur, & libe- re moventur, *Spatium*. Translationem corporis ex una in aliam Spatii partem vocamus *Motum*.

F 2

§. 5.

(1) In hæc Physicæ & Metaphy- proximas, hæc æternas & generales
cæ officia discriminantur, quod illa naturalium rerum causas investiget.

§. 5. Omnes Situs, Motus, Mutationes, & Actiones corporum, quæ Sensibus observantur, sive uno, sive pluribus, appellantur *Phænomena* vel *Apparentie* (1). Ita *Phænomenon situs* est v. gr. septem illarum lucidiorum in Ursa majori Stellarum ordo. Cum Sol quotidie oritur, culminat, occidit, suppeditat *Phænomenon Motus*. Lunæ species & forma mutatur, tum crescendo cum eminentibus cornibus, tum pleno orbe fulgendo, tum defectibus in initia recurrendo, quo modo *Mutationis* dat *Phænomenon*. Veluti habetur *Actionis phænomenon*, a ruentibus in se corporibus, vel a semet mutuo trahentibus potentiis.

§. 6. Nulla autem inducitur corporibus mutatio, cujus causa non fuerit motus, sive *excitatus*, sive *suffocatus*: omne enim incrementum, decrementum, generatio, corruptio, vel qualiscumque alteratio, quæ in corporibus contingit, pendet a motu. Hunc quidem non tam extemplo detegimus, fugitivo oculo corpora adspiciendo, quam cum accurate attendimus. Vetustate scilicet Ligna quiescentia quæcumque, etiam si durissima mutantur, solvantur, & in pulverem fatiscunt. Omnis hæc mutatio inducta fuit ab Aere, & Igne, liberrime poros lignorum permeante, partes concutiente, aliquas avellente volatiliores, reliquas a se mutuo separante. Imo fere omnes Corporum Actiones vel pendet a motu; vel motum generant: quoniam primum *Physicæ objectum* est Motus.

§. 7. Observantur omnia corpora secundum certas moveri Leges vel Regulas, quæcumque causa movens extiterit. *Leges* vocamus constantes *apparentias*, quæ quotiescumque corpora in similibus ponuntur occasionibus, semper eodem se habent modo. Producentur ex suo semine Plantæ & Animalia, constanti & semper eadem Lege: Quæ in se ruunt corpora, regulis inviolatis in se agunt, tum virium suarum jactura, tum earum transfusione in alia. Idcirco ex observatis cognitisque Legibus nonnullos prævidere effectus possumus: nam cum Cuneus heri

vi

(1) Recte *Phænomena* vel *Apparentie*: sensibus enim nil de ipsa rerum extra mentem existentium reali internaque conditione, & statu cognoscimus; suntque nobis a natura dati, non ut eorum medio rerum extra mentem positarum internam constitutionem, vel agendi modum

deprehendamus, sed ad hoc tantum, ut perceptionibus, vel sensationibus, rerum externarum relationes, quas nobiscum habent, cognoscamus ad utilem vitæ conservationem. Vid. Maleb. de Inquir. Veris. l. 1. c. 3. & segg.

vi quadam in lignum adactus, id fiderit, certissime prævideo eum pari vi idem lignum hodie fissurum. Maturum semen Sinapi elapso anno fertili solo commissum læte viguit; idcirco pari modo sub eodem Aere hoc anno alterum semen crescet.

§. 8. Ejusmodi Leges ex solis Sensuum observationibus addiscuntur, neque vel mortalium sapientissimus ullam solis animi meditationibus excogitare potuit; nec ideam aliqujus menti suæ innatam deprehendit. Pendent vero illæ omnes a liberrima Creatoris voluntate (1), quæ statuit, ut certi motus in iisdem occasionibus semper peragerentur: hinc quælibet planta suum producit semen, unde iterum similis, non diversa, renascitur planta; hinc unumquodque Animal ex sese sui simile gignit: determinatæ magnitudinis corpus, velocitate quadam in alterum irruens, determinatum in eo motum excitat. Corpus grave sibi libere commissum, sponte cadit deorsum, & accelerato motu.

Hæc omnia per Infinitam potentiam aliter stabilire potuisset, si voluisset, Deus. Quare autem ea ita voluit, minime perspicimus: nobis sufficit videre, quomodo stabilita sint, atque in elegantissimo ordine Universi summam Conditoris sapientiam admirari. Harum igitur Legum causa & ratio nobis est ignota. Sunt vero illæ constantissimæ, quia voluntas divina constantissima est.

Ope harum Legum intelligimus quid Naturaliter, quid Miraculose contingit: Nam *Naturalia* sunt phænomena, quæ constanter eodem modo observantur, positis corporibus in similibus occasionibus. *Miracula* autem sunt, cum Phænomena Legibus istis contraria eveniunt.

§. 9. Quoniam vero nondum cunctæ Leges Naturæ sunt detectæ, oportet ut solícite, tam in corporibus Ter-

F 3

restris.

(1) Sed aliæ sunt leges primariæ, aliæ secundariæ & derivatæ. Priorum sane non alia est causa præter liberrimam Dei voluntatem, quemadmodum fortasse est corporum gravitas, vis attrahens, vis inertię, &c. Derivatæ vero, quæ ex prioribus illis necessario fluunt & dependent, quibusque positis illas etiam dari omnino necesse est: ejusmodi sunt vis centrifuga in corporibus in or-

bem actis, quæ ab inertia materiæ necessario profluit; lex æqualitatis angulorum incidentiæ & reflexionis corporum elasticorum in firmum obicem impingentium, quæ ex inertia item materiæ, & elasticitate fluit; tum eæ, quas de similibus plantis, similibusque ortis animalibus recenset Auctor, quæ certe positorum quorundam Antecedentium necessariæ consequentiæ sunt.

restribus, quam in Cælestibus investigentur. Percurrenda igitur eorum omnia genera erunt. Quorum illa, quæ Terram constituunt, a Philosophis in tria Regna, Vegetabile, Animale, & Fossile, dividuntur, quibus forte non inepte Atmosphæricum adjungi posset.

Sunt autem in singulo Regno genera admodum copiosa, & multæ species: adeo ut amplissima & inexhausta sit Physica, cum omnia examinanda sunt seorsum, imo quodlibet individuum. Id autem fieri oportet, quia totidem varietatibus luxuriat Natura, ne extemplo ex paucorum examine generales Leges stabiliamus, quæ singulares modo sunt. Ex ovulo multorum insectorum prodit animalculum, quod eandem semper retinens formam adolescit, veluti aranei, pediculi: Ex ovo animalculi alterius generis, nascitur vermiculus, qui in aureliam vertitur, & exinde in animalculum, quod adolescit, & non volat, veluti pulex. Ex aliis ovis prodit vermiculus, qui corrugatur, & in speciem aureliæ abit; hic in muscam volantem, ova fœcunda progredientem: cum iterum aliæ Muscæ non ova, sed vivos vermiculos pariant. Aliquando vermiculus, qui ex ovo prodit, in alium vermiculum, depositis exuviis, idque bis, ter, quaterve, abit, antequam in Aureliam transformetur, hæc in papilionem, veluti bombyx. Non uno & eodem modo progignuntur universæ plantæ, plurimæque in vegetabili regno obtinent Leges: Sunt enim plantæ, quarum flores Organa masculina & fœminina possident. Sunt quarum flores in uno ramo fœminini, in alio masculini sunt, uti Corylus: Sunt aliæ omnino fœmininis floribus, aliæ tantum masculinis donatæ, veluti Palma: Sunt aliæ floribus extrinsecus orbatæ. Et quis omnes in Fossilibus determinabit leges? diversis enim modis crescunt Lapides, aliis Metalla. Quamobrem omne incrementum Physicæ a sedulis observationibus, in singulis corporum generibus & speciebus instituendis expectandum est.

§. 10. Interim dum Phænomena explicare conamur, oportebit ad sequentes Regulas Philosophandi, a Newtono præscriptas, religiose attendere.

1. *Causæ rerum Naturalium non plures sunt admittendæ, quam quæ veræ sunt, earumque phænomenis explicandis sufficiunt.*

Ex Phænomenis eruendæ & deducendæ sunt causæ: Hæ
veræ

veræ erunt, 1. Si eas revera dari constet (1). 2. Et Phænomena ex iis manifesto fluere demonstrentur. 3. Si corpora variis modis explorata eorundem phænomenorum easdem causas semper ostendant. Si autem causæ nec inveniri, nec certo probari possunt, candide hoc agnovisse præstat, quam aliquas finxisse, ex quibus phænomena explicare nitimur. Idcirco hypotheses ex Physica sunt proscribendæ: quicquid enim iis colligitur, est inconstans, nec inter demonstrata potest haberi. Præterea hypothesibus aggravatur, non promovetur Scientia: suscitantur controversiæ inutiles: intorquentur phænomena, imo finguntur quædam, ut hypotheses roborentur, & defendantur.

In causarum corporearum investigatione occupati, ineluctabiles offendimus difficultates; quia cum ad ultimam, quæ a sola Dei potentia pendet, pervenimus, connexionem claram inter effectum & causam non videmus: nunquam enim, quomodo Deus, tantum Spiritus, in corpora operatur, a nobis intelligi poterit. 2. Nullos characteres regulasve huc usque possidemus, ex quibus, nos ad ultimas corporeas causas in indagando pervenisse, certissime scimus.

§. 11. *Effectuum Naturalium ejusdem generis eadem sunt causa (2).*

Si terrena proinde corpora a gravitate ad Terræ nostræ

F 4

cen-

(1) Si enim tantum possibilis est, nec reipsa existere constet, vera nunquam censetur causa, etsi effectui vel phænomeno producendo potis sit. Eundem effectum ex pluribus causis oriri posse, indubia res est. Idem e. g. indicis horarii motus in horologio automatico vel ab appenso pondere, vel ab intus concluso elatere, vel ab impetu defluentis aquæ, vel ab aliis etiam causis fieri potest. Ex tot vero causis, non plus quam una revera existit & operatur; eaque sola a Physicis investiganda, quod sola sit vera illius effectus causa; reliquæ possibiles tantum, nec ad veram Physicam pertineant. Si oblatum horologium concluso intus pondere sit instructum, ridebitur, qui ad illius indicis motum explicandum elaterem finget. Atque idipsum de iis Philosophis sentiendam, qui ex

suis hypothesibus, & pro libitu fictis causis naturales effectus derivare contendunt, parum de causarum illarum existentia solliciti.

(2) Communiter receptis adagiis hæc nititur regula: Naturam scilicet causis superfluis non luxuriari: frustra fieri per ambages, quod simpliciori via absolvi potest. Et sane si gravitas in Europa sit descensus lapidis causa, quis dubitabit ab eadem gravitate similem lapidis descensum in America, & ubilibet provenire? Si Luna vi gravitatis in sua circa Tellurem orbita contigitur, similiaque sunt ejus phænomena iis quibus Planetarum primariorum circa Solem motus fiunt; Quid ni adfirmabimus etiam Planetas primarios simili gravitatis vi urgeri, eademque, quo minus ab orbitis suis excurrant, impedi?

centrum, quod eorum centrum gravitatis est, agantur : Planetæ quoque in cælo circa Solem delati, ad centrum gravitatis a simili gravitate agentur.

§. 12. *Qualitates corporum, quæ intendi & remitti nequeunt* (1), & *quæ omnibus, in quibus experimenta instituere licet, corporibus competunt, pro corporum universorum qualitatibus haberi possunt.*

Quid ni ex Qualitatibus, quæ sunt omnibus corporibus terrestribus communes, concludere licebit, eas quoque in Cælestibus dari? An non colligere licet ea, quæ in Terræ gremio concluduntur corpora, huc usque non eruta, habitura eadem Attributa, ac illa, quæ in superficie Terræ inveniuntur, & a nobis explorata sunt?

§. 13. Utilitas Physicæ ingens est in vitæ humanæ commoditatibus inveniendis, amplificandis: in omnibus artibus humanis, aliisque disciplinis intelligendis, explanandis, promovendis; præcipue autem in Medicina. 2. Apparitionum vanam & inutilem admirationem ex animo pellit. Liberamur ejus beneficio mortis metu, non conturbamur ignorance rerum, e qua ipsa horribiles existunt sæpe formidines: levamur superstitione. Sed & hæc scientia miracula Divina in clarissima luce ponit. 3. Directe nos ducit ad existentiam Dei, ejusque providentiam cognoscendam, probandam; tum ad ejus attributa plurima, præcipue potentiam, sapientiam, bonitatem &c. optime intelligenda.

C A P. I I.

De Corpore in genere ejusque Attributis.

§. 14. **C**orpora dari ope Sensuum cognoscimus (2); corporibus in sensoria operantibus mens varias

(1) Hoc est, quæ eadem semper, & invariata in corporibus perseverant, utquumque sit temporis, & loci variata conditio, quamquunque etiam mutationem, alterationemve corpora patiantur: cujusmodi certe sunt Extensio, Soliditas, ac reliqua corporum attributa §. 15. ab Auctore recensita.

(2) De Corporum existentia, existant, nec ne, & quibus argumentis id comprobetur, sibi non conve-

niunt Philosophi. Plato, & hinc Platonici, οὐκ ὄντα appellant corpora, idest, non entia quod qua ratione pronunciant, non consentiunt interpretes. Id similis vero non entia apud Platonem idem esse, ac non immutabilia; est enim ei ὅν immutabile, οὐκ ὄν quod mutatur. Quidquid ejus sit, id extra dubium, Renatum Cartesium primum extitisse qui corporum existentiam dubiam fecit dum nimis eam studiose proba-

rias acquirit ideas, exprimentes id, (1) quod corporibus inest. Colligendo omnia, quæ hoc modo in illis observamus, deprehendimus dari nonnulla omnibus communia, dari alia, quæ in singularibus modo corporibus insunt. Ea quæ omnibus semper insunt, vocamus *Attributa*, quæ vero aliquando, aut singularibus tantum adsunt, *Proprietates*, vel *Qualitates*. Hæc omnia hærent in quadam substantia, (2) cujus nemo mortalium clarum intellectum huc usque possedit.

§. 15. Inter hæc *Attributa* sunt nonnulla quæ nec intenduntur unquam, nec remittuntur; Alia vero, quæ intenduntur, remittunturque. Priora sunt *Extensio*, *Soliditas*, *Iner-*

re conatus est. At Malebranchius longius quæstionem provexit, quum in *illustrationibus ad libros de Inquir. ver.* existentiam corporum probatu admodum difficilem, eamque divina tantum Fide constare contendit. Calculum addidit suum Baelius in *Diff. Hist. Cris. Art. Zeno observat. H.*, ut nempe ille est proclivis ad quidvis arripiendum, ex quo scepticismus confirmari possit. Tandem Hiberni quidam aperte corporum existentiam oppugnarunt, statuentes præter Deum, *Mentes a Deo factas*, & *Ideas* nihil esse reliqui in Universo. Eam nos controversiam ad incudem revocantes, id certi reperisse videmur, I. corporum existentiam evidentia mathematica evincere non posse: neque enim unquam efficit quisquam ut tam evidenter nobis persuadeamus esse corpora, quemadmodum tres trianguli angulos duobus rectis æquales. II. *Evidentiam sensuum*, qua corpora dati omnes sibi persuadere, licet *mathematica* minorem, ejusmodi tamen esse, quæ certitudinem exæquet. III. Desipientis esse corporum existentiam in dubium revocare. Sed & si dubia ponatur corporum existentia, nihil propterea scientiis Phisicis derogatur; sunt enim istæ phœnomenis inædificatæ, quæ sive cor-

pora existant, sive non, semper sunt eadem.

(1) Exprimentes scilicet facultatem eorundem corporum eas ideas in mente excitandi, quas mens ex se ipsa producere non valeret. Interna siquidem conscientia quisque novit earum idearum vel sensationum se non esse auctorem, eas experiri cum nolit, non experiri, etsi velit; hinc dari externam causam cognoscit, a qua eæ excitari valeant & dependeant. Atque id unum est, quod sensibus, & ratiocinio evidenter deprehendere videmur; nil vero de ipsa reali ejus externæ causæ natura & interna constitutione, vel de ejusdem agendi modo & facultate. Vide quæ ad §. 5. præc. cap. adnotavimus.

(2) Si cujuslibet enim five attributi, sive proprietatis idea sedulo expendatur, invenietur esse debere subiectum aliquod, quod sit illius veluti *fulcimentum* & *substratus*; quum per se id attributum, vel proprietatem existere non concipiamus. Extensionem e. g. concipere non valemus, nisi rem extensam, *subjectum* extensum simul concipiamus, seu id, quod extensionis veluti fulcimentum est, & *substratus*. Id autem quidquid sit dicitur Auctori *substantia*, cujus certe ideam nullam claram, & adæquatam habemus.

Inertia, Mobilitas, Quiescibilitas, Figurabilitas. Posteriora sunt, *Gravitas, & Vis Attractionis.* (1).

Hæc octo Attributa ita se habent, ut huc usque non inventum fuerit aliquod corpus, siue magnum, siue parvum, firmum vel fluidum, quin hæc omnia simul possederit, neque horum aliquid ex iis ulla arte tolli potuerit.

§. 16. Inter proprietates corporum sunt *Opacitas, Peluciditas, Fluiditas, Firmitas, Colorabilitas, Calor, Frigus, Sapidum, Insipidum, Odorum, Inodorum, Sonorum, Insonorum, Durum, Elasticum, Molle, Asperum, Læve &c.* Hæc enim ita sunt comparata, ut nunc in corporibusprehendantur, nunc vero ex iis absint.

§. 17. Sunt inter proprietates quædam certo respectu universales: quia quotiescunque corpora in quodam statu ponuntur, semper adsunt: ita se habet *Potentia movendi*, quæ omnibus motis corporibus inest: tum *Divisibilitas*, quæ relativa est ad omne corpus magnum ex elementis compositum. Has a reliquis proprietatibus distinguendas optimo consilio Maupertuisius, vir plane non expers doctrinæ, iudicavit.

§. 18. Solicite a Philosophis quæsitum fuit quidnam corporum Naturam efficeret? *Natura* ab iis vocatur id: *Quo posito corpus ponitur, quo sublato corpus tollitur*. Hi abstractos conceptus formando explorarunt, quænam Attributa cogitatione rejicere possent, servata tamen in Mente corporis Idea; tumque omnia pervolvendo eo usque pervenerunt, * ut reliquorum attributorum ideas rejecerint, sola excepta extensione, quam a corpore remove re haud poterant, nisi penitus destructa ejus idea; hinc concluderunt *Naturam corporis esse in Extensione positam*, qua data existeret corpus, qua sublata periret corpus (2).

Assentiri tamen hisce non possumus ob varias rationes. 1. Quamvis per Mentis abstractionem tantum attenderimus ad unum Attributum, ideo non sequitur id solum existere tanquam Rem, aut existere posse absque Re, ejusve aliis Attributis. Pari enim modo, alio ordine tantum

(1) Diminuta enim corporis distantia a centro, ad quod vel gravitate, vel attractione tendit, gravitatis, & attractionis vires augentur, eademque minuantur ea aucta distantia, uti in hæc Phy-

sica docebitur; quod etiam in ferro ad magnetem attracto experiri licet.

(2) Sic calculum deduxerunt Cartesiani, qui in ea opinione propugnanda sunt toti.

tum cogitando, perveniam ad aliud Attributum, in quò definam, eodemque jure concludere liceret, id Naturam corporis efficere. Quippe clausis oculis manui imponatur Sphæra corporea gravis; per abstractionem Mentis concipiam cum Mechanicis omnem ejus Gravitatem in centro poni, tum fingam omnia, excepto hoc centro, deleri; tum tamen Ideam eandem corporis, propter Gravitatem superstitem & manum prementem, retinebo; an hinc concludere licebit Naturam corporis esse positam in Gravitate? Eodem liceret jure ac alteri in Extensione eam statuenti, & per abstractionem Mentis non aliter ratiocinanti.

2. Nondum demonstrare possumus, nobis omnia, quæ in corporibus sunt, innotuisse; nescimus quibusnam positis ponatur corpus. Etiam si enim octo dari Attributa, per §. 15. intelligamus, affirmare non licet, positis his octo, haberi corpus. Finge enim dari Rem possidentem centum Attributa inseparabilia, cape horum decem, an his decem positis, res ipsa ponetur? minime. Si vero conceperis hæc decem in Re quadam subsistere posse, quid tum dabitur? Non Res ista superius posita, verum alia prorsus diversa, donata tantum decem Attributis: Sit ergo Res, quæ possideat centum Attributa, quorum decem cognovisti; iis cognitis non cognovisti Rem, nec ejus Naturam: Non aliter comparatum est Corpus: Omnia Attributa simul, in ejus substantia hærentia, illud constituunt: cunctis positis certissime datur corpus, iis sublatis non datur.

Ignorari vero huc usque plurima, exinde liquet, quia ope Sensuum duntaxat addiscimus, quomodo se habet corporis superficies: Superficiem modo oculis videmus, eam tangimus manibus, lingua gustamus, præterea nihil, nec quid aliud in nares operatur: quid vero est, quod intra superficies corporis hæret conclusum? an non id, quod proprie corpus facit, quod ejus substantia est? sed id ignoramus: Quamobrem duntaxat corticem corporis, & pauca ulterius ex phænomenis ratiocinio collecta, non autem id, quod corpus constituit, cognoscimus. Præterea quamvis hac ætate octo Attributa detexerimus, rogabo, an omnia Attributa corporis sint tam manifesta, ut eorum nullum effugiat primum inspectum aut examen nostrum? si id; cur antiqui non æque ea, quæ nunc in luce

luce sunt posita, eruerunt, ut ferioris tempestatis Philosophi? Quo Jure omnia nunc sciri demonstrabimus? Quomodo convicti sumus nos donatos Sensibus satis aptis, ad corporum omnia Attributa universalia observanda & distinguenda?

3. Si Extensio sit corporis Natura, oportet ut ex ea fluant omnia attributa & proprietates corporis, quemadmodum ex Natura Trianguli & Circuli fluunt omnes harum figurarum proprietates. Quomodo autem ex sola Extensione fluit Soliditas, Vis Inertiæ, Mobilitas, Gravitas, Vis attrahens? hæc nihil commune habent cum Extensione, nec, licet in Infinitum de ea mediteris, ullam connexionem inter Extensionem & Vim Inertiæ, reliquaque memorata deprehendes.

4. Infra demonstrabo dari Spatium extensum non corporeum, a corpore prorsus distinctum. Duæ Res penitus diversæ eandem Naturam possidere nequeunt (1).

§. 19. Iisdem difficultatibus premuntur aliorum Sententiæ, qui posuerunt Naturam corporis absolvi *Extensione Solida*. Nam hæc inest substantiæ alicui, quæ ignoratur: præterea ex hac posita nequaquam fluunt reliqua corporis Attributa, cum hac nihil commune habentia. Naturam revera ignorari ex experientia optime colligi potest; si enim cognosceretur, a priori plurimos, si non omnes, effectus, quos corpora in se acta edunt, determinare possemus, veluti ex Natura Trianguli plurima deduxerunt Mathematici: verum a priori scimus de corporibus nihil. Nec qui naturam sibi perspectam crediderunt, sive eam in uno, duobus, pluribusque Attributis posuerunt, ad hanc tantum attendendo, vel solite eam examinando, aliquid unquam a priori de corpore detexerunt; aut aliquos, ex experientia aut observatione non detectos effectus, prædicare potuerunt.

* Quidam Philosophi naturam corporis definierunt
Prin-

(1) * His accedit, quod si extensio diligenter animo inspicatur, facile appareat, eam nil aliud menti ingerere, quam diffusionem quandam, seu continuam repetitionem alicujus communis naturæ per plura coexistentia; quænam vero sit illa

natura non exprimere, sed præsupponere tantum: Igitur extensio relativum quiddam est, non absolutum; & ipsa natura substantiæ corporeæ, quæ scilicet diffundi intelligitur, est quid extensione antèrius

Principium Actionum & Passionum corporis internum. Dubium sane nullum est dari in corporibus Motis, in Gravibus, & se Attrahentibus principium aliquod agendi internum; tum dari & passionis internum principium, seu vim inertiae. Sed per hoc principium corporis naturam definire, idem est ac obscurum per æque obscurum explicare. Si enim ab his Philosophis quærat, quid sit id principium? unum ne & simplex, an plura? constans & perpetuum, an mutationi obnoxium? & alia hujusmodi; nil certe respondere poterunt, quod accurate quæsitis satisfaciat. Obscurissima est igitur ejus principii notio. Præterea id principium est tantum aliquod attributum, eodemque concipitur modo, quo extensio & soliditas; qua igitur ratione Naturæ nomine a reliquis distinguitur attributis?

§. 20. Oportebit ut octo Corporis Attributa seorsum examinemus, primum acturi de *Extensione*, quæ triplex est, 1. Longa tantum, veluti est linea AB (*Tab. 1. Fig. 1.*). 2. Longa & lata, qualis est superficies CDEF (*Tab. 1. Fig. 2.*). 3. Longa, lata & profunda, quæ est GHIKLM (*Tab. 1. Fig. 3.*). Est hæc triplex Extensio diversæ Naturæ, adeo ut nunquam earum una in aliam mutari possit: nam Lineæ sibi impositæ aut juxta positæ nunquam componere possunt Superficiem: neque Superficies utcumque numerosæ solidam efficere Extensionem trium dimensionum.

§. 21. Si duo puncta A, B, (*Tab. 1. Fig. 1.*) a se invicem distincta proponantur, ad eorum intervallum attendendo, ideam Extensionis longæ, sive lineæ formamus. Aut cum concipimus duas lineas CD, EF (*Tab. 1. Fig. 2.*) a se mutuo remotas, attendendo ad id, quod intermedium est, ideam alterius Extensionis, quæ longa & lata est, acquirimus, veluti eum corporis superficiem videmus. Vel cogitando duas superficies IGH, KLM (*Tab. 1. Fig. 3.*) a se remotas, atque attendendo ad id, quod intermedium est, ideam tertiæ Extensionis formamus, quam Mathematici Solidum vocant. Quare ad has tres species Extensionum animo comprehendendas, non sufficit conceptus Extensionis ejusdem speciei, sed diversæ. Nam ad concipiendam Extensionem GHIKLM (*Tab. 1. Fig. 3.*), requiritur conceptus Extensionis IGH, KLM (*Tab. 1. Fig. 2.*); veluti ad Extensionem CDEF mente consequendam, postulatur conceptus Extensionis

nis CD, EF (*Tab. 1. Fig. 1.*); sed ad concipiendam Extensionem AB desiderantur tantum puncta.

§. 22. Quidquid huc usque conceptum est Extensum, Quantum est, nam potest concipi majus minusve: idcirco Quantitas cuicunque Extensioni competit.

§. 23. Qualiscunque fuerit Extensio, concipi potest composita (1) ex Infinitis minoribus Extensionibus, adeoque divisibilis in Infinitum.

Nam inter extrema lineæ puncta A, B, (*Tab. 1. Fig. 1.*) positum esse punctum aliquod Mathematicum O, atque inter A & O iterum aliud punctum, & id usque in Infinitum, intelligi potest: nunquam vero punctum intermedium tanget alterutrum extremum, quia punctum longitudine caret; adeoque linea divisibilis in Infinitum erit. Hinc quælibet Linea finita constabit ex innumeris lineolis, sibi adjacentibus: & sive magna, sive infinite parva fuerit, non erit aliquod simplex, sed aliquod compositum ex lineis inter se similibus; adeoque est Infinite parvum divisibile in alia Infinite parva minora usque ad Infinitum.

Si ejusmodi lineam consideramus ut unam, erit ejus *Extensio continua*: si vero consideramus tanquam constantem ex Infinitis lineolis, erunt hæ omnes sibi *Contiguae*.

Pari modo est superficies CDEF (*Tab. 1. Fig. 2.*) divisibilis in Infinitum, concipiendo lineam PQ inter CE, DF; tum inter PQ, DF aliam, usque in infinitum.

Sed & inter superficies IH, KM (*Tab. 1. Fig. 1.*) intermedia superficies RS cogitari potest, atque inter hanc RS, KM iterum alia, usque in Infinitum.

Errasse itaque illi videntur, qui asserunt, Omnem extensionem esse simplicem, per omnia sibi similem, non compositam eam esse ex partibus, quia pure extensum ab extenso non differt.

Enim vero licet extensio AB (*Tab. 3. Fig. 3.*) sibi per omnia

(1) Imo ita concipi omnino debet: ex inextensis enim veluti ex punctis mathematicis nulla intelligi potest composita extensio, juxta tritum illud; *inextensum additum inextenso nullam facit extensionem*. Et quidem si duo puncta mathematica simul uniri supponas, hæc cum partibus & extensione sint destituta, fieri non potest ut secundum unam

partem se tangant, non secundum reliquas; ideoque eorum contactum & unionem per compenetrationem fieri necesse est, ita ut quod inde oritur, idem sit punctum nec partibus nec magnitudine auctum. Similiter si infinita puncta jungantur, nec extensio nec corpus unquam fiet, sed idem semper prodibit punctum.

omnia sit similis, constat tamen revera ex partibus AC, CO, OB; & licet extensum AC longitudine non differat ab extenso CO, hoc est non differat extensione, differt tamen situ; atque hoc modo quælibet pars in eo ab alia differt.

§. 24. Quamvis igitur omne Extensum concipiatur componi ex Extensionibus, non videtur bene definiri id, *Quod habet partes extra partes*. Cum enim quælibet pars sit extensa, dicitur tantummodo, Extensum esse Extensum extra Extensum. An vero melius ponetur secundum alios, quod sit *Multorum extra se invicem existentium coexistentia in uno*? an autem definiri non potest, quia Idea Extensionis simplicissima est?

§. 25. Divisibilitatem in Infinitum varii Philosophi impugnaverunt; opinati. 1. Infinitum non posse contineri a Finito. 2. Magnitudinem minimam fore æqualem maximæ, cum ambæ contineant Infinitum. 3. Infinitum alio Infinito majus minusve non dari.

Ad Primam Objectionem respondemus: Non quidem magnitudinem Infinitam posse contineri in Finita, sed partes numero infinitas contineri posse in magnitudine finita (1). Sit enim circulus; hic est magnitudo finita, in eo poni possunt puncta Mathematica numero infinita: a quolibet puncto ad punctum potest duci linea: ergo infinitæ erunt lineæ in circulo; atque inter lineas interceptæ superficies infinitæ, adeoque Infinitum potest contineri in Finito.

Secunda objectio innititur erroneæ Hypothesi, omne infinitum esse sibi æquale, cum dentur multa Infinita sese superantia. Sint duo circuli, quorum alter diametrum duplo majorem habeat altero; poterunt in utroque circulo poni puncta numero infinita, & lineæ infinitæ; verum in majori poterunt poni quadruplo plura puncta, & quadruplo plures lineæ quam in altero, positis omnibus inter

ter

(1) E. g. in linea palmari lineam infinite longam contineri nemo sanus affirmabit, sed contenditur tantum, infinitum partium, vel linearum numerum in ea contineri: quod mirum nemini videri debet spectanti eas partes infinitas numero; magnitudinis esse infinite exiguæ; tum magnitudines non ex solo par-

tium numero, sed ex numero & magnitudine partium simul esse æstimandas. Ad omnem vero auferendam ambiguitatem, quæ ex infiniti voce esse potest, *infinitum numerum* dico, qui *omni finito & adsignabili major est*; tum *infinitè exiguam magnitudinem*, quæ *omni finita minor*.

ter se æqualibus (1): si vero totidem scribantur lineæ in uno quam in altero, erunt illæ in circulo majori longiores, quam in minori.

Hinc tertia objectio etiam cadit, cum præter mox memoratum circulatorum exemplum, plura Infinita norunt Mathematici se mutuo exsuperantia. Omnes enim numeri ab unitate usque in infinitum constituunt multitudinem infinitam: hi omnes cum in se duci queant, sunt radices quadratorum: adeoque tot dantur quadrata, quot numeri: verum numeri omnes ab unitate usque in infinitum exprimunt quoque quadrata; plurimorum vero numerorum, uti 3, 5, 6, 7, 8 &c. consideratorum ut quadrata, radices non dantur: adeoque præter Infinitam multitudinem quadratorum oriundorum ex radicibus in se ductis, datur alia infinita multitudo quadratorum, quorum radices non datur in numeris; unde est major multitudo quadratorum quam radicum: cumque sint ambæ multitudines infinitæ, inter Infinita existit ratio majoritatis & minoritatis.

Ex

(1) Nam per prop. 2. l. 12. Euclidis circulatorum proportio duplicata est proportionis diametrorum; adeoque circulus, cujus diameter alterius dupla est, illius erit quadruplus.

Sed quod hic circulatorum exemplo ostendit auctor, innumeris aliis confici potest argumentis. In spatio undique immensum extenso, quod revere dari cap. 3. demonstrabitur, lineam in infinitum hinc inde productam concipi posse nil vetat: quæ facta hypothese infinitum in ea linea contineri milliarium numerum nemo ambiget, infinitum quoque stadiorum & pedum numerum: at numerus pedum major est stadiorum numero, & hic adhuc major numero milliarium. Quod si ei lineæ infinitæ veluti AB (vid. fig. 1. Tab. Addit.) ad quamvis distantiam, puta rectæ AC, parallela ducatur etiam infinita CD, spatium his parallelis comprehensum, utpote omni finito majus, erit vere infinitum: eruntque proinde in eo infinita jugera, infinitæ perticæ qua-

dratæ, & pedes quadrati pariter infiniti. Sed numerus pedum major est perticarum numero, & hic quoque major numero jugerum. Quod si data inter parallelas distantia AC juxta datam rationem in E dividatur, ac per punctum divisionis E parallela ducatur EF item infinita, dividetur spatium illud infinitum in duo pariter infinita datam rationem inter se continentes. Vel si eadem AC versus I in infinitum producatur; in eaque producta pars abscindatur AN, quæ ad AC datam quamvis habeat majoris inæqualitatis rationem: tum per N recta parallela item infinita ducatur, spatium inde prodibit infinitum, quod ad alterum pariter infinitum eandem habebit majoris inæqualitatis rationem. Cumque ea parallelarum distantia in infinitum produci possit, spatium hinc dari intelligimus infinitum, quod ad alterum pariter infinitum infinitam habet rationem, hoc est, quod infinito spatio infinities majus est.

Ex plurimis seriebus in Infinitum excurrentibus & se mutuo superantibus, idem evinci potest (1).

§. 26. Huc usque vidimus Extensionem triplicem posse conceptu dividi in Infinitum. Jam vero alia oritur quæstio, quæ Physica est, & non Mathematica: An nempe corpora, quæ extensa sunt in longum, latum, & profundum, actu dividi possint ullis viribus Naturæ in Infinitum, an vero tantum dividantur usque in certam parvitatē, ultra quam non amplius possint dividi, quia ulterius non constant ex partibus (2), sed sunt unitates solidæ, ita a Deo creatæ? In hac quæstione consulenda est experientia, non vero Imaginatio, aut Mathematicus

Tom. I.

G

con-

(1) Notum est Geometris quasdam dari series terminorum numero infinitorum, quarum singuli termini in alias terminorum item numero infinitorum series resolvi possunt. Quare si pro singulis cujuslibet ejusmodi seriei terminis æquivalentes series substituuntur, series inde exurget infinitarum serierum, quarum quælibet infinitos numero terminos complectitur: ideoque in hac serierum serie erit numerus terminorum infinitus, infinitus major numero terminorum prioris seriei etiam infinito. Sed abstracta hæc nimium sunt, & tironum ingenia torquent, quod latius hæc declarandi laborem levat.

(2) Vel si partibus donantur (quemadmodum reipsa donari necesse est §. 23.) eas tamen naturæ, vel artis viribus nunquam separari contingat, sentque hoc sensu unitates solide ita a Deo creatæ. Hæc pro duplici Philosophorum infinitam partium resolutionem negantium sententia addere visum est. Eorum enim alii elementares, vel ultimas corporum particulas ideo ulterius indivisibiles habent, quod omnibus omnino partibus, etiam quæ mente tantum intelliguntur, destitutas putent; a quibus etiam cum omnem submoveant extensionem, figuram omnem (alias ne eorum quidem cohæreret oratio) erunt punctorum Mathema-

ticorum instar. Zenoni Eleatæ hanc fuisse sententiam vulgo fertur; sed perperam id reputari videtur Bælio in *Dist. hist. crit. Artic. Zenon.* Democritum & Leucippum eandem habuisse sententiam auctor est Simplicius *Expl. Phys.* l. 4., id discriminis esse docens Democritum vel Leucippum inter & Epicurum, quod hic atomos etsi infecabiles, partibus tamen donatas voluerit; Leucippus vero & Democritus partibus omnibus destitutas, proptereaque infecabiles eas dixerint. Lucretius huic ad stipulari videtur sententiæ (*lib. 1. v. 619.*), quam deinde Philosophorum præsertim Hispanorum turba amplexa est (*Vid. Sturm. Phys. eccl. c. 2.*), nec ipso Galilæo repugnante in *dial. nov. scient. die 1.* Porro cum eadem sententia cohærent, quæ de Monadibus suis singula corpora componentibus docet Cl. Leibnitiuss: earum enim nomine intelligit naturas omnino simplices, extensione, figura, & partibus destitutas, & in eo tantum a punctis Mathematicis discrepantes, quod variis singulæ præditæ sint qualitatibus; in primis activa quadam vi & ἐντελεχεία, quibus puncta omnino carent (*Vid. Wolf. Cosmolog.*). Liquet itaque præclarissimis omnis ævi Philosophis hanc probatam fuisse sententiam. At quod eam premit validissimum argumentum ad-

conceptus. Experientia quæstionem pro voto decidere non potest, sed scrupulos aliquos relinquit, etiamsi verosimillime probare videatur, corpora non dividi usque in Infinitum, sed ad aliquos tantum usque terminos. Sunt autem argumenta, quæ sequuntur.

1. Constans Universi ordo, quo ex dissolutis regenerantur eadem corpora, semper cum iisdem proprietatibus, pari modo & tempore, in eodem loco, id demonstrare videtur. Crescunt plantæ ex Seminibus commissis Terræ, constanti ex aliis resolutis plantis sub fimi forma, intra idem tempus, ad eandem magnitudinem, soliditatemque &c. quam olim; si proinde partes nutrientes nunc decies subtilius forent divisæ quam ante, etiam plus temporis pro incremento requireretur, alia forma, firmitas & virtus plantarum foret. Capiatur enim marmor in majusculum pulverem tritum: aliud subtilius tusum; aliud subtilissime: æquales harum massarum quantitates cum liquefacta cera seorsum misceantur: indurata frigore tres massæ diversam firmitatem habebunt: nonne idem in regeneratione plantarum discrimen, & proinde infinite diversum daretur, quale non observatur? Idem obtineret in Animalibus & Fossilibus. Verum huic discrimini adversatur experientia. Si sal solvatur in menstruo, redibit idem sal exsiccato parumper menstruo: si sal arte chemica in spiritum acidum, aut in alcæ conversum sit, regeneratione convertitur in idem sal: quare concludendum, sal tantummodo in determinatam usque subtilitatem, non in infinitam, fuisse divisum (1).

2. Ne-

adhuc solvit nemo; qui vid. fiat ut ex inextensis componi possit extensio. Id sane si fieri posset, præclarissima Matheseos disciplina universa corrueret, & ipse imprimis *Infinite-fimorum* calculus, pro cujus inventionis laude tantopere dimicavit Leibniti-
us.

At aptius, rerumque naturæ convenientius alii mathematicam partium divisionem in infinitum extendentes, physicam tamen suis contineri terminis ajunt, hoc est, ad ultimas tandem deveniri partes, naturæ vel artis viribus ulterius non divisi-

biles, sed quæ tamen aliis veris reallibusque partibus, mente saltem intelligibilibus, præditæ sint; harumque singulas aliis adhuc donari partibus, idque sine limite. Hanc fuisse Epicuri sententiam ex Simplicio discimus, eandemque præclarissimis nostrorum temporum Philosophis probatam esse constat, veluti Gassendo, Newtono, Boerhaavio, Desagu-lierio, Nieuwentitio, Hartsoekerio, aliisque, pro qua sunt Cl. nostri Auctoris momenta.

(1) Eo præcipue argumento pugnat Lucret. l. i. v. 589. & seqq.

.... Nam

2. Neque ulla nova producta observantur, sed semper eadem genera animalium, plantarum, fossilium, cum omnibus proprietatibus & characteribus, nunc generantur, ac ante centenos annos: quamobrem quæ resolvuntur corpora, & nutrimentum aliorum evadunt, non in Infinite parvas partes dissolvuntur; ex hisce enim acervatis, vario sibi appositis modo, orientur infinite diversi ordines particularum, atque ex his partes majores diversissimæ, quæ non possent non, concrescendo in moles majores, corpora nova, & diversissimis proprietatibus prædita, producere.

3. Ignis elementa, quæ sunt minima huc usque cognita corpuscula, possunt quidem dissolvere omnia corpora magna, nullo tamen modo unquam illa ipsa mutata apparuerunt. Aquam puram nemo quocunque artificio attenuare ulterius potuit (1).

4. Ignis vehementissimus tam artificialis terrestris, quam Solis, in foco ustorii speculi collectus, (qui est summus confector & consumtor omnium, idemque quocunque invaluit, cuncta disturbat ac dissipat); corpora tantum usque in determinatos gradus subtilitatis reducere potuit, non in infinitum dividere: Aurum enim tantum potuit in fumum densum, & vitrum immutabile purpureum convertere, similesque determinatos effectus attenuationis in reliqua corpora exercere.

5. Attritus corporum supra se invicem partes magnas visibiles a se remover, non tamen eas attenuat usque in insensibilem parvitatem, uti ex pigmentis supra porphyritem diutissime tritis, similibusve aliis corporibus, constat.

Omnis igitur divisio, quæ in corporibus majoribus contingit, separat modo partes, quæ sunt unitates, sive *Atomia*, *Elementa*, *Ultima solida*, *Individua*, a se invicem,

G 2

vim

... Nam si primordia rerum
Commutari aliquæ possent ratione revicta
Incertum quoque jam constet quid possent oriri
Quid nequeat

Nec toties possent generatim sæcla referre
Naturam, motus, vitium, moresque parentum.

(1) Ignis sane vi aquæ puræ particulæ ab invicem separantur, vaporum formam assumentes; at his iterum coalescentibus, pristina aquæ forma redit. Spiritus vini purissimus post centum & amplius distillationes idem semper, iisdemque qualitatibus præditus manet. Mercurii item par-

ticulæ post quamcunque inductionem ignis vi mutationem, eandem Mercurii formam invicem unitæ exhibent. Quod sane argumento est singulis his mutationibus minimarum particularum magnitudinem, figuramque constanter easdem manere.

vim coherentiæ eorum superando ; non vero partem indivisam, siue unitatem frangit: si id uno experimento constaret fieri posse, aut factum esse; concluderemus corpora esse actu divisibilia in Infinitum.

§. 27. Nondum igitur in Physica reali, innixa experimentis, divisibilitatem (1) esse Attributum corporis statuere licet, cum nequaquam demonstratum sit, minimas particulas viribus ullis Naturæ posse ulterius dividi, sed potius ex observationibus in §. 26. memoratis, contrarium sequatur: quamvis corpora majora actu dividi soleant ab applicatis ipsis viribus externis. Est Atomorum doctrina antiquissima, culta a Moscho (2), Leucippo, Democrito, Epicuro, Lucretio, Cassendo, Newtono, Boerhaavio, Desaguliero, aliisque, statuentibus Atomos esse corpuscula admodum exigua, ex quibus corpora omnia majora componuntur, adeo ut sint tanquam particulae originales, quas Deus in principio creavit, ex quibus omnia corpora profluxerunt. Volunt insuper Philosophi isti Atomos esse poris expertes (3), perfecte solidas, duras, firmas, impenetrabiles, passivas, mobiles.

§. 28. Corpora plurima dividi possunt in admirandam subtilitatem, quæ captum humanum superat, veluti ex paucis exemplis liquebit. 1. Filum sericum bombycinum, 360. pedes longum, pondus unius grani habet: potest vero pollex dividi in 600. partes visibiles, quippe tum singulae erunt æquales capillo tenuiori humano; adeoque memoratum filum divisibile est actu in partes 2592000 oculo visibiles (4).

2. Est

(1) Divisibilitatem scilicet, quæ in partium physica separatione consistit.

(2) Moschum vel Mochum Phœnicem, qui ante bellum Trojanum floruisse fertur, primum atomorum Auctorem fuisse tradit apud Strabonem, & Sextum Empyricum, Posidonius doctrina & vetustate celebris Stoicæ sectæ Philosophus. Scio tantam sententiæ hujus vetustatem abnuere Burnetum in *Archeologiis*, & Bælium in *lexico*, Posidonii auctoritatem parvi facientes; sed jure an injuria id fiat, non est hic disquirendi locus. Consule quæ hac de re dicta sunt superiori disputatione cap. 3. §. 5.

(3) Indeque fieri, ut vi nulla dividi ulterius valeant: ob pororum scilicet defectum nil in iis est, quod externæ virtuti & actioni intra se aditum præbeat. Cetera enim corpora exsolubilia sunt propter interceptum inane partes dissocians, minusque coherentes eas faciens, tum ingressum præbens vi externæ, quæ eorum partes dissociantur, & divelluntur.

(4) Est enim pollex vel digitus pars duodecima pedis; quamobrem si pedum numerus 360. in 12. ducatur, oriatur 4320. pollicum scilicet numerus pedibus 360. æqualis. Sed quivis pollex in 600. visibiles partes dividi

2. Est aurum admodum ductile metallum : fuit Augu-
stæ Vindelicorum artifex , qui ex uno auri grano filum
duxit 500. pedes longum , adeoque id actu potuisset divi-
di in conspicuas partes 3600000 (1).

3. Boyleus dissolvit granum unum Cupri in spiritu salis
ammoniacy, solutio infusa aquæ granis 28534., eam penitus cæ-
ruleam reddidit: pondus grani aquæ est $\frac{1}{10000}$ digiti cubici, adeo-
que aqua tincta est 105 $\frac{1758}{10000}$ digitorum cubicorum (2): fuit ve-

G 3

ro in

vidi potest ; itaque invicem ductis
600. & 4320. factum dabit 2592000.,
scil. visibilium partium numerum, in
quas id filum actu dividitur.

(1) Multiplicato enim pedum nu-
mero 500. per 12. numerum pollicum
cujuscunque pedis, productum dabit
6000. numerum sc. pollicum, qui in
ea fili longitudine continentur. Sed
singuli pollices in 600. visibiles par-
tes dividi possunt : invicem itaque
ductis numero pollicum 6000. & vi-
sibilium partium cujuscunque pollicis
numero 600. erit productum 3600000.
visibilium partium numerus in ea fili
longitudine contentarum.

* Ad hæc inito calculo (quem vi-
desis apud Rohaultum *Physicæ part.*
1. c. 9.) constat Opifices, qui au-
rum tundunt, & in tenues lamellas
extendunt, ex auri uncia una lamel-
las parare, quarum omnium simul
superficies continet lineas quadratas
4207840. linea & pes eandem inter
se rationem habent, quam 1 ad 144;
ideoque linea est visibilis pars pedis,
longeque visibilis ejusdem lineæ qua-
dratum. Quod si hæc auri uncia in
cubum conformetur, ostendit idem
Rohaultus laudato loco, ejus latus

lineas 5 $\frac{1}{7}$ continere, ejusque adeo
singulas facies 26 $\frac{1}{2}$ lineis quadratis
æquari. Continetur autem hæc su-
perficies 26 $\frac{1}{1}$ in superiori 4207840.
vicibus 159092: patet igitur memò-

ratum cubum unius unciæ auri in la-
mellas quadratas numero 159092, sin-

gulas linearum quadratarum 26 $\frac{1}{2}$

fuisse divisum. Quamvis autem mi-
ra sit hæc auri divisio. longe tamen
major est ejusdem attenuatio cum in
fili ducitur : subducto enim calculo
compertum est in hac operatione ean-
dem auri unciam unam extendi ad su-
perficiem lineas quadratas 17233920
complectentem, atque adeo ejusdem
auri in cubum conformati altitudi-

nem 5 $\frac{1}{7}$ lineas æquantem, divisam

fuisse in partes 651790, hæc est, in
totidem lamellas singulis ejus cubi
faciebus æquales.

(2) Nam si pondus unius grani

aquæ magnitudinem habet $\frac{37}{10000}$ di-

giti cubici partibus æqualem ; grano-
rum 28534 pondus quot ejusmodi di-
giti partes efficiet? Per regulam au-

ream, ducendo sc. $\frac{37}{10000}$ in 28534. &

productum dividendo per 1, inve-
nietur quæsitus numerus $\frac{1055758}{1000}$ di-

giti cubici partes notans; qui ad sim-
plicio rem expressionem reductus sit
æqualis 105. integris digitis cubicis,

& $\frac{5758}{10000}$ unius digiti cubici partibus.

70 in qualibet visibili parte aquæ aliqua pars soluti cupri ; cumque in pollice Cubico partes 216000000. oculo visibiles sint (1), erit ad minimum granum unum cupri in partes visibiles 24788000000 divisum (2).

4. In aqua, cui immissum fuerat piper, triplicis generis animalia Leeuwenhoekius observavit: diameter minimi generis ponatur ut unitas, erat diameter secundi generis 10, & diameter maximi 50; diameter vero grani Sabuli majoris 1000; adeoque erat magnitudo animalculi minimi ad eam arenæ, veluti cubi diametrorum, 1, & 1000, sive, uti 1. ad 1000, 000, 000. (3), Sed ejusmodi animalculum est corpus organicum, donatum musculis, arteriis, venis, aliisque vasis, per quæ fluunt humores; proinde horum partes, toto corpore organico adhuc multo subtiliores erunt.

Plurima alia jucundissima argumenta, quibus corporum subtilitas probari potest, petuntur a vapore aquæ ex Æolipila vi ignis expulsæ: ex fumo corporum vix pondus amittentium: ex oleo & sebo incenso (4).

§. 29.

(1) Nam si possunt in pollicis longitudine partes visibiles 600 distinguui, ducendo 600 in seipsum, erunt in pollice quadrato visibiles partes 360000; imo plures, cum superficies quadrata visibilior sit linea, e qua gignitur: & insuper multiplicando 360000 iterum per 600, erunt in inde exorto pollice cubico visibiles partes 216000000; imo plures, cum cubus visibilior sit una tantum ejus quadrata facie.

(2) Cubicus pollex, ut modo vidimus, visibiles partes habet 216000000; ergo 105 similes cubici pollices habebunt visibiles partes 22680000000;

1
sum — pollicis cubici, & proinde a
2 5758
fortiori ejusdem pollicis — (quæ
10000

medietate major quantitas est) visibiles partes continebit 108000000. Si itaque duas hasce visibilium partium summas in unum colligas, habebis 22788000000, numerum scil. particularum visibilium, quæ in digitis

5758
cubicis aquæ 105 — continentur,
10000

(3) Triplicis generis animalia, de quibus Auctor, ad similitum corporum, veluti totidem sphaerarum formam, reducta hic supponuntur, singulaque grano sabuli majoris similia. Sunt autem sphaeræ (per 18. l. 12. Elem.) in triplicata diametrorum ratione, seu uti earumdem diametrorum cubi. Iisdem ergo diametris positis veluti 1 ad 1000, erunt earum sphaeræ ut 1 ad 1000000000, qui sunt diametrorum 1 & 1000 cubi. Horum sane animalculorum magnitudinem calculo subducens Cl. Joannes Keill. in *Phys. lect.* æqualem esse reperit digiti cubici partibus 27 mille billionesimis, tum posse ait eorum plura millia super parvæ aciculæ cuspidem saltitare, quod de Angelis nonnulli Philosophi commenti sunt.

(4) Si calculus ineatur vaporum vel exiguarum particularum, in quas aquæ uncia vi ignis in Æolipila resolvitur, reperietur majorem illum esse numerum, quam qui his notis exprimitur 13, 365, 000, 000. *Vid. Nieuwent. de l'existence de Dieu* c. 2. l. 3.

Ejus

§. 29. Quodcunque datur corpus, magnitudinis est finitæ & determinatæ; termini ejus sunt superficies, quæ id diverso ordine, numero, & magnitudine, ambientes, efficiant, ut corpus sit *Figuratum*, unde plurima corpora infinite discrepantibus inter se modis, figurata sunt: est enim *Figurarum* innumerabilitas. *Figuratum* est æque corpus minimum, ac maximum: cum tamen minimum non videatur esse divisibile, figuram, quam semel acquisivit, in æternum retinebit, adeoque erit immutabile: maximum vero corpus divisione, & minimum aliorum appositione & cumulo infinite varias figuras acquirere, adeoque mutari potest: idque solet vocari *Figurabilitas*.

§. 30. *Soliditas* vel *Impenetrabilitas* est illud *Attributum*, quo corpus cuicunque alteri resistit, ne id simul cum ipso in eodem loco existat. Ideam hujus *Attributi* acquirimus, alterum corpus nostro premendo, aut observando ejus resistantiam adversus causam prementem: quod si nunquam pressissemus corpus, etiamsi id vidissemus extensum, nunquam ideam *Soliditatis* formavissemus: id patet ex corporum *Imaginibus*, a speculo sphaerico cavo redditis, atque in aere pendulis, quæ formam, sive extensionem eorum externam vividissime repræsentant, cum tamen absque soliditate sint: si homo nihil præter ejusmodi imagines vidisset, nihilque aliud tetigisset, *Extensionis* quidem, non vero *Soliditatis* ideam formasset.

§. 31. *Soliditas* non fuit ex *Extensione*; quamquam

G 4

id

Ejusdem quoque Cl. Viri calculo compertum est temporis scrupulo secundo ex lucernæ ellychnio lucis particulas multo majores proflire, quam

39

quæ designantur his notis 418660 —

(exprimente compendii gratia 39 numerum cifrarum, seu 0, post ultimam notam 6 apponendarum);

I

earque omnes — grani partem illius

14

materiæ, quæ comburitur, constituere.

Fumus vi ignis ex picis vel thuris granulo exiliens quam multis, quamque exiguis particulis constet ex eo liquet, quod totas ædes & plateas facile repleat, perque insensibiles rimulas sese insinuet. Inito calculo

compertum est thuris granulum vi ignis in partes fuisse divisum majores

13

numero 750 — *Vid. Sturm. Physic.*

elect. c. 2. Sect. 1. l. 1.

Ex aliis odoratis corporibus eadem stupenda partium subtilitas etiam deducitur. Cl. Boyle in libro *de effluviis subtilitate* quoddam Hispanicas chirothecas commemorat, quæ odorem suum ultra 30 annos constanter effuderunt absque sensibili earundem molis decremento. Idem quandam Assæ foetidæ massam sex dierum intervallo aeri expositam reliquit, quam deinceps nonnisi grani partem octavam sui ponderis amisisse compertit, etsi perennis esset effluviis per amplam atmosphæram se diffundentium effluxus.

id nonnulli demonstrare annisi fuerunt, statuentes fieri non posse, ut ubi Extensio pedis cubici datur, alia Extensio pedis cubici eundem locum occupet, nisi priori Extensione destructa: adeo ut Extensio Extensioni vi infinita resisteret, hoc est, foret absolute solida. Hoc modo autem ratiocinantur Philosophi vel ex idea, quam de Extensione formarunt, vel ex experientia: si ex idea; tum opponere licet, Mathematicos semper animo concipere Extensionem ab alia penetrabilem, cum in Cubo Sphæram, in Sphæra Conum, Cubum alteriusve formæ solidum concipiunt; nec quid est in conceptu Extensionis, quod repugnat, quin ab altera Extensione penetretur, nequaquam idea alterutrius Extensionis destructa. Non vero experientia invocari potest, quippe extensa simulacra vel indola corporum, a cavo speculo reddita, penetrabilia sunt a corpore absque resistantia: & an quid est, quod in capsula cava extensa impedit, quo minus corpus paris Extensionis ab eo recipiatur?

§. 32. Soliditate donantur omnia corpora: de Firmis dubium est nullum: Fluida vero in vasculis conclusa & pressa eandem resistantiam ostendunt, nequidem Aere, molliissimo cæteroquin, excepto; solent plurima Pressione aliquantum introrsum cedere, propter poros, quos partes solidæ ingrediuntur, sed iis impletis aliquo modo tandem maximæ pressioni resistunt.

Nisi corpora impenetrabilitatem possiderent, a minima pressione annihilarentur: si enim cubum deorsum pressissem, ita ut superior superficies inferiorem tangeret, destructum quicquid est intermedium foret: nunc soliditate resistunt corpora; & quia omnia terrestria gravia sunt, seseque premunt, & sibi resistunt, omnia erunt solida; idemque obtinebit in corporibus cælestibus.

§. 33. An hæc soliditas pendet ab indole substantiæ corporeæ? an autem a vi insita, extrorsum perpetuo agente, & sic efficiente, ut corpora sint in continua actione? quia quid sit substantia, ignoratur, primum affirmari nequit: alterum vero est mere hypotheticum; quamobrem hic limites intellectui humano huc usque sunt positi.

§. 34. Erit ergo corpusculum minimum, extensum, solidum, continuum sive unum, atque in omni assignabili puncto ejusdem soliditatis; nam quicquid est in corpore solidum, habet resistantiam infinitam.

§. 35. Habent omnia minima solida Attributa universalialia octo §. 15. Ignoramus tamen, utrum minima sint ejusdem magnitudinis an diversæ (1)? an una omnium figura sit? an hac discrepent? sibi similia, an dissimilia sint; cujusnam magnitudinis sint? Ope Microscopiorum enim huc usque cognitorum nequaquam ultima conspiciere licet, & fieri nequit, ut figuram particularum Lucis unquam determinemus (2). Ex ratione autem concludi nihil absolute de his omnibus potest, quicquid Metaphysici in hoc the-mate tentarint.

§. 36. Pendet vero ultimorum solidorum magnitudo & Figura a sola voluntate Dei, qui, eam in creatione talem, non aliam esse, voluit: adeoque ulterius hic inquirenda non est ratio, propter quam hæc ita sint: Debebant ultima habere aliquam magnitudinem & figuram, quia sunt extensa finita; Deus dedit aliquam, quæ sibi visa fuit optima.

§. 37. Quamvis forte omnia ultima solida sibi non sint similia: videntur tamen esse aliqua simillima, qualia sunt in Luce: Cum enim radium Solis ope prismatis in suos radiolos coloratos separaverimus, coloremque purum unius radioli diu & attente inspiciamus, nullam coloris diversitatem observabimus; quare omnia Lucis corpuscula, radium alicujus coloris constituentia, videntur esse sibi
si-

(1) Eadem magnitudine, eadem-que figura minima corpuscula polle-re hac conjectura probari posse quibusdam videtur. Quod nempe re ita constituta ingens corporum varietas explicari & intelligi adhuc possit, per diversam scilicet similibus corpusculorum coagmentationem & dispositionem: quod simplicior & elegantior hic sit corporum varietatem explicandi modus altero, quo utuntur Epicurei ex diversa atomorum magnitudine & figura dependenti: quod tandem divinam deceat Sapientiam nil vanum, nil per ambages moliri, ac simpliciori semper adherere viæ.

(2) Lucis particularum figuram sequentibus conjecturis ejusmodi quidam adstruunt, quæ nil extans, aut eminens in aliquo sui ambitus puncto habeat, nil quod præ ceteris sub-sidar, uno verbo, quæ a sphaerica,

eaque perpolita & lævigata parum aut nihili differat. 1. Fac enim hirtam & scabram earum esse extimam superficiem, ejus elatiora puncta majori vi occurrentibus corporibus impingant necesse est præ reliquis superficiei partibus: quamobrem abradi ea deberent usque ad æquabilitatem cum reliqua mole. 2. Summa particularum lucis penetrabilitas per omnes corporum poros quacunque directione applicatorum exigere videtur, ut nil in earum extima superficie sit intricantis impedimentum, sed summa potius facilitas; quæ minime haberetur, si hamulis undique & aculeis, tomento vel lanugine earum obsessa foret superficies. 3. Promissima demum lucis particularum reflexio & refractio vix alteri a sphaerica accommodari possunt figuræ.

simillima: si autem dissimilia forent, perpetuo visum alio modo afficerent, atque in quolibet radiolo omnis generis colorum varietas, aut ejusdem coloris varia pulchritudo, claritasve daretur, quod experientiæ repugnat: nec requiritur, ut ultima solida sint dissimilis figuræ, cum ex similibus innumera varietas corporum majorumæque effici possit, quam ex dissimilibus.

§. 38. Ex corpusculis minimis, acervatione sibi appositis, componuntur corpora majora. Evenire potest ut solida toto contextu moles in unum usque, ex corpusculis minimis, sibi contiguis, nullibi inania intercipientibus, componatur, veluti est moles A. (Tab. 1. Fig. 4.).

§. 39. Verum si corpuscula minima illius sint figuræ, aut tali acervata modo, ut se suis superficiebus non penitus tangant, sed aliquantum distent, relinquent inter solida alias Extensiones non solidas, sed inanes, quæ vocantur *Foramina occulta*, aut *Pori*. Massa ex ejusmodi corpusculis composita constituit *Corpus Porosum*: quale est B. (Tab. 1. Fig. 5.).

§. 40. Cum exiguum locum multa corpuscula impleverint, *Densa* est massa: cum in magna laxitate sive extensione pauca versantur corpuscula, *Rara* est moles: quo in minorem locum corpora se multa compulerunt, sive quo minus Extensionis porosæ fuerit in massa corporea, eo *Densius* erit corpus: quo vero plus porosæ Extensionis in ejusdem magnitudinis massa, eo *Rarius* erit corpus.

§. 41. Omnia corpora, tantæ magnitudinis ut tractaria nobis queant, deprehenduntur Porosa, sive fuerint ex Regno Fossili, Animali, sive Vegetabili.

1. Microscopiorum beneficio institutæ observationes id evidentissime probant: capiatnr tenuis aurea lamella, qualis deaurandis corporibus inservit, vitro imponatur, hæc ante Microscopium posita plurimos poros spectandos præbebit. Pari modo omnia reliqua metalla innumeris pertusa poris conspici possunt. Jucundissima vero objecta præbent omnia Vegetabilia, sive fuerint durissima ligna, sive teneræ plantæ, quippe ex iis taleolæ tenuissimæ, novacula acutissima excissæ, secundum qualemcumque positionem, copiosissimos poros exhibent. Non tam amplis pertusæ poris partes corporis Animalis inveniuntur.

2. Cum quicquid in corporibus est solidum, nequeat a corpore penetrari, omnis massa, in quam alia ingreditur

& per quam transit, necessario erit porosa. Lux penetrat per omnia corpora tenuia; tenues enim ex omnibus corporibus abscissæ lamellæ, Microscopio conspectæ, pellucet. Digitum humanum oppone foramini fenestræ in camera obscura, sol digitum feriens, eum cornu instar pellucere facit, Luce per ejus poros transmeante: porosa ergo sunt omnia. Et quoddam est corpus, sive Firmum, sive Fluidum, quod ab igne subdito non calefcit, & per quod ignis non transit? ignis corporeus proinde ingreditur in omnia Firma & Fluida, non in solidam substantiam, quia hæc est impenetrabilis, sed in eorum poros, ex quibus iterum evolat.

2. Sed alia sunt crassiora Fluida, quæ penetrando corpora, ea porosa esse demonstrant. Mercurius penetrat in Aurum, Argentum, Cuprum, Orichalcum, Stannum, Plumbum, non aliter quam Aqua in spongiam; per cutem humanam, corium quodcunque Mercurius quoque transit. Aqua penetrat in omnes Animalium membranas; in omnes partes Vegetabilium terrestrium, quarum nutrimentum est, vel secum vehit: Ita ingreditur Saccharum & Salia, arenas, terras, plurimosque pulveres; & pressa aqua transit per Argentum, Stannum, Plumbum. * Experimento item constat durissimos lapides humida gleba superpositos, in qua varia quercus, rubiginosi ferri, vel æris fragmenta interspersa sint, glebæ humorem intra se exugere ad oppositam usque superficiem, quæ idcirco acidi querni, rubiginis & æruginis maculis infecta apparet. Ea ratione marmor durissimus, & achates tingi possunt varii coloris maculis, plantarum, piscium, avium, aliorumque imagines referentibus, scilicet ope spirituum, in quibus resinæ solutæ fuerint. Eas deinde maculas vel in medio Dendrite se inserens Aqua fortis delet. Penetrant se Olea in Sulphura & nonnullos Lapidés. Sed & Fluida porosa sunt, ideo se invicem imbibunt, nam si in tubum continentem Oleum vitrioli, infuderis determinatam Aquæ copiam, notaverisque ex seorsum factis prius infusionibus veram altitudinem, ad quam utraque mista assurgere debebant; mistura facta, sedataque effervescentia, minoris voluminis massa animadvertetur, ob aquam intra poros Olei vitrioli ingressam. Simile quid obtinet in Aqua ad Vini Spiritum, aut ad Spiritum nitri, Salis marini, Lixivium salis Tartari, affusa: in aceto permixta cum

cum Lixivio Salis Sodæ, aut Tartari: testantibus Hookio, Hauksbejo, Reaumurio.

§. 42. Pororum magnitudo, multitudo & figura in plurimis corporibus variorum generum diversissima est, nec describenda, quemadmodum observationes Microscopicae ostendunt. In Vegetabilibus jucundissima varietate notanda se unusquisque facile delectat; ceteroquin consuli possunt Malpighius & Leeuwenhoekius, Plantarum fabricam describentes. Contemplantes per Microscopium nonnulla corpora,prehendimus tantam in iis pororum multitudinem & magnitudinem, ut corpora vix ex partibus solidis constare videantur, veluti se habet Spongia (Tab. 1. Fig. 25.), Suber, Lignaque leviora. Dolendum est, ne vel unicum massam corpoream tractabilem, omnino solidam & non porosam, huc usque innotuisse, quippe quantum solidi, quantum porosi sub quolibet reliquorum corporum volumine daretur, detegitur posset. Si enim massa solida magnitudine unius pollicis cubici, gravitatem pondo haberet, atque aliud corpus, æque magnum, dimidium pondo ponderaret, foret in hoc tantum pororum, quantum solidi. Quia Aurum est valde grave & tamen porosum, supponamus id sub suo volumine tantundem pororum ac partium solidarum habere, proculdubio tamen magis porosum est. Quoniam igitur Aqua sub eodem cum Auro volumine, est $19 \frac{1}{2}$ minus gravis, erit quantitas pororum in Aqua, ad eam in Auro, veluti $19 \frac{1}{2}$ ad 1: sed supposuimus dimidium Extensionis in Auro esse porosum, quare erit quantitas pororum in Aqua, ad id quod in illa vere est solidum, veluti 39. ad 1. Est Aurum $81 \frac{1}{2}$ gravius subere, hinc in subere erunt pori respectu massæ solidæ veluti 163 ad 1, (1).

§. 43.

(1) *Clarius. Sint æqualia volumina auri & aquæ; & erit quantitas auri solidi ad quantitatem solidæ aquæ sub eodem volumine, ut 19.

$\frac{1}{2}$ ad 1, seu ut 39. ad 2; igitur ea aquæ quantitas æqualis est $\frac{2}{39}$ solidi

auri sub eodem volumine contenti; Porro cum possum sit solidum aurum dimidium sui voluminis occupare, reliquum esse porosum, hoc est, eam voluminis partem implere, quæ ad idem integrum volumen est

ut 1 ad 2; $\frac{1}{2}$ ejusdem solidi auri oc-

§. 43. Urigitur, quomodo corpora majora composita sint, intelligamus, fingamus aliquot rarioris tegminis sindones, quæ cribris conficiendis inserviunt, sibi mutuo imponi: massa inde exsurget, undeque innumeris foraminibus sive poris pertusa. Ita comparata sunt magna corpora, quorum penetrabilitas ab aliis nunc intelligetur: nam veluti per cribrum pulveres, foraminibus minores, transmitti solent; ita quoque per corpora cribriformia particulæ poris subtiliores transire poterunt. Hinc Spiritus fumans sulphureus, volatilis Argentum, etiam si multis chartis & linteis involutum, tingit colore fusco. Spiritus Nitri Geoffroyanus, tum Sal Volatile Urinæ, per poros vitri albi transeunt, avolantque. Odores Moschi, Zibethi, aliorumque corporum transeunt per ligneas capsulas; vinum ejusque Spiritus per cados ligneos. Aliquando tamen contingit, ut per poros corporum amplos non transeant particulæ multo subtiliores, propter vim quandam repellentem, quæ inter nonnulla corpora datur. Hinc aqua & Vinum non transfluit per Suber, per Cilicium Camelinum non fluit Aqua. Lux purissimam albam chartam vix, facillime tamen chartam oleo unctam, pertransit; Electrica effluvia subtilia facile per vitrum ceramque sigillatoriam transeunt, quæ tamen per tegmina rarissima, & chartam, etiam si foraminibus pertusam, transire respuunt.

§. 44. Quoniam omnia corpora sunt admodum porosa, mensurato eorum volumine, non habetur vera solidi magnitudo, sed æque magnitudo pororum extensorum, ac solidarum partium: cum vero pororum copiam accurate deter-

cupabit voluminis partem, quæ ad idem integrum est ut 1 ad 4, seu ut

numerator fractionis $\frac{1}{2}$ — ad ejusdem

denominatorem in 2 ductum; atque

ita $\frac{2}{2}$ — ejusdem solidi auri partem vo-

luminis occupabunt, quæ ad totum erit ut 2 ad 3 in 2, seu 6. Et ita

porro. Igitur $\frac{2}{39}$ — ejusdem solidi auri,

seu, huic æqualis quantitas aquæ, quæ sub eodem integro volumine con-

tinetur, implebunt ejusdem voluminis partem, quæ ad idem integrum erunt ut 2 ad 39. in 2, seu utrinque per 2 diviso, ut 1 ad 39; atque adeo quantitas voluminis aquæ solidæ est ad reliquum porosum tantum, ut 1 ad 38. Non recte igitur videtur noster Auctor calculum subduxisse, dum hanc postremam rationem non 1 ad 38, sed 1 ad 39. esse contendit. Similiter de auro respectu suberis ratiocinandum, scilicet quantitas pororum in subere ad id quod in eodem vere est solidum, est ut 162. ad 1, non ut 163 ad 1.

determinari non licet, patet veram corporum mensuram huc usque haberi non posse.

§. 45. Videntur corpora majora sequenti utcumque modo esse composita. Concipiantur tria, quatuor vel plura ultima solida conjungi in aliquam massam, cujusvis figuræ, erit hæc *Massa primi ordinis*, sive particula minima. Ex hujusmodi aliquot particulis efficiantur complexiones & copulationes iterum in firmam quandam massam, hæ component *Massam secundi ordinis*, sive particulam majorem. Ejuscemodi particulæ aliquot denuo acerventur & jungantur in coherentem massam, composituræ *Particulam tertii ordinis*. Forte & componuntur particulæ altiorum ordinum. Ex particulis talium ordinum plurimis inter se junctis tandem corpus magnum tractabile conficitur.

Dari ejusmodi particularum ordines concluderunt Philosophi ex diversis observationibus: Chalybeum filum igne duratum, multo durius est molli; duratum tamen multo minus cohæret, minusque ponderis sustentat, quam molle; indicio partes maximum ordinem componentes, in filo durato minus cohærere; cum tamen partes inferioris ordinis, magis cohæreant. Aquæ partes haud dubie sunt rotundæ: circa eas circumscriptos esse cubos finge: hos esse absolute solidos; si particulæ sphericæ etiam sint solidæ, erit soliditas cujuslibet Cubi ad eam Sphæræ, proxime uti 300 ad 157 (1), adeoque foret tota moles cuborum massam absolute solidam formantium, ad molem inscriptarum Sphæræ.

*(1) * Latus cubi sphæræ circumscripti æquale est diametro ejusdem sphæræ. Dicatur ergo utrumque a; & erit hujus lateris cubus aaa. Porro ponatur ratio diametri ad circumferentiam, ut 21 ad p, & erit circumferentia diametri a æqualis — 21
hæc ducta in eandem diametrum a, dabit —, seu superficiem æqualem qua-

tuor circulis ejusdem diametri, (Vide Tacquetum in Schol. post prop. 6. Theor. Archim.). Porro cum sphæræ dimensio habeatur ducendo sextam partem

diametri, puta $\frac{1}{6} a$, in quadruplum

sui maximi circuli; scil. —, erit
21

sphæræ soliditas — (Vide eundem Tacquetum in Schol. post Theorema 28. Archimedis). Igitur cubus sphæræ circumscriptus ad eandem sphæ-

ram erit, ut aaa ad —; seu ut 121
121

ad p, vel ut 6 in 21, ad p. Pro literis itaque 21, & p, ponantur 7 & 22 secundum Archimedeam rationem diametri ad peripheriam, & erit circumscriptus sphæræ cubus ad eandem sphæram, uti 42 ad 22, seu 21 ad 11; quæ ratio non multum recedit ab ea, quam noster Auctor statuit, scilicet 300 ad 157

Sphærarum, uti 300 ad 157, atque ita proinde forent pondera: sed Aurum porosum, quod æquale volumen cum Cubis his occuparet, habet pondus respectu aquæ, veluti

19 ¹ ad 1; adeoque Sphæræ non possunt esse solidæ, sed

erunt ² porosæ, hoc est, constabunt ex particulis minoribus accumulatis, spatia relinquentibus; hæ iterum ex minoribus, veluti conspici potest in Sphæra A (*Tab. 1. Fig. 6.*), in qua descriptæ modo sunt pro exemplo quatuor Sphæræ; atque in singula quatuor aliæ. Quam maxime amplificantis Microscopiis in nonnullis firmis corporibus partium ordines manifesto videri possunt. Clarissime tamen particularum ordines ex animali sanguine eruuntur; quippe Microscopii beneficio detectum fuit, globum rubicundum ex sex flavescentibus serosis componi, in quos sponte resolvitur: quilibet serosus globus iterum ex sex aliis lymphaticis constat, quod quousque continetur, videri non potuit: idcirco ordines varii particularum corpora componentium ex hypothese ficti non sunt.

§. 46. Si ultima Solida fuerint sibi omnino similia, poterunt particulæ primi ordinis ex illis componi, sibi aut omnino similes, vel aliquantum diversæ, pro vario concursu & applicatione ultimorum Solidorum. Sint enim ultima solida Sphæræ æquales, quarum sex componant particulam primi ordinis, poterunt hæ poni tum modo A, vel B, vel D, vel E (*Tab. 1. Fig. 8.*), sibi utcumque simili, tamen aliquantum diverso. Ex quibus patet, discrimen aliquod figuræ in particulis majoribus nequaquam probare, ultima Solida figuram discrepantem possidere.

Si vero ultima Solida sibi non fuerint similia, ex concurrente eorum æquali numero poterunt oriri particulæ primi ordinis diversissimæ magnitudinis, figuræ & fabricæ.

§. 47. Possunt igitur particulæ primi ordinis admodum differre magnitudine, figura, porositate, densitate, gravitate, cohærentia, pro vario numero, situ, figura, & magnitudine minimorum Solidorum eas componentium: atque eo modo valdequam diversæ esse possunt Particulæ secundi ordinis, ut & illæ altiorum Ordinum. Quamobrem infinita varietas corporum quoad figuram, magnitudinem, gravitatem, cohærentiam, densitatem oriri ex hujusmodi ordinibus potest. Si proinde corpus componatur ex partibus,

bus, spatium porosum æquale suæ magnitudini continen-
tibus, & hæ partes iterum ex particulis tantundem poro-
rum intercipientibus ac solidi, oriantur; idque ita porro
continuetur: tum tribus ejusmodi ordinibus positis, erit
septies major copia pororum quam solidi in mole: positif-
que quatuor ordinibus, & ultimo ordine solido, erit de-
cies quinquies plus pororum, quam solidorum: quinque
positis ordinibus, moles possidebit 31. plus pororum quam
solidi: statutisque sex ordinibus, moles gaudebit quanti-
tate majori 63. porosa quam solida; nam pororum copia
semper crescit, uti summa seriei 1, 2, 4, 8, 16, 32. (1).

§. 48. Corpora vero magna, quæ componuntur tantum
ex particulis unius ordinis, erunt admodum *Homogenea*.
Possunt ejusmodi homogenea esse infinite diversa, pro or-
dinis discrepantia. Si vero ordines sibi dissimiles quoad fi-
guram, magnitudinem, densitatem, concurrant, erit,
quod inde componitur corpus, *Heterogeneum*, atque eo ma-
gis, quo plures ordines, & a se magis discrepantes con-
currerint. Docet experientia, fere omnia corpora magna
esse admodum heterogenea, & quasi mixturas rerum di-
versissimarum; nam metalla componi ex Sale, Sulphure
& Mercurio unanimes fere probant Chemicis: Sal vero &
Sulphur esse iterum heterogeneum compositum, iidem evin-
cunt. Ex variis coaluerunt quoque Semimetalla, ut & La-
pides; nam Antimonium constituunt Sulphur, materia im-
perfectior metallica, & Arsenicum. Vegetabilia conflari
ex Spiritibus variis, odorifero, Rectore, Gas Sylvestri,
Aqua, Aceto, Gummi, Balsamo, Resina, diversis Oleis,
diversis Salibus & Terra, demonstratur ab iisdem Philo-
sophis: Animalium partes præbent subtiles spiritus, A-
quas, Salia volatilia, Phosphorum, Olea, Terram; nec
aliter reliqua corpora majora comparata sunt.

§. 49.

(1) Confer ea, quæ ad §. 42.
adnotavimus. Positis enim duobus
ejusmodi particularum ordinibus, pa-
tet easdem solidas particulas quartam
partem totius voluminis corporis oc-
cupare: reliquum igitur erit poro-
sum, atque adeo tribus vicibus ma-
jus solido volumine, quemadmodum
seriei 1, 2, 4, 8, 16, 32, &c. pri-
mi & secundi termini summa $1+2=3$.

Tribus positis particularum ordinibus,
particulis solidis occupatum volumen

1

est — ejusdem integri voluminis; at-

8

que adeo reliquum porosum erit ad
solidum, ut 7 ad 1, quemadmodum
ejus seriei trium priorum termino-
rum summa $1+2+4=7$. Et ita poro-
ro.

§. 49. Hinc oriuntur corporum varix qualitates, pro diversis partibus variorum ordinum, paucioribus pluribusve, e quibus componuntur. Nam male aliqui Philosophi particulas variorum ordinum *Corpuscula derivativa* appellant: quæ cum ex pluribus coaluerunt, & sunt tam magna, ut videri aut oculo, aut Microscopio possint, observantur plerumque dissimilia, apparentibus hinc inde aliquot notis, quibus unum ab altero distingui possit: plerumque id obtinere moneo, non semper; quippe purissimum Mercurium, in fumum concitatum, aut trans poros corii pressum, excipe supra mundum speculum, globulos sibi simillimos, nec ulla nota distinguendos observabis. Vapor calidæ aquæ puræ pari modo se habet, atque forte multorum corporum partes; non enim repugnat ex similibus ultimis Solidis, oriri alias alterius ordinis, sibi quoque similes: quamobrem mirandum non est, corpuscula ope Sensuum sibi similia observari. Idcirco qui ex Metaphysica probare nituntur, omnia corpora necessario aliqua nota esse distincta, doctrinam cum rebus ipsis pugnantem tradiderunt: In ejusmodi errores ubivis incidunt, qui ex Metaphysica Physicam explicare aggrediuntur.

§. 50. Quoniam particulae cujuslibet ordinis solvi possunt, veluti compositæ fuerunt, in inferiorem ordinem, & ex infimo ordine usque in minima Solida, patet cur magnum quodcumque corpus in minimas particulas Tritu, Igne, Fermentatione, Putrefactione, Menstruo, resolvi possit. Verum hæc minima in formam ordinum similium vel aliorum, iterum veluti ante conjungi possunt; unde sequitur, quomodo ex partibus unius Plantæ vel Animalis, dissolutis, crescant partes alterius Plantæ vel Animalis, per vim fabricæ, in principio Creationis seminibus inditam, mutantis ordines partium diversissimis modis: hinc ex eodem fimo eadem aqua irrorato, crescit Aloe amarissima, & Arundo saccharifera dulcissima, Acetosa acescens, foetida Atriplex, gratissima Rosa, nauseosa Senna, &c. qualis vis seminalis forsitan quoque est in glandulis corporis Animalis, adeo ut hæc Lac, illa Bilem, alia Salivam, alia Semen, alia Gerumen, alia Medullam præparet.

§. 51. Sed & partium unius ordinis varia applicatio corpora diversissimæ texturæ faciet. Aqua, quæ videtur constare ex particulis unius ordinis (nullus enim Chemicorum

ex aqua pura quid aliud, præter aquam, elicit, adeo ut sit res simplicissima) in vase collecta massam exhibet fluidam satis gravem; in vaporem elevata, recedentibus a se particulis, format nebulam, nubemque: e cælo deciduæ particulæ in globos coalescentes formant Pluviam; in filamenta oblonga conglomeratæ & congelatæ exhibent Nivem; pluviosis guttis in glaciem concrefcentibus, conspicitur Grando; quæ omnia collecta & solutâ sunt modo Aqua, verum quæ tantopere propter variam partium acervationem in diversissimas mutata fuit formas.

§. 52. Quamobrem *Generatio & Corruptio* nonnullorum corporum majorum, est tantum partium exiguarum nova accumulatio & compositio; tum compositarum resolutio in minores; non enim fit corpus ex nihilo, cum generatur, neque corruptione in nihilum redit (1). Omnis mutatio, quæ in corporibus contingere potest, fit in figura, ma-

(1) Scholasticorum ea est opinio corporum *generationem & corruptionem* fieri non posse, nisi generatis, aut destructis formis, ut vocant, *substantialibus*; quod certe est, *creatis*, aut *in nihilum* reductis iis substantiis, quibus putant materiam, ut hoc sit, vel illud corpus, determinari; seu potius dimidio corpore creato, aut *in nihilum* reducto: nam ex horum Philosophorum sententia, formæ istæ sunt corporum pars dimidia. Quunque his Philosophis opponeretur *nihil in natura ex nihilo fieri, nihil abire in nihilum*, ea se distinctione tutari sunt, formas *ex nihilo* quidem *sui fieri, non subjecti*, idest, materiæ, quod vid. in ipsa materia veluti præexistente subjecto esse recipiantur, cum producantur: tum *abire in nihilum sui non subjecti*; quod vid. destructis formis adhuc remaneat earum subjectum, scil. materia. Quæ haud dubium inepta distinctio est. Nam si formæ veræ substantiæ sunt nil cum ipsa materia commune habentes, refert parum, præexistat, nec ne, earum productioni materia, vel remaneat post earum destructionem, ut verum sit totum formarum esse ex nihilo fie-

ri, adeoque revera creari: idemque totum earum esse penitus destrui, adeoque annihilari; quippe substantiarum est a nullo pendere intrinsecus. Præterea quid sint istæ *formæ substantiales* ignotum non iis tantum, qui eas oppugnant, sed earum quoque propugnatoribus. Nam quod Plutarchus esse vult *ιδέας* Platonicas, sed neutiquam a materia sejunctas (*de Placit. lib. 1. cap. 10.*) & Leibnitiis contendit eas esse *εντελεχείας*, id quale sit in differt. *de verum genesi* expositum est. Illud non ferendum quod conati sint Scholastici hanc doctrinam Aristoteli asserere, cum nullibi ab eo memoratam legamus. Vocat is quidem formas *το τι ην εἶναι*, & *υποστάσεις*, id est, id, quo materia ut hoc, vel illud sit corpus, determinatur: at id imperite Scholastici *substantia* vocabulo vertunt. Quinimo passim Aristoteles res omnes prodire docet varia partium materiæ coagmentatione, variisque earundem mechanicis affectionibus. *Vid. Gassen. Physic. cap. 3. sect. 1. lib. 7., Sturmium Phys. Electiva cap. 3. sect. 1. lib. 1., Fabrum prop. 65. & 66. lib. 1. Tract. 5. Phys.*

magnitudine, partium situ, coherentia, & loco totius massæ, tum in gravitate & viribus motricibus.

§. 53. Enumeravimus inter Corporis attributa *Inertiam*. Qua fit, ut corpus omne de statu suo vel quiescendi, vel movendi, difficulter deturbetur.

Sit enim aliquod corpus A quietum, positumque in plana horizontali tabula, aut libere ex filo pendulum, id in quiete manebit, si nulla causa, mutationem inducens, accesserit: deinde in corpus A alterum motum B incurrat, tum A renititur corpori B in se agenti: quo renixu vis ex corpore B tollitur, quæ ingreditur in A; nam B non amplius eandem velocitatem, ac ante, habet. Hæc virium jactura in B non fuisset, nisi in A resistentia foret. Si in corpore A hujusmodi inertia, & inde resultans luctatio cum corpore B, non daretur, B eadem celeritate, qua in A ruerat, hoc quoque cujusvis etiam magnitudinis, secum rapuisset: quo modo effectus infinite magnus a causa minima produci potuisset.

§. 54. Observamus etiam, ut corpus A (Tab. 1. Fig. 7.) moveatur spatio AD, intra tempus unius minuti, vim majorem moventem in B desiderari, quam cum A idem spatium duobus minutis duntaxat percurreret; tuncque majorem virium jacturam in B fieri; adeoque est in corpore A vis resistens majori velocitati; obluatur ergo corpus alteri moto vi resistendi.

§. 55. Pariter cum corpus A jam movetur, ut velocius moveatur a corpore velocius moto & impingente B, infringit iterum vim corporis B. Hoc post impactum tardius pergit moveri: adeoque est in corpore A moto eadem vis resistendi alteri moto, ac erat antea in ipso quiescente. Et quoniam in corpore A jam motum, perpetuo alia corpora celeriora impingi possunt, idque in Infinitum usque, quibus omnibus semper resistit, patet eandem Inertiam a corpore, quacunque celeritate acto, semper exerceri: quod nisi foret, corpus quadam velocitate promotum, non amplius aliis celerioribus restitisset, sed absque virium detrimento ex illis, communi celeritate feretur, neque effectus causis proportionalis mansisset.

§. 56. Huc usque proinde vis Inertiæ fuit deprehensa *Resistentia*, quatenus corpus ad conservandum statum suum reluctatur adversus vim impressam: Inde evenit, ut Philosophi nonnulli, quibus hæc vis Inertiæ incognita

erat, statuerint in corporibus quiescentibus vim esse ad perseverandum in quiete.

§. 57. Consideremus jam corpus B motum, & impingens in A quietum, tum B conatur statum ipsius A mutare: quatenus ergo B suum statum servare nititur, vim inertiae ostendit, & quia luctatur cum resistente A, exercet *Impetum*, quem nisi B habuisset, post impactum in A illico quievisset, nullam huic mutationem inducendo. Philosophi Axioma condiderunt, *Omne corpus, sive quietum, sive motum, manere in eodem statu, in quo semel positum est*: quod est verissimum, sed quanam est causa? non ipsum axioma, sed vis Inertiae, quae corporibus inest. Nam A quietum reluctatur B moto, nisu manendi in quiete; & B motum luctatur cum A nisu manendi in motu: quaterque nisu Vim Inertiae ostendit.

§. 58. Quo corpus quietum A sit majus, eo magis resistit viribus externis, id ipsam movere conantibus, atque eo tardius ab aequalibus viribus movetur: quo A sit minus, eo celerius movetur: adeoque est vis Inertiae proportionalis quantitati corporeae, dupla in mole duplo majori, tripla in triplo majori, competitque aequaliter singulis minimis solidis: hinc aequae est in Fluidis, ac Firmis corporibus; eandemque Inertiam habet pollex cubicus Aquae, quam inde prognata glacies: idcirco manente quantitate Solidi corporis eadem, sive Fluidum fuerit in ultima solutum, sive in Firmam massam concreverit, erit vis Inertiae eadem: adeoque non pendet a nisu & directione Gravitationis, nam exercetur aequaliter a corporibus secundum quamcumque directionem motis: obtineret vero in vi Inertiae discrimen pro varia directione corporum, si a Gravitate penderet. Corpus quietum inertiam exercet secundum omnes, quae concipi possunt, directiones, in quibus alterum corpus in ipsum moveri potest: pari modo corpus motum inertiam habet, quacumque directione moveatur. Quamdiu igitur corpus alicui mutationi est obnoxium, cui semper subjicitur, inertiam habebit, & quidem in aequalibus mutationibus exercebit eandem (1).

§. 59.

(1) Quae a §. 53. usque ad 58. de Inertiae vi, indeque orta resistentia commentatur Cl. Auctor, iis conveniunt, quae de eadem Newto-

nus, tum Keillius, Clarckius, & Gravesandius aliique tradidere. At quidquam, ni fallor, in Clarissimo Virorum doctrinis esse puto paulu-

§. 59. An hæc vis est Attributum essentialiale, & non potius vis corporibus impressa a Deo, semper in illa agente, quia nec quies nec motus est corpori essentialis? Respondemus, Essentialias rerum ignorari, nec istud discrimen inter attributa cognosci, utrum hoc magis ad Essentialiam, quam alterum pertineat. Est Inertia attributum, quod quidem tum clarius detegitur, cum corpora in se ruunt, sed tamen non tum tantum intelligitur,

H 3

verum

Iulum obscure, & implicite declaratum. Inertiæ vim Cll. Viri ita interpretati videntur, quasi corpus per illam omni mutationi resistat; quies nempe corpori moto *nisu manendi in quiete*, idemque motum corpori quieto *nisu manendi in motu*; tum esse ejusmodi resistentiæ vim proportionalem massæ, seu quantitati materiæ cujusque corporis. At quæ hac de re certo affirmari posse nobis videntur, clarius ita exponemus. 1. Materia ita a natura est comparata, ut nullam ex semetipsa valeat status sui mutationem inducere; si quiescit, ex se nunquam ad motum profiliet; si movetur in motu jugiter perseverabit; si hac vel illa prædita sit figura, eandem quoque indefinenter conservabit, præcisa nempe omni externa causa in ipsam agente. Atque interna hæc materiæ dispositio, merito *inertia*, seu *nulla vis* dici potest. 2. Et si nullam ex se valet materia status sui mutationem inducere, omnem tamen excipere apta est, & reipsa excipit, quæ ab externa causa in ipsa inducitur mutatio; ita quidem ut cuicumque externæ vi in ipsam agenti nullo modo resistat: Si corpori cuicumque A quiescenti alterum B vel leviter motum occurrat, movebitur statim A aperto sinu per omnes suas partes communicatum motum in se recipiendo: quod si eidem A moto alterum B. versus oppositas partes tendens occurrat, statim in motu ipsius A fit mutatio, qualem nempe ipsius B motus quantitas exigit. Nec inde timendum (quod opponi solet) ne ingens

corpus quiescens, veluti globus terreus, levi quacunque vi, puta, muscæ ictu, moveri possit; vel idem corpus velocissime motum quacunque opposita vi sisti: fit quippe utrumque, sed quo fieri debet modo. Ad muscæ quidem ictum subsistit telus tota, sed velocitate infinite exigua, & penitus insensibili; quod nempe communicatus muscæ motus per singulas telluris partes æqualiter distribuitur, nullus & insensibilis evadat. Ejusdem terraquei globi celeritæ acti motum pro modulo suo sistit opposita muscæ vis, destruendo vid. ejus motus partem insensibilem, ac fere nullam. Atque ejusmodi materiæ conditionem, *Indifferentiam* optime dixeris. 3. Experimentis pluribus compertum est, in omni quæ in materia inducitur status sui mutatione, quanta est externæ causæ actio, tantam eidem respondere contrariam reactionem: ita quidem, ut quam motus quantitatem impactum corpus recepit, eandem illud impellenti ad partes contrarias tribuat, seu (quod idem est) eandem motus quantitatem in impellente perimat. Atque ab hac reagendi vi, quæ ab *inertia* num. 1. & ab *indifferentia* num. 2. multum differt, quæque an ab ipsa materiæ natura, an ab aliquo in materia extrinseco profluat, incertum, dependent phænomena, quæ laudati viri per inertiam explicant; estque præterea ea reagendi vis ictus potius magnitudini, quam materiæ quantitati proportionalis, cum pro ictus quantitate in eodem corpore illam augeri & minui certum sit.

verum quoque cum quiescunt corpora. Quare est vis semper in corporibus hærens, in quocunque statu fuerint: cumque nunquam tolli, nec abesse possit, erit universale Attributum, & quod æque substantiæ corporeæ a Deo est impressum, ac Extensio, Soliditas, reliquaque alia attributa.

§. 60. Sed an vis Inertiæ non abesse posset ex corpore, eo tamen salvo? Hoc me nescire candide fatebor, etiam si enim per abstractionem mentis cogitare possimus de Extensione corporis, nulla attentione facta ad hanc vim, inde nequaquam sequitur eam actu magis a corpore abesse posse, quam Soliditas, aliudve attributum possit. Certissimum autem est, nisi Inertia in corporibus Universum componentibus perstaret, brevi actum fore de pulcherrimo rerum omnium motu & ordine: cum minimum corpusculum tollere posset omnium maximorum corporum motum, atque iterum minimum totum Universum summa rapiditate movere. Ita turba & confusio in Universo extemplo oriretur maxima. Leges Motus & Percussionis diversissimæ ab iis, quæ nunc sunt, darentur.

§. 61. Ita quidem didicimus vim Inertiæ inesse corpori extenso, solido; non vero intelligimus, quomodo cum eo inseparabiliter cohareat, vel quomodo comparata sit.

§. 62. Corpus vi Inertiæ omni mutationi resistit; cum enim nulla mutatio in corporibus contingere possit, nisi ab inducto motu per §. 6., atque vis Inertiæ motui resistat, resistet quoque mutationi cuilibet.

§. 63. Omne corpus sive magnum fuerit, sive parvum, potest ex uno in alium transferri locum, adeoque *Mobile* existit, unde & hoc Attributum *Mobilitas* vocatur.

§. 64. Sed & omnes corpus non necessario moveri debet, ut existat; cum in quo creatum erat loco, semper manere potuisset. Si autem nunc motum fuerit, potest ipsius motus deleri superstiti corpore, adeoque est omne corpus *Quiescibile*, atque hoc Attributum appellatur *Quiescibilitas* (1).

§. 65.

(1) Cum corporis natura & essentia humanam indaginem fugiat, qui tuto asfirmabimus, quod contendit Cl. Auctor, ita esse corpora comparata, ut necessario & natura sua non moveantur, & *quiescibilitas* potius quam *motum* essenziale eorum esse attributum? Observatio-

§. 65. Quia in motu plurima consideranda sunt; tum & in reliquis Attributis corporum, veluti in Gravitate, ac vi Attrahente; malui singula in aliquot distinctis Capitibus prolixius examinare. Addiderunt alii Philosophi memoratis Attributis *τὸ esse in loco*, & *esse in tempore*: *perdurare*, *esse finitum*, *esse creatum*; verum hæc habent corpora communia cum reliquis rebus creatis: alii melius addiderunt, *Omne corpus replere spatium*.

Cum vero de Poris corporum agens dixerim eos esse Extensos, non corporeos, primo agendum erit de hac Extensione, sive de Inani aut Spatio vacuo, & Corporibus non omnem obsideri locum, ostendendum erit.

C A P. III.

De Spatio Vacuo.

§. 66. **Q**uoniam principes Philosophi acerrime inter se dimicant de *Spatio Vacuo*, an sit in Universo, an non sit, non perfunctorie hoc dogma tractandum erit: 1. ostendendum formari posse ideam Spatii vacui; cum hoc quoque negetur. 2. Fieri posse ut Vacuum existat. 3. Id revera in Universo existere.

§. 67. Idea Spatii hoc modo formatur. Concipiatur punctum A, (*Tab. 1. Fig. 9.*) & præter illud aliud punctum B, a priori diversum, erit inter hæc bina puncta Spatium vel distantia, quod voco *Spatium Simplicissimum*. Capere hoc potest Lineam Mathematicam A B, utroque puncto terminatam.

§. 68. Præter lineam A B (*Tab. 1. Fig. 10.*) concipi potest

H 4

adhuc

nes profecto doceant, quasque corpora activis quibusdam viribus prædita esse, iisdemque, quum nulla humana arte auferri possint, ad motum tendere. Quinimodo si *agere* proprium est *substantiarum* etiam corporearum, ut Leibnitio placuit, tam videtur possibile corpus omnino quietum & inertes, quam non solidum, neque extensum. Sunt sane quidam, qui huic sententiæ motum esse corpori essentialem invidiam creant a Religione, atque ex eo perissimum, quod

id Democritus, Epicurus, & memoria prope nostra Tolandus, Athei omnes manifestarii, docuerint. Putidum. Qui enim docet motum esse materiam essentialem, id eodem vult modo, quo soliditatem, extensionem, divisibilitatem, esse essentialia corporibus. Quis autem ea sit abusus doctrina, nostra scire parum refert: sed scimus interea non omnia quæ docent Athei atheismum sapere.

adhuc alia linea CD, a priori diversa, ipsi parallela, inter quas interjacet *Spatium planum*, quod capere posset superficies Mathematicam.

§. 69. Præter superficiem Mathematicam ABCD, (Tab. 1. Fig. 11.) concipi potest alia priori parallela EFGH, inter quas interjacet *Spatium* a binis prioribus diversum, quodque recipere posset corpus triplicis dimensionis.

§. 70. Vel concipi potest Superficies ABCD, (Tab. 1. Fig. 12.) & secunda EFGH, tertia ABEF, priores contingens, veluti quarta CDGH, tum quinta BFDG, & sexta ACHE. Quæ omnes comprehendunt *Spatium trium dimensionum*, priori simile, nisi quod hoc undique terminatum, alterum non ubique terminatum concipiebatur.

§. 71. Idea Spatii sic formata, nihil præter meram Extensionem animo repræsentat; & si quis hanc ideam examinet, nequaquam in ea simul contineri corporis ideam deprehendet, quare hoc modo unusquisque conceptum illius rei in animo formavit, quam vocamus *Spatium*: & quoniam in eo corpus simul non concipitur, appellamus id *Vacuum* vel *Inane*.

§. 72. Sex superficies in Fig. 12. conceptæ nec sunt partes Spatii, quod comprehendunt, neque ad illud pertinent: Nam *Spatium* conceptum in §. 70. est extensio triplicis dimensionis, adeoque sunt res natura diversæ: 2. *Spatium* in §. 69. Fig. 11. non est undique terminatum superficiebus; quamobrem superficies non requiruntur ad *Spatium*, neque ad illud pertinent: *Spatium* ergo huc usque conceptum ex sua Natura Superficiebus caret. Quo modo differt a concepto corpore, quod semper superficiebus ab omni parte terminatum concipitur.

§. 73. Quod si sex superficies terminantes cogitentur a se removeri usque in Infinitum, (Tab. 1. Fig. 12.) acquiritur idea Spatii immensi: deletisque ex conceptu Superficiebus, formatur idea Spatii interminati, & magnitudine absolute Infiniti.

§. 74. *Spatium* §. 73. hoc modo conceptum, est 1. vacuum omni corpore. 2. Penetrabile absque resistentia a corpore. 3. Ubivis homogæneum & sibi simile; nam mera tantum animo concepta est extensio. 4. Unum. 5. Continuum, nec interruptum partibus, & 6. revera Indivisibile. 7. Interminatum. 8. Immobile, cum sit Infinitæ amplitudinis. 9. Atque idcirco Immutabile, tum quia est uni-

unitas infinita. 10. Nihilominus abstracte cogitando, in eo concipi possunt positæ superficies, etiamsi non pertinentes ad Spatium, quæ efficiunt, ut quasi partes Spatii exhibeantur, quæ mensurabiles sunt. 11. Possunt quidem superficies istæ concipi a se removeri, nequaquam tamen Spatium divisibile, vel ut una pars recedat ab altera.

§. 75. Ex his omnibus liquet animum formare posse Ideam Spatii; neque eam esse absurdam: neque esse ideam Nihili; sed alicujus rei proprietates multas, licet ideales, prout huc usque in demonstrando perreximus, possidentis. Esse autem ideam Nihili, hoc modo probare conati fuerunt aliqui Philosophi. In corporum multitudine sit aliquod, quod reliquis in quiete manentibus, evanescat in nihilum, jam Spatium dabitur; sed id quoque evanescat, ambientibus adhuc immotis, jam nihil dabitur; sed hic postremus Status a præcedenti non differt, quare præcedens, veluti ultimus, erat nihil. 1. Ita autem hi disputantes ostendunt, sese revera ideam extensionis corpore non repletæ, animo formare posse, quod negaverant. 2. Non leviter errant, qui spatium inter corpora deletum concipere volunt, manentibus in quiete corporibus, quæ id ambiunt; quomodo enim Spatium, sive extensio destructa erit, supersit eadem extensione? 3. Cum spatium Universi sit tantum Unum aliquod, indivisibile, absque partibus; quomodo pars concipi potest annihilata, supersit reliquo?

§. 76. Verum aliam audiamus objectionem (a) adversus Spatium. Si Impenetrabilitas discrimen faciat inter Spatii & Corporis extensionem, necessario præcisa Impenetrabilitate, dabuntur duo extensa solo numero differentia, ceterum sine exceptione in omnibus convenientia: Ast rationi repugnat dari res solo numero differentes.

Respondemus, Impenetrabilitatem nequaquam discrimen facere inter extensionem Spatii & corporis, sed inter Spatium & corpus: 2. tolli non posse Impenetrabilitatem ex corpore, proinde ejusmodi conceptum de hac sublata esse chimæricum, nequaquam cum re ipsa convenientem: 3. Impenetrabilitatem non solum discrimen facere inter Spatium & corpus, sed plurimas alias proprietates, veluti Infinitas Spatii est, cum corpus sit finitum,

(a) Wittichius in Orat. de Infinito.

tum, & superficiebus terminatum, quæ rursus Spatio non competunt; adeo ut Spatium & corpus non sint duo extensa, solo numero differentia, & in omnibus convenientia.

§. 77. Est quoque hæc idea Spatii, diversissima ab ea, quam formant Eruditissimi Viri, attendentes ad Simultaneorum A, B, C, D, coexistentiam, & distinguentes modum, quo A coexistit ipsi B, a modo, quo ceteris C & D coexistit, & similiter modum, quo B coexistit ipsi C, a modo, quo ceteris A & D coexistit; quatenus tali ordine juxta se invicem collocantur, ut distantia inter A & C sit diversa a distantia inter idem A & D, atque hoc modo notionem Spatii formari affirmant; illud idcirco definientes: *Ordinem Simultaneorum quatenus coexistunt*. Fatendum est formari conceptum ordinis Simultaneorum posse; & quia definitiones nominum sunt arbitrariæ, poterit ei nomen Spatii applicari: hic autem conceptus est diversissimus ab eo, quem nos formavimus, & Spatium appellamus. Inutilissime proinde inter se disputant Philosophi de Spatio, eoque inani vel pleno, qui res diversissimas, quas concipiunt, eodem nomine appellaverunt: nam conceptus ordinis Simultaneorum involvit necessario plenitudinem: contra Inane necessario est Spatium §. 70. a nobis conceptum.

§. 78. Huc usque de Spatio Ideali tantum egimus, nunc demonstrandum erit, fieri posse ut in hoc Universo ejusmodi Spatium existat Vacuum. Concipiamus Deum Sphæræ A (Tab. 1. Fig. 13.) omnem materiam creatam indidisse, eamque esse in absoluta quiete; Deus Omnipotentia sua portionem materiæ B annihilaret, restabit Spatium extensum B, omni orbatum corpore, quodque non replebitur; omnia enim corpora in Sphæræ A concipimus prius quieta, quibuscum nullus motus communicatur, Deo tantum materiæ partem B annihilante.

§. 79. Fingamus etiam, Deum omnem materiam duabus his Sphæris A, B, (Tab. 1. Fig. 14.) inclusisse: hæc se in uno puncto C contingentes, Spatium extensum D C E, F C L, corpore vacuum, necessario in se mutuo relinquunt. In cassum vero hisce argumentis refutandis sudarunt Philosophi, supponendo binas Sphæras A, B, se in tota superficie, non in puncto contingere absque intermedio Spatio, quoniam nihil inter eas interjaceret; quippe Sphæ-

ta tantum in puncto Sphæram contingere potest.

§. 80. Nec meliorem alii navarunt operam, qui cum inter Sphæras extensio interjacet, corpus interjacere affirmant: nam vel a Deo effici potest, ut omnem materiam ejusmodi duabus Sphæris includat, vel non: nihil repugnat, quin concipiam ipsum eam inclusisse, quid ergo tum præter Spatium inane restat? Verum parum utiles in Philosophia sunt Quæstiones de Possibilibus, quare præstabit demonstrare, Actu existere in hoc Universo Spatium Vacuum. Id autem in variis Capitibus probabitur suo loco; tantum hic pauca argumenta afferam, quibus antiquitas bene usa fuit.

§. 81. Sint duo corpuscula perfecte solida A, B, (Tab. 1. Fig. 15.) quæ se contingant superficie DC, removeantur hæc a se in quamlibet distantiam, fuit Spatium, quo tempore separabantur, vacuum. Ambientur enim undique fluido, cum se contingunt, sitque id fluidum, mobilitate celerissima præditum præsto, ut interfluat inter corpora, impleturum omne intervallum; necesse igitur est, ut cum a partibus exterioribus accedit, prius perveniat ad partes altiores, *ee*, *ff*, quam pervenerit ad medium *gg*; adeoque aliquo tempore medium spatium *gg*, corpore impletum non fuit. Omnia corpora majora, quæ se contingunt, partibus solidis, non poris, se contingunt; quamobrem quotiescunque corpora majora franguntur, vela se separantur, necessario Vacuum contingit, quamvis fluido subtilissimo, rapidissimoque ambirentur.

§. 82. Omnes particulæ corporum quorumcumque necessario figuratæ sunt, & si cumulum Arenarium examine-
mus, plurimarum arenarum figuræ differunt: ponamus cum iis, qui vacuum negantes, omnia subtilissimo fluido plena supponunt, inter granorum partes fluidum accuratissime poros, & interstitia adimplens, esse interpositum, habebunt quoque hujus fluidi partes suas figuras. Baculo moveatur jam acervus arenarius, & nullæ arenæ in pristino contactu maneant: an igitur concipi poterit in tali permutatione interstitiorum & pororum semper adfuisse particulas fluidi ita figuratas, ut perpetuo interstitia ea accuratissime impleverint? Ad hoc intendenti animum patebit, in partium ejusmodi perturbatione interstitia vacua necessario contigisse. Nec requiritur, ut partes corporum majores ad Vacui existentiam sic habeantur; sumantur & ipsæ subtilissimi fluidi

fluidi particulæ, quæ utcumque figuratæ concipiantur, inter se agitatæ mixtæ motæque necessario spatiola non impleta formant, adeoque Vacuum.

§. 83. Verum nullum corpus ex suo loco promovere poterimus, nisi vacuum existat. Ut enim Universi amplitudinem cognoscas, perpende secundum recentissimas Astronomorum observationes, angulum parallexeos annuæ esse modo unius minuti secundi: erit proinde Syrii stellæ distantia a Tellure tanta, quam globus ex tormento bellico expulsus, 104166666636. annorum spatio emetiri tantum possit. Absunt a Terra aliæ Stellæ, quæ in via Lactea sunt, infinito majori adhuc intervallo. Sit igitur digitus A, (Tab. 1. Fig. 16.) quem movere velis directione AD, nonne si omnia sint in Universo plena corporibus, promovenda erunt omnia corpora ab A usque ad D, quousque corporeus mundus expansus est, adeoque infinita numero corpora inter A & D intermedia movenda erunt? Horum resistentia propter vim Inertiæ erit immensa, quæ non nisi a vi infinita superari poterit, adeoque digitus vi nostra, quam admodum exiguam possidemus, promoveri non poterit. Experientia tamen contrarium ostendit, quippe facile, vix invocata vi, non percepta resistentia, exfero digitum: necessario igitur inter A & D vel pauca, vel non dabuntur corpora, sed vacuum, quod non resistit. In motu autem fluidorum circulari jejunum hic quæritur effugium, cum is, positus omnibus perfecte repletis, locum habere non possit (1).

§. 84.

(1) Quo motus hujus circularis effugium a Cartesianis inventum rejiciatur, facile erit ostendere in hypothesisi, quod omnia sint æque plena, impossibilem ejusmodi motum esse. Sit enim finitum corporum systema cujuslibet figuræ, puta sphericæ ABC (Vid. Fig. 2. Tab. Addit.) exiguissimis materiæ particulis singula eorum interstitiola occupantibus, itaut spatium illud sit perfectissime plenum. Intra hoc itaque corporum systema fieri motum circularem supponatur, puta per a, b, c, d, &c. in eoque spectandum est non posse particulam a ad situm b pervenire, nisi prius conti-

guas particulas β , γ propellat, cum per harum in quiete manentium intervallum, utpote minus diametro ipsius a, transire idem a non possit. Atqui nequeunt particulæ β , γ propelli, ex hypothesisi, nisi per circumulum, vel alias in se redeuntibus curvas; idest, nisi similiter ipsæ β , γ alias contiguas, per quarum scilicet angustias transire nequeunt, propellant, easque circulariter moveri cogant; hæque alias; & ita porro. Quo igitur circularis motus per a, b, c, d &c. fieri valeat, innumerabiles alios circulares motus intra illud corporum systema eodem tempore peragi oporteret, eandem

§. 84. Si corpus per subtilissimum fluidum, quod vocatur Hydrargyrum, moveatur; patitur ingentem Resistentiam: si idem corpus moveatur eadem celeritate per Aquam, resistentia quater & decies minor datur: si idem moveatur per Aerem, est resistentia circiter 14000. minor, quam per Mercurium: si hæc fluida in suis interstitiis omnino essent impleta corporibus, sive materia subtili, pari.

easdemque particulas secundum diversas circulares semitas ferri; quod absurdum & impossibile esse nemo non videt.

Sed demus Cartesianis possibilem esse in eorum hypothesi motum; at certe non is foret, qualem phaenomena ostendunt. Pilam e. g. & tormento bellico summa vi pulveris pyrii explosam post emensum suæ diametro æqualem longitudinem, acquisitæ velocitatis dimidiam partem amisisse oporteret, & ita porro, ut statim ad quietem perveniret; cum tamen experientia doceat ejusmodi pilam vix sensibilem suæ velocitatis partem amisisse post emensam longitudinem centies sua diametro majorem. Notum est enim quod si globus moveatur in fluido ejusdem densitatis, nequeat in eo spatium suæ diametro æquale percurrere, quin tantam fluidæ materiæ copiam & loco suo expellat, quantam sub suo volumine contineat: quod in idem recidit, ac si globus ille alteri quiescenti ac sibi æquali & simili occurrens eum & loco suo pellat: id ejusmodi autem occursum, juxta motuum notissimas leges, dimidiam velocitatis partem & globo moto in quietum transire constat. Sed secundum Cartesianorum doctrinam omnia sunt æque plena & densa, eandemque materiæ quantitatem complectitur idem volumen aeris, auri, & cujusvis alterius corporis. Necessè est ergo globum & tormento bellico summa utcunque vi explosum post simplicem per suæ diametri longitudinem progressum dimidia jam velocitate multatum esse. * Pila ergo non

movetur in spatio absolute & perfecte pleno, sed quod habet varia interpersa vacuola; ita enim pro varia eorundem vacuolorum copia, quibus diversa fluida donantur, majorem vel minorem resistentiam: subeundo, longius vel brevius tempus in suo motu infumet.

* Quod si loco pilæ Planetas substituas, eorum a tot sæculis constantes circa Solem revolutiones sine ulla motus sensibili diminutione, nisi in spatio vel omni corporeo fluido destituto, vel disseminatis oppido vacuolis referto, intelligi nulla ratione possunt. Quod enim ajunt Cartesiani a Vorticis materia eos abripi & circumvolvi; id quam a vero alienum sit, ostendunt Cometarum motus, quorum plures contraria Planetis directione in eodem vortice peraguntur; & qui eodem cum Planetis ordine incedunt Cometæ, iisdem Planetis incitatus motus suos absolvunt; quod utrumque Cartesianorum commentum penitus pessumdat. Apposite Newtonus lib. 1. Princip. Math. sect. 7. sub finem postquam hoc argumentum ex mediorum resistentia derivatum mathematicis demonstrationibus & experimentis confirmasset, tandem concludit: *Et propterea spatia celestia, per quæ globi Planetarum & Cometarum in omnes partes liberrime & sine omni motus diminutione sensibili perpetuo moventur, si forte vapores longe tenuissimos, & trajectos lucis radios excipias. Videtis Newtonum laudato loco, tum in Scholio sectionis 6, ejusdem lib. 2.*

pariter eidem corpori resisterent, cum par quantitas materiae ex suo loco pellenda foret. Sed hoc non fit: Aer vix resistit, adeoque minor corporum quantitas est in Aere quam in Aqua: minor in Aqua, quam in Mercurio: multum igitur vacui erit in Aere, minus in Aqua, paucissimum in Mercurio (1).

§. 85. Ne vero regeratur fluidorum resistantiam pendere a partium crassitie; quippe vis Inertiae corporum est resistantiae causa: hæc vis æque in subtilissimis, ac in maximis corporibus obtinet, & proportionalis est quantitati corporum; posita æquali corporum copia, erit quoque vis inertiae æqualis. Præterea Aer, qui minime omnium memoratorum resistit, maximis verosimiliter constat particulis, * uti visum est Cl. Reaumurio, Mercurius minimis, qui tamen maxime resistit corporibus per ipsum motis. Et ne reponatur corpora per fluida mota, a subtili Materia per poros permeante, resistantiam non pati, quæsitum velim, an non hi Philosophi supponant, Materiam subtilem sua vi premere corpora, & esse causam gravitatis; si proin ea in hoc casu operatur in solida, quid ni ageret, si daretur, resistendo corporibus per ipsam & fluida motis?

§. 86. Sint duæ Sphæræ A, B (Tab. 1. Fig. 17.) sibi contiguæ, quæ ambiuntur Fluido. Ponamus A percurrisse suam diametrum versus C, tantundem viæ proinde absolvit quoque

(1) * Adducto argumento ex diversa mediorum resistantia affine est illud, quod ex gravium libere decidentium motu prius in aere, vel in alio medio resistente, tum in vacuo Boyleano, desumitur. Si enim per aerem ex eadem altitudinelibere decident duo corpora paria in mole, sed pondere inæqualia, non æquali velocitate illa descendere experimento constat; magis scilicet aere retardante corpora, quæ minus ponderis habent, quam quæ majori donantur. Sed si eadem illa corpora, tum quæcumque alia sive magna, sive parva, firma aut fluida, cujuscunque generis, molis & ponderis in Vacuo Boyleano simul ex eadem altitudine demittantur, æque velociter decident, idemque spatium eodem tempore per-

current, ut §. 214. demonstratum est. Quod si educto aere tam plenum manet id Spatium, quam antea, uti Cartesiani propugnant, eadem adhuc in decidentibus corporibus manet diversæ retardationis causa, quæ antea nondum extracto aere; atque adeo eadem illa omnium decidentium corporum velocitas explicari, & intelligi nulla ratione possit. Quod enim ajunt Cartesiani extracto aere id spatium a materia subtili repleti, nullam corporibus resistantiam creante, id quam sit infirmum & a ratione absolum satis demonstratur nostro Auctori sequenti §. 85. Videtis superius memorata Scholia sub finem sectionis 6. & 7. lib. 2. Principiorum Mathematicorum.

que Sphæra B; verum fluidum antè ad A positum, modo potuit moveri a C usque ad E, ita ut CE sit æqualis diametro AC, quia modo potest tantum absolvere viæ, quantum globus A. Pari modo se habebit fluidum, quod anteriorem partem Sphære B spectat, quodque inter A & B, antequam movebantur, est intermedium, id enim recessit usque ad F; quare cum Fluidum ante globum A modo pervenerit ad E, alterum hæreat in F, & post, erit inter E & F necessario non Fluidum, hoc est vacuum. Si vero ponatur Fluidum ante Sphæram A, motum fuisse a C, extremitate diametri circa globum A, atque implere Spatium inter A & B, tum necessario hoc Fluidum celerius motum fuit quam Sphæra, & plus viæ absolvit, quod fieri non potest, nisi saltem in intermedio cursu spatia vacua transierit; nam ceteroquin plus viæ absolvere non potuisset.

§. 87. Ut tamen Acutissimi Viri vacuum impugnant, varias ingressi sunt vias, magis ut ingenium ostentarent, quam Veritatem quærerent: idcirco ad Dei Potentiam, Sapientiam ac Bonitatem confugientes, quo plus materiæ Solidæ, ajunt, in hoc Universo datur, eo major occasio Deo præbetur, ut agat, suam Potentiam ac Sapientiam ostendat, quam ubique summam ostendit; cumque tantum in materiam, non in Spatium operari potest, ubivis materia, non autem Spatium vacuum erit. Verum cadit ejusmodi objectio, si asseruero Deum operari æque in Spatium, ac in corpora, ipsum conservare, quod creavit, Spatium: ipsum implere Spatium, cum omnipræsens sit; ostendit itaque ubivis Potentiam ac Sapientiam, quamvis ubivis corpora non fuerint. 2. Et si Deus voluerit creare Spatium & corpora, an in hac creatione non satis eminet summa Potentia & Sapientia? an vero non satis magna sunt, quæ creavit? cum Spatium infinitæ magnitudinis ex nihilo produxit, & Solem centies millies majorem Terra, & Fixas Solem toties superantes, numero infinitas in hoc spatio posuit. Non minor Sapientia in creando Spatio quam in corporibus eminet. Si vero discrimen hic ponatur quoad præstantiam, & in præstantissimas modo substantias Deus operari dicatur: Ecquis minorem præstantiam Spatio, quam corpori inesse demonstrabit? cum illud infinitum, hoc finitum sit: tum quomodo sciunt Deum modo in præstantis-

tissimas substantias, & non in omnes operari? ex hypothesi id tantum fingitur: haud dubie animi præstantiores corpore, homines brutis, bruta animalibus, animalia fossilibus secundum hos Philosophos ponentur; an igitur Deus tantum in animos, reliquis neglectis, operabitur; fuit id ex asserto, quod tamen valde erroneum esse, omnium rerum conservatio evincet. 3. Natura rerum exigebat, ut daretur Materia & Spatium, in quo illa poneretur; cumque Deus, ut corpora moverentur variis a se intervallis volebat, opportunitas, ut moveri possent, ipsis concedenda erat; hoc est in Spatio amplissimo, penetrabili absque resistantia ponenda erant, in quo iterum Sapiencia divina eminet: veluti Bonitas in creatione & conservatione omnium aliarum rerum, quas absolute necessariæ non erant.

§. 88. Nec majoris momenti est sequens objectio. Si Spatium sit substantia, magis subsistet quam aliæ substantiæ, nec a Deo destrui poterit. Opinabar in rerum existentia non dari plus minusve. Sed quare, si Deus vellet annihilare corpora, & dein Spatium, id non posset? quid repugnat?

Velit Deus nihil præter se ipsum esse: tum nec Spatium nec corpora erunt: nam in Spatio non est major vis resistendi Potentiæ divinæ, quam in corporibus; aut an, quia nulla in eo est resistendi vis, non posset annihilari; profecto tanto facilius. Ast quam vana ejusmodi disceptatio, cum abunde constet Deum nolle annihilare quod produxerit: & quis homuncionum determinabit ex finitissimo suo ingenio, quid Deus possit, quid non? an clare animo comprehendis quomodo Deus annihilaret corpus? nequaquam: ita quoque concipere nequis quomodo annihilaret Spatium: ideone tamen negabis hoc fieri non posse de uno, & asseres de altero? quo jure?

Insurgunt tamen iterum. Lumine ex loco sublato restat umbra, quæ tolli nequit, nisi lumine iterum impleatur locus: pari modo, sublato corpore & nullo alio succedente, vacuum superest spatium, quod deleri nequit, nisi corpore impleatur. Verum secundum hos Spatium non foret indelebilis substantia, cum positis corporibus implentibus deleteretur. Sed quid probat rerum dissimilium comparatio, umbræ scilicet & Spatii? utrumque rerum privationem, & ideo merum esse nihil volunt, quod in §. 74. Spatio nequaquam convenire evicimus.

§. 89. Verum jam sequelæ affricabuntur Spatio: id enim si sit Substantia, erit Ens absolutum, Æternum, Passionis expers, Independens a Deo: Ergo duo Entia independentia erunt in Universo, Deus & Spatium, quod absurdum. Concedam Spatium esse *Ens*, veluti tum Corpora, tum humanæ Mentes & alii Spiritus sunt Entia. Sed est Spatium Ens absolutum, independens ab aliis creatis Entibus, sui generis, alterius generis sunt Spiritus, alterius iterum corpora. An vero est *Ens æternum*? non (1); sed est creatum a Deo, quippe in

Tom. I.

I

prin-

(1) Quæstionem hic movet Auctor perdifficilem, in qua quid non sentias facilius, quam quid sentias dixeris *sempiternum ne spatium sit: an factum?* posterius nostro Auctori probatur, sed iis momentis, quibus vereor ut lectoribus suis id suadeat: hæc quippe facile in eorum mentem venire possunt. 1. Si spatium ex non existente factum jam sit per creationem existens, alicubi id collocari oportuit: quicquam enim præexistens, quod spatii nuper creati veluti receptaculum & locus esset, concipi omnino necesse est; proindeque spatium spatio præexistisse dicendum foret. 2. Non adhuc creato mundano spatio, nihil ne antea erat extensi? Puncto ne Geometrarum, id est, nihilo omnia erant æqualia? Quid? Tum Deus non erat immensus? Sed qui immensus esse poterat, si præter punctum mathematicum, quidpiam extensi fuisse inficiaris? 3. Si creatum spatium statuatur, quid ni etiam & in nihilum abire poterit? Abeat itaque divina virtute simul cum contentis corporibus in nihilum hujus Universi Spatium; adhuc tamen ab uno illius spatii extremo ad oppositum superstes percipitur distantia, tum variæ dimensiones: igitur vel non erit annihilatum spatium contra hypothesim, vel spatium spatii dari oportebit. 4. Quod si alterum præter hunc nostrum mundum conderet Deus, uti certe posset si vellet, spatii non conditi clare re-
lucet idea; novus enim mundus vel

a nostro distat, & hæc distantia spatium erit non conditum; vel ei contiguus est, & tum utroque statuto sphærico præter unicum commune contactus punctum, cetera utriusque superficierum puncta distantia sint oportet; adeoque & medium adhuc erit spatium non conditum.

His aliisque de causis placuit nonnullis, & imprimis Gassendo spatium *improductum, æternum, & independentens* reputare, nec inde ullum hi Philosophi timent absurdum, cum nil *positivi* spatium esse asserant, sed tantum *spatiosum nihil*, vel *simplicem corporis*, *corporearum dimensionum negationem*, tum non *repugnantiam*, qua sinat per se cetera transire, aut se occupare; iisdemque longe tolerabilius videtur *independentie*, & *æternitatis* attributa de Spatio dici, quam quod communiter tradunt Philosophi, esse sc. rerum essentias *æternas, improductas*, & a Deo *independentes*, ac juxta quorundam Scholasticorum sententiam, suam realem *entitatem* ab intellectu omnino independentem etiam habentes, quam *diminutam* vocant. Hi sane Philosophi jam difficultatem habent, qua premerentur, si quod Ens reale & positivum a Deo distinctum, æternum, & improductum agnoscerent; quod quidem nec recta ratio, nec religio sinat: hinc spatium dicunt: quidpiam *positivi* haud esse, sed tantum *spatiosum nihil*, *negationem corporis* &c. At hæc credat judæus

principio Deus creavit Cælum & Terram, hoc est Spatium & Corpora (1). Lubens confiteor me Spatii creationem non posse concipere, sed nec eam corporum, ex nihilo productorem intelligo; hic mens prorsus caligat & hebescit: Creatum vero esse Spatium concludo, quia non est absolute necessarium, cum non creari potuisset; si enim Deus nec corpora, nec quicquam aliud creare voluisset, non video necesse esse, ut tum Spatium existat: potissimum videtur existere, ut capiat corpora, eaque in illo

dæus Apella, quæ tantum minus perspicacibus os sublinire apta sunt.

Visum est aliis Spatium ab ipso Deo, ejusque immensitate non distingui, ideoque de Deo ab Apostolo dictum *in ipso vivimus, movemur, & sumus*. Placitum id est Henrico Moro, Josepho Rapson, Newtono, Clarkio, & imprimis Leonardo Lessio Soc. Jes., qui c. 2. de infinitate divinæ essentiae in libro de divinis perfectionibus hæc inter cetera de Spatio habet: *Quare cum Deus sit immensus, & in immensum diffusus, etsi non sunt ibi ulla intervalla creata aut corporalia, sunt tamen increata, aut spiritualia (quibus tamen corporalia possunt coextendi) quæ nonnisi ratione ab immensitate Dei distinguuntur. Ipsa enim immensitas divinæ substantiæ & sibi & mundo sufficiens est spatium, & intervallum capax omnis naturæ creabilis tam corporalis, quam spiritualis*. At fatendum nihilo minus est tot præclarissimorum Virorum pace audentissimam eam esse sententiam, & ad Spinossæ doctrinam proclivem, eamque solide rejicit noster Auctor § 91., de qua etiam vide Epist. 8. & 9. Arnaldi ad Malebranchium.

Quid igitur, inquiet aliquis, tu magnus promissor hiatus. Nobis videtur argumentis ab Auctore nostro adductis, aliisque, quæ adduci etiam possent, spatium reapse dari a corporibus distinctum: quænam autem ejus Spatii origo, quænam natura sit, perplexa admodum res nobis videtur: quo te volveris angustia, un-

dique salebræ abs humanæ mentis limitatione difficulter extricandæ: hinc nil audacter pronunciando, judicium nostrum, ut in ejusmodi rebus oportet, cohibebimus: nam nihil sentire melius est, quam prava, quam absurda sentire. Ejusque præterea generis hæc est disquisitio, ut ob ingentes scopulos, in quos quicquid dixeris, facile est incidere, Palæstionis illius Plautini consilio uti operæ pretium est,

Ne tu, si te dii amant, linguam comprimes

Post hæc: etiam illud quod scias nesciveris.

Nec videris, quod videris.

(1) Videtur hic Auctor noster Θεολογικόν; at parum eleganter. Vocabulum enim *Schavaim*, quo eo in loco utitur Moses, non Spatium inane, ut is contendit, sed quidquid præter terram est, exprimit. Idiotismus id erat apud Hebræos, uti apud præsentis etiam nationes, *Celi & Terræ* vocabulo τὸ πᾶν intelligere. Aptius igitur hoc dogma ex constante Hebræorum omnium & Christianorum traditione, qua quidquid extra Deum est, creatum statuitur, deduxisset. Interim adnotetur velim non Auctori nostro hoc primum in mentem venisse argumentum, utut sublestum. Vide Melchioris Leidekkeri Dissertationem de *Origine Universi Mosaica*, quæ addita est operi ejus de *Repubblica Hebræorum* c. 2. §. 10.

illo moveantur, licet & alios usus habere possit. 2. A se quoque oriri non potuit, cum nihil quod agat, in eo concipitur, aut existit: adeoque propria potentia existere non potest: hinc ante Deum esse non potuit, cum nullam vim in se contineat, qua esse inciperet: propterea eandem quoque rationem per se simul cum Deo non esse coepit; restat igitur, ut esse coeperit post Deum, cujus contra voluntatem nihil existit, adeoque ab ipso creatum est, proinde non erit æternum; manetque sic solus Deus Ens absolute Æternum. Quare etiam Spatium, quod creatum est, a Deo dependens erit. Dicitur passionis fore expers; concedam, si per id volueris Spatium non posse moveri, veluti moventur corpora; nec partes ejus a se discerpi; quippe id Spatium non fert; mutationis tamen capax erit, cum id vel repleatur corporibus, vel deletis corporibus vacuum fiat: quare & hæc objectio evanescit (1).

§. 90. Est Spatium Universi Unicum, Invisibile, Intangibile, Extensum, Infinitæ amplitudinis, nec ullis limitibus terminatum, Homogeneum, sibi ubivis Simile, sibi Continuum, Immobile, Indivisibile; in quo partes actuales nullæ, accidentales modo, quæ inter corporeas superficies interjacent, & Spatium relativum constituunt; hæc tamen videri nequeunt, nec ope Sensuum nostrorum a se invicem distingui, ideo earum loco mensuras adhibemus sensibiles, ex distantis corporum desumptas, atque ita mensurabiles sunt partes, ut & immobiles. Est partium ordo inmutabilis, quia Spatium est unitas, & immobile ac indivisibile: præterea est Penetrabile a corporibus absque resistantia, suo complexu omnia corpora continens, atque iis motum in se & per se concedens.

Adversus infinitatem Spatii insurrexerunt aliqui eruditi: Cum enim corporibus capiendis inserviat, quorum quodlibet magnitudine, tum numero, finitum est; id quod extra corpora foret, inutile est; cumque Dei Sapiencia non permittit, ut aliquid superfluum & inutile existat, Spatium quoque Infinitum non erit. Verum notandum hic est, Spatii extensionem volumine cunctorum corporum desiderari majorem, quia in eo motum suum peragunt

I 2

Pla-

(1) Spatii partes sive corporibus impleantur, sive non, nihil ei additur, detrahatur nihil; persistat illud eodem modo immobile & inmuta-

bile. Vereor ergo ne sit, qui sibi persuadeat huic ratiocinio, quo contendit Auctor Spatium esse mutabile, pondus esse ullum.

Planetae & Cometae, vastissimis intervallis a se remoti, Sed æquis omnes fines, quos sibi Deus in creando Spatio proposuit, cognovit; quamvis enim nonnullarum rerum utilitatem non perspiciamus, ideo superfluas eas esse ponere non licet; ita quoque utilitatem reliqui Spatii nondum deteximus, nec quare Deus Spatium illius indolis fecerit, ut infinitum foret (1).

§. 91. Philosophi agnoscentes Spatium esse Infinitum, & considerantes Deum esse Ens absolute Infinitum, Infinitis Attributis & perfectionibus præditum, extensionem quoque esse perfectionem; hanc Deo competere statuerunt; cumque sola Spatii extensio sit Infinita, quæ capit omnia, hanc esse Dei Immensitatem adseruerunt: ita in Deo esse omnia; ita Deum esse Omnipræsentem omnibus in hoc Universo rebus. Non hæc subtilis sententia vacat difficultatibus. 1. Etiam si enim Spatium in aliquo conveniat cum Deo, scilicet quod sit Infinitum, non tamen ideo unum idemque est: quippe convenit Spatium cum corpore quoad Extensionem, nihilominus Spatium & corpus sunt duæ res diversissimæ. Ita convenit nostra mens cum Deo, quod ambæ cogitent; sunt tamen res penitus diversæ: pari modo quoniam Spatium est Infinitum, non sequitur id esse aliquod Dei attributum. 2. Si non dentur corpora, Spatium non videtur absolute necessarium; quantum huc usque de ejus usu cognovimus: nihil vero in Deo potest poni, quod non sit absolute necessarium. 3. An vero in Deo, Ente actuosissimo, & nullo unquam otio languente, de quo nihil nisi Operantia Attributa cognoscimus, dabitur Attributum Iners, absque ulla actione, aut intelligentia, sed mere passivum? Id probabile non est. 4. An ulli Spiritus, quos novimus, extensiprehenduntur? in Mente humana aut brutorum, nihil simile observamus; quo jure igitur Deo adscribetur extensio?

§. 92. Æquabiliter tamen adimplet Deus omne punctum Spatii, quia Deus est Ens Omnipræsens, & absolute neces-

(1) Si creatum est Spatium, ut nostro Auctori probatur, potuit quidem Deus infinitum illud condere, & fortasse etiam debuit, ut finibus nobis ignotis, quos sibi in ejus creatione proposuit, Spatium responderet. Sed qui re ipsa infinitum creatum esse tuto affirmabimus? No-

bis notus illius finis, ut nempe capiat corpora, eaque in illo moveantur, ejusmodi infinitatem non certe exigit; de ignotis vero finibus, exigant, nec ne, Spatii infinitatem, quicquam affirmare præcisa ipsiusmet Conditoris revelatione temerarium est.

necessarium: Si proinde aliquam Spatii partem, ubi non sit Deus ponamus, non erit Omnipræsens, neque absolute necessarius, nam sic quoque abesse poterit ex alia parte Spatii; atque iterum ex vicina, tandemque omnis abesse posset Deus, & Spatium per se subsistere; quod cum sit absurdum, sequitur Deum esse in toto Spatio omnipræsentem: Quomodo autem id implet? hic acies ingenii hebescit, balbutiendo dicimus, id non fieri more humano, nec more corporeo, sed nobis prorsus incognito modo, adeo ut nihil minus quam Omnipræsentiam divinam intelligamus, nihil tamen potius agnoscamus, hic nobis præeunte Sacra Scriptura.

C A P. I V.

De Loco, tempore, & Motu.

§. 93. **L**ocus est duplex, Absolutus & Relativus: *Absolutus* est pars Spatii Universi, immobilis, a corpore occupata. Est pars Spatii, non situs corporis, nec superficies ambiens, nam solidorum æqualium æquales semper sunt loci: superficies autem ob dissimilitudinem figurarum ut plurimum inæquales sunt (1): Situs vero, proprie loquendo, quantitatem non habent, neque tam sunt loca, quam affectiones locorum.

§. 94. *Relativus* est aliquis corporis situs respectu aliorum, in sensus incurrentium, & quibuscum comparatur.

§. 95. Potest ergo Relativus, locus esse idem, quamvis Absolutus sit alius; corporibus scilicet manentibus in eadem distantia & situ a se invicem, omnibus tamen

I 3

promo-

(1) Esse præterea debet locus immobilis, quod & ipse Aristoteles clare fassus est, cum Phys. 4. c. 5. ait *ἡ οὐδὲν ἀκίνητον εἶναι ὁ τόπος* locus autem debet esse quiddam immobile. Et sane hic mobilis foret locus, ut vel sequi posset locatum, dum id moveretur, vel locatum, dum immotum consistit, deferere; fieri posset, ut quidpiam moveretur non mutato loco, vel hoc variato illud immotum permanere. At ejusmodi loci immobilitatem (quæ nullo negotio intelligitur supposito spatio & cor-

pote distincto, ejusque partem a corpore occupatam ejusdem verum locum esse) sustinere certe non poterunt ii Philosophi, quibus corporis locus est tantum alterius ambientis & proxime consingentis corporis superficies: Notum quippe est, ut minimo vento ea ambientis corporis superficies præterfluat, & moveatur; tum quæ a Philosophis comminiscuntur, ut fugientem eam superficiem sistant, risu potius, quam confutatione digna esse.

promotis. Aliquot autem corporibus in eodem Spatio manentibus, aliis ex suo Spatio translatis, illorum locus Absolutus manet idem, horum non, atque sic omnium locus Relativus mutatur.

§. 96. Tempus est duplex, Absolutum & Relativum, *Tempus absolutum verum, & Mathematicum*, in se & in natura sua sine relatione ad externum quodvis, æquabiliter fluit, alioque nomine dicitur *Duratio*, quoniam rerum durationes æquabilissime se excipiunt, sine ulla interruptione, sine inæqualitate; adeoque est Tempus absolutum modo conceptus existentiarum, quæ se invicem in serie continua sequuntur, nunquam celerius aut tardius, sed quæ quasi semper eodem tenore fluunt.

§. 97. *Tempus Relativum, Apparens, & Vulgare* est sensibilis & externa quævis Durationis, ope motus, mensura. Est hæc mensura admodum impropria, cum sit diversa a duratione, & tantum aliquam similitudinem habeat, quatenus in utraque re successiones se invicem sequentes locum obtinent.

Est quoque mensura incerta, quia motus corporum est æqualis, inæqualis, celerior, tardior; nec motus æqualitas aut inæqualitas semper cognosci potest.

§. 98. Quare Tempus non est Ens aliquod (1) nec aliquid corporeum; nec intervallum inter succedentes rerum mutationes; quemadmodum antiquorum & recentiorum Philosophorum aliqui arbitrati sunt.

§. 99. Ordo partium temporis est immutabilis, non enim tempus ultimum potuit esse primum vel intermedium; In tempore, quoad ordinem successionis, locantur universa.

§. 100. Si concipiamus punctum Mathematicum fluere æquabiliter, motu simplici, & continuo, rectam lineam de-

(1) Id est ens aliquod reale a rebus durantibus distinctum: Est quippe tempus *ῥῆμα* quoddam, seu mentis opus rebus ipsis & earum existentiae cogitando superadditum, cui extra mentem reale nihil præter ipsas res durantes respondet. Existentia sane rei quid ab ipsa re existente diversum haud est, præcisa mentis abstractione; multoque minus proinde existentiae continuatio, seu *duratio* quicquam esse potest a re e-

xistente diversum. Idipsum aptissimo argumento evincit Aristoteles. *Phys. lib. 4. cap. 14.*, cum ait *τὸ μὲν αὐτὸ γένεσθαι, & οὐκ εἶναι, τὸ δὲ μέλλει, & οὐκ εἶναι*, quæ pars ipsius *suic nec est*, pars autem futura nec dum est; τὸ *νῦν* denique, sive *instans* aut *momentum* se habet instar puncti in magnitudine, neque adeo pro temporis parte haberi potest. At quod ex non entibus compositum est, physicam & realem essentiam habere nequit.

describet, quæ Tempus repræsentare poterit (1); hujus lineæ longitudo summam omnium momentorum Temporis exponet: estque, veluti Tempus, in infinitas partes divisibilis; quamobrem in posterum Tempus ope Lineæ designabimus.

§. 101. *Motus Absolutus* est sibi succedens existentia corporis in diversis partibus Spatii Universi immobilis. Concipi nequit hic motus, nisi simul animo concipiamus Spatium universi in partes esse distinctum, quamvis id actu nullas partes habeat, idcirco motus concipitur relative ad partes Spatii imaginarias. Est hic solus & verus motus, qui simul cum celeritate sua cognosceretur, si Terra quiesceret; hac autem perpetuo mota (2), Terrestrium corporum motus non adeo clare cognoscitur: hinc non malo consilio Philosophi motum tripliciter distinxerunt. 1. In *Absolutum*, quem definivimus. 2. In *Relative communem*. 3. In *Relative proprium*.

§. 102. *Motus relative communis* vocatur, quando corpus una cum aliis delatum, horum respectu eundem situm servat, atque ita quiescere videtur, sed tamen cum his corporibus una transit per varias Spatii universalis partes: quali motu nauta, tranquille sedens in nave vento acta, vectus fertur; aut quo omnia, Terræ superficiei in hærentia, simul cum illa circa axem suum & circa Solem, promoventur: aut quo mortuus piscis una cum flumine provehitur.

§. 103. *Motus Relative proprius* est sibi succedens applicatio corporis ad diversas partes corporum ipsum immediate ambientium aut contingentium: hoc motu ferri videntur nobis omnia, quæ in hac Terra moveri dicimus.

I 4

§. 104.

(1) Nam quemadmodum partium temporis veri & absoluti ordo semper idem est & uniformis, ita etiam linearum partes sive rectæ eæ sint, sive circulares, sibi semper similes sunt; & quemadmodum juxta nostrum concipiendi modum linea ex fluxu puncti descripta intelligitur, ita etiam tempus instantis perpetuo labentis veluti vestigium est. Dividitur quoque tempus in infinitum, quemadmodum linea: Nam si corpus A data velocitate unius horæ intervallo milliare percurrat,

idem dupla velocitate datum iter conficiet dimidia horæ parte, quadrupla velocitate, horæ quadrante spatium illud peragrabit, & ita porro; cumque velocitas qua milliare percurritur, augeri semper, & quavis data velocitate major evadere possit, poterit quoque tempus in infinitum minui, & quocumque assignato tempore minus fieri.

(2) Observetur extra Ecclesiam nostram ex Copernicana hypothesis Auctorem loqui.

§. 104. *Quies absoluta* est existentia eadem corporis in iisdem partibus Spatii Universi.

Adeoquæ quietis proprietas est, quod corpora vere quiescentia, inter se quiescunt. Quoniam autem partes Spatii non incurrunt in Sensus, sciri nequit, an corpora in iisdem partibus Spatii maneant. Fieri potest ut corpus aliquod in regionibus Fixarum, aut longe ultra, quiescat absolute. Sciri autem nequit, situm corporum inter se in regionibus nostris comparando, utrum horum aliquod ad illud remotissimum datam positionem servet, nec ne; idcirco quies vera ex horum situ inter se definiri nequit.

§. 105. *Quies relativa* est corporis idem situs comparatus cum aliis proximis aut immediate ambientibus, veluti quiescit Terra respectu Atmosphæræ, qua ambitur; ita corpora quiescunt omnia Terræ superficiiei infixæ: aut omnia, quæ firme aliis corporibus inclusa hærent, in quacunque conditione hæc ponantur. Quamobrem corpus potest relative quiescere, quod motu communi relativo movetur.

§. 106. Potest corpus apparere delatum motum relative proprio, quod tamen in Absoluta est quiete: Si enim Terra quiescat, & Navis feratur ab Occidente in Orientem, atque aliquis in prora stans, qui navem sui respectu quiescentem spectat, lapidem projiciat ab Ortus Occasum versus, sive ad puppim, eadem celeritate, qua navis vehitur, videbitur Spectatori in Nave posito lapis motu proprio moveri, propterea motus verus & absolutus definiri nequit per translationem e vicinia corporum, quæ tanquam quiescentia spectantur, cum alteri quieto, extra Navim posito, lapis absolute quiescere apparebit, quin revera quiescit, cum in eadem parte spatii universalis maneat (1). Optimum erit in sequentibus omnem motum, ut absolutum, considerasse.

§. 107. Controversia est inter Philosophos, utrum Quies sit aliquid positivum, an tantum privatio motus? disputatio originem cepit, quia in corporibus quietis vis, quam
vim

(1) Sed nedum ea dicenda forent moveri, quæ absolute quiescunt, si motus verus per eam translationem definiretur, sed contra quæ velocissime abripiuntur, in quiete permanere affirmandum foret; ea nempe quæ inter aliorum corporum parti-

culas compacta, summa celeritate feruntur, ut Terræ globus, qui circa Solem in Copernicæa hypothesi sua atmosphæra circumseptus revolvitur; cum nulla tum fiat e vicina ambientium corporum, quæ tanquam quiescentia spectantur, translatio.

vim Inertiæ supra appellavimus, deprehenditur, unde ita aliquid positivi in quiescentibus corporibus inesse videbatur: Nam si corpus quiescens, ab altero in se impacto, unum gradum motus recipiat, pariter resistit, ac si uno donatum gradu motus in obicem incurreret resistentem, eaque impactione omnem motum perderet. Verum hæc vis inest corporibus semper, tam quietis, quam motis; veluti vidimus in §. 53. adeoque non est vis quietis, quia tum tantum in quiescentibus corporibus foret; quamobrem Quies nihil aliud quam privatio motus erit: si enim ex corpore moto concipiamus uno momento omnem motum tolli, quamvis nihil accesserit, corpus quiescet.

§. 108. In Quiete absoluta sunt nulli gradus, quod enim quiescit corpus, simpliciter quiescit, nunquam magis minusve.

§. 109. Corpus liberum & quiescens, ex se nunquam incipit moveri, nisi aut quædam obstacula tollantur, aut causæ aliæ accesserint. Sit enim corpus A tabulæ impositum, id in æternum quiescet, nisi tabula sustinens tollatur, aut causa alia movens accesserit.

§. 110. Quod movetur corpus, transfertur ex una parte Spatii in aliam: est hæc translatio effectus realis, qui requirit in corpore causam realem, hæc est vis deferens corpus: hæc transit ab uno corpore in aliud: penetrat ab extremis usque in intimas partes corporis, non per poros, sed per ipsam solidam substantiam, atque in singula atomo, ceteroquin immutabili, recipitur sub quantitativis infinite diversis.

§. 111. Transire vero vim ex corpore in corpus concludimus: quia quicquid virium alteri perit, tantum recipitur ab altero corpore. 2o. Quia mens nostra potentiam vim excitandi habet, quæ transit in nervos, musculos nostri corporis, & inde in externa corpora, quæ movere volumus (1): ideo postquam magnam virium copiam produximus, defa-

(1) Ex eorum sententia loquitur hic Auctor, qui animam physice in corpus influere opinantur, quales præter Scholasticos sunt ceteri omnes Philosophi, Cartesianis & Leibnizianis exceptis: quorum illi ejusmodi corporis motiones a Deo ex occasione cogitationum animi, isti vero ex nativa corporis vi motrice, &

harmonia præstabilis repetunt. Ceterum in questione esse potest, defatigemur ne, quia virium partem anima in corpus, corpus in externa alia transfundit, an quia continuata actione fiat, ut minus apti nervuli sint ad motum. Quamobrem hoc argumentum, Cl. Auctoris pace, licet quidam ut putat, non reputamus.

defatigamur. Opinantur aliqui, Vim sub quantitate infinita esse corpori infusam, id agentem quaquaversum, sed quæ ab impactione corporum dirigitur aliquam versus directionem, quo modo corpus movetur. Sed est mera hypothesis, nulla demonstratione fulta (1); in qua nequaquam intelligi potest, quid in uno corpore absque egressu aliquo determinaret directionem virium in altero.

§. 112. An igitur Vis est Ens Physicum? aut Substantia sui generis? An idea primum generata in mente intelligenti, dein communicata cum corporibus, atque ex uno in aliud transiens (2)? Nihil horum omnium demonstrari potest. Præstat ignorantiam confiteri, aut animum esse ineptum ad claram ejus ideam formandam: Effectus vero Virium & Leges motus observationibus cognoscuntur, quæ satisfaciunt indagacionibus usibusque humanis.

§. 113. Quamvis motus verus & absolutus requirat vires corporibus impressas; nihilominus motus relativus generari & mutari potest sine viribus in hoc corpus impressis: Sufficit enim, ut imprimatur in alia solum corpora, ad quæ fit relatio; ut iis cedentibus mutetur relatio illa, in qua hujus quies vel motus relativus consistit.

§. 114. Operam igitur luserunt nonnulli Philosophi, negantes dari motum, subtilibus usi sophismatibus. 1. Si detur motus, erit vel in movente, vel in mobili, vel in utroque: Non est in movente, nam dum lapis projicitur, motus non potest dici in causa projiciente, sed in lapide mobili: Nec motus est in mobili, nam motus est existens actio in agente, & mobile est absque actione; ergo nunquam datur motus. Respondemus, si lapis in funda

cir-

(1) Mera profecto id est hypothesis, at nulla evidenti demonstratione ab Auctore confutata: hoc enim tantum hypotheses rejicere, quod hypotheses sint, est hypothesim hypothesi confutare. Quod vero ea admissa hypothesi non intelligatur, qua ratione corpora ab aliis in motu positis secundum datam directionem moveantur, eam falsam esse non evincit. In Auctoris etiam sententia, quæ virium transfusiones statuuntur, sane intelligere mortaliū nemo hucusque potuit, quidnam id sit, quod e causa movente in rem motam transfunditur; tum qui ea transfusio fiat. Qua ex re factum est, ut Bælius ad Sce-

pticismum confirmandum ea ignorantia abuteretur. Interim agnoscamus phænomena, rem a re moveri, corpus a corpore, nec magnopere solliciti simus de ratione & modo quo id fiat: interiora enim naturæ introspicere negatum mortalibus.

(2) Lepidum sane est hoc a Viro doctissimo memoratum commentum. Qua enim de idea intelligi id posset? non hercule de divina, nisi essentialē universi emanationem a Deo statuere velimus. De humanis vero aut Angelicis ideis id asserere, ut Cronlando visum est, ad qualitates occultas nos deducit; etsi tamen impossibile id esse adfirmare vereamur.

circumagatur, motum esse in eo, & in funda movente: lapide e funda projecto, motum e funda transisse in lapidem, adeoque esse tum in mobili; nec fundam tum amplius esse causam agentem.

2. Diodorus Cronus sequenti argumento motum oppugnabat. Vel corpus movetur in loco, in quo est, vel in quo non est: utrumque fieri nequit: si enim movetur in loco, in quo est, ex illo nunquam exiret: non potest moveri in loco, in quo non est, nam in eo nondum est; ergo nunquam potest corpus moveri.

Respondemus, Corpus non moveri, cum manet in loco, sed cum transit ex loco in locum, per §. 101. idque fieri observatio ostendit.

3. Subtilius Sophisma est illud Zenonis, quod Achillis nomine insignivit, in quo Achillem intervallo milliari a testudine distare supponit, utrumque ad eandem plagam tendere, Achillem 100. velociorem esse testudine: percurrente illo milliare, testudo absolvet $\frac{1}{100}$ milliariis partem:

rursus Achille percurrente eam $\frac{1}{100}$ partem, progredietur testudo $\frac{1}{10000}$ milliariis partem, quamcum percurrent Achilles, iterum præcurret Testudo $\frac{1}{1000000}$ partem: adeoque nec

hoc modo, nec unquam Achilles ad Testudinem perveniet. Quamvis concederemus Achillem nunquam accessurum testudinem, attamen non sequeretur non dari motum, quippe nihilominus propius propiusque ad se accederent ambo. Sed negamus, numquam Achillem accessurum, vel anteverfurum esse Testudinem, cum certo certius per-

cursa ab Achille $\frac{1}{100}$ milliariis parte, sibi occurrent: nam

Series $\frac{1}{100} \frac{1}{10000} \frac{1}{1000000} \dots$ &c. quæ exprimit Spatia a testudine percurra, est æqualis $\frac{1}{99}$.

(1) In progressionem enim geometricam decrescentem in infinitum, primi & secundi termini differentia, primus terminus, & tota proportionalium terminorum summa sunt continue proportionalia (Vide Theor. Scholii post prop. 11. l. 6. Elem. Andreæ Tacquet) Cum itaque il-

lius seriei primus terminus sit 1, seu 100, secundus 10000, erit eorum differentia, 9999, Ad

§. 115. Omnis motus, utcumque celer fuerit, fit in tempore, nec fieri potest ullus motus in instanti: ut enim corpus A (Tab. 1. Fig. 18.) percurrat lineam AB, cum transfertur ex A in C, effluit tempus, uti & dum movetur ex C in D, ex D in E, ex E in F, ex F in B.

§. 116. Solet corpus concipi instar puncti; hoc cum movetur, describit lineam: hæc recta erit, si motus puncti simplex fuerit; quæmòbrem corpus motu simplici delatum, in linea recta movebitur, quamdiu motus durat (1). Hujusmodi motus simplex plerumque ab una potentia producitur. Si corpus in vacuo positum simplici feratur motu, in recta linea semper motum continuaret, quia in Vacuo causæ aut non sunt, aut non concipiuntur, quæ corpus ab inchoata via deflectant. Quamvis corpus simplici motu latum in linea recta moveatur, ideo credendum non est, corpus in linea recta motum, semper simplici motu ferri, ostendemus enim Capite X, corpus admodum composito motu in linea recta sæpe promoveri.

§. 117. Motus Simplex a nonnullis Philosophis dividitur in *Motum Directum*, & *Reflexum*: Directus est cum corpus A (Tab. 1. Fig. 7.) currit D versus: Reflexus est cum postquam a puncto A cucurrit ad D, a D redit ad A. Addiderunt alii eruditi *Motum refractum* (2), sed hic haud dubie est motus compositus.

§. 118. Linea a corpore moto descripta aut percursa, vocatur quoque *Spatium* a corpore percursum.

§. 119. *Directio* est linea recta, quæ ducta a corpore concipitur partem versus, qua nititur, aut in qua, si moveatur, progreditur.

§. 120.

99
— Ad numeros itaque
10000
99 1
— & — quæraturs tertius
10000 100 1
proportionalis; hic erit,
99

designabitque omnium eorum terminorum summam.

Illud nonnulli oponent. Corpora suapte natura a motu ad quietem transire nequeunt: causæ ergo motrices incorporæ. At nec istæ movere possunt. Si enim istæ in corpora agent; reagent in istas corpora. Reagere hæc in illas nequeunt: neque igitur illæ in hæc. At ejusmodi argumentum unum invictè probat non

intelligi a nobis qui causæ activæ incorporæ agent in corpora, tum mentis nostræ brevitate, quod contenditur, non probat.

(1) Motus enim per lineam curvam simplex non est, cum ex duabus ad summum viribus in corpus agentibus oriatur, ut suo loco demonstrabitur.

(2) Motus refractus est cum corpus a priori motus semita ad aliam transit, cum qua prior illa aliquem angulum constituit. Hæc quidem semitæ mutatio haud corpori advenit, nisi per novam vim in illud agentem; itaut ex nova hac superveniente vi, & priori, motus refractus componatur.

§. 120. Si motu simplici moveatur corpus, non ut punctum consideratum, ejusque partes absolute cohæreant, erit motus per omnes ejus partes æqualiter distributus.

§. 121. Quamobrem tota quantitas motus æque divisibilis concipi potest ac corpus, eritque in quavis corporis parte proportionalis magnitudini corporeæ.

§. 122. Ergo motus quantitas pendebit ab omnibus partibus corporis simul motis, quatenus conspirant in eundem motum. Quantitas motus etiam a celeritate, qua corpus movetur, pendet: ita ut tota quantitas motus sit in ratione composita ex magnitudine corporis & celeritate. Præstat in Physica quantitatem virium, quam motus considerare.

§. 123. Si corpus A motum, idem Spatium minori tempore percurrat quam B, dicitur A *celerius* moveri: B *tardius* (1).

§. 124. Illa igitur mobilis affectio, qua dato tempore datum Spatium percurrit, vocatur *Celeritas*, vel *Velocitas*. Nullus datur motus absque Celeritate, hæc autem modo detegitur attendendo ad tempus, & Spatium in eo percursum (2).

§. 125. Si Celeritas maneat eadem, Spatium percursum instar temporis augetur (3). Si proinde Celeritas corpo

(1) Tum si corpus A majus spatium percurrat eo, quod eodem tempore a B percurritur, dicitur A *celerius* moveri, B *tardius*.

(2) Quoniam augetur velocitas, cum manente eodem tempore, majus percurritur spatium, tum cum manente eodem spatio percurso minuitur tempus (§. 123.), habebitur velocitatis mensura, si spatium percursum ad tempus interea elapsum applicetur, id est, si spatium per tempus dividatur. Eritque instar fractionis, cujus numerator peractum spatium notat, denominator vero elapsum tempus: fractionum enim hæc est proprietas, ut aucto numeratore, manente denominatore, augeatur earum valor; tum augeatur etiam cum manente numeratore minuitur denominator. Itaque si mobile A descripsit pedes 20 tempore quoque scrupulo-

20
rum, erit ejus velocitas — seu 4; &
5
generatim dicto spatio S, tempore

T, velocitate V, erit $V = \frac{S}{T}$.

(3) Tum si tempus lationis maneat idem, Spatium augetur aucta velocitate. Ideoque spectari potest Spatium uti factum vel rectangulum, cujus basis & altitudo velocitatem & tempus notent; earum enim alterutra aucta augetur etiam rectanguli area, quemadmodum augetur Spatium, velocitate vel tempore aucto. Hinc quemadmodum rectanguli area ex basis in altitudinem ductu oritur, ita spatium ex multiplicatione temporis per velocitatem est æstimandum: quamobrem positis iisdem denominationibus, quæ supra erit $S = T \times V$; ex quo etiam profluit
$$V = \frac{S}{T}, \text{ \& } T = \frac{S}{V}$$
 hoc est, velo-

citas æqualis spatio ad tempus applicato; & tempus æquale item spatio ad velocitatem applicato.

corporis multiplicetur in tempus, quod impenditur, habebitur Spatium a corpore percursum: idcirco si Spatium percursum a corpore, dividatur per tempus ab eo impensum, cognoscetur Celeritas: & si Spatium percursum dividatur per celeritatem, habebitur Tempus.

§. 126. Est Celeritas quædam magnitudo: potest enim fieri major, minorque, atque infinitos capere gradus: nam corpus A potest Spatium unius pedis percurrere intra horam, intra ejus $\frac{1}{60}$, intra ejus $\frac{1}{3600}$ partem &c. Est tum celeritas ultima 3600 major quam prima: secunda superat primam sexagesies.

§. 127. Quia celeritates sunt magnitudines, ope linearum rectarum repræsentari possunt: hæ enim magnitudines pari modo exprimunt ac numeri.

§. 128. Quo corpus celerius fertur, eo idem Spatium breviori tempore percurrit: contra quo tardius fertur, eo longiori tempore ad idem Spatium describendum ipsi opus est. Manente igitur via eadem, erunt celeritates in ratione univërfa temporum. (1)

§. 129. Si corpus moveatur motu simplici in Vacuo, movebitur in Infinitum æque velociter, & secundum eandem directionem rectam, in qua primo moveri coeperat: & æqualibus temporibus æqualia Spatia describet.

Nam corpus vi Inertiæ perseverat in eo Statu, in quo ponitur, & quoniam in Vacuo nulla, quæ in corpus agit, supponitur causa, id eadem, qua incœpit velocitate & directione, moveatur necesse est, ex §. 110. & 129. Patet proinde Lex Newtoniana prima, *Corpus omne perseverat in statu suo quiescendi vel movendi uniformiter in directum, nisi quatenus a viribus impressis cogatur illum statum immutare.*

§. 130.

(1) Percurrant duo mobilia, A, rationem servare. Quod si diversa B idem spatium, e. g. milliæ, A sint spatia eodem tempore percurra, quinque scrupulorum intervallo, spatium nempe percursum ab A tempore duorum scrupulorum sint decem pedes, quod vero a B percurritur eodem tempore sint pedes 15, velocitas A ut $\frac{1}{5}$ — velocitas B ut $\frac{1}{10}$; tum velocitates — — erunt ut ipsa 5 10 10 15
eruntque eæ velocitates inter se, ut 1 1
— ad —, seu ut 10. ad 5, quæ est 2, 2
5 10
inversa temporum ratio: notum est enim fractiones eodem numeratore donatas denominatorum reciprocæ

Spatia directe, 10, & 15, fractiones enim eundem habentes denominatorem, numeratorum rationem sequuntur.

§. 130. Motus præcedens vocatur *Æquabilis*. Est hic motus propria mensura celeritatis, ut enim inveniatur quantitas celeritati proportionalis, investigandum est spatium, quod corpus dato tempore absolveret, si motu æquabili ferretur (1).

§. 131. Si tali moto corpori §. 129. accesserit novus motus in eadem directione, celerius feretur corpus, & majus spatium pari tempore describet quam ante; eritque spatii augmentum, proportionale augmento velocitatis: Vocatur hic motus *Acceleratus*.

§. 132. Si a corpore moto §. 129. discesserit motus eandem versus plagam, tardius feretur, & tempore pari minus spatium quam ante describet; eritque spatii decrementum, ut jactura velocitatis: vocatur hic motus *Retardatus*.

§. 133. Cum ad corpus motum §. 129. temporibus æqualibus æqualia accedunt velocitatis incrementa, vocatur motus *Æquabiliter acceleratus*.

§. 134. Cum a corpore moto §. 129. temporibus æqualibus æqualis quantitas velocitatis detrahatur, dicitur motus *Æquabiliter retardatus*.

§. 135. *Motus conspirantes* sunt, quorum directiones congruunt, aut saltem sunt parallelæ, & ad easdem partes tendunt.

§. 136. *Motus contrarii* seu directe oppositi dicuntur, quorum directiones congruunt quidem, aut saltem sunt parallelæ, sed in oppositas partes vergunt.

§. 137. In comparatis motibus duorum mobilium sequentia obtinent locum.

Si velocitates duorum corporum fuerint æquales, erunt
Spatia

(1) Quod si motus corporis æquabilis haud fuerit, hoc est, ejus velocitas continenter augeatur, vel minuat, uti corporibus sursum vel deorsum projectis accidit; pro ejus variis definiendis velocitatibus ad minima spatia, minimaque temporis particulas, quibus percurruntur, deveniendum est. Etsi enim jugis sit velocitatis mutatio, adeo tamen exigua ea est, quæ minima sit temporis particula, ut contemni merito possit, atque veluti constans & in-

variabilis, pro ea temporis particula spectari possit velocitas, & motus æquabilis. Capienda est itaque temporis pars infinitesima, & quam relationem habet spatium ea temporis infinitesima parte descriptum ad eandem temporis particulam, per eam definiatur velocitas, quæ mobili eo temporis momento convenit. Ita vero determinata velocitate, si ea per temporis momentum multiplicetur, productum dabit spatium eodem tempore peragratum per §. 125.

Spatia percurſa in ratione temporum; ideo vocatis Velocitatibus V, v , & Spatiis S, s , & Temporibus T, t , erit $S. s :: T. t$.

§. 138. Si velocitates duorum corporum fuerint inæquales, & tempora æqualia; erunt Spatia percurſa in ratione velocitatum. Sive $S. s :: V. v$.

§. 139. Quare poſitis velocitatibus & temporibus inæqualibus, erunt Spatia percurſa in ratione compoſita ex rationibus velocitatum & temporum: ſive ſunt uti producta, quæ habentur ex tempore multiplicato in velocitatem, ſive $S. s :: VT. vt. (1)$.

§. 140. Proinde temporum ratio componitur ex directâ ratione Spatiorum, & reciproca velocitatum; cum enim $Svt = sVT (2)$, erit $T.t : Sv. sV$; & ideo quoque $V. v :: St. sT$: ſive erunt velocitates in ratione directâ Spatiorum, & reciproca Temporum.

§. 141. *Velocitas relativa* vocatur ea, qua duo corpora a ſe mutuo fugiunt.

§. 142. Si corpus moveatur in rectâ linea AL , & alterum in rectâ AM (*Tab. 1. Fig. 12.**), atque ambo eodem tempore ex puncto A moveri incipiant, eodemque momento perveniant ad puncta M & L , erit celeritas relativa corporis moti in AL , ad celeritatem ſuam abſolutam, veluti ML ad AL ; & celeritas relativa corporis moti in AM , ad celeritatem ſuam abſolutam, uti ML ad AM .

Quando enim corpora ſunt in duobus punctis M & L , a ſe diſtant quantitate ML , quæ proinde velocitatem relativam exprimit; quare hæc velocitas eſt ad celeritatem abſolutam corporis incedentis in via AL , veluti ML ad AL ; & pari modo erit velocitas relativa ad celeritatem abſolutam pro altero corpore, veluti LM ad AM . Hæc proportio ſemper dabitur: productis enim directionibus amborum corporum capiatur ml , parallela ad ML ; eruntque ambo corpora ſimul in l , & in m ; ſed eſt ml .

$ML ::$

(1) Quæ §. 137., 138., 139. de comparatis Mobilium Spatiis tradit Auctor facile conſequentur ex reſtangularum proprietatibus, per quæ ſpatia æquabili motu percurſa deſignari diximus. Reſtangula quippe eandem baſim habentia, ſunt ut altitudines; eandem vero habentia altitudinem ſunt ut baſes; diverſam vero altitudinem & baſim habentia, compoſi-

tam altitudinum & baſium rationem habent.

(2) Cum enim ſit per §. 139. $S. s :: VT. vt$, erunt extremorum & mediorum producta æqualia, ideſt $SVT = svt$; ex qua æquatione inde profluunt temporum & velocitatum adductæ analogiæ, quæ ſemper eandem æquationem reddunt, mediis & extremis in ſe ductis.

ML: : AL. AL; adeoque eadem proportio semper locum habet inter velocitatem relativam & absolutam.

§. 143. Si autem duo corpora B & A ex diversis punctis B & A exeant, B (Tab. 1. Fig. 16. *) cum velocitate & directione BM, A cum velocitate & directione AL, erit velocitas relativa corporis A ad absolutam, uti AN ad AL.

Quia simul veniunt in M & L, hæc jungantur recta ML, & super BM, ML fiat parallelogrammum BMNL; ducatur AN. Fingamus jam ambo corpora currere super plano BMNL, quod interim promoveatur directione & velocitate MB; idcirco postquam corpora absolverunt vias suas BM, AL; invenientur in punctis B & N; & idcirco velocitas relativa corporis A fuit ut AN, cum absoluta ejus velocitas fuerit ut AL. Quæ autem est in corpore B, fuit ut LN = BM.

§. 144. Si attendamus ad omnia corpora majora, quæ hoc Universum componunt, observantur omnia moveri rapido motu, quemadmodum patet in Planetis primariis tum circa axem, tum circa Solem, aut in Secundariis circa primum Planetam, & una cum ipso circum Solem cursus suos conficientibus: Ingenti celeritate moventur Cometæ: neque Stellæ fixæ in suis locis quiescere videntur. Quicquid igitur in Universo existit, nequaquam quiescit (1).

§. 145. Motus qui corporibus magnis §. 144. inest perennis est; causam habuit in principio Deum; qui postquam cuncta creaverat, suoque ordine posuerat, ea vehementissimo motu projectili commovit.

§. 146. Causa altera motus, atque universis communis corporibus nostri systematis planetarii, est Gravitās, quæ motum tam in cælestibus, quam in terrestribus corporibus producit.

§. 147. Tertia causa movens residere videtur in facultate Animæ tam hominum, quam brutorum; nam libero animali, mente volente, ab hujus potentia excitatur in Fluidis animalis corporis motus, atque inde in Solidis, ad requisitam usque celeritatem.

§. 148. Quarta causa motus est Vis Attrahens: Vis Magnetica: Vis electrica: quæ tres vires inter se differunt.

Tomo-I.

K

§. 149.

(1) Una tamen excepta tellure, docent Scripturæ.
quam in loco suo immotam manere

§. 149. Quinta causa est Elasticitas, quæ quam plurimum motus generat, uti videre est in chorda Musica tensa & percussa diutissime oscillante.

§. 150. Sexta causa movens est corpus in motu constitutum, in aliud corpus incidens, illudque percutiens.

§. 151. Septima causa est Ignis, tam terrestris, quam Solis.

Non dubito quin plures sint huc usque incognitæ; forsitan quamdiu hanc vitam vivimus, omnes causas non detegemus, non enim eas hominibus revelare tenetur Deus.

§. 152. A quacunque harum septem causarum motus fuerit productus, videtur easdem Leges sequi, ac si a corpore premente, vel percutiente originem traxisset: hinc qui Leges Pressionis & Percussionis explicat, eas quoque reliquarum causarum tractasse censerem, quoad effectus, potest, donec melius Leges motus, quas causæ sequuntur, detectæ fuerint.

C A P. V.

De Potentiis prementibus.

§. 153. **P**otentia premens est vis corporis agentis in aliud, quod attingit, idque ex suo loco movens, vel movere nitens.

§. 154. Potentiæ hæc vel manent in quiete simul cum corpore, in quod agunt: vel moventur una cum eo, ita tamen, ut quamdiu uniuntur, ejus respectu non moveantur.

§. 155. Potentiæ prementes & quiescentes. 1. sunt vivi homines, vel animalia, manibus, pedibus, totoque corpore alia corpora, quæ ex loco movere nituntur, prementia. 2. Gravitas corporis, quæ unum premit ad alterum, quod sustinet. 3. Vis elastica elateris compressi, inter duo alia corpora positi, & se restituere conantis; nam premit elater corpora, a quibus retinetur. 4. Vis Attrahens, aut Magnetica (1), quæ premit ad se invicem non aliter corpora, quam si a binis manibus, contrario nisu prementibus,

(1) Si magnes suberis frusto, item ferrum simili frusto imponatur, ut libere utrumque in aqua innatet, mutue attractionis vi ad invicem ambo accedent. At cum ad contactum pervenere, neutrum propellet alterum, æqualitate sc. attractionis utrimque, qua mutui eorum

tibus, ad se appressa fuissent. Fit ab hujusmodi Potentiis actio in loco.

§. 156. Potest autem Potentia premens ex loco moveri, dum tamen interim corpori, quod premit, & quocumq; movetur, manet applicata. Veluti si manu premam pondus tabulæ impositum, ad intervallum 10. pollicum. Tum si pondus tabulæ flexili impositum, una cum tabula, quæ inflectitur, descendat; veluti pondus Libræ appensum, cum ea descendit in oscillationibus Libræ. Vel si elater convolutus se restituat, binaque obstacula ipsum coercentia removeat, quæ, dum sibi redditur, premere pergit. Vel cum corpus alligatum alteri, vi centrifuga actum, id ad se trahit; aut cum urget aliud corpus, quod vel a centro recedere nequit, vel minori vi ab illo discedit (1).

§. 157. *Obstaculum* vocamus, quodcumque resistit actioni Potentiæ prementis.

§. 158. Effectus Potentiæ prementis in obstaculum, est ipsius translatio ex uno in alium locum, si obstaculum a Potentia moveri possit.

§. 159. Sive Potentia premens obstaculum, id promoveat, sive non, quando premit, semper datur resistentia, sive repressio, adeo ut nunquam corpus in alterum agere sine reactione possit. Premamus manu Tabulam, hæc sive mota, sive non mota fuerit, reprimit manum, estque hæc repressio pari comparata modo, ac si alter sua manu nostram tantopere repressisset. Pedibus premimus solum, quod resistendo reprimit; si non resistat, a mollitie aliquantum devoratur, donec pressioni æquipolleat resistentia (2).

K 2

§. 160.

conatus sustinentur; quemadmodum in binis manibus contrario & æquali nisu se invicem prementibus neutra movet alteram. Similiter si globus terreus inæqualiter dividatur, plano scilicet non per centrum transeunte, alterutrius in alteram partem gravitas vel attractio, eadem sive æqualis est; indeque ob æquales & contrarias in se prementes potentias, nullus earum sequetur effectus. Æquales vero eas potentias, esse oportet, alias terra tota in libero æthere fluitans majori pressioni cedens abiret in infinitum.

(1) Si corpus B (fig. 3. Tab.

Addis.) filo ad A ligatum circa idem A revolvatur, contendet jugiter a centro sui motus recedere, quemadmodum infra demonstrabitur; dicitur hic corporis B conatus *vis centrifuga*. Hanc vero vim exercere nequit B, nisi alterum A premat, secumque trahat. Quod si corpori B aliud C filo jungatur, hoc etiam vi centrifuga corporis B in gyrum revolvantis, prematur, & ad motum impellatur necesse est.

(2) Pendet id a generali naturæ lege *Actioni contraria semper & æqualis est reactio* observationibus & experimentis innumeris confirmata.

Si

§. 160. Actio Potentiæ prementis est momentanea ; si vero fuerit continuata , aut finito tempore persistierit , componitur ex pressionibus se mutuo sequentibus , quæ singulæ tempore infinite parvæ egerunt , & sese invicem exceperunt , veluti momenta temporis non interrupto fluxu sibi succedunt . Effectus igitur simplex Potentiæ prementis ab actione momentanea pendet , veluti Effectus jugiter continuatus ab Actione continuata Potentiæ . Hic modo de momentanea actione Potentiæ agam .

§. 161. Si Potentia premens moveat obstaculum , poterit illius actio tam respectu magnitudinis obstaculi , quam velocitatis , qua id promovetur , differre : quamobrem tota actio Potentiæ cognoscitur ex magnitudine & velocitate obstaculi (1) .

§. 162.

Si equus lapidem funi alligatum trahat , retrahetur & equus æqualiter in lapidem ; funis enim æque utrimque distensus , eodem se relaxandi conatu æqualiter urgebit lapidem versus equum , ac equum versus lapidem . Est vero equi solo insistendi vis tanta , quæ tractum lapidis superet ; at non ea est lapidi vis , ut tractui equi resistere valeat ; hinc lapis versus equum , non equus versus lapidem promovetur . Sedeat quis in cymba , & aliam æqualem , æqualiterque onustam fune ad se trahat ; tum ambæ cymbæ æqualiter ad invicem accedent , & in medio primæ distantiae se mutuo contingent . Quod si earum alterutra onustior sit altera , pro diversis quantitativis materiæ in singulis , celeritates diversæ erunt , sed motus quantitates æquales .

Eandem naturæ legem in ipsa corporum gravitatione locum habere demonstravit Cl. Newtonus ; hoc est , cum corpora in telluris superficie posita versus terram gravitent , vicissim tellus ad corpora singula adsurgat , & versus illa trahetur , motusque hac mutua attractione geniti æquales erunt . Si lapis e. g. vi suæ gravitatis in terram decadat , terra vi-

vicissim versus lapidem elevabitur , tantilla tamen velocitate , quæ nempe ad illam lapidis eandem servet rationem , quam lapidis materia habet ad totius telluris massam . Lectu digna sunt , quæ de hac generali naturæ lege commentatur Cl. Keill. *lect. phys.* 12.

(1) Manente siquidem eodem obstaculo , & aucta vel minuta velocitate , in hujus ratione actio potentiæ augebitur , vel minuetur : manente vero eadem velocitate , augeatur vel minuitur potentiæ actio in ratione aucti vel diminuti obstaculi . Haberi idcirco poterit ejusmodi actio veluti factum ex velocitate in obstaculum ; datisque duabus lineis , quibus velocitatis , & obstaculi magnitudines repræsententur , quod sub eis continetur rectangulum , potentiæ actionem designare poterit . Hinc sponte sua fluit quæcunque de rectangulorum invicem collatorum rationibus in Euclidis Elementis demonstrantur theoremata , potentiarum invicem collatarum actionibus applicari posse ; eaque sunt quæ Auctor a §. 163. ad §. 168. memorat .

§. 162. Cum in una Potentia premente nihilo cognoscitur absolute magni, duæ secum invicem comparandæ erunt, quæ in obstacula æqualia, aut inæqualia agant, eaque velocitate pari aut dispari promoveant.

§. 163. Si duæ Potentiæ prementes promoveant duo obstacula æqualia, velocitate æquali, erunt harum actiones æquales.

§. 164. Si duæ Potentiæ prementes pari velocitate obstacula inæqualia promoveant, erunt harum actiones, uti sunt magnitudines obstaculorum. Vocentur Potentiæ P . p . Obstacula O . o . erit $P. p :: O. o$.

§. 165. Si sint duæ Potentiæ prementes, & obstacula duo æqualia, unum vero velocitate duplo majori quam alterum moveatur, erunt Actiones Potentiarum, uti sunt velocitates obstaculorum. Sive $P. p :: C. c$. si velocitates notentur litteris $C. c$.

§. 166. Proinde si duo obstacula inæqualia velocitate dispari moveantur, erunt actiones Potentiarum in ratione composita ex velocitate & magnitudine obstaculorum. Sive $P. p :: O C. oc$.

§. 167. Si actiones Potentiarum fuerint æquales, & obstacula inæqualia, erunt magnitudines obstaculorum in ratione inversa celeritatum: & semper cum magnitudines obstaculorum fuerint inversæ uti celeritates, erunt Potentiæ æquales. Cum enim $P = p$ erit, $O C = oc$. adeoque $O. o :: c. C$.

§. 168. Et si actiones Potentiarum dividantur magnitudinibus obstaculorum, innotescant horum celeritates: si dividantur celeritatibus, habebuntur Obstaculorum magnitudines.

Cum enim actio Potentiæ sit æqualis $O C$, erit
 $\frac{OC}{O} = C$, & $\frac{OC}{C} = O$.

§. 169. Si duæ Potentiæ æqualem conatum habentes premant directione opposita, erit inter illas æquilibrium, adeoque in eodem loco manebunt; earum pressionibus se destruentibus, quamdiu potentiæ se presserint. Quare sic infinita quantitas conatus, pressionis, actionisve in Natura perit, uti in Luctatoribus sibi æquipollentibus evidenter patet.

§. 170. Si obstaculum sit tantum, ut a Potentia premen-

te moveri nequeat, facit obstaculum idem quod Potentia, directione opposita, in §. 169. nitente; quare & hoc modo Conatus, Nisus, vel actio Potentiæ prementis destruitur.

§. 171. Potentiæ sese mutuo contraria directione prementes, sibi instar obstaculorum sunt; quamobrem earum actiones tanquam obstacula considerari possunt, quæ aliqua celeritate moverentur, si sibi libere forent commissa.

§. 172. Actiones igitur duarum Potentiarum inæqualium, opposita directione se prementium, possunt esse æquales, si Potentiarum magnitudines fuerint in ratione inversa earum celeritatum, quas sibi libere commissæ produxissent.

Nam actiones Potentiarum exprimi possunt ope OC , oc : cum igitur $OC = oc$, erit $O, o : : c, C$. Ex quibus liquet, quomodo duæ Potentiæ opposito nisu prementes, possint sibi mutuo esse æquilibratæ, aut secundum §. 169. vel §. 172. (1)

§. 173. Si duæ Potentiæ opposita directione se premant, atque una superet aliam, habebunt actiones inæquales, illa maiorem, quæ superat: illa minorem, quæ superatur: destruentur autem duæ actiones, quarum quælibet est æqualis minori: per excessum proinde validius agentis retrorsum agetur Potentia, cujus actio erat imbecillior.

C A P. VI.

De Viribus Corporum Motorum.

§. 174. **M**agna inter Philosophos controversia agitur, quomodo sint corporum motorum vires supputandæ? Videtur Mersennus inter primos fuisse, qui hanc Experimento dirimere litem conatus fuit, demittendo

(1) Id puto hic sibi velle Auctorem: Sint duæ potentiæ, quæ in obstacula inæqualia agentes, velocitates iisdem communicent ipsis obstaculis reciproce proportionales, itaut earum actiones æquales sint per §. 167.: Si hæ potentiæ opposita directione invicem agant, neutra præpolleret alteri, earumque actiones se invicem destruent, ut in casu §. 169. Ita si vir pondus 10. librarum velo-

citare ut 1. promoveat, erit ejus potentiæ actio 1. x 10.; tum puer velocitate 10. moveat pondus unius libræ, itat ejus potentiæ actio sit 10. x 1., æqualis nempe priori; iisdem præterea potentiarum actionibus invicem congrediantur, seu contrariis directionibus in se invicem agant vir & puer; quiescent ambo, neutro præpollente alteri.

do corpus grave ex variis altitudinibus in Libræ scapum, & ope æquipondii ad alterum caput appensi, ictus magnitudinem explorando (1). Hujus sententiam secuti fuerunt Gassendus, Ricciolus, de Lanis, plurimique ex recentioribus, statuentes: *Vires corporum motorum esse in ratione composita ex velocitate & pondere*. Quamquam Ricciolus ex alio experimento, stilum infigendo butyro, in eumque ex variis altitudinibus ligneum globum demittendo, & quantum stilus in Butyrum deprimeretur observando, aliam conclusionem formare debuisset (2). Quamobrem Leibni-

K 4

rius

(1) Experimentum Mersenni ita comparatum fuisse videtur. Æquipondio ad alterutrum libræ caput appenso, eodemque subjecto plano horizontali innixio, ex opposita libræ parte grave quoddam in libræ scapum demittatur. Jam pro majori altitudine, ex qua decidit grave, majorem esse constat ejus vim, quæ scapum percutitur: ea ergo sit altitudo casus, ex qua ejusmodi percussio vis in scapum excitetur, quæ ponderi ex altera libræ parte suspensio sit æqualis; itaut tantillum ea aucta altitudine, æquipondium suffollatur. Ponamus eam altitudinem esse ut 1; tum sint aliæ altitudines ut 4, 9, 16, &c., ex quibus scapum grave in scapum decidat. Profecto si vires hujus corporis decidentis ex altitudinibus 1, 4, 9, 16, &c. compositam haberent rationem ex velocitate simplici & pondere, seu, ipsam velocitatum rationem sequerentur (idem enim semper est pondus), æquipondia ex altero libræ capite pendentia, quæ iis viribus æquilibrantur, numerorum 1, 2, 3, 4, &c. rationem sequi deberet. Ex gravitatis enim theoria inferius exponenda liquidum est velocitates corporum ex altitudinibus 1, 4, 9, 16, &c. decidentium esse, ut eorundem numerorum radices, 1, 2, 3, 4, &c. Quod si eorundem corporum vires eam habeant rationem, quæ velocitatum quadratis convenit, æquipondia tum forent ut 1, 4, 9, 16, &c., seu ut ipsæ altitudines, quæ est quadratorum velocitatum ratio. Quinam harum rationum faveat Mersenni ex-

perimentum haud liquidum nostro videtur Auctori, quod scilicet parum accurate id fuerit institutum, nec omnium in eo spectandorum ratio fuerit habita.

(2) Ricciolus ex suo experimento stili in butyrum ad diversas altitudines infixi, inferri posse visum est, vires velocitatum simplicem rationem sequi; at non satis apte, cum id experimentum eam potius evertat sententiam. Positis enim altitudinibus, ex quibus ligneus globus in stilum demittitur, ut 1, 4, 9, 16, &c. deprehensum est stili infra butyrum depressiones esse ut 40, 115, 196, 278. Sunt autem velocitates globi ex iis altitudinibus decidentis, ut 1, 2, 3, 4: itaque si stili depressiones, seu globi decidentis vires (quæ iis depressionibus sunt proportionales) velocitatum simplicem sequerentur rationem, exfuerent ut 1, 2, 3, 4; seu ut 40, 80, 120, 160; contra id quod superius ex experimento ponebatur.

Idem experimentum paulo aliter a Poleno, & Gravesandio, aliisque institutum est, eoque eventu, qui virium æstimationem ex simplici velocitate evertit. Sint nempe duo globi puta A & B magnitudine æquales, at inæquales pondere, iique in subjectum seivum ex iis altitudinibus demittantur, quæ ipsorum ponderum reciprocam rationem fervent; puta si pondus A ad illud B fuerit ut 4, ad 1, altitudines A & B sint reciproce ut 1, ad 4. Deprehensum est foveas ab ejusmodi decidentibus globulis imprimi accuratissime æquales. Sunt autem hæ foveæ virium ipsarum esse-

tius errorem latere sagacissime suspicatus, hoc thema ad examen revocavit, Viresque distinguendas judicavit in *Mortuas & Vivas*. Mortuæ sunt, quas alii *Pressiones* appellant: Veluti vires Vivæ etiam vocantur *Vires Insitæ*, aut Vires corporum motorum. Mortuas Vires statuit in ratione ponderis & velocitatis (1): Vivas in ratione ponderis & quadrati velocitatis. Hanc novissi-

ctus integri; hinc quoque virium, quibus eæ foveæ excavantur, æqualitas liquido fluit. At si virium æstimatio fiat per pondus & velocitatem simpliciter, eæ virium non manebit æqualitas: nam cum velocitates decidentium globorum, ex gravitatis theoria, sint in subduplicata altitudinum ratione, erit velocitas A ut VI., & velocitas B ut V4.; adeoque facta ex velocitate & pondere utriusque erunt $4VI.$, $1V4.$, quæ haud quidem æqualia sunt. At si vires æstimentur per factum ponderis in velocitatis quadratum, seu in ipsam casus altitudinem, (cui id quadratum velocitatis proportionem respondet) erunt eæ vires ut $4VI.$, $1x4.$, quæ æqualia producta sunt. Non me later plura adversus hoc ratiocinium ex aliis experimentis, & ex temporum, quibus foveæ excavantur, inæqualitate congestas esse difficultates. At eas hic nihil moror, alibi fortasse ad $\chi\rho\iota\sigma\iota\nu$ revocaturus. Vid. Petri Martini in nostro Regio Gymnasio Astronomiæ Professoris eximii dissert. *De corporum quæ moventur viribus* pag. 77.

(1) Vires mortuæ dicuntur quæ ad motum producendum tendunt quidem, at motum actu non producant, seu, quæ in solo conatu ad motum consistunt, cujusmodi vis est globo ex filo suspensio, qui gravitate sua deorsum nititur; tum quæ est in elatere tensio, quod se restituere nititur. Ex ejusmodi vi etsi ob impedimentum nullus sensibilis oriatur motus, oriri tamen singulis momentis concipitur velocitatis incrementum, seu infinite exigua velocitas, quam *initialem* vocant, quæ tamen continenter difficultate,

& resistentia obstaculi interimitur. Quod si ea velocitatis incrementa, quæ dato tempore producuntur, conservari omnia in corpore possent eorum summa finitam corpori conciliaret velocitatem, atque ita sensibilis prodiret motus; ideoque vis tum non mortua, sed viva diceretur. Id ergo discriminis inter vim mortuam & vivam intercedit, quod nempe prior in simplici velocitatis incremento consistat; altera vero, seu vis viva, in infinitorum ejusmodi incrementorum summa. Hinc sponte sua fluit vim vivam infinitam esse præ vi mortua, utpote infinitarum mortuarum virium veluti summam, ideoque cum simplici vi mortua comparari non posse. Atque id ad idem recidit, quod Galilæus, Torricellius, & Borellius de vi percussiois docuere, eam scilicet esse infinitam, si cum simplici pondere conferatur. Et sane corporum motorum vim diminui ex diminuta velocitate ambigit nemo: quod si ergo velocitas in infinitum minuat, hoc est, si supponamus corpus quiescere, etiam vis diminuta erit in infinitum, quæ cum in vim mortuam tum transeat, patet hanc infinities minorem esse præ viva.

Vires mortuæ, veluti momentaneæ potentie actiones, de quibus capite præced. ex massa & velocitatis incremento communiter æstimantur. Quod etiam ex machinis æquilibrantibus argumento deducto probat Leibnitius: in iis enim vires æquiponderantium cum ad motum producendum tendant, sed non actu moveant pondera, sunt vires mortuæ; tum æquales, cum neutra præpolleat alteri. At æqualia item sunt pro-

novissimam sententiam deinde amplexi fuerunt Hugenius (1), Bernovillius, Hermannus, Wolfius, Polenus, Richter, & Gravesandus. Pristinam autem acutissimis ratiociniis, magnique ponderis argumentis summi ingenii exquisitæque doctrinæ Philosophi Desaguliers & Mairanus, alique tueri annisi sunt. Dissidentibus igitur in hoc themate, quod fundamentum Physicæ est, clarissimis Viris, nec temere, nec præcipitanter pergendum hic erit.

§. 175. Si corpus quiescens, in Vacuo absque resistendi obstaculo libere positum, a Potentia premente in quadam directione prematur, promovebitur corpus in hac directione, & cum ea semper celeritate, quam a pressione accepit.

§. 176. Si Potentia premens ita comparata sit, ut pressionem secundum eandem directionem continuare possit, augebitur corporis celeritas; adeo ut ex quiete per varios gradus celeritatis ad eam transeat, quam ultimo acquirit.

§. 177. Corpus hoc, a Potentia premente actum, reagit vi suæ Inertiæ: generatur in hac lucta vis, aut transiit hæc a Potentia in corpus.

§. 278. Erit igitur vis, effectus aut Pressionis momentaneæ, aut Pressionum plurimarum, quæ sese tempore finito sequebantur.

§. 179. Est Vis ita producta in corpore aliquid perdurans; ipsa pressione, quæ vim produxit, pereunte.

§. 180.

producta ex utriusque æquiponderantis massa in suam initialem velocitatem, ut in Mechanica docetur: ergo necesse est, ut iis productis sint proportionales eæ vires, & per eas æstimantur.

At alia ratione idem Cl. Vir æstimandas contendit vires, quæ actu motum excitant, ex massa nempe, & velocitatis quadrato: ita quidem ut posita corporis massa 10., & velocitate 6., hujus sit sumendum quadratum, nempe 36., & per massam 101 Multiplicandum, ut inde habeatur productum 10×36 . ei vi proportionale.

(1) De Christiano Hugenio non tam liquidum est, eum Leibnitianæ virium æstimationi adhæsisse, ut de ceteris, quos recenset Auctor; Joannes Bernovillius in *Discours sur le*

mouvement chap. 10. id aperte inficiatur: M. Huguens, ait, *ignorois sans doute, que la force d'un corps en mouvement est proportionnelle au produit de sa masse par le carré de sa vitesse*. Huic accedit M. Deslandes auctoritas, cujus en verba ex ejus *Discours sur la maniere de faire des experiences* deprompta: *Telles étoient sans doute celles des Messieurs Huguens, & Mariotte, à qui l'on doit de si neuves observations sur la force des corps en mouvement. Cependant il est certain, que ces deux grands hommes se sont trompés en croyant que la mesure de cette force étoit le produit de la masse par la vitesse: au lieu qu'il est constamment le produit de la masse par le carré de la vitesse.*

§. 180. Est qualibet Potentia premens, ut & tota ejus actio, determinatæ magnitudinis, ideo determinatam modo velocitatem, & vim vivam, in corpore excitabit. Si Potentia fuerit extra corpus posita, atque in eadem conditione persisterit, non poterit ulterius in eadem directione corpus jam motum premere, cum in eo tantum illam velocitatem, se exserendo, suscitaret, quæ jam corpus actu movetur. Sit enim obex firmus AS , (*Tab. 1. Fig. 19.*) corpus libere mobile F , Elater BC , qui primum convolutus sit: hic laxamento dato, se quadam velocitate in situm BC exserendo, premit corpus F . Quod si nunc finxerimus id, velocitate hac accepta, iterum poni in F , & elaterem convolutum ut ante, se rursus explicare; non poterit hic premere corpus F , quippe elater eadem velocitate modo se evolvit ex B in C , quæ corpus jam movebatur ex B , ad C . Vel sit homo, qui manu premit globum libere positum F , ut moveatur velocitate BC eadem, quæ manus exseritur: si proinde animo conceperimus globum hac velocitate donatum prope manum B , quæ sese ut ante exserat, hæc globum F , attingere non poterit, quia hic eadem velocitate movetur, quæ manus exseritur (1).

§. 181. Si vero eadem Potentia externa premens in illa conditione ponatur, ut corpus ipsius respectu quiescat, veluti in casu §. 175., poterit hæc ut ante in corpus agere, adeoque cum eo eam celeritatem communicare, quam primum tradiderat. Sed oportebit, ut secunda Potentia adsit, quæ primam Potentiam ea celeritate moveat, quæ corpus post primam pressionem movebatur.

Sit obex immobilis AS , (*Tab. 1. Fig. 20.*) & duo elateres æquales DB , BC , corpus F . Elater DB convolutus se laxando promoveat elaterem BC convolutum, ea velocitate, quæ corpus F motum concipitur: quiescit tum corpus F respectu elateris BC : quare ab hoc, se exserente, poterit corpus F premi ut ante, & proinde secundo celeritatis gradu donari.

§. 182. Non poterit ulterius a pressione binarum Potentiarum

(1) Idipsum hoc exemplo mire confirmatur. Corporibus omnibus in navi relative quiescentibus, cum primum navis moveri incipit, eam velocitatem communicat, quæ ipsa fertur: quod si navis æquabiliter mo-

veri pergat, eadem scilicet semper velocitate, contenta corpora non idcirco velocius promovebit; cum ea ulterius attingere non possit, utpote eadem velocitate mota.

tiarum DB, BC in eadem directione corpus F premi, cum id jam ea velocitate moveatur, qua binæ potentiaæ se exse-
ruerunt: ut igitur corpus tertio gradu velocitatis imbuatur,
oportebit ut nova Potentia accedat, efficiens ut globus F (Tab.
1. Fig. 24.) respectu Potentiaæ BC quiescat: tum enim po-
terit BC premendo agere ut in primo casu: hoc fiet, si
duæ potentiaæ ED, DB deferant BC, ea velocitate, qua
globus F movetur (1).

§. 183. Idcirco imbitur corpus tot gradibus velocitatis,
quot Potentiis externis, se simul adjuvantibus agitur.

§. 184. Debent igitur Potentiaæ externaæ plurimæ simul
requiri, ut corpus aliquod motum, novo gradu velocitatis
donetur: Si enim corpus jam 100. gradibus velocitatis fe-
ratur, ut id nova imprægnetur velocitate, non una postu-
latur potentia, sed ut 101 Potentiaæ simul adsint, simul
agant, simul se adjuvent.

§. 185. Difficilius ergo corpus motum acceleratur, quam
ex quiete deducitur in motum, cum per unam Potentiam
extrinsecus prementem moveri possit, non tamen per ean-
dem accelerari.

§. 186. Et erunt Potentiaæ accelerantes in ratione ce-
leritatis.

§. §. 187. Adeoque corpus accelerationi resistit in ra-
tione celeritatis suæ.

§. 188. Quia autem vis ex Potentia premente in cor-
pus transit, per §. 177., generabitur semper in corpore mo-
to vis, quæ est ut numerus Potentiarum celeritatem ali-
quam cum eo communicantium.

§. 189. Si Potentiaæ prementes, ab §. 170. ad §. 181.
fese adjuvantes, fuerint æquales, & successive accesserint,
fient accelerationum gradus in corpore temporibus æqualibus.

§. 190.

(1) Vis gravitatis. qua corpora
accelerato motu deorsum urgentur,
est instar potentiaæ externaæ in cor-
pus agentis, quod ejus respectu quie-
scit. Nam cum gravia singulis tem-
poris particulis novum celeritatis
gradum a gravitate accipiant, neces-
se est ut attingi ab indefinente gravita-
tis actione ea possint, adeoque ut res-
pectu ipsius gravitatis quiescant; alias enim
eadem semper ferrentur velocitate.
Quamobrem corpus libere gravitate
sua descendens, veluti a tot poten-

tiis externis se simul adjuvantibus
urgetur concipiendum est, quot novis
velocitatis gradibus imbitur; cum-
que finito tempore infiniti numero
sint ejusmodi velocitatis gradus, in-
finitum quoque earum potentiarum
se invicem adjuvantium numerum
esse, statuendum est; tum integram
gravitatis actionem in dato tempore
summam esse infinitarum actionum,
quæ singulis temporis particulis ex-
eruntur.

§. 190. Sunt vires in corpore moto, in ratione duplicata velocitatis, qua fertur.

Formetur Triangulum rectangulum ABC , (*Tab. 1. Fig. 22.*) in cuius latere AB capiantur partes infinite parvæ AD , DF , FH , &c. æquales, quæ designent gradus velocitatis: uti AD primum, DF secundum, FH tertium. Ducatur DE , ad basim BC parallela, designatura Potentiam communicantem gradum primum velocitatis A D ; tum FG , basi parallela, quæ erit duplo major quam DE , repræsentabit duas Potentias, quæ secundum gradum velocitatis D F cum corpore communicant: ita HI parallela basi, triplo major quam DE , exhibet Potentias tres, quæ tertiam velocitatem F H corpori largientur. Atque ita reliquæ lineæ basi parallelæ, quæ Potentias exhibebunt, daturas corpori celeritatis gradus, respondententes in linea AB . Verum omnes rectæ DE , FG , HI sibi infinite propinquæ complebunt, secundum doctrinam Cavalierii de *Indivisibilibus*, totum Triangulum ABC : quare hoc Triangulum repræsentabit summam Potentiarum corpus ex quiete moventium ultima celeritate R B ; hinc summa Potentiarum moventium corpus ex quiete ad velocitatem F H , erit ad summam Potentiarum moventium corpus ex quiete ad velocitatem R B , uti Triangulum A H I , ad Triangulum ABC . Sed sunt hæc ambo Triangula similia, adeoque in ratione duplicata laterum A H , A B , velocitates repræsentantium: erunt ergo Potentiæ, quæ velocitates A H , A B , in corpore excitant, in ratione duplicata velocitatum. Sed uti est numerus Potentiarum in corpus agentium, ita est vis in corpore producta, per §. 188.: sunt itaque vires in corpore moto in ratione duplicata velocitatum (1).

Præ-

(1) Elegantissimum sane atque ingeniosum est hoc Auctoris argumentum: at vereor ne contrariæ sententiæ patroni ad suas partes id trahant. Spectandum enim est, potentiam (*Vide fig. 4. Tab. Addit.*) FG , quæ communicavit corpori secundum velocitatis gradum DF , non agere ut potentia FG , sed (ducta Egipfi AB parallela) ut gG tantum; altera enim ejus parte Fg , æ-

quali priori DE corpus jam motum non attingit, adeoque ea in corpus non agit, §. 181., 182.: itaque summa potentiarum agentium & largientium corpori velocitates AD , DF , non est DE & FG , sed DE & gG , seu sola FG , cui eæ duæ DE , gG æquantur. Similiter potentia HI , qua communicatur corpori tertius velocitatis gradus FH , non agit ut

HI

Præstantissimus Mathematicus Joh. Bernovillius idem alia demonstratione evicit. Sint duo corpora inæqualia A , B , inter quæ sit elaterum series, qui primum adducti, deinde se restituant, corporibusve eam concilient celeritatem, qua deinceps pergunt: hæc corpora quolibet momento æqualiter premuntur (1); quam ob rem incrementum celeritatis in A est ad id in B , uti reciproce est magnitudo B ad eam corporis A . Peracta elaterum restitutione erunt totæ celeritates, uti earum incrementa. Sic celeritas in A æqualis a & ea in B , vocetur b ; erit tum $A. B : b. a$; adeoque $A a = B b$. Quia pressiones, quæ agunt in hæc corpora, simul incipiunt & desinunt, erunt earum tempora æqualia. Centrum quoque gravitatis C (2) manebit in quiete, eritque CA ad $CB :: a. b.$: est hoc punctum C instar firmi obicis, qui utrinque ab elateribus premitur; quare elateres in corpota A & B vires suas transfundent, quæ erunt in ratione suorum numerorum, sive uti a ad b : vocentur igitur V vires in A , & v illæ in B , erit $V. v :: a. b$ Verum supra invenimus $A a = B b$: quamobrem
prio-

HI, sed tantum util; reliqua enim ejus pars HI corpus jam motum velocitatibus AD, DF, non attingit: ideoque summa potentiarum largientium corpori tres velocitatis gradus AD, DF, FH, non est DE, EG, HI, sed DE, gG, il, seu sola HI.

Atque ita progrediendo invenietur summam potentiarum agentium, usque ad gradum velocitatis FH non esse triangulum AHI, sed rectam HI; item summam potentiarum momentum usque ad gradum velocitatis QB, non esse triangulum ABC, sed potius rectam BC. Igitur earum potentiarum summæ erunt ut HI, BC, seu ut AH, AB, seu tandem in simplici velocitatum ratione.

(1) Æquali enim vi utrumque se restituere contendunt elateres; ideoque eorum actiones temporis particula exercitæ æquales erunt; & propterea per §. 167. incrementum velocitatis in A est ad incrementum velocitatis in B , ut reciproce est ma-

gnitudo B ad eam corporis A . Cumque ea velocitatum incrementa integrarum velocitatum, quæ facta restitutione corpori acquirantur, sint partes similes, erunt etiam integræ hæc velocitates in earum magnitudinum reciproca ratione.

(2) Scilicet id punctum ex quo suspensa corpora cum mediis elateribus manerent æquilibrata. Id vero punctum ita situm esse debet, ut si circa illud suspensa corpora A & B revolvantur, vel ab eo recedant, velocitatibus donentur eorundem magnitudinibus reciproce proportionalibus. Cum itaque post elaterum restitutionem velocitates recedentium corporum A & B sint eorundem magnitudinibus reciproce proportionales; idem tum etiam maneat eorum gravitatis centrum necesse est. Sunt vero velocitates corporum ita recedentium, ut eorum distantie a gravitatis centro; ideoque ut $CA : CB :: a : b$

priores quantitates cum hisce æqualibus multiplicatæ eandem proportionem servabunt, hoc est, erit $V. v :: A a \times a. B b \times b :: A a a. B b b$; sive erunt vires in ratione composita ex magnitudine, & quadratis velocitatum.

§. 191. In comparatis duorum corporum motibus hæc obtinebunt. Si duo corpora æqualia ferantur velocitatibus diversis, erunt eorum vires in ratione duplicata velocitatum.

§. 192. Si velocitates æquales & corpora inæqualia fuerint, erunt eorum vires in ratione massarum.

§. 193. Si ambo corpora inæqualia velocitates inæquales habuerint, erunt vires in ratione composita ex simplici massarum, & quadratorum velocitatum.

§. 194. Si duo corpora inæqualia viribus æqualibus moveantur, erunt quadrata velocitatum in inversa ratione massarum. Vocentur enim corpora A, B , illius velocitas a , hujus b ; erunt vires $A a a = B b b$; adeoque $A. B :: b b. a a$.

Respondet experientia huic calculo; unde simul sequitur subductionem Virium secundum Mersennum, aliosque Philosophos esse erroneam. Sit enim elater Chalybeus AB , (*Tab. 2. Fig. 1.*) annexus cylindro cavo F , cauda C instructo: est hæc cauda variis pertusa foraminibus, transitque per rimam laminæ firmæ DE , cui dum elater AB vi apprimitur, tenditur, eaque intensio, stilo per foramen aliquod caudæ C transmissio, tenetur: cylindrus ceteroquin ex filis penduli instar libere suspenditur ad machinam percussoriam: laxamento caudæ dato, cylindrus F ab elatere AB se restituente pelletur ad altitudinem aliquot graduum, celeritatem ejus indicantium; sint hi = 10, erant vires hujus cylindri $F = 100$. Fiat idem cylindrus, immisso pondere, duplo gravior, tendaturque elater AB accurate pari modo ac ante, liberata iterum cauda C , resiliat ad 7, 07 gradus: nam vires 100 communicantur cum ipso nunc, uti ante ab elatere: 100 divisa per 2 massas, relinquunt 50 pro una, qui numerus exprimit in hac experientia velocitatis quadratum, cujus radix est 7, 07. Si vero vires forent in ratione velocitatis & massæ, ex opinione Mersenni, essent in primo casu = 10. quæ divisa postea per 2, sive per corpus duplo gravius, darent velocitates 5, quas nunquam experientia exhibet.

§. 194. a. Quamvis elater AB sese non restituat in utroque

que experimento paribus temporibus, nulla tamen inde in calculo oritur mutatio (1). Sit enim Elater aliquis A B,

(1) Satis jam tritameorum, qui contrariæ sententiæ favent, exceptionem hic memorat Auctor. Contendunt sc. in hætenus adductis virium invicem comparatarum æstimationibus, aliisque quæ a Leibnitianis adduci solent, nullam temporis elapsi habitam esse rationem, idem ne illud maneat, an diversum, cum tamen ut recte fieret virium æstimatio ex earum effectibus, idem tempus actionis manere deberet; cum inæquales vires æquales effectus edere possint, si diverso tempore agant. Hinc, ajunt, ideo quadruplum prodire effectum a vi dupla velocitate urgente corpus, quod duplo tempore agat; quod si idem esset actionis tempus, non quadruplum sed duplex esset effectus. At quid ad hæc Leibnitiani? tum nempe in virium æstimatione temporis habendam esse rationem, cum pro aucto vel diminuto tempore actionis effectus augetur, vel minuitur, quemadmodum in motu æquabili. At si de viribus agatur, quorum effectus determinati, ac definiti sunt, quique iidem manent, quodcumque sit elapsum tempus, ut in §. 194. a, b, & d. 206., id nil in earum virium æstimationem posse contendunt. Quod sequentibus exemplis confirmant. 1. Si quis facultatum hominis alicujus rationem ineat ex omnibus ejus expensis, quibus tandem ad summam pauperiem redigitur, elapsum sane expensarum tempus non attendit; hoc qualecumque sit, eadem semper prodiit facultatum summa. 2. Supponamus hominem viribus tantum ut 100. donatum, earumque singulas in singulorum pedum percurrente longitudine impendere, ut tandem spatio 100. pedum emenso extinctus decidat. Is sive id spatium lente percurrat, sive incitatus, sive hoc sive illo tempore, eadem semper erit virium consumptio, eademque æstimatio.

Corpus ex altitudine ut 1 decidens eam acquirit vim, qua ad eandem tantum altitudinem ascendere potest: ex altitudine item ut 4., eam nanciscitur vim, qua ad eandem altitudinem 4. elevatur. Erunt igitur hæ vires ut 1. ad 4.; totæ enim in iis spatiis percurrendis infumuntur. Sed quæ tum acquiruntur velocitates, sunt ut 1. ad 2., secundum Galilæi doctrinam: Ergo vires duplicatam velocitatum rationem habebunt; est enim 1. ad 4. duplicata ipsius 1. ad 2. Atque id est wolffio *Mechan. c. 7. pag. 61. postrema edit.* potissimum argumentum pro Leibnitiana virium æstimatione ex velocitatis quadrato, quod ex ipsius Leibnitii schediasmate in *actis Lipsensib. Mensis Martii An. 1686.* haustum est. At qui virium æstimationi ex sola velocitate adhæserent, temporis hic nullam habitam effectum rationem opponunt: corpus sc. ad altitudinem 1. ascendens subduplum tempus terere ejus, quo ad altitudinem 4. attollitur: dupla ergo velocitate, & duplo tempore spatium quadruplum describi: at si æquali tempore dupla sit velocitas, duplum non quadruplum peragrari spatium. At contra Leibnitiani, tempus nihil ad earum virium æstimationem conferre: spectari hic vires jam corporibus ex altitudinibus 1. & 4. decidentibus acquisitas; easque æstimandas per id, quo totæ exseruntur, ac infumuntur, veluti per effectus integros: id esse spatia 1. & 4., utcumque inæquali tempore descripta, adeoque per ea æstimandas vires. Sumtis æqualibus temporibus, spatia ad quæ tum elewantur, non esse earum virium effectus integros, quod tum utraque earum virium non sit exhausta, sed aliquid exerendum supersit; ideoque per ea, quæ tum describuntur spatia, æstimari vires non posse.

A B (*Tab. 2. Fig. 4.*), qui tendatur usque in D, hic laxamento dato, sese restituendo in pristinum statum, percurrat lineam D B, habebit in quolibet puncto viæ D B aliam vim, maximam in D, minimam in B. recta D C perpendicularis ad D B. exponat vim elateris in puncto D, & ducatur recta C B; tum quælibet parallela ad D C, in Triangulo D C B, exponet vim elateris in puncto quolibet suæ viæ: adeoque totum Triangulum D C B summam virium, sive totam actionem elateris exponet (1). Quocunque igitur tempore elater percurrat viam D B, semper Triangulum D C B exponet elateris actionem totam, quare illius effectus, quocunque tempore sese restituerit, debebit esse idem.

§. 194. b. Aut poterit hoc modo negotium considerari. Tota actio elateris componitur ex viribus, quas in quolibet puncto suæ restitutionis exercet, tum ex celeritate, qua restituitur, & Tempore: Ponatur Vis = V, Celeritas C, Tempus = T; erit Actio tota = $V \times C \times T$. Si nunc idem elater duplo majori celeritate se explicuerit, eandem viam duplo breviori tempore absolvet, quare tum erit ejus actio tota = $V \times 2 C \times \frac{1}{2} T$. Sed est hoc pro-

ductum æquale priori: quare actio tota in utroque casu æqualis erit, proinde effectus, qui actioni proportionalis est, erit æqualis.

§. 194. c. Posita idcirco vi dupla elateris se restituentis in spatium duplum, erit ejus actio quadrupla: si enim Vis in D exponatur ope D E (*Tab. 2. Fig. 4.*), quæ dupla est ipsius D C, atque D F via sit dupla ipsius D B, exponet Triangulum D E F totam Elateris actionem; id vero Triangulum D E F, quadruplum ipsius D C B. Si Elater ideo a duplo majore pondere quam ante tendatur, erit ejus vis prima D E, tumque duplo majorem viam D F percurrit, adeoque actionem habet quadruplam: quare movebit idem corpus velocitate duplo majori quam ante, & a triplo pondere pressus, promovebit idem corpus triplo majori velocitate, quemadmodum experimenta in cylindro A B F instituta docuerunt.

§. 195.

(1) Difficultas hic suboriri cui-dam posset, an linea BC ad quam decrescentes elasticitatis vires terminantur, recta esse debeat, nec ne. Sed sciendum nihil id conferre ad

Auctoris ratiocinium. Finge illam esse curvam ad punctum B terminatam, eodem modo procedet Auctoris ratiocinatio.

§. 195. Si velocitates duorum corporum sint in ratione inversa massarum, erunt quoque vires in ratione inversa massarum.

Sint enim (vocatís omnibus ut ante) $a, b :: A, B$. erit $a A = b B$, hinc $a A \times a, b B \times b :: a, b :: B, A$: sunt vero $a A \times a$, & $b B \times b$ vires corporum, adeoque hæ sunt inverse uti massæ.

§. 196. Ita vidimus quomodo se habent Potentiæ prementes externæ. Si vero fuerit Potentia interna in corpore, quæ id premat versus alterum corpus, veluti magnes ligneo globo inclusus, hunc ad ferrum aliquod distans premit, tum conciliabit hæc potentia corpori tempore aliquo finito aliquam velocitatem; quia autem Potentia concipitur in ipso corpore, ejus respectu quiescit, quacunque velocitate corpus moveatur, adeoque æqualibus temporibus semper hæc in corpore æquales gradus velocitatis excitabit; quamobrem ab una Potentia in corpore hoc modo idem effectus excitari poterit, qui a plurimis tantum, extrinsecus prementibus Potentiis, oritur: producit ejusmodi Potentia motum æquabiliter acceleratum.

§. 197. Ab hac causa æqualibus temporibus in corpore vires inæquales generabuntur. Cum enim primo tempore ab hac causa producatetur una velocitas, erit genita vis una: & cum duobus temporibus generentur duæ velocitates, erunt vires in corpore quatuor; adeoque secundo tempore excitatæ sunt vires tres: tribus temporibus inerunt corpori tres velocitates; ergo novem vires: hinc tertio tempore progenitæ vires quinque. Quamobrem vires paribus temporibus increscent, veluti numeri, veluti impares 1, 3, 5, 7, 9, 11; &c.

§. 198. Corpus ab ejusmodi Potentia interna actum describet Spatia, quæ erunt uti quadrata temporum, vel celeritatum.

Linea AB (Tab. 2. Fig. 2.) repræsentet tempus, divisum in partes æquales infinite parvas AD, DM, MN &c. In D erigatur perpendicularis DE, exhibens velocitatem tempore AD acceptam: quæ si semper fuisset æqualis, Spatium a corpore percursum exponeretur rectangulo ADES. Ita ad M erigatur M r perpendicularis, duplo major quam DE, exponet hæc velocitatem secundi temporis, & rectangulum DM r δ spatium percursum: idem fiat sequentibus temporibus, exhibebit ASDE, DM

$DMr\delta$, $MNtF$, $NOoG$, $OPpH$, &c. summam omnium Spatiorum: quia vero ope Potentiæ corpus transit per omnes gradus celeritatis, positisque lineis temporum infinite parvis, erit summa omnium Spatiorum æqualis triangulo rectangulo ABC . Quoniam triangulum ANt est simile ABC , erit Spatium percursum tempore, uti AN , æquale triangulo ANt , ad Spatium ABC , percursum tempore AB , in ratione duplicata AN ad AB ; vel Nt ad BC .

§. 199. Erunt quoque Spatia æqualibus temporibus descripta, uti sunt numeri impares 1, 3, 5, 7, 9, &c. veluti Triangula æqualia, quæ in Figura depicta sunt, clare ostendunt.

§. 200. Ergo Spatia ab ejusmodi corpore sic actò descripta, & vires eodem tempore generatæ, sunt in ratione æqualitatis, per §. 197.

§. 201. Si corpus determinata velocitate motum vires jam habeat, poterit pressione directionis oppositæ, & illi æquali, quæ vires communicaverat, iterum iisdem viribus orbari.

Si enim per Elateres $BD C$ (*Tab. 2. Fig. 3.*), obstaculo AS affixos, corpus C promoveatur, acquiratque vires duas, cum his occurrat æqualibus elateribus $EF G$, affixis obstaculo XZ , quos premet viribus duabus, hi inde tendentur, donec exercuerint pressionem oppositam duarum virium, tumque vires corporis moti C deletæ erunt.

§. 202. Si proinde pressio opposita in corpus agens, sit minor, quam ut vim æqualem in corpore latentem producat, poterit quidem tollere aliquam, non vero vim omnem ex corpore.

Si enim Potentia opposita generare unam vim poterit, & corpus feratur cum 4 viribus, perget post pressionem oppositam cum 3 viribus moveri.

§. 203. Quare potentia, quæ aliquem gradum velocitatis cum corpore communicaverit, postulat Potentiam oppositæ directionis æqualem, ut idem gradus velocitatis ex corpore auferatur.

§. 204. Sive Potentiæ contraria directione agentes in corpus motum, egerint breviori, sive longiori tempore, semper sequetur jactura virium in corpore moto per vim productam a Potentiis oppositis.

§. 205. Quia Potentiæ oppositæ sunt resistentiæ adversus

ius corpus motum; erit vis eo citius destructa, quo resistentia est major: eo tardius peribit, quo resistentia est minor: effectus tamen idem erit quippe si corpus habuerit 100. vires, resistentia has tollens, debet esse æqualis 100.

§. 206. Si corpus motum suis viribus agatur in corpus molle, cuius partes æquabiliter cohærent, dum partes e mutua cohærentia separabit, resistentiam patitur; & cum partes æquabiliter cohæreant, erit resistentia ut numerus partium separatarum, quare effectus totius corporis moti erit tit cavitas molli corpori impressa: quæ proinde eadem erit, siue cito, siue lente insculpta fuerit, quia vires eadem consumendæ erant in separandis a se corporis mollis partibus. Quod experientia confirmatur ope duplicis Coni A B C D (Tab. 1. Fig. 23.) in argillam mollem dimissi: si enim iisdem viribus parte obtusiori A B inciderit in argillam, imprimet foveam parem illi, quam parte acutiori C D infligit, etiamsi citius consumantur vires impactione partis A B, quam C D.

§. 207. Si in corpore moto sit Potentia reprimens semper directione opposita, tum æqualibus temporibus æqualia velocitatis decremēta dabuntur; adeoque id corpus motu æquabiliter retardato ferretur. Agit enim Potentiam semper tanquam in corpus quietum, adeoque æquales gradus velocitatis tollet.

§. 208. Eiusmodi igitur Potentia ex corpore æqualibus temporibus vires æquales non delebit, sed inæquales: si enim corpus cum 10 velocitatibus primo tempore moveri cœperit: secundo perget cum 9 velocitatibus, tertio tempore cum 8: adeoque decremēta virium erunt $100 - 81 = 19$, tum $81 - 64 = 17$, $64 - 49 = 15$, siue uti numeri impares 19, 17, 15, 13, 11 &c.

§. 209. Atque pari modo Spatia ab eiusmodi corpore moto descripta se habebunt (*).

L 2

CAP.

APPENDIX CONCILIATRIX

Utriusque Virium æstimandarum sententia:

(*) I Dentidem mihi volenti animo, unde tanta Cuiusmodi Virorum dissensio & pugna in Virium virarum æstimatione ortum duceret, ac modo in unam, modo in alteram earum mensuram propendentem, firma hæserat opinio, quid obscurum & involutum ea in quæstione continetur.

De Gravitate,

§. 210. **G**ravitas est vis, qua corpora terrestria, in Aere aperto, vel in Vacuo libere sibi commissa,

ri, quod si semel extricaretur, discrepantes opiniones facile in concordiam devenirent, omnemque controversiam de nomine tantum esse appareret. Ea in sententia cum plurimorum Sapientum auctoritas me confirmabat; tum quod observarem effectus omnes mechanicos, sive secundum unam virium supputationem, scilicet per velocitatem simplicem, sive secundum alteram per velocitatis quadratum, aestimarentur, eosdem semper prodire.

At in eo expediendo herculeo veluti nodo non levem esse difficultatem facile mihi vel ex eo suaseram, quod viderem nil ejus suboluisse præclarissimis Philosophis & Mathematicis, quos inter tot de hoc argumento excitata sunt diffidia, divisis partibus, exaratis utrinque pluribus voluminibus, disertaque potius, quam finita causa, non sine Mathematicarum disciplinarum dedecore; cum id eis præ ceteris esse debeat proprium, ut rerum evidentia, quam ubique præseferunt, lites omnes & controversias excludant. Præclarissimis ergo disciplinis suum restituet decus, deque iis optime meritis erit, qui discrepantes de virium mensura sententias simul conciliaverit, ipsamque rem eo deduxerit, ut ambigendi disputandique amplius nullus esse possit locus. Id sane ingeniose molitus est Nicolaus de Martino nostri hujus Lycæi Mathematicum Professor eximius, cujus ineundæ concordie rationem expositam habes cap. 19. Dissertat. *De corporum quæ moventur viribus*, quam anno 1741. edidit Cl. Petrus ejus frater. Paucis ab hinc

diebus Marchio Alexander Rinuccinus, avita nobilitate, morum suavitatem, & omnigena eruditione mihi semper colendus, significavit mihi in nuperrimis Regiæ Scientiarum Academiæ Londinensis Transactionibus elegantissimum contineri opusculum *de quantitate ejusque propria & impropria specie*, in eoque inter cetera plurima declarari, quæ famigeratissimæ jam controversiæ finem tandem conciliarent, omnemque illam quæestionem de nomine tantum esse ostenderant; cujus cum specimen mihi humanissime exhibuisset, id quale sit his Auctariis addere placuit, paulo quidem immutatum, Tyronibusque nostris accommodatum, quo ita quisque facilius dijudicare ex se possit, rem acu tetigerit Auctor, nec ne.

Duplex distingui cum Aristotele debet quantitatis species, *propria* scilicet & *impropria*; prior est, quam altera ejusdem speciei quantitas metitur; veluti lineam rectam notis linearum mensuris metimur, quæ sunt pollices, pedes, milliaria &c., & semel definita pedis longitudine, nulla amplius esse potest difficultas, duo minus cujusque alterius longitudinis clara & distincta idea animo formetur. *Impropria* vero quantitas est, quam nulla ejusdem speciei quantitas dimetiri potest, sed ad ejus mensuram habendam alterius speciei quantitas adhiberi debeat, ad quam illa aliquam habeat relationem. Ejusmodi est velocitas, quæ non aliter definitur, & mensuratur, quam per spatium dato tempore percursum ad idem tempus applicatum, uti in §.

missa, ex quiete in linea perpendiculari ad horizontem

L 3

Ter-

124. Atque hac ratione intelligimus, quæ sit velocitas alterius velocitatis dupla, vel tripla, tum velocitatum rationes variæ.

Quantitates propriæ ad tres tantum reducuntur. Extensionem scilicet (sive sit linea, sive superficies, sive solidum), temporis durationem, & numerum. Sed quantitates impropriæ longe plures sunt, veluti velocitas, motus, densitas, electricitas, elasticitas; vis motrix quæcunque; probabilitas seu fors &c.

Quo vero quantitates impropriæ Scientiæ, & Matheseos objectum fiant, oportet earundem prius claras, distinctasque definitiones exhibere, quibus nempe facile intelligantur, plures ejusdem speciei quantitates invicem comparentur, & mathematicis ratiociniis subiciantur: quod certe non aliis definitionibus obtineri potest, nisi quæ earum quantitatum mensuram notis aliis quantitatibus expressam complectuntur. Exemplum esse possunt, quas Vir summus Isaacus Newtonus Philosophiæ Naturalis Principiis Mathematicis præmisit definitiones, quæque quantitatum, de quibus agit, proprias mensuras continent. Quæ vero impropriarum quantitatum definitiones traduntur, nullis certis mensuris eas explicantes, nullam earundem claram, distinctamque ideam animo ingerunt; ideoque ineptæ prorsus sunt ad illas invicem comparandas, earum detegendas ac ratiociniis Mathematicis subjiciendas.

Ex eo itaque fonte orta esse videtur huic Auctori interminabilis disputationis causa, quod scilicet virium mensuram, quæ definitione contineri debebat, Mathematicis ratiociniis & experimentis stabilire Philosophis placuerit. Nisi corporum motorum vires ad aliam quantitatem, cujus nota sit mensura, ipsa definitione referantur, intelligi nun-

quam vel determinari poterit, quæ vis alterius sit dupla vel tripla, vel quævis, alia inter eas intercedat ratio. Virium sane conceptus sine hac mensura nimium vagans est, incertus, & indefinitus, atque ideoque andabatarum more æternæ erunt pugnæ, si ex ea indeterminata, & obscura notione mathematicas propositiones inferre libeat: omnis vero illico evanescet controversia, ingenisque propositionum series orietur, si talis virium ponatur definitio, quæ earundem mensuram aliis notis quantitatibus contineat.

Quamobrem summa laude dignus videtur Newtonus, qui cum de viribus centripetis esset acturus, septimam & octavam definitionem ita posuit. *Vis centripetæ quantitas acceleratrix est ipsius mensura velocitatis proportionalis, quam dato tempore generat. Vis centripetæ quantitas motrix est ipsius mensura proportionalis motui, quem dato tempore generat.* Cum ergo Newtonus vim corporis moti per genitam velocitatem definiendam, dimetiendamque esse statuit, puram putam definitionem profert, qua inde tuto licet vires invicem conferre, & earum rationes varias determinare.

Est præterea hæc definitio simplex & clara, ut patet, tum communi de viribus loquendi & concipiendi modo accommodatissima. Nam L. ratum communiterque acceptum omnibus est, aucta corporis velocitate, vel diminuta, ejus vim productricem augeri, vel minui; destructa & evanescente velocitate, corporis quoque vim perire, & e converso; quod quidem ei definitioni oppido quadrat. Secundo. Si duo corpora æqualibus motibus invicem occurrant, & in actu utriusque motus sine novi productione pereat, omnes in-

cun.

Terrestrem deorsum feruntur: retenta autem, nec labentia,

punctanter pronunciant, eorum corporum vires æquales fuisse; quod in idem recidit, ac eas definiri ex corporum illorum velocitatibus & massis, cum experimento constet eo in casu velocitates massarum reciprocam rationem servare, & esse adeo producta ex velocitate & massa invicem æqualia. 3. In Mechanicis etiam cum applicata potentia & pondus sive resistentia sunt in æquilibrio, hoc est, cum machinarum ope potentia & pondus reciprocam suarum velocitatum rationem habent, vires ponderis & potentiae communiter æquales pronunciantur; quod id ipsum est ac eas definire per velocitatem & massam secundum allatæ definitionis sensum. 4. Vis gravitatis cum in corpore constans & æqualis supponitur secundum Galilæi hypothesim, quique incunctanter adfirmat secundum ejusdem definitionis sensum, æqualibus temporibus comparatas corpori velocitates æquales esse. Nil ergo clarius, simplicius, & communi hominum sensui accommodatius ea definitione proferri potest. Atque id totum est, quod ad accuratam definitionem requiritur. Huc sane spectant, si recte expendantur, omnia argumenta, quæ hujus sententiae patroni in medium proferunt.

Quod si quis haud satis sibi videatur velocitatem virium mensuram tanquam definitionem statuisse, malitque propositionem eam esse ratiocinio vel experimento comprobendam, ab eo petam, ut antequam ejus propositionis demonstrationem proferat, clare nitideque definiat, quid per vim intelligat, quid per vim alterius duplicam vel triplicam sibi velit. Id certe ejusmodi definitione præstare debet, quæ Vis primam & notam mensuram contineat, alias nil de ejus quantitate adfirmare poterit, nil quod ab aliis intelligi. Quod si in ea definitione velocita-

tem adhibeat ceu primam & notam mensuram, jam patet idipsum sibi assumere, quod probandum statuerat. Liquet igitur ratiociniis mathematicis, & experimentis non probari vim corporis moti esse ut velocitatem, sed definitione tantum id adstrui, apte quidem & simpliciter.

Sed expendamus modo, quæ Leibnitius ejusque affectuæ hac de re docent, corporum scilicet motorum vires esse, ut velocitatum, quæ ab iisdem producuntur, quadrata. Si id eis placeat, tanquam virium definitionem proferre, non repugnabimus, alias de nomine erit controversia. Atque ita ei definitioni constanter inhærendo, porro intelligemus vim alterius quadruplam esse, quæ duplicam corpori velocitatem impartitur: noncuplam alterius, quæ triplam dat corpori velocitatem, & ita in infinitum in duplicata semper velocitatum ratione vires fumentur. Neque sane, re ita semel constituta, ullus esse poterit in mechanicis effectibus æstimandis error, & nomine tenus, non re discrepantes erunt conclusiones, quæ eam sequuntur definitionem, ab iis, quas ex altera virium mensura per velocitatem simplicem alii deducunt Philosophi. Eodem sane modo si quis ex sex tantum digitis pedis mensuram fieri statuat, indeque adfirmet perticam 20. pedes continere, is sane seipsa eandem perticæ quantitatem tribuit, ac alter qui pedem definiebat duodecim ejusmodi digitos continere, perticam hinc inferat decem tantum pedibus æqualem esse: eadem, etsi diversis nominibus, est utrique perticæ longitudo.

Etsi vero hæc virium Leibnitiana definitio clara & distincta sit, nequeatque in dubium verti, quod nulla nominis definitio possit esse falsa; inficiari tamen nequit minus simplicem, minusque communi lo-

quen-

tia, in eadem perpendiculari premunt ea, quibus incumbunt, & se atque alia corpora hac pressione deorsum

L 4

mo.

quendi & concipiendi modo accommodatam illam esse, ut ex superius dictis liquet. Quid sane nos cogit ad velocitatis duplicatam rationem confugere, cum ejusdem simplex ratio sufficiat? Atque huc sane reducuntur, si recte expendantur, quæcunque tot elaboratis experimentis & ratiociniis contra Leibnitii sententiam opponuntur absurda.

Verum Leibnitius, ceterique ejus sententiæ patroni, virium Mensuram per velocitatis quadratum, propositionem esse experimentis & ratiociniis innixam, non ad libitum confictam definitionem, ajunt. Quod si ab iis quærat, ut si res ita est, virium definitionem proferant, eandem mensuram per alias notas quantitates, ut oportet, complectentem, qua ad eorum demonstrationes intelligendas conducamus, & cui illæ innitantur; respondent altitudinem, ad quam corpus comparata vi ascendit, esse integrum ejusdem vis effectum: adeoque per eandem primitus mensurari, & definiri posse vim, cum effectus causæ suæ proportionem correspondeat. Sunt autem hujusmodi altitudines, ut acquisitarum velocitatum quadrata; igitur iisdem quadratis proportionales erunt vires, & per illa mensurari & definiri debent. Atque hoc præcipuum Leibnitianæ sententiæ argumentum.

Sed vereor ne in hoc ratiocinio aliquid humani passus sit Leibnitius. Imprimis cum ad suam sententiam probandam principia utrique parti communia adhibenda essent, Vir Cl; id assumit, quod contrariæ sententiæ fautoribus non probatur, altitudinem scilicet, ad quam corpus acquisita vi ascendit, ejusdem esse effectum integrum.

Nam contra hi contendunt immediatum, primum, & integrum comparatæ Vis effectum, illius esse tantum velocitatem; spacia vero, vel

altitudines, quæ eodem tempore percurruntur, comparatis viribus esse proportionalia, non vero spacia quæ diversis peraguntur temporibus; tum illa spacia velocitatum simplicem rationem sequi, quemadmodum adnot. ad §. 194. a. ex horum Philosophorum sententia exposuimus. Quod enim Leibnitiani opponunt vires decidentibus libere corporibus comparatas effectus habere determinatos, eosque esse tantum altitudines, ad quas elevari possunt, atque adeo per illas altitudines esse definiendas vires, id contrariæ sententiæ patronis improbat. Urgere enim hi possunt in iis peragrandis altitudinibus comparatas descensu vires non libere agere, præpeditas indefinenter a constanti corporum gravitate deorsum ea urgente. Quod si postquam acquisitæ sunt decidentibus corporibus vires, eadem omni gravitate spoliari, omnemque aliam removeri extrinsecam retardantem causam supponamus (ut imaginari par est, quo acquisitarum virium libere agentium effectus habeantur), iisdemque comparatis viribus corpora tum moveri vel horizontaliter, vel ad horizontem perpendiculari directione fingamus, æternum uniformiter moveri pergent ea corpora, iisdem semper velocitatibus, quas in fine lapsus sibi compararunt; qua certe ratione non erunt amplius earum virium determinati & definiti effectus, sed qui cum aucto tempore augentur, qualia sunt inde emensa spacia. Quod si ex his definire libeat earundem virium rationes, jam patet eos sumendos esse effectus, seu ea tantum spacia, quæ eodem tempore percurruntur. Sed hæc utpote æquabili motu peragrata, sunt ut velocitates simplices; ergo in eadem ratione erunt comparatæ corporibus libere decidentibus vires. Quæ ergo vires Leibni-

tiii

movere conantur. Effectus igitur gravitatis duplex est, vel verus motus, vel Pressio. Potest igitur Gravitatio pro Potentia premente Obstaculum haberi.

§. 211. Gravitatio multiplicata in numerum partium, corpus componentium, constituit *Corporis Pondus* (1). Idcirco Elementi gravitas & pondus est unum idemque: sed in corpore magno ex pluribus elementis composito, habet pondus relationem cum multitudine partium, & proinde est summa gravitatum, quæ in omnibus partibus existunt.

§. 212. Omnibus Terrestribus corporibus huc usque notis, æque Solidis majoribus, ac minoribus, tum & Fluidis omnibus, inest Gravitatio, ne quidem Aere, Exhalationibus, vaporibusve rarissimis & volatilibus, nec Igne & Luce exceptis. De Corporum firmitate gravitate nemo dubitat; non tamen de Gravitatio Fluidorum subtilium conveniunt Philosophi. Sed Exhalationes quorumcunque corporum terrestrium, ut & Vapores ad Bilancem ponderari possunt. Aeris pondus ad oculum exhibetur: Igne post Boyleum plurimi experimentatores Pondus merito adscripserunt: neque ullum cognitum corpus, gravitatis expertum, huc usque observatum fuit. Quicumque igitur universalem gravitatem negat, illi, ut corpus non donatum gravitate afferat, incumbit. Materiæ Æthereæ quidem gravitas denegatur ab ejus Patronis; sed hæc Materia est mera Chimæra, cujus existentiam nemo demonstravit, nec ullo verosimili argumento tantillum probabilem reddere potuit; nisi quis Sophisma petitionis principii sibi obtrudi sinat: quia non datur vacuum, datur materia subtilis: tum quia datur materia subtilis, non datur vacuum: interim illi subtili materiæ quilibet, pro viribus

suæ

tii calculo duplicatam velocitatum rationem obtinebant, accuratiori inira supputatione earundem simplicem rationem habere comperiuntur.

His ergo, similibusque salebris jactantur Philosophi, cum virium mensuram experimentis & ratiociniis firmandam esse contendunt. Rei natura id non patitur; omnisque virium dimensio & comparatio sola tantum definitione ineunda est; quæ quidem aptior, simplicior, clarior esse nequit, quam si cum Newtono dicatur: *Vis motricis quantitas accelera-*

trix est mensura ejusdem velocitati proportionalis, quam dato tempore generat; ejusdem vero quantitas motrix, illius mensura motui, quem dato tempore gignit, proportionalis.

(1) Sed necesse est eas partes æquales supponere, quemadmodum fortasse sunt minima corpuscula; seu atomi (vide adnot. 1. §. 35.); nam si inæquales eæ partes fuerint, ex earum numero corpus aliquod componentium ejusdem corporis pondus non habetur; majoribus enim major est gravitas, ut minoribus minor.

suæ imaginationis, diversas proprietates ad lubitum affingit. Atque in ea, ex hypothesi assumpta, alia fingitur hypothesis, quod nempe gravitate careat (1).

§. 213. Quoniam igitur omnia corpora gravia sunt, non datur *Levitas positiva*, qua, veluti principio, corpora in sublime, a Terra recedendo, feruntur. Hanc propugnavit Aristoteles (2): sed & hoc argumento refutatur. Si lignum sub Aqua vel Mercurio aliquousque demersum sibi

com-

(1) Plantæ recens ex terra educitæ, recentesque item flores si ad libram appendantur, ex decremento ponderis, quod parvo interim elapso tempore in iis deprehenditur, exhalantium jugiter particularum gravitas demonstratur. Atque eodem tentamine Santorio, Jacobo Keillio, Gorterio innotuit pondus exhalationum ex hominum, brutorumque corporibus continenter prodeuntium. Si vas aqua plenum ad libram appendatur, præfertim calida tempestate, quod ejus deprehenditur pondus vespere, minus est quam quod mane, ob magnam gravium vaporum copiam tota die ex aqua prodeuntium. Atque ita patet cujusque generis exhalationes gravitate esse donatas. Aerem quoque gravitate vel barometrorum inspectio evincit, præter innumera alia argumenta suo loco afferenda. De ignis quoque gravitate nullum modo optimis Philosophis est dubium post Cl. Boyle experimenta, tum alia quæ cap. 26. hujus tractatus recenset Auctor. Nec sane ullum hæctenus deprehensum est corpus gravitate destitutum. Ex hypothese tantum id commenti sunt Cartesiani & Leibnitiani, materiam subtilem dari contendentes non gravem; at id nunquam observationibus & experimentis confirmarunt. Hæc præterea eorum materia subtilis a ceteris corporibus sola figura & partium subtilitate differt, cum ex grandiorum corporum jugi attritu & rasure formata fingatur; adeoque ob id solum dicendum esset gravitate destitui. At subtilissimarum gravitationum exhalationum adducta experimenta eam positionem evertunt; tum

consequens esset ponderosissimum aurum, quo in subtiliorem pulverem conteritur, eo minus ponderare; quod clarissimis experimentis etiam refragatur. Perperam igitur materiam subtilem a generali corporum gravitate exemptam statuerunt ejus patroni.

Sed nedum terrestribus corporibus convenit gravitas, verum per vasta etiam calorum spatia ejus effunditur vis, eademque ratione qua terrestria corpora ad terram urgentur, & Planetæ primarii ad Solem tendunt, tum secundarii ad suos primarios; quemadmodum ex observationibus & calculo mathematico collegit Cl. Newtonus; quod innuisse tantum nunc sufficiat.

(2) Aristoteles cum alibi, tum præsertim *Phys. l. 8. c. 4.* duo adstruit contraria motus principia, *Levitatem* nempe pro corporibus, quæ sursum elevantur; tum *gravitatem* pro iis, quæ deorsum tendunt. Terram absolute gravem statuit, quod infra aquam & aerem demergatur, usque ad locum infimum, qui illi idem est ac centrum mundi. Ignem vero, & aerem levem, quod uterque sursum tendat. At nostra hac ætate nullam dari *positivam levitatem*, sed omnia corpora gravia esse satis superque evictum: aerem & ignem, quæ ille levia existimabat, vel ad bilancem ponderari, tum quæque corpora in vacuo Boyliano libere demissa deorsum ferri. Vide *Borellum de Mor. a gravit. c. 4.* *Clarkium in notis ad Rohaultii Physicam part. 1. c. 16. Tentam. Flor. part. 2. pag. 96. editionis latine Lugduno Batava. a Cl. nostro Auctore adornata.*

committatur, in sublime quidem adscendit, sed propulsum a gravitate majori ambientis fluidi, non propter Levitatem; quippe idem Lignum, planæ superficiei, plano vasis fundo, sicco, impositum, non adscendit, etiamsi superaffusa Aqua, aut Mercurius fuerit; quia liquoribus inter superficierum commissuras negato introitu, eorum ad superiora propulsio vel elevatio impeditur: Sed hujus opinionis levitas confutata a Philosophis Florentinis non desiderat orationem meam.

§. 214. Quæcunque autem fuerint corpora, magna vel parva, firma aut fluida, cujuscumque generis, in Vacuo Boyleano simul ex eadem altitudine demissa, æque velociter descendunt, atque idem Spatium eodem tempore percurrunt. Hoc observatum iri in corporibus suspicatus fuit Epicurus, & Lucretius; deinde id ex observationibus suis confirmavit (a) Galilaus, quoniam Pilæ ex Auro, Plumbo, Cupro, Porphyrite, ex centum Cubitorum altitudine demissæ per aerem, una cum cerea, nequidem hanc quatuor digitis in fine prævertant. Verum (b) Newtonus in Vacuo id fieri, experimentis probavit: descendentes ex eadem altitudine pari tempore flocculo Lanæ, Pluma & Auro.

§. 215. Quare quicquid est corporeum paris magnitudinis, ex quocunque genere corporum fuerit, eandem gravitatem, idemque Pondus in Vacuo habebit.

Sunt enim corpora hæc, obstacula æqualia, quoniam hæc velocitate pari moventur, requirunt Potentias æquales, hoc est Actiones Gravitatis æquales, per §. 163. quæ cum agant in corpora æqualia, erunt Pondera æqualia.

§. 216. Sunt igitur Pondera corporum in Vacuo, veluti quantitates Materiæ illa constituentes (1).

§. 217.

(a) *Mechan. Dialog. 1.* (b) *Princ. Philos. pag. 481.*

(1) Veluti si corpori A materiæ quantitas fuerit dupla ejus, quæ est in B, erit corpus A duplo ponderosius B: supponatur enim materia quæ est in A in duas æquales partes divisa, quarum alterutra æqualis sit materiæ, quæ est in B. Binæ hæ materiæ partes, quæ sunt in A, tum materia ipsius B, (cum omnes sint æquales) æquales gravitatis impulsus recipient, quibus æque velociter omnes descendent. Igitur in corpore A duo

erunt gravitatis impulsus, unus vero in B, ideoque pondus A duplum ponderis B. Binæ vero corporis B æquales partes simul junctæ non celerius descendunt, quam separatæ; quemadmodum si duo homines se junctim æque velociter currant, tum manum manui jungant, non videtur eam ob causam cursus accelerari. Hinc intelligitur ratio cur in Vacuo corpora quæque æque velociter descendant, uti §. 214.

§. 217. Quotiescunque æqualis magnitudinis corpora vario pondere gaudent in Vacuo, discrimen Ponderis pendebit a poris, quorum omnium magnitudo in summam collecta major erit in minus ponderosis, minor in ponderosioribus corporibus. Pori autem hi Vacui erunt materia: si enim illius pleni essent, in omnibus corporibus paris magnitudinis eadem quantitas Materiæ foret, & quia omnia sunt æque gravia per §. 215, idem esset in corporibus æqualis magnitudinis Pondus. Varium proinde corporum magnitudine æqualium Pondus evincit, omnino dari plurimum Vacui in Natura.

§. 218. Si æqualia magnitudine, sed diversi generis corpora, ponderibus variis prædita, in aere ex alto demittantur, velocitas a gravitate generata, non est in omnibus æqualis, sed corpora, quæ habent plus materiæ sub sua superficie, descendunt citissime; quæ minus materiæ continent, longe tardius feruntur. Hoc probant Experimenta Philosophi incomparabilis Desagulieri facta in templo Paulino Londinensi, demissis corporibus ex altitudine 272 pedum. Vesicæ suillæ in forma Sphæricæ formatae & siccatae se secundum hanc Tabulam habuerunt.

	Diametri Pollic.	Pondera in granis	Tempus lap- sus in M"
A	5. 3	128	19 $\frac{3}{8}$ "
B	5. 193	156	17 $\frac{1}{4}$ "
C	5. 33	137 $\frac{1}{2}$	18 $\frac{3}{4}$ "
D	5. 26	97 $\frac{1}{2}$	22 $\frac{1}{8}$ "
E	5. 2	99 $\frac{1}{8}$	21 $\frac{5}{8}$ "

Sphæræ sequentes ex charta formatae fuerunt

F	5. 5	1800	$6\frac{1}{2}''$
G	5. 1	1320	$7\frac{1}{8}''$
H	5. 1	1520	$6''$

Sphæræ sequentes ex Vitro fuerunt

I	5. 42	2610	$6\frac{1}{4}''$
K	5. 55	2910	$6''$

Differentia hæc velocitatis in descensu non a Natura corporea, sed a medio Aereo resistente oritur, magis retardante corpora, quæ minus ponderis habent, quam quæ majori donantur, cum propter æqualitatem superficierum, in his resistantia medii, per quod moveri incipiunt, æqualis sit (1).
§. 219.

(1) Æqualis, inquam, est resistantia medii; hæc quippe oritur ex ipsis medii particulis e loco suo pellendis, quo ita corpori moto transitum præbeant: in eas vero cum corpus agit, & e loco suo pellit, æviciſſim in corpus reagent, atque ita resistantiam creant. Positis autem corporibus ejusdem magnitudinis, eadem seu æquales medii particulae a singulis sunt removendæ, atque adeo eadem in illis procreabitur resistantia. Atque hinc intelligitur, cur magis medium retardet minus ponderosa, quam quæ majori pondere urgentur. Fac enim in corporibus A & B ejusdem magnitudinis pondera esse e. g. ut 1 ad 4; atque adeo in eadem ratione eorum materię quantitates: tum pone vim gravitatis, qua corpus A urgetur in medio non resistente, duorum graduum esse; ideo-

que in B, illius quadruplo, esse octo graduum. Decidant præterea ejusmodi corpora in medio resistente veluti in aere, cujus tantus sit renixus, ut unum gravitatis gradum in utroque A & B perimat. In A ergo unus reliquus erit gravitatis gradus, quo deorsum urgetur, & in B septem: quibus æqualiter per quatuor corporis B æquales partes distributis, erit singula-

$\frac{3}{4}$ rum vis 1—, major scilicet ea, quam corpus A urgetur; adeoque corpus B velocius descendat oportet.

Sed videamus modo quid ob eandem medii resistantiam homogenea corpora, seu ejusdem densitatis, sed diversæ magnitudinis, diversa vi acceleratrice descendant. Supponantur A & Bambo cubica figura donata, & habere A singula latera dupla eorum, quæ

§. 219. Attendenti ad hæc experimenta patebit error Aristotelis (a), qui mobilia diversæ gravitatis in eodem medio moveri velocitatibus, quæ sint eorum Ponderibus proportionales, asseruit (1). Neque hæc experimenta conveniunt cum iis, quæ Cl. Frenicle (b) fecit, affirmans globum plumbeum, ligneumque ejusdem voluminis, ex pari altitudine pedum demissum, simul & eodem tempore decidisse, laminamque æneam uno pene & eodem ictu percussisse.

§. 220. Verum si corpora fuerint ejusdem figuræ magnitudinis, & ponderis, tum ex quocunque genere corporum fue.

(a) Galileus in *Mechan. dial.* 1.

(b) Du-Hamel. *Histor. Acad. Paris. lib.* 1. §. 8. c. 3.

sunt in B. Patet jam ex elementis Euclidis cubum A soliditate, adeoque & materiæ quantitate octuplum esse cubi B, superficie vero, seu magnitudine quadruplum. Ponamus item, ut supra, in medio non resistente vim gravitatis, qua corpus B. deorsum urgetur, duorum esse graduum, ideoque in A illius octuplo, sexdecim graduum. Decidant modo ejusmodi corpora in medio resistente, veluti in aere, cujus tantus sit renixus, ut a corpore B unum tollat gravitatis gradum; ideoque in corpore B, cujus quadrupla est superficies, quatuor ejusmodi gravitatis gradus perimat. Itaque corpori A reliqui erunt gravitatis gradus 12; in B tantum unus. Illis vero 12 gravitatis gradibus æqualiter per octo partes ipsius A distributis, earum singulis, quæ cor-

pori B æquales sunt, conveniet $1\frac{1}{2}$; cum interim corpus B unico gravitatis gradu polleat. Vis ergo acceleratrix corporis A sesquialtera est ejus quæ convenit B; ideoque celerius decidat oportet A, lentius B. Id totum ita eleganter expressit Lucretius l. 2. v. 230. & seq.

Nam per aquas quæcunque cadunt, atque aera deorsum

Hæc pro ponderibus casus celebrare necesse est:

Propterea quia corpus aque, naturæque tenuis

Aeris hanc possunt æque rem quam-

que morari:

Sed citius cedunt gravioribus exsuperata.

At contra nulli de nulla parte, neque ullo

Tempore, inane potest vacuum subsistere rei...

Omnia quapropter debent per inane quietum

Æque ponderibus non æquis concitata ferri.

(1) Ex experimentis enim Cl. Desagulierii §. præcedenti relatis constat, globum vitreum I ponderis granorum 2610., scrupulis ho-

rariis secundis 6. — decidere ex alti-

tudine pedum 272.; globum vero C

suillæ vesicæ granorum 137. — per

eandem altitudinem descendere scrupu-

lis horariis secundis 18 — Est itaque

prioris globi velocitas ad posterioris

velocitatem, ut 18. — ad 6. — seu ut 3.

ad 1. At pondera sunt ut 2610. ad

137 —, seu ut 19. ad 1. fere. Val-

de igitur a vero aberrat, quam inter

decidentium corporum velocitates, &

eorum pondera proportionem statuit Aristoteles.

fuertint, per aerem æque cito descendunt : quod probat vim gravitatis in omnibus particulis corporeis esse eandem, veluti quoque in §. 215. adseruimus. Newtonus duas æquales ligneas pyxides sibi comparavit, alteram implebat ligno; æquale auri pondus in alterius centro oscillationis figebat; pyxides ex filis æqualibus suspensæ, erant pendula undecim longa pedes, quæ juxta se posita, paribus oscillationibus diutissime ibant & redibant. Proinde copia materiæ in auro, ad copiam materiæ in ligno erat, ut virium motricium actio in totum aurum, ad actionem ejus in totum lignum, hoc est, ut pondus ad pondus. Postea loco auri implevit pyxides argento, plumbo, vitro, arena, sale communi, ligno, aqua, tritico, eodem successu: In corporibus ejusdem ponderis differentia materiæ, quæ vel minor esset, quam pars millesima materiæ totius, his experimentis manifesto deprehendi potuisset (a).

§. 221. Quamobrem discrimina quantitatis solidæ & porosæ cognosci possunt, datis corporibus æqualis magnitudinis, tum ex pondere eorum diverso in Vacuo. 2. Tum ex diversa velocitate, qua per Aerem descendunt.

§. 222. Pondera diversorum corporum, & æqualis magnitudinis, in Vacuo secum invicem comparata, vocantur *Pondera specifica*.

§. 223. Ex quibus cognoscitur proportio quantitatis solidæ in uno corpore, respectu illius ad alterum: Habeat enim moles quædam suberis pondus unius Unciæ, & æqualis ex Auro moles Pondus 87 unciarum: quia tantum ponderat id quod corporeum, erit substantia corporea in subere, ad eam in Auro, uti 1 ad 87.

§. 224. Hac methodo cognosceretur quantum solidi, quantum porosi in omnibus esset corporibus, si modo unam massam tractabilem perfecte solidam haberemus, ejusque pondus cognovissemus: verum hac negata, ignoratur quænam in dato corpore sit quantitas pororum & substantiæ solidæ.

§. 225. Quoniam gravitate corpora terrestria libere descendunt, moventur in linea perpendiculari ad horizontem, si Terra fuerit Sphærica, feruntur recta versus centrum Terræ.

Sit enim Terra, cujus sectio ope maximi circuli repræsentetur, in quo centrum C (Tab. 2. Fig. 5.), horizon sit

(a) *Newton de Mundi System, p. 24.*

fit Tangens BAD; corpus E cadit in recta EA, perpendiculari ad BD; sed est radius CA perpendicularis quoque ad BD; quare est EAC recta linea continuata (1).

In quibusnam lineis feruntur Gravia, si Terrarum orbis non in rotundum æquatus sit, sed ovatus, sive axis major per Polos, sive per Æquatorem transiverit, eleganter determinavit Cl. Mairanus in Academia Parisinæ monumentis Anni 1720. quæ consuli possunt (2).

§. 226.

(1) Hinc patet 1. in ea hypothese, quod sphaerica sit telluris figura (quæ certe parum a vera abludit) gravium directiones ad telluris centrum convergere, nec inter se esse parallelas. At cum ingens sit corpus, quæ prope telluris superficiem tractamus, distantia a centro, poterunt saltem physice eadem directiones pro parallelis quemadmodum in Statica supponuntur.

2. Si tellurem ex A per C usque ad oppositam partem E perforatam imaginis, ita ut liberum sit corpori iter per ACE, cum ad centrum C illud pervenerit, quid putandum est? ulterius ne progredietur usque ad E? Nequaquam spectata vi gravitatis, alias enim a telluris centro recederet; qua recedendi vi non donantur corpora. Quoniam tamen eadem gravitatis vi, qua ad centrum C corpus pervenit, magna eidem comparata est velocitas, hac eadem in corpore manente sit, ut ex C. versus E tendat motu uniformiter retardato; Instar penduli, quod cum ex sublimi suæ vibrationis puncto ad imum pervenit, concepta inde velocitate ex imo versus plagam oppositam ad eandem altitudinem ascendit.

3. Viator in telluris superficie majus spatium capite quam pedibus peragrat; item in nave pars suprema mali plus itineris conficiet, quam inferior; quia scilicet majoris circuli portionem describit caput, quam pedes; pars superior mali, quam inferior. Quod etiam in ovalem telluris figuram quadrat.

4. Si telluris superficiem tangat planum AG (Vid. fig. 5. Tab. 1. Addit.) super id incedens homo,

non magis posset rectus consistere, quam in clivo montis. Namque in puncto L consistens, ob ejus gravitatis directionem ad centrum C vertentem, inclinari debet secundum EL. Cum vero ad punctum contactus B. pervenerit, rectus tum plano insidet secundum rectam BD. Post punctum B versus G incedens iterum inclinabitur; atque adeo ejus vertice lineam curvam EDF describet ab Antiquorum Conchoide non dissimilem.

(2) Abs veteri sententia de sphaerica telluris figura, nostrorum temporum Philosophi Mathematici recesserunt, ovalem vel sphaeroidalem substituunt; quod vid. captæ observationes de varia gradus terrestris longitudine, de varia corporum gravitate, eam potius quam sphaericam figuram exigere videantur. Cum vero sphaeroidalis ejusmodi figura duplici ratione telluri competere possit, elevatis scil. partibus æquatoriis, & depressis polaribus, vel e contrario, id modo post nuperrimas Maupertuisii, aliorumque Gallorum observationes receptum fere communiter est, partes æquatorias esse præ polaribus elevatiores, ita quidem ut axis per polos transiens minor sit altero per Æquatorem transeunte, quemadmodum fufius suo loco, ubi de Telluris figura, edisseretur. Alterutra autem sphaeroidalis telluris figura admittatur, gravium directiones ad unum idemque punctum non dirigentur, sed ad aliquam potius superficiem. Repræsentetur enim tellus elipsi (Vide figur. 6. Tab. 1. Addit.) ADBE, in qua AB axem per polos A & B transeuntem, DE vero axem per Æquatorem referat.

Cor-

§. 226. Gravitas eorumdem corporum ubivis Terrarum eadem non est, sed major in locis terrestribus, qui Polis sunt propiores, minor autem in locis Æquatori propioribus.

Pendulum longitudinis 400, 6. linearum, (accuratius secundum Mairani pericula 440, 57. lin.) quod Parisiis oscillationes absolverat minuto secundo, in Insula Cayenæ, ab Æquatore quinque gradibus distante, fuisse abbrevian-

viandum $1 \frac{1}{4}$ linea, ut vibraretur tempore minuti secundi, primus omnium observavit Richerius Anno 1679. Des Hayes tamen postea Anno 1699 notavit pendulum ibi

esse minuendum $2 \frac{1}{18}$ lin. Varinus, & Des Hayes anim-

adverterunt in Insula Goree, quæ sub latitudine jacet $14^{\circ} 40'$, Pendulum 2 lineis brevius esse faciendum, quam Parisiis. In Insula Guadaloupe, latitudinis 14° ; & in Martinique, latitudinis Bor. $14^{\circ} 44'$, Pendulum fuisse abbrevian-

dum $1 \frac{1}{18}$ lineis. In Insula S. Christophori minuendum

est

Corpus in K positum vi gravitatis perpendiculariter decidens ad centrum ellipsis C non dirigetur, sed ejus axem AB in puncto V interfecabit: similiter ex N perpendiculariter decidens grave, ad axis punctum T verget; & ita porro usque ad punctum D, ex quo tantum decidens grave directionem habet per centrum C transeuntem.

Terminantur omnes ejusmodi perpendiculares, (quæ gravium in superficie AD locorum directiones notant) in linea curva FL, quæ dicitur *evoluta* portionis AD; quod scilicet ex illius evolutione describatur AD. Similiter directiones gravium portionis DB ad similem curvam LH terminantur, quæ illius quoque est *evoluta*. Gravium item in portione AEB existentium directiones curvis evolutis FI, HI definiuntur: eritque adeo figuræ FLHI perimenter locus integer directionum gravium in plano figu-

ræ AD BE consistentium. Quod si ellipsis AD BE una cum suis evolutis revolvatur circa axem AB, fiet ex ellipsi telluris integra superficies, ex evolutis vero producentur solidæ figuræ superficies, quæ erit locus directionum gravium omnium in telluris superficie existentium. Posita ergo sphaeroidali telluris figura commune gravium centrum non simplex punctum erit, ut hactenus supposuere Mechanici, sed prædicta solida superficies. Ceterum cum differentia diametrorum per Æquatorem, & per polos tanta non sit, ut neglecta sensibilem aliquem errorem gignat in supputandis gravium prope telluris superficiem decidentium motibus; poterunt eadem diametri pro æqualibus haberi; atque adeo sphaerica telluris figura, tum commune gravium centrum idem quod hactenus supposuere Mechanici, nempe ejusdem telluris centrum C.

est $1 \frac{27}{36}$ lin. in insula S. Dominicæ abbreviandum est $1 \frac{5}{9}$

lin. adeo ut tota longitudo modo foret 439. 054. lin. Sed nuperrime Bouguerinus ibidem longitudinem determinavit 339. 5. lin. In portu Americæ, qui Porto Belo vocatur, est 439. 23. lin. In Terræ Firmæ urbe Quito est 439. 0. lin. In Insula S. Helenæ, notante Cl. Halleyo, brevius

feri oportet $1 \frac{1}{2}$ lineis. Fevilleyus petens Americam Anno 1704, tradit in Insula Martinique Pendulum abbreviandum fuisse $2 \frac{13}{18}$ lineis. Brevius faciendum est in his

locis Pendulum, ut æque celeriter oscilletur, quam Parisiis (1); tardiores autem ejus oscillationes sunt, quia gravitatis vis in memoratis locis minor est: versus Polos autem crescit, ideo pendulum in Septentrionalibus locis longius fiat oportet: quod confirmant Maupertuisii observata: nam in Pello Lapponiæ desiderabatur longitudo penduli 441., 17. lin. (2). Quamvis vero Terra non ovata, sed perfecte sphaerica foret, gravitas semper minor esset, quo corpora Aequatori sunt propiora.

Sit enim AB (Tab. 2. Fig. 15.) axis, circa quem Terra motu diurno volvitur, A P B K meridianus, K punctum Aequatoris, L aliud punctum in latitudine KL: ducantur ex his punctis duæ perpendiculares KC, LO ad axem: tum vires centrifugæ in K & L, erunt uti KC, LO (3):

Tom. I.

M

Sed

(1) Brevioris quippe penduli oscillationes celeriores sunt, longioris tardiores: sunt enim longitudines pendulorum ut quadrata temporum, quibus oscillationes peraguntur, quemadmodum §. 389. demonstrabitur.

(2) Quidam ejusmodi penduli diminutiones pro isocronis oscillationibus obtinendis, ex eo in dubium posuere, quod Piccardus in ejus *Voyage à Uranibourg* pag. 12. art. 6. adfirmet nullum se longitudinis discrimen deprehendisse inter pendulum, quod singulis minutis secundis suas oscillationes Parisiis peragebat, &

quod eodem tempore Uranoburgi oscillabatur. At id non ideo evenisse putandum est, quod nullum reapse fuerit discrimen, sed quod exiguum admodum, ac fere insensibile, & juxta Newtoni ratiocinia prop. 20.

l. 3. Princ. Math. non excedens $\frac{11}{50}$ lineæ partes.

(3) Sunt enim vires centrifugæ corporum eodem tempore per diversos circulos se revolventium, ut eorundem circulorum radii. Vide §. 411.

Sed gravitas in K operatur versus C, directione contraria quam vires centrifugæ: verum in L non agunt ambæ vires directionibus sibi oppositis: producat OL in M, & CL in N, in quam dimittatur perpendicularis MN: poterit vis LM (§. 364.) resolvi in LN, & NM, quarum LN directe agit contra gravitatis directionem LC. Sunt ambo Triangula COL, LNM similia: eritque CL, OL:: LM, LN; ideo vis centrifuga contra gravitatem agens in punctis K & L, est in ratione composita ex CK ad OL, & LM ad LN, five CK ad OL, five ut quadratum CL ad quadratum OL. Sed OL est sinus complementi latitudinis KL, quare versus Polos eundo, incrementum gravitatis erit, ut quadratum complementi sinus latitudinis (1). 2. Forsitan huc quoque concurrunt major in Aere calor prope Æquatorem, quam Parisiis, elongans Pendulum (2). 3. Aeris atmosphærici raritas, in majori calore, tum quia Baroscopium humiliorem gerit Mercurium; hinc mi-

(1) Posita sphæroidali telluris figura, ut supra, facillime intelligitur hæc gravitatis vicissitudo independentem a diurno telluris motu. Corporis enim in A positi (Vid. fig. 6. Tab. 1. Addit.) vis gravitatis per AF tendit ad F veluti centrum; in K positi vis tendit per rectam KM ad centrum M; & ita porro usque ad Æquatoris punctum D, in quo locatum corpus per DL tendit ad centrum L. Patet ergo quo polis propiora sunt corpora, eo minus abesse ab eorum centrīs gravitatis; quo magis ad Æquatorem accedunt, eo quoque magis a suis gravitatis centrīs recedere: ideoque minimam esse gravitatis vim in Æquatore, maximam in polis; in locis vero intermediis majorem, minoremve, prout ea loca magis vel minus ad polos, vel Æquatorem accedunt.

(2) Experimentis pluribus deprehensum est, ignis, vel Solis calore corpora quæque, præsertim metalla, rarefieri. Cl. Piccardus cum virgam ferream hybernīs frigoris uno pede longam igne calefecisset, quarta lineæ parte tum productam reperit. Cl. de la-Hire virgam ferream, quæ

hyberno tempore sex pedibus longa erat, Soli æstivo expositam duabus tertiis lineæ partibus auctam reperit. Cum itaque regiones prope Æquatorem ceteris calidiores sint, virga penduli produci tantillum in iis debuit, atque adeo lentius oscillando progredi. Haud tamen ejusmodi penduli elongatio veluti integra reputari debet causa tardiorum penduli oscillationum in locis prope Æquatorem, quemadmodum laudatis Piccardo, & de la-Hire visum est. Quandoquidem, ut observat Cl. Newtonus, caloris gradus prope Æquatorem in virga penduli excitatus tantus haud est, quantum concepit in experimento de la-Hire virga ferrea sex pedes longa Soli æstivo exposita. At hæc virga sex pedes longa duabus tantum tertiis lineæ partibus aucta est: virga igitur penduli trestantum pedes longa, nec tam vehementi caloris vi exposita prope Æquatorem, vix quarta lineæ parte produci potuit; quæ profecto tantilla quantitas eam oscillationum tarditatem haud potis est inducere. *Vide Newt. Princip. Math. l. 3. prop. 20.*

minor resistentia Aeris adversus oscillans Pendulum, quam in locis frigidis (1). 4. Tum quod Terræ axis major per Æquatorem, minor per Polos transeat (2): sunt vero longitudines axium respectu sui, ex Magni Maupertuisii recentissimis mensuris, uti 178. ad 177. (a).

§. 227. *Pura gravitas* vocatur ea, quam corpora in superficie Terræ habuissent, si hæc circa suum axem non verteretur. Differt hæc gravitas ab ea, quam nunc in corporibus animadvertimus, propter vires centrifugas, quibus omnia in superficie Terræ agitantur, si exceperimus ea corpora, quæ directe Polis subjacent, quæ viribus memoratis immunia sunt: in his autem corporibus sub Polis, propter frigus ingens & glaciem pericula capere nondum licuit: in iis pura gravitas immediate detegeretur.

§. 228. Gravitas Corporum ultra Terræ superficiem positum, & quæ a centro Terræ diversam distantiam habent, est in ratione reciproca quadratorum distantiae a centro.

Sit I L O K (Fig. 6. Tab. 2.) pars superficiei Terrestris, cujus radius sit C I, sitque punctum elevatius A; fingaturque I L O K posita in A B D E. Quoniam vis gravitatis agit secundum rectas lineas a centro ad superficiem, aget in rectis productis ex C per I L K O, quæ productæ usque ad A, abscindunt superficiem A F H G; in quam vis gravitatis, quæ agebat in I L K O, terminatur. Est autem vis gravitatis in A E B D, ad eam in A F G H, veluti est magnitudo A E B D, ad magnitudinem A F G H. Sed sunt hæc magnitudines in ratione composita ex A B sive I O, & B D sive O K, ad A G * G H. Est autem I O, A G: I C, A C, & O K, G H: : 1. C, A C: quare erit ratio ex I O * O K, A G * G H: : I Cq. A Cq.: adeoque erit vis gravitatis in A D ad eam in I K, ut I Cq. ad A Cq. (3).

M 2

Hanc

(a) *Degre du Meridien entre Paris & Amiens Ch. 1.*

(1) Ex minori aeris resistentia fit, ut per longiores arcus excurrat pendulum, atque adeo longius tempus oscillando impendat.

(2) Ita enim fit, ut corpora prope Æquatorem remotius a suo centro distent, quam prope polos; adeoque hic incitatus urgeantur, quam illic. At id obtinere etiam vidimus,

et si axis per Æquatorem minor ponatur eo, qui per polos transit. *Vide adnot. 3. pag. 165.*

(3) Atque eodem ratiocinio demonstratur, qualitatem omnem, quæ ex centro in circuitum per radios propagatur, remitti in ratione duplicata auctæ distantiae; quod certe lucis, caloris, odoris propagationibus quadrat.

* Sed

Hanc Gravitatis proprietatem potissimum colligimus ex vi centripeta Lunæ versus Terram. Cum enim Luna circa Terram circumagitur, vi centrifuga ab ea perpetuo recedere conatur, in sua orbita retinetur a vi centripeta, quæ est gravitas in Terram. Est distantia inter Lunam & Terram circiter 60. semidiametrorum Terrestrium: Luna circa Terram spatio 27. dierum, 7. horarum, 43. Minut. absolvit periodum; adeoque vis centripeta tempore

unius minuti est proxime æqualis 15. $\frac{1}{12}$ ped. Paris. (1).

Si

* Sed si expendatur hoc argumentum, quo post Keill & Gregori utitur noster Auctor, ut probat gravitatem corporum, quæ ultra Terræ superficiem posita sunt, reciprocæ quadratorum distantiarum rationem servare, facile comperietur infirmum id esse, nec Newtonianæ Theoriæ principiis consonum. Nam 1. eodem illo argumento evincitur expositam gravitatis vel attractionis legem necessariam esse, nec potuisse Deum, etiam si id ei maxime libuisset, aliam statuere, quæ scilicet directam, vel inversam simplicium distantiarum, vel earundem cuborum rationem sequitur; quod sane quam sit absurdum nemo non videt; cum præterea ex infra dicendis certum sit potestimas distantiarum rationes reapse quibusdam in casibus suum obtinere locum. 2. Qui in illa demonstratione supponuntur actionis radii seu filamenta, etsi in lucis, caloris, soni, odoris propagatione locum habere possint; in gravitatis tamen & attractionis actione finguntur tantum, nec aliud esse habent, quam in eorum intellectu, qui eos imaginantur. 3. Tandem id argumentum notissimæ gravitatis proprietati adversatur, eam scilicet proportionalem esse massæ, seu materiæ quantitati, quæ in dato corpore continetur. Nam si fuerint duo corpora mole æqualia, inæqualem vero materiæ quantitatem continentia, pes vid. cubicus auri, & pes cubicus suberis, in eadem a cen-

tio distantia posita, eundem certe eorum radiorum, quibus actio gravitatis propagari concipitur, numerum utrumque corpus subit, atque idcirco eodem gravitatis gradu utrumque urgeri deberet; quod a veritate quam maxime abludivit. Non igitur a priori ea gravitatis affectio potest derivari, sed a posteriori tantum & ab effectu, quemadmodum ex Lunæ vi centripeta versus Terram optime porro noster Auctor id demonstrat.

(1) Circulus MANO (*Vide fig. 7. Tab. 1. Addit.*) terram repræsentet, cujus centrum C; arcus KRN Lunæ orbitam; ejusque partem RK percurrat Luna spatio unius scrupuli horarii; sitque RC Lunæ a Terra distantia 60. semidiametris terrestribus æqualis. Cum itaque Luna periodum suam circa Terram absolvat spatio dierum 27., horarum 7., & scrupulorum 43.; his omnibus in scrupulos redactis, erit id revolutionis tempus scrupulorum 39343; ideoque (posito quod Luna æqualiter in orbita incedat) erit KR (quæ scrupulo horario describitur) totius circumfer-

rentiæ pars —, quæ est unius gradus 39343
das scrupulis secundis 33. æqualis, ut ex instituto calculo facile liquet. Præterea secundum Picardi mensuras semidiameter terrestris CA est pedum 19615800.; quare CR ipse CA sexagesupla erit pedum 1176948000. His datis elementis ex tabulis sinuum facile

Sic igitur gravitas sit in diversis distantiiis a centro Terræ, in inversa ratione duplicata distantiarum, erit gravitas Lunariorum alicujus corporis, ad eam in superficie Terræ, velu-

ti 1 ad 15 $\frac{1}{12} \times 60. \times 60$. Verum observamus gravia nostræ Terræ labi intra minutum secundum temporis pedibus 15. $\frac{1}{12}$ (1). Constat autem minutum primum ex 60.

minutis secundis, & sunt spatia a corporibus gravibus emensa in ratione duplicata Temporum (§. 237.); adeoque Spatium a gravi absolutum prope Terram tempore unius minuti primi, erit uti 15. $\frac{1}{12} \times 60. \times 60$; quod cum sit idem, ac superius colligebatur, patet gravitatem esse in ratione memorata (2).

M 3

§. 229.

cile deducitur longitudinem rectæ RB, vel TK (quæ est arcus KR sinus versus) pedibus 15. $\frac{1}{12}$ quampro-

xime æquari. Vis igitur, qua Luna versus terræ centrum tendit, quæque a motu rectilineo pertangentem RT retrahitur, & in orbita sua continetur, ejusmodi est, quæ spatio scrupuli unius horarii Lunam versus terram flectit longitudine pedum 15. $\frac{1}{12}$; quibus proinde ea vis potest definiri.

(1) Quemadmodum ex accuratissimis experimentis definit Celeb. Hugenius *prop. ultima horologii oscillatorii*.

(2) Atque hinc 1. colliges vim qua Luna in orbita sua retinetur, a gravitatis vi non differre; cum eorum alterutra prope Telluris superficiem idem spatium eodem tempore percurratur.

2. Gravitatis vim universalem esse, eaque Planetas omnes in suis orbitis retineri. Planetarum enim primariorum revolutiones circa Solem, Circumjovialium circa Jovem, & Circumsaturniorum circa Saturnum, phænomena sunt ejusdem generis

cum revolutione Lunæ circa Terram; adeoque ab eadem vel simili causa dependent, cum natura causis superfluis non luxuriet. Necesse est igitur, ut quemadmodum terrestria quæque corpora una cum Luna in terram gravitant, ita Planetæ primarii ad Solem, secundarii ad suos primarios simili gravitatis vi tendant.

3. Gravitatis vim constantem haud esse, idest, non eadem constantique ratione urgere deorsum corpora utcumque a centro distita, ut supposuit Galilæus: constat enim eorum aucta a centro distantia minui vim gravitatis in ratione duplicata ejusdem auctæ distantie. Nihilominus in examinandis gravium motibus prope telluris superficiem ea Galilæi hypothesis adhiberi potest; cum ibidem major minorve corporis gravis a telluris centro distantia efficere haud potest, ut actio gravitatis eadem ubique non deprehendatur. Vide §. 233.

4. A vero etiam abludere Cl. Torricelli de gravitatis vi hypotesim, eam scilicet in ratione reciproca simplicium distantiarum a centro, corpora deorsum urgere; multoque minus ad veritatem accedere, quam Cl. Viviani, Borellus, Fermat, de Chales alique de gravitatis vi amplexi videntur hypotesim,

§. 229. Si fuerint proinde corpora AH , IK (*Tab. 2, Fig. 6.*) homogenea, & magnitudo AH ad IK , uti $ACq.$ ad $ICq.$ erunt eorum pondera æqualia.

§. 230. Si fuerint corpora AH , IK diverſi generis, atque in variis diſtantiis a centro Terræ C , erunt horum pondera ad ſe invicem in ratione compoſita, ex ponderibus, quæ haberent ad eandem diſtantiā a Terræ centro & in ratione inverſa duplicata diſtantiarum ab eodem centro.

§. 231. Quo ergo corpora ſupra Terræ ſuperficiem elevata, & ſe contingentiā, ſunt propius a Terræ centro, eo magis in ſe agent, tam deorſum premendo, quam ſurſum reprimendo, ſecundum memoratam proportionem.

§. 232. Si proinde corpora compreſſilia fuerint, a reciproca actione in ſe invicem comprimentur, denſiora evadent: quamobrem denſitates illorum corporum erunt eo majores, quo fuerint Terræ centro propiora, veluti in Atmosphæra Terreſtri aer deprehenditur.

§. 233. Eſt hæc gravitatis §. 228. differentia in altitudinibus diverſis, in quibus experimenta capiuntur, tam parva, ut nulla haberi poſſit; unde in eadem regione tanquam ubique æqualis ſupponi poteſt gravitas in uſu vulgari.

Secundum meſuram Picardi enim foret radius Terræ 19615800. pedum; ſit alta turris 300. pedes, erit tum diſtantiā apicis a centro Terræ 19616100. pedum; erit proinde gravitas in apice turris ad eam in baſi, in ratione inverſa numerorum, qui ſunt priorum quadrata: hæc ſunt 384779609640000., & 384791379210000.; idcirco pondus unius libræ ad baſim turris, foret ad illud elevatum in apice, uti 7680. ad 7679.

29440338161

38479137921

§. 234.

eam ſcil. in ratione ſimplici directā diſtantiarum a centro corpora afficere. Utraque enim veræ gravitatis hypotheſi in hoc §. ab Auſtore noſtro demonſtratæ adverſatur. At ſciendum eſt reputari a Cl. Newtono utramque eam hypotheſim in corporibus terreſtribus locum obtinere. Priorem ſcil. Torricellii, pro iis corporibus, quæ in ipſa telluris ſuperficie verſantur; cum nempe ea ob ſphæroidalem telluris figuram in æquatore elevatam, depreſſam in polis, non æqualiter ubique ab ejus ſphæroidis centro diſtent, eorum pon-

dera ſtatuit reciprocam diſtantiarum a centro rationem ſequi. *Vide Princip. Math. l. 3. prop. 20.* Alteram gravitatis hypotheſim amplectitur Vir Cl. pro iis corporibus, quæ a Telluris ſuperficie deorſum deſcendunt; eorum ſcil. vim gravitatis directam diſtantiarum rationem ſequi arbitrat. *Vide Princip. Math. l. 3. prop. 9. & l. 1. prop. 73.* Quæ vero ex utraque hac hypotheſi conſequuntur, elegantiffime expoſita invenies in notis ad Galilæi tractatum de motu gravium accelerato a Guſdone Grandi adornatis.

§. 234. Corpus prope Terræ superficiem positum, in Gallia ex quiete libere descendens in linea perpendiculari ad horizontem Terrestrem fertur tempore minuti secundi horæ, pedibus Paris. 15. digit. 1. lineis $2\frac{1}{18}$

Sequenti minuto secundo cadit pedibus 45. digit. 3. lin. $6\frac{1}{2}$. Tertio minuto secundo cadit pedibus 75. digit 5. lin. 10. $\frac{5}{18}$

§. 235. Cadit idcirco Corpus grave motu accelerato: suntque spatia paribus temporibus ab ipso descripta, veluti numeri impares 1, 3, 5; & spatia, ab initio lapsus illa supputando, sunt inter se, veluti quadrata temporum: nam veluti 1 ad 4, ita sunt 15. ped. † 1. dig. † 2. $\frac{1}{18}$ lin. ad 60. ped. † 4. dig. † 8. $\frac{4}{18}$ lin. quod est spatium intra duo priora minuta secunda a corpore gravi delapso percursum.

§. 236. Ut hæc intelligantur, linea AB (Tab. 2. Fig. 2.) representet tempus divisum in partes æquales infinite parvas, AD, DM, MN ad punctum D erigatur perpendicularis DE, quæ exhibeat velocitatem, quam corpus in suo lapsu, temporis A D ultimo puncto D acquisivit; sed tempus, quod mobile impendit, multiplicatum in velocitatem, dat Spatium percursum, quare rectangulum ADES, ortum ex AD × DE exhiberet id Spatium, si corpus semper eandem velocitatem DE habuisset; sed incepit moveri ab A ex quiete, & tantum ultimo momento D acquisivit celeritatem DE; quare spatium ab eo descriptum erit modo ut Triangulum ADE. Pergit Grave tempore DM moveri velocitate DE, sed quæ interim augetur, adeo ut ultimo momento velocitas acquisita sit M r, duplo major quam D E, adeoque erit tempore secundo descriptum spatium, veluti DEM r. Pergit pari modo tertio tempore MN moveri motu accelerato, & ultimo momento temporis N, acquirat celeritatem N t, triplo majorem DE, eritque Spatium hoc tempore descriptum, uti r MN t. Est vero Spatium secundo tempore DM descriptum, triplo majus quam spatium ADE primo tempore AD descriptum, & spatium tertio tempore MN r t, quin-

quantuplo majus primo ADE, ut patet facta divisione spatiorum in Triangula, quæ sunt æqualia ipsi ADE. Sed gravium cadentium proprietas ex observationibus eodem se habet modo per §. 234., ut spatium primo tempore percursum sit = 1, secundo tempore = 3, tertio tempore = 5. quare proprietas gravium ope Trianguli AN recte repræsentari potest.

Idcirco celeritates a Gravi delapso acquisitæ semper erunt uti tempora: nam uno tempore AD, celeritas acquisita est ut DE = 1. & duobus temporibus AD, DM, celeritas acquisita est = Mr = 2. at tribus temporibus AD, DM, MN, celeritas acquisita est ut Nr = 3. Hinc quoque æqualibus temporibus æquales gradus velocitatis in corpore cadente excitabuntur.

§. 237. Cum Triangulum ADE, sit ad Triangulum AMr, in ratione duplicata AD ad AM, vel in ratione duplicata DE ad Mr, & Triangula exhibeant spatia descripta a gravi delapso, erunt Spatia hæc æque in ratione duplicata Temporum; & velocitates erunt uti radices Spatiorum, quæ grave percurrit. Quam proprietatem evidenti experimento comprobamus: Cum enim unum corpus ex una, alterum ex quatuor altitudinibus cecidit, & utrumque detorqueatur in viam horizontalem, primum unam longitudinem, quo tempore alterum duas percurrit.

§. 238. Quia vires in corporibus libere motis sunt in ratione duplicata velocitatum per §. 190. & Spatia a labentibus gravibus emensa etiam sunt in ratione velocitatum duplicata, erit inter Spatia a Gravibus percursa, & vires in iis productas ratio æqualitatis, quod hoc modo experientia confirmatur. In argillam mollem & probe lævigatam ex altitudine 3 pedum sphaera cadat, ejusque pondus sit = 1, argillæ foveam insculpet: altera sphaera ejusdem magnitudinis, triplo ponderosior, ex altitudine pedis unius in eandem dilapsa argillam, priori æqualem foveam infliget; quare propter æquales effectus, pares vires erunt, & idcirco uti Spatia percursa cum ponderibus corporum multiplicata.

§. 239. Quicumque recordatur §. 196, 197, 198, 199, 200, videbit gravia decidua moveri cum iisdem proprietatibus, quam corpora, quæ a potentia interna premuntur. Et quoniam Gravitas est potentia premens, feruntur

tur corpora deorsum, ac si potentia, eorum respectu, quiescisset, & nihilominus semper egisset.

§. 240. Si ergo corpus grave, ex quiete delapsum tempore AB , (*Tab. 2. Fig. 7.*) ad cuius finem velocitatem BC acquirit, describat motu accelerato Spatium, quod repræsentatur ope Trianguli ABC , idem corpus pari tempore delatum motu uniformi, cum velocitate BC , quæ ultimò acquiritur, descripsisset Spatium duplo majus $ABCD$, quod Rectangulo $ABCD$ repræsentatur: nam Spatium corporis moti habetur, ducto tempore in celeritatem: Sed $AB \times BC$, dat rectangulum $ABCD$. Adeoque dimidio tempore corpus hoc uniformi motu delatum describet Spatium illi æquale; quod corpus motu accelerato ex quiete delatum duplo majori tempore descripsisset.

§. 241. Quoniam Gravitas continue corpus deorsum premit, agitque in corpus motum, veluti in quiescens, erit Corporis perpendiculariter sursum projecti motus retardatus: eruntque velocitatis decrementsa sursum paribus temporibus æqualia. Cum gravitas producat velocitates deorsum paribus temporibus æquales; feretur proinde corpus sursum motu æquabiliter retardato: quamobrem cuncta hic obtinebunt, quæ demonstravimus in §. 207, 208, 209.

§. 242. Si igitur grave corpus perpendiculariter ex alto decidat, eam in fine lapsus velocitatem acquireret, qua iterum adscendere ad eandem altitudinem poterit: veluti probatur tum Pendulis oscillantibus, tum delapsa gravium in obices elasticos.

§. 243. Adeoque corpus in altum projectum adscendit ad eandem altitudinem, a qua cadendo potest acquirere celeritatem, qua cum projicitur.

§. 244. Eruntque altitudines, ad quas diversa corpora cum variis celeritatibus projecta adscendere possunt, inter se, veluti sunt quadrata illarum celeritatum.

§. 245. Ex hisce intelligitur, ad quam altitudinem corpus perpendiculariter in altum projectum adscenderit, cognito inter adscensum & finem lapsus intermedio tempore. Sphæra enim sursum projiciatur, elapsis 20 m" ad eundem locum redeat; impendit igitur sphæra 10 m" in adscensu, & 10 m" in descensu: Spatia percurta sunt uti temporum quadrata, adeoque uti 10×10 ; verum in-

tra m" 1. cadit grave ped. $15 \frac{1}{12}$ Paris. adeoque adscendit 10 m"

10m" ad altitudinem $15 \frac{1}{12} \approx 10 \times 10$ pedum, sive $1508 \frac{1}{3}$.

§. 246. Corpus grave cadendo ex quiete erit cum celeritate infinite parva, perpetuo crescente, donec finito tempore finitam celeritatem acquisiverit.

Grave enim tempore finito AB (*Tab. 2. Fig. 7.*) acquirit cadendo celeritatem BC ; tum AB dividatur in partes infinite parvas uti AM , & ducatur MO parallela ad BC , erit MO celeritas a cadente corpore acquisita tempore AM . Sed uti $AB, BC :: AM, MO$; quare MO erit celeritas infinite parva, tempore infinite parvo acquisita.

§. 247. Non tamen transit Grave in suo lapsu per omnes gradus possibiles celeritatis.

Quia enim tempore finito AB , (*Tab. 2. Fig. 7.*) celeritas a Gravi acquisita est admodum magna, cum intra m

adeo increvit, ut hac $30 \frac{1}{6}$ pedes Paris. percurrere possit

sequenti m ; quæ idcirco exponatur ope lineæ BC . Possent in hac BC capi plurimæ minores magnitudines, veluti BE ; ducatur AE , & Mr parallela ad BE : quare corpus motu accelerato delatum tempore AB duntaxat acquireret celeritatem BE ; tum tempore infinite parvo AM , modo habuisset celeritatem Mr , quæ multo minor est quam MO . Sed prout BE differt, differt Mr ; adeoque grave per omnes hos gradus celeritatis Mr non transit, cum transeat per eam MO (1).

§. 248.

(1) Hoc Auctoris nostri ratiocinium, si recte teneo, id unum probat, posito quod corpus libere descendendo acquisiverit tempore AB (*Vid. Fig. 8. Tab. 1. Addit.*) velocitatem BC , & tempore AM velocitatem MO , revera iis temporibus eas corpus nactum esse velocitates, non earum tantum partes BE, Mr ; de quo ambiget nemo. At si quærat, in ipso temporis AB progressu, variisque ejus particulis, omnes velocitatis gradus usque ad postremum BC corpori acquirantur, necne; ajentem puto amplectendam esse sententiam. Quivis enim velocitatis gradus, qui minor sit BC , aliqua ipsius lineæ BC parte, puta BH ,

BE &c. designari poterit: excitatis vero ex H & E usque ad AC ipsi BA parallelis HK, EI ; tum ductis ex K & I ipsi BC parallelis KL, IG ; dabuntur temporis AB partes AL, AG , quibus elapsis conveniunt corpori velocitates KL, IG , seu BH, BE . Eodem modo dato quovis velocitatis gradu, qui velocitate BC minor sit, temporis AB pars determinabitur, quæ is velocitatis gradus corpori comparatur. Adeoque patet tum demum ad velocitatem BC pervenire corpus, postquam omnes possibiles velocitatis gradus ipsa BC minores sibi comparavit.

§. 248. Quæritur etiam, utrum Gravitās in eodem corpore, eundem in Terra locum tenente, sit mutabilis, an increſcat, aut labefactetur aliquando? Decreſcere illa contentio ponderis & gravitatis dicta fuit, quia Cadaver animalis minus ponderat animali vivo, uti in Avibus obſervare datur vivis & dein mortuis, ponderatis in Balance accuratiſſima. Eſt tamen infirma ex hoc obſervato conſuſio; cum viva Animalia perpetuo partes amittant graves in Reſpiratione & Perſpiratione, adeoque leviora ſucceſſu temporis ſemper fiunt. Verum dicitur Gravitās augeri, cum in globo vitreo, piſis & Aqua repleto, & probe cera occluſo, majus pondus elapſis octo diebus obſervatum fuit, quam erat ab initio. Erroneum autem hoc experimentum eſt, non reſpondente ſucceſſu; forſitan pulvis ex Aere deſlapſus, forſitan Aeris humidum pondus funis, ex quo globus ſuſpenderetur, auxit, quo Auctōr deceptus fuit.

§. 249. Huc uſque proprietates & effectus nonnullos Gravitatis vidimus; verum quænam eſt illius cauſa? Quia Gravitās agit in corpora mota, imo & in prærapida celeritate lata, æque ac in quieſcentia, non videtur eſſe poſſe externa quædam Mechanica; quia qualiſcunque hæc fuerit, Solida ſive Fluida, aliter operatur in quietum, aliter in motum corpus: nam in quietum corpus alterum incurrens poteſt agere omnibus ſuis viribus: in corpus motum duntaxat exceſſu virium.

2. Agit Gravitās æque in internam corporum ſubſtantiam, ac in externam, & proportionalis eſt quantitati materiæ, non ſuperficiæ: idcirco iterum ſequitur eam Mechanicam non eſſe: quippe ſi Fluidum premens externum foret, ſequeretur preſſio magnitudinem ſuperficierum, nequaquam materiæ copiam. Proinde aucta ſuperficie creſceret, quod nunquam in corporibus obſervatur.

3. Nec corpora penitus poroſa ponere licet, cum firma neceſſario ſe in partibus aliquibus tangunt, fluidum vero D (Tab. 2. Fig. 14.) premere corpora in locis, quibus ſe tangunt, non poteſt; quamobrem minor illius Fluidi preſſio erit in corpora junctis eorum partibus, quam iſdem a ſe ſeparatis. Hæc difficultas ſemper remanet, ſive Fluidum D molle, ſive Elatiſticum ponatur.

An potius gravitās pendebit a quodam Spiritu univerſali, non modo poros, ſed ipſam ſubſtantiam corpoream penetrante? ejuſmodi an detur Spiritus in Univerſo, ignoramus

ramus; nec operationem Spiritus non corporei in corpus intelligimus (1).

An igitur erit gravitas Principium aliquod internum, activum, vi cuius Terrestria corpora determinantur ad Terræ centrum? Si hoc datur, inde Mathematicæ fluunt proprietates Gravitatis omnes, veluti vidimus in §. 239: & quoniam causa corporea externa esse nequit, & duntaxat causa vel interna vel externa esse potest, determinatur ad principium internum statuendum. Hujus tamen claram in animo ideam formare non possumus, quia in Substantiam corporum internam introspicere nobis non licet: nec intelligimus, quare, aut quomodo corpora Gravia a se remota, in se mutuo operantur, nulla re interposita. An id igitur erit Attributum essentialē corporum? Id non affirmo, quia Essentialiam corporum ignoro: sed certo scimus esse aliquid inseparabile ab omni corpore, sive magno, sive minimo: præterea id semper esse activum, & secundum eandem directionem; atque eo vehementius operari, quo elevatum ultra superficiem Terræ, centro propius est corpus. Erit hoc corporibus a Deo creante inditum, simul cum aliis Attributis & proprietatibus: nec multo plura huc usque, quæ certa erunt, de eo asserere possumus (2). Si vero alii hoc Principium appellare velint cum Robbervallio Vim insitam,

(1) Quod non intelligamus operationem spiritus alicujus non corporei in corpus, recte inferri nequit ejusmodi operationem non esse. Quæ corporis & Spiritus sunt nobis ideæ, obscuræ, inadæquatæ sunt; ideoque ex iisdem quid corpus in spiritum, quid spiritus in corpus valeat, derivare haud licet. Ab ejusmodi incorporei spiritus in corpora operatione tanquam attractionis & gravitatis causa, non adeo abhorruit Newtonus, ut impossibilem eam reputaverit, veluti ex Schol. prop. 69. l. 1., & Schol. generali ad calcem libri 3. Princip. Math. liquet. Nec certè fieri id non posse quisquam evincet, etsi id ipsum adfirmare valde sit temerarium.

(2) Commendabili plurimum modestia de causa gravitatis sententiam suam hic pronunciat Cl. Auctor, eam

scil. corporibus internam esse. Quod cum ex adductis momentis verosimile sit; tum præsertim, quod universalis corporum proprietates ex censi debeat, parvis æque ac magnis corporibus conveniens: inde enim fit, ut majorum corporum gravitas ab aliorum subtilium pressione vel impulsu derivari nequeat; his enim subtilibus corpusculis subtiliora alia fingenda forent, ex quibus illorum subtilium gravitas fieret; atque his subtilioribus alia adhuc magis subtilia; & ita porro; quod est absurdum. Sed præstat hic Newtonum ipsum audire in Scholio generali ad calcem Princip. Math. de gravitatis causa ita differentem. *Hactenus phenomena calorum & maris nostri per vim gravitatis exposui, sed causam gravitatis nondum assignavi. Oritur utique hæc a causa aliqua, quæ penetrat ad*

usque

tam, qua partes corporum in unum affectent, non multum repugnabimus (a).

§. 250. Non observantur duo in corporibus Principia, unum *Levitatatis*, alterum *Gravitatis*, quibus corpora aut a centro Terræ recederent, aut illud appeterent, qualia Aristoteles dari opinatus fuit: nam Levia corpora observantur nulla; omnia Gravia sunt, descenduntve, sive posita in Aere, sive in vacuo, Terram versus. Erat tamen Aristotelis sententia multo probabilior, quam illorum Philosophorum, qui nulla Gravia, sed omnia Levia esse corpora asseruerunt, ut unum modo Principium existeret; idcirco tamen cogebantur alia aliis leviora supponere, atque hæc facilius fursum ferri illis. Cadit hæc sententia, simulac perpendimus experimentum in §. 214., in quo Lanæ flocculum & Aurum eadem vi gravitatis agi, & æque celeriter in vacuo descendere, demonstravimus.

Quid vero de Kepleri sententia statuendum, qui Spiritus quosdam, aut emanationes immateriales, corpora ad Terræ centrum attrahentes dari, subtilissime opinabatur? hæc causa quoque Mechanica non erit; verum quomodo novimus ejusmodi emanationes immateriales existere? quomodo effectus, quos Gravititas edit, ab iis præstari posse demonstrabimus?

An potius, secundum Gassendum, attrahentur corpora versus Terræ centrum per emanationem materiæ magneticæ? Si Gassendus veram attractionem dari existimavit, minus accurate sententiam suam forte perpendit; hæc enim dari neque nisi inter corpora continua & conjuncta. 2. Vis magnetica non agit in corpora ea attrahendo versus Terræ centrum, uti ex acubus Inclinatoriis constat, quare Gravia ab ea non ad centrum Terræ agentur. 3. Vehementer dubitamus, an ulla materia magnetica existat; quæ tamen, si daretur, esset causa pellens Mechanica (1), quæ

(a) *Hamel. Hist. Acad. reg. li. 1. sect. 5. cap. 3.*

usque contra Solis & Planetarum sine virtutis diminutione, quæque agit non pro quantitate superficierum... sed pro quantitate materiæ solidæ; & cujus actio in immensas distantias undique extenditur, decrescendo semper in duplicata ratione distantiarum.... Rationem vero harum gravitatis proprietatum ex phenomenis nondum po-

tui deducere, & hypotheses non fingere.... & satis est, quod gravitas revera existat, & agar secundum leges a nobis expositas, & ad corporum caelestium, & maris nostri motus omnes sufficiat.

(1) Nam ejusmodi magnetica effluvia vel per lapidis poros libere trans-

quæ nequaquam operari potest in corpus motum, veluti in quietum.

An forte corpora Gravia sunt, quia non sunt in propriis locis, quæ affectant, in quibus si ponerentur, gravitatem non exercerent, uti arbitratus fuit Casatus, ac post ipsum Rudigerus? Verum quum Gravitatio sit vis quædam, an hæc sua sponte orietur in corpore, quod ex suo loco removetur? id nemo facile intelliget. An autem omnia corpora æquali intervallo absunt a suo loco, cum æquali vi gravitatis donantur, per §. 214. hoc dici nequit, quamvis conceperimus Terram constituisse ex diversis stratis corporum, in quibus singula hærent veluti in suo loco, & quæ postea perturbata fuerunt.

Magna hodiernorum Philosophorum pars, Cartesium sequentium, animo concipit, Terram ambiri fluido subtilissimo, in vorticem acta, eamque circa axem torquente; Terram tamen minus velociter vortice circumferri, idcirco Terrestria in altum elevata, aut tardius mota ab illo deprimi, quam depressionem vocant Gravitatem (1). Causa hæc Mechanica erit. 1. Sed fieri nequit, ut materia

vor-

transseunt, vel solidis lapidis partibus occurrunt. Primum si dicatur, nulla videtur causa, cur ad terram lapidem urgere debeant. Si secundum, lapidem potius a terra removere, quam ad terram impellere oporteret; quippe quæ in lapidem tum agerent secundum motus sui directionem. Sed illud hanc sententiam pessumdat prorsus, quod si admitteretur, corpora leviora, hoc est, minorem materiæ quantitatem continentia, citius descendere deberent, quam graviora; facilius enim traherentur illa, quam ista ab effluviis terrestribus.

(1) Hanc gravitatis theoriam experimento Christiani Hugenii probari, & ad oculos sere exhiberi posse putat Jacobus Rohaultius Physicæ suæ part. 2. cap. 26. Experimentum autem Hugenii erat huiusmodi. Vas assumptum cylindricum octo vel decem circiter digitorum in diametro, cuius fundus candidulus erat & planus. Ejus altitudo dimidia aut tertia pars erat suæ latitudinis. Imple-

vit id aqua; tum injectit ceram hispanicam contritam, quæ vasis fundum statim petiit. Vas inde cooperuit vitro aquæ immediate applicato, & cæmento undique probe munito, ne quid aquæ effunderetur. Ita paratum vas imposuit tabulæ rotundæ super cardinem quendam convertibili; eaque in vertiginem actaprehendit minutias ceræ hispanicæ in vasis fundo hærentes, vasisque motum magis quam aqua sequentes (ob earum sc. ad vasis fundum adhæSIONEM) undequaque ad margines excurrisse. Cum paulisper continuata fuisset ea vasis vertigo, quo sic aqua motui vasis obtemperaret, cohibuit continuo tabulam, eoque momento observavit, ceræ hispanicæ minutias omnes ad centrum in eumulum quendam confugisse. Eiusmodi autem minutarum ad centrum accessus ex eo dependet, quod aqua vase jam quiescente circulariter adhuc moveri pergat, & a centro motus recedere; cum e contra cera hispanica, vel una cum ipso vase

vorticis in corpus motum veluti in quietum agat, quemadmodum tamen gravitas observatur operari in corporibus. 2. Non gravitabunt corpora in ratione massarum, sed potius in ratione superficierum, in quas fluidum id subtile modo agere potest, quod experientiæ repugnat. 3. Præterea, vortices dari, meram esse hypothesim, quæ innumeris scatet & insolubilibus difficultatibus, quas optime Newtonus, Keillius, Whistonus aliique examinarunt. 4. Unus vortex, qualem concepit Cartesius, nequaquam corpora pellere posset directione ad Terræ centrum, sed quidem versus axem (1). Quamobrem cum Hugenio ita-

vase statim quiescit, vel brevissimo adhuc tempore moveri pergit, propter ejus cum fundo vasis contactum. Ita similiter cum terrestria quæque corpora non tanta polleant circularis motus quantitate, quanta vorticis materia donantur, ab hac ad telluris centrum instar minutiarum hispanicæ ceræ eadem terrestria corpora impelli necesse est, atque ita eorundem gravitatem fieri.

At id in hoc ratiocinio uti certum supponitur, vorticis materiam longe incitatus circa tellurem ferri, quam terrestria quæque corpora, ac globus ipse terraquæque circa seipsum volvitur. Sed gratis omnino id fingitur, quin & clarissimæ rationi repugnans est: nam si vorticis terram circumvolutis velocitatem prope telluris superficiem (in qua gravia decidentia spectantur) velocitatem ipsius telluris circa seipsam rotantis superaret; aliqua illius pars continenter in terram impenderetur, idque eousque fieret, donec tanta ei superstes foret velocitas, quanta tellus ipsa abripitur. Hinc patet hispanicæ ceræ ad fundi centrum accessum corporum gravitatem exhibere non posse, nihilque cum ea commune habere.

Atque hinc efficax trahitur argumentum, gravitatem ab ejusmodi circumvolutis materiæ pressione ori non posse. Nam cum necesse sit vorticis velocitatem prope telluris superficiem ipsius telluris velocitatem adæquare, vortex æthereus re-

volutionem suam prope telluris superficiem absolvet 24. horarum spatium; hoc enim eodem tempore ponitur, tellurem circa suum axem revolvī. Ex dato autem rotationis tempore, & semidiametro vorticis (quæ telluris semidiametro æquatur) dabitur spatium, quod corpus urgente vi centrifuga circumrotantis vorticis descendendo percurrere potest, spatio unius minuti secundi; est enim id spatium per §. 404. æquale arcus interea descripti quadrato per vorticis diametrum diviso. Atque juxta ea elementa inito calculo, pedem dimidium non excedere id spatium deprehenditur. Immane quantum a vero id distat! compertum siquidem est gravia prope telluris superficiem libere cadentia, spatium quindecim circiter pedum emetiri scrupulo horario secundo. Quod sane argumentum tam validum est, ut non aliter effugere possint Cartesiani, quam ponendo velocitatem vorticis decies septies circiter majorem velocitate telluris; quod quidem ex hypothesi ad argumenti vim eludendam tantum fingitur, ac manifestissimæ rationi adversatur.

(1) Materia enim vorticis fertur in circulis Æquatori parallelis, centrum in telluris axe habentibus: ideoque ejusdem materiæ vires centrifugæ secundum tangentes in eorundem circulorum planis exerceri debent. Ergo si ab iisdem viribus centrifugis gravium descensus oritur,

statuendi erunt innumeri circuli vorticosi, ab omni parte Terram ambientes, quibus semper simul agentibus ad Terræ centrum corpora propellerentur. At concipi nequeunt innumeri circuli, mere corporei, per se moti fluentesque perpetuo absque mutua destructione aut perturbatione. §. Et si æther corpora deorsum pellat, necessario resistantiam exercet: an igitur eam non ostendet adversus corpora per ipsum mota? & an non plus resistantiæ experientur, quæ magna, quam quæ parva superficie prædita sunt? verum in vacuo pluma & aurum æque cito descendunt.

Alii Philosophi ad vim divinam recurrunt, immediate in corpora operantem, & gravitatem producentem; quia corpora in se non magis potentiæ, quam intellectus sunt capacia. Quærimus tamen quomodo hi Eruditi sciunt, quid corpora capere, quid non possint? cum eorum substantia, natura, & haud dubie multa adhuc attributa ignorantur, 2^o. quomodo sciunt Deum immediate in corpora operari, progignendo gravitatem? id enim tantum ex hypothesi assumitur.

C A P. VIII.

Mechanica.

§. 251. **M**achinae vocantur Instrumenta vel Organa, ita constructa, ut homines eorum ope, in suos usus gravissima onera, & ingentes moles vi parva moveant.

§. 252. Machinae simplices sunt septem: *Libra, Vectis, Trochlea, Axis in Peritrochio, Planum inclinatum, Cuneus, Cochlea*. Ex his pluribus vel paucioribus, vario modo inter se conjunctis, omnes fere aliæ Machinae compositæ fabricantur, quarum vires, simplicibus his bene intellectis, facile supputari possunt.

§. 253. Concipimus animo omnes Machinas ex Materia perfecte dura, & inflexibili factas, tum motas supra suos axes absque ullo attritu aut impedimento, & ad summam perfectionem elaboratas, ut facilius earum vires calculo subduci, earumque fabricæ demonstrari possint.

§. 254.

tur, in eorundem circulorum planis fieri deberet; ideoque ad tel-

luris axem, non ad centrum tendent corpora.

§. 254. *Momentum* vocamus Actionem Potentiæ prementis, quæ, per §. 166. est in ratione composita ex magnitudine obstaculorum, eorumque velocitate : Obstacula in hoc capite sunt Pondera movenda ; tum Pressiones, vel Tractiones Potentiarum Vivarum : pro hisce autem Pondera, eundem effectum edentia, substitui in demonstrationibus facilitatis ergo possunt.

§. 255. *Centrum gravitatis* vocatur in Corporibus punctum aliquod imaginarium, ex quo si suspendantur, sibi ab omni parte sunt æquilibrata. In hoc Centro tota gravitas cujusunque corporis fingitur, reliquis partibus quasi omni pondere orbatis.

§. 256. Quamobrem hoc Centro suspenso vel sustentato, totum Pondus corporis sustinetur : hujus centri directio erit proinde, veluti gravium, perpendicularis ad horizontem. Quare corpus vel in centro ipso gravitatis, vel in quolibet puncto hujus lineæ directionis sustineri potest : nam puncto quodam in illa sustentato, retinetur totum corpus : concipi quoque poterit tota gravitas in puncto quocunque hujus lineæ directionis. Sit Sphæra homogenea, ejus centrum C, erit id quoque centrum Gravitatis, cujus directio erit in A B (*Tab. 2. Fig. 8.*) perpendiculari ad horizontem : poterit proinde corpus hoc modo positum, nunc suspendi aut sustineri in quolibet puncto hujus lineæ, veluti in D, E, eritque actio Gravitatis in his eadem, ac in C (1).

Tom. I.

N

§. 257.

(1) Ex iis quæ hoc & superiori §. de centro gravitatis, & lineæ directionis dicta sunt sequentia facile colliges. Et imprimis regula derivatur, qua dignoscitur, num corpus supra planum horizontale constitutum, ibidem sustineatur, vel decidat. Si nempe corpus ABDC (*Vide fig. 9. Tab. 1. Addit.*) ita in plano horizontali jaceat, ut ejus lineæ directionis EF intra basim CD cadat, sive inter fulcra, quibus innititur, tum corpus consistet. Quod si eadem directionis lineæ veluti KL (*Vide Fig. 10. Tab. 1. Addit.*) extra basim decidat, tum haud corpus consistet, sed deorsum inelinabitur, & cadet. In promptu est ratio : priori enim casu, lineæ directionis a subje-

cto plano sustinetur, secus in secundo. Præterea si in priori casu corpus ABDC decideret, converti id deberet circa extremum basis punctum D ; atque adeo ejus gravitatis centrum E ascendere per arcum EG supra horizontem EH ; quod est absurdum ; centrum enim gravitatis moveri ascendendo nequit. At in casu figuræ 10, idem gravitatis centrum K per arcum KM infra horizontalem KN descendere potest ; ergo cum non impediatur, per eundem arcum decidat grave necesse est.

2. Hinc etiam intelligitur cur Pisana & Bononiensis turris licet inclinata consistent, præcindendo ab omni glutine, & nexu partium cum

§. 257. Si Corpus non sustentetur in aliquo Puncto lineæ AB, (Tab. 2. Fig. 8.) necessario cadet; atque gravitate Centri C descendet, quantum potest. Hinc intelligitur, quare corpus S (Tab. 2. Fig. 8.) impositum Plano inclinato descendat tantummodo: Sphæra autem R, & Polygonum T, descendant & vertantur simul (1).

§. 258.

cum subjecto plano horizontali; quod scilicet earum perpendicula ex centro gravitatis ducta, extra suarum basium circuitum non cadant, licet præcise ad earundem medium non pertingant, ut in turribus erectis.

3. Colligitur etiam cur corpora gravia eo magis viribus externis resistent, quo majoribus basibus inniuntur: corruiere quippe nequeunt, nisi earum linea directionis extra basim cadat. Igitur quo major est basis, intra quam vagari potest linea directionis, eo majori opus est vi, ut eadem hæc linea basim transiliat. Hinc etiam patet cur corpora a liquod exile, velut est acus super cuspidem erectus, manere non possit; quod scilicet propter ambientis aeris motum, linea directionis facile extra basim vagetur.

4. Quæ de centro gravitatis & linea directionis diximus, motibus animalium explicandis valde apta sunt, quemadmodum fusc id argumentum prosequutus est Joannes Alphonsus Borellus nostras in ejus laudatissimo de Motibus Animalium tractatu. Centrum gravitatis in homine, observante eodem Borello, inter nates & pubem consistit: hinc sagacis naturæ consilium intelligitur, eum locum organis generationis largiendo, in quo corporis humani centrum est gravitatis, seu in quo totius corporis humani gravitas veluti colligitur. Hinc etiam patet homine erecto, & utroque pede solo insistente, lineam directionis intra spatium calcaneis interjectum, seu intra basim decidere. Quod si pes alteruter elevetur, basis tum definitur spatio, quod pes unus occupat; adeoque linea directionis extra basim tum decidet; versus dex-

tram scilicet, vel sinistram, si pes dexter vel sinister elevetur. Nequit ergo homo super solo pede sinistro stare, nisi corpus versus latus sinistrum flectat; quo scilicet ita linea directionis in pedem sinistram, seu in ipsam basim retrahatur; eademque ratione super uno dextro pede stare, nequit homo, nisi corpus flectendo versus dextrum latus. Vide laudatum Borellum cap. 28. part. 1.

(1) Quando corpus per longitudinem plani inclinati labendo descendere debeat, quando vero seipsum volutando, non aliter a nostro Auctore definitur, quam communiter recepta Mechanicorum regula: tum scilicet corpus labendo descendere, cum linea directionis intra ejus basim cadit; quod si extra basim eadem directionis linea decidat, tum corpus per plani inclinati longitudinem volutari. Ad incudem in nostra hæc Scientiarum Academia isthæc revocata est regula, plurimisque institutis experimentis non satis accurate eam respondere observatum: deprehensa sunt enim corpora per plani inclinati longitudinem labendo descendisse, etsi extra eorumdem basim linea directionis decideret. De alia idcirco substituenda regula cogitatum, quæ tandem inventa est hujusmodi. Corpus (Vide fig. 11. Tab. 1. Addit.) CBED plano inclinato BQ insitit, ejusque F centrum gravitatis, FP linea directionis; tum ducatur ex F plano BQ normalis FK. Similiter ex centro gravitatis N corporis AHIR eodem inclinato plano adherentis, & lineam directionis MN habentis, ducatur NT ad idem planum BQ normalis. Hæc si intra corporis basim

§. 258. *Centrum motus* vocatur *Punctum*, circa quod alia quod corpus, vel plura simul moventur, aut vertuntur.

§. 259. *Libra* vel *Bilanz*, appellatur *Machina*, destinata mensurandis corporum penderibus, quæ constat ex *jugo Librili* vel *Scapo* AB, (Tab. 2. Fig. 10.) sive duobus *brachiis* CA, CB, *Axe* C, *Trutina* vel *Ansa* DE, *Examine* aut *Lingula* FG, & *Lancibus* H, H, appensis in ipsis capitibus A, B.

§. 260. Ut clare intelligatur *Libra*, concipienda primum erit, ac si foret *Linea recta Mathematica* AA, (Tab. 2. Fig. 11.) per quam mediam transit *Axis*, vel *centrum motus* C. Simulac *Libra* movebitur, quodlibet ejus punctum D, E, A, ab axe C utrinque æqualiter distans, describet arcus æquales, uti DF, DF, & EG, EG: & omnia Puncta D, E, A, utriusque Scapi describunt eodem tempore circulos vel arcus, distantis ab axe proportionales. Arcus descripti sunt viæ a singulis punctis percurse, quæ sunt ut velocitates horum punctorum, adeo ut illorum velocitates distantis ab axe proportionales sint.

§. 261. *Libra* dicitur in *æquilibrio*, vel dari *Æquipondium*, aut *Æquamentum*, cum momenta Ponderum capitibus utriusque brachii appensorum, sunt æqualia: tum enim virtute momentorum quiescit; & in *Libra* vulgari examen cum summo medio ansæ puncto respondet.

§. 262. Si ad æquales distantias utrimque ab axe, A, A, (Tab. 2. Fig. 12.) appendantur gravia æqualia, P, R; hæc, si moveretur *Libra*, æqualem velocitatem haberent,

N 2

adeo-

sim decadat, ut FK, corpus labendo descendat: si vero extra basim cadat, ut NT, corpus volutabitur. Designetur enim corporis BCDE gravitas absoluta per rectam FG, quæ resolvetur in duas, §. 364., FK, KG. Earum prior vim exponit, qua corpus in planum agit, illud premendo, quam idcirco *lineam pressionis* apte dixeris; quæque utpote intra basim decedens, cum ab ipso plano inclinato sustineatur, corpus non volutabit. Altera KG per ejusdem plani longitudinem corpus descendere tantum coget: atque adeo nulla est causa per plani longitudinem corpus revolvens; igitur labendo id descendet. At cum

pressionis linea extra basim decedit, ut NT, corpus a plano inclinato sustineri nequit, atque adeo revolvitur illud oportet, & ita seipsum volutando descendere.

Ex hac regula illud consequens est, ut sphaera uniformis, centrum scilicet gravitatis in centrum sphaeræ habens, plano inclinato innixa, labendo descendat; quod nempe ejus linea pressionis intra basim præcise cadat, seu in punctum contactus plani & sphaeræ: nec aliter sane experimento deprehenderetur, si sphaera perfecte uniformis caretur, nullaque ex planorum scabritie, aeris actione, aliisque externis causis volutationis causa esset.

adeoque momenta æqualia ; idcirco Libra sibi commissa quiescit, momento unius Ponderis destruyente momentum alterius. Quomodocunque vero Libra posita fuerit, semper manebit æquilibrium, cum lineæ directionum Gravitatis ar, bb , æquales distantias $Cb, Cb; Cr, Cr$, utrimque a centro motus C habeant, propter triangula Car, Car , & Cbb, Cbb æqualia (1).

§. 263. Quo distantia Ponderum ab axe majores sunt, eo majora momenta hæc habebunt ; quæ semper incrementum in ratione distantiarum ab axe, quia velocitates Ponderum in hac ratione crescunt. Hinc patet quam ob rem Libræ longiores accuratius vera Pondera, quam breviores, ostendant.

§. 264. Si ad æquales distantias utrimque ab axe C , (Tab. 3. Fig. 1.) Pondera æqualia $b, b; c, c; d, d; e, e$, appendantur, erunt eorum momenta ab utraque Libræ parte æqualia, & idcirco in æquilibrium per §. 262., & quomodocunque posita Libra fuerit, quiescet : si omnia hæc Pondera in unam massam coalescere intelligantur, nihil adhuc quoad æqualitatem momentorum ab utraque parte mutabitur, verum sic formabitur conceptus Libræ veræ materialis, nondum oneratæ Lancibus vel Ponderibus, ad quam omnia explicata ab §. 260. ad 264. applicanda sunt.

§. 265. Si æqualia Pondera P, R (Tab. 3. Fig. 2.) utrimque ab axe C , ad æqualem distantiam AC, AC , pendeant ex filis flexilibus AP, AR , erunt eorum momenta, in quocunque libræ situ, semper æqualia, adeoque æquilibrium erit. Si enim fuerit Libra ad horizontem inclinata, erunt directiones Ponderum ap, ar ; adeoque hæc agunt tanquam ex punctis Libræ B, B , utrimque æqualiter ab axe C distantibus. Momenta Ponderum igitur sunt maxima, cum Libra est in situ horizontali ; minora, quo magis supra horizontem ab alterutra parte elevatur.

§. 266. Si vero Libra ACA (Tab. 3. Fig. 2.) ab uno extremo A majus pondus quam ab altero A , gerat, momenta ponderum erunt inæqualia ; proinde Libra movebitur, donec in situm perpendicularem ad horizontem pervenerit, parte cum præponderante pondere deorsum descen-

(1) Idem enim est sive corpora suspendantur in libræ inclinatæ punctis b, b , sive in ejusdem horizontalis AR punctis b, b . Atqui libra in horizontali ejus positione ob mo-

mentorum hinc inde æqualitatem, quiescit : ergo manente eadem momentorum æqualitate, quiescat libra oportet in quacunque ejus positione bCb, aCa .

ascendentē, leviori in altum elevata: adeoque nisi Libra vulgaris aliter construeretur, usui non satis accommodata foret.

§. 267. Si fuerit Libra ACB, (Tab. 3. Fig. 3.) cujus centrum motus C sit supra Libram, & ad æquales ab axe distantias CA, CB pondera P, Q æqualia appendantur, horum momenta erunt æqualia, Libra horizontaliter posita; si vero acceperit positionem a C b, descendet brachium C b, cum directio ponderis Q distet a centro motus quantitate CE; elevabitur brachium C a, nam directio ponderis P distat tantummodo a C, quantitate CD, minori quam CE (1): adeoque tamdiu oscillationibus agitabitur hæc Libra, donec ad Positionem horizontalem pervenerit.

§. 268. Si pondera P, Q, (Tab. 3. Fig. 3.) Libræ §. 267. appensa, parum inæqualia fuerint, & P majus quam Q, deprimetur brachium Libræ C a, elevabitur C b, donec pondus Q habeat par momentum ac P: quod fiet, cum $Q \times CE = P \times DC$. Indicabitur proinde ope hujusmodi Libræ præpondium, nec ipsa rotabitur, uti in §. 266.; quamobrem usui humano erit aptior. Idem vero continget depresso tantum centro gravitatis infra centrum motus: soletque in omnibus Libris observari, ut axis non transeat in medio, ubi est centrum gravitatis, sed parum elevatius, & ut capita ex quibus suspenduntur lances, sint cum centro motus in eadem recta. Quo tamen centrum motus ponitur propius centro gravitatis, eo accuratior mobiliorque est Libra.

§. 269. Si ex medio C Libræ A B, exsurgat stylus gravis CD, (Tab. 3. Fig. 4.) hic, posita Libra horizontaliter, nullam varietatem ipsi affert: inclinante autem Libra, uti in a C b, concipiatur ex centro gravitatis E styli ducta perpendicularis EF, in quam operatur gravitas styli: ager igitur hoc pondus in brachium C b, id deprimendo; idcirco ut ejus actio irrita reddatur, ab opposita parte ex C erigendus est stylus CK, cum pondere K, cujus momentum æquibrat cum priori E. Ne vero stylus C K cum suo pondere K impedimento sit, potest inferiori parti Libræ affigi pars gravis RST, quæ mota Libra idem æquilibrium

N 3

cum

(1) Ducatur enim ex C ad ipsam AB perpendicularis CK; & erit KM = CE, & KL = CD. Tum ob similitudinem triangulorum boM, aoL, est Mo: ob: :: oL: oa: ea, & permutando

Mo: oL: :: ob: ea. Sed est ob major oa quantitate of; ergo quoque oM major erit oL; & KM, seu CE multo major KL, seu CD.

cum stilo aget: imo & ejus ope fieri potest, ut centrum gravitatis Libræ altius infra axim locetur.

§. 270. Axis Libræ & Ansa (Tab. 3. Fig. 5.) sustinent pondus utrimque Libræ appensum, simul cum Libræ gravitate.

§. 271. Quia Libra fabrefcit ex materia, quæ, qualiscunque fuerit, aliquantum flexibilis est: hinc Libra ab utraque parte valdequam onerata, non manet recta: inflexis igitur deorsum scapis, adscendit axis sive centrum motus aliquantum; quo fit immobilior Libra. 2. Etiam si Axis & trutina ex indurato Chalybe efficiantur, tamen, quia axis debet esse acutus, cum Libra ponderibus valde oneratur, acies ingreditur aliquomodo ansam, & ipsa inflectitur, obtunditur, idcirco immobilior fit. Quamobrem si onera admodum gravia sint ponderanda, præstat aut partes seorsum cepisse, aut Libram nunquam graviter onerasse. Consuli merentur de Libræ fabrica Leupoldus in Theatri Static. p. 1., tum Leutmannus in Comment. Acad. Petropol. vol. 1.

§. 272. Libra ACB, (Tab. 3. Fig. 6.) cujus brachia vel Scapi AC, CB, inæqualis longitudinis sunt, vocatur *Statera Romana*, proxime caput Scapi B, unde Lanx aut uncus dependet, ansa est C cum examine: quod Scapi superest AC, punctis aut lineis, sive denticulis est distinctum, singulis certi ponderis indicibus, cum per Scapum vagans æquipondium P illis infederit.

§. 273. Pondera P & L, Stateræ utrimque appensa, sunt in æquilibrio, cum multiplicata in suas distantias a centro, producant momenta æqualia.

§. 274. Erit igitur æquilibrium inter duo pondera, P & L, appensa Stateræ, si gravitates in ratione reciproca distantiarum ab axe C fuerint.

Cum enim $P \times PC = L \times DC$, erit $P, L :: DC, PC$.

§. 275. Quare idem pondus P ad varias in alteram partem Scapi AC distantias ab axe C vagando, potest esse in æquilibrio cum diversis ponderibus Lanci L impositis. Quo P longius, aut etiam ad extremum perducitur paulo, etiam pari pondere amplissimam pensionem parem facit. Quod est primum ex Stateræ commodis.

§. 276. Axis Stateræ tantummodo pondera amborum corporum P, L, sustinet, non quantum eorum momenta valent; ideo axis minus premitur in ansam, ejusque acies

minus obtunditur, quam in Libra vulgari, paris ponderis pensionem exhibitura; hac ratione mobilior proinde existit, quod est alterum Stateræ commodum.

§. 277. Ex omnibus huc usque explicitis intelligitur triplex Stateræ simplicis species: 2. Tum quid sit Libra vera, quid falsa. 3. Quomodo tamen ope Libræ falsæ accurate ponderum mensuras cognoscere licet. 4. Et quomodo in Libra æqualium brachiorum pondera varia ad diversissimas distantias ab axe inter se æquilibrantur. 5. Quomodo centrum æquilibrii, motusque inveniri possit, dato pondere & Statera gravi. 6. Vel datis duobus, pluribusve ponderibus & Statera gravi.

§. 278. *Vectis* vocatur corpus oblongum inflexibile, destinatum ad corpora movenda, tum ad onera sustinenda, vel elevanda.

§. 279. Corpus quod *Vecti* supponitur, & supra quod, tanquam centrum motus, *vectis* versatur, circinationis motum faciendo, vocatur *Fulcrum*, *Basis*, *Hypomochlion*, *Centrum motus*. Brevior pars sub onus subdita, *Vectis lingua*. Longior pars, cui potentia manus admovetur, *Vectis caput* appellatur.

§. 280. Considerandus *vectis* instar *Lineæ Geometricæ*, ut melius ejus natura eruatur. Dividitur a Mechanicis *vectis* in tres species: Primæ speciei *vectis* est, cum *Fulcrum* ponitur inter onus elevandum, & *Potentiam* moventem. Secunda species est, cum corpus movendum, est inter *fulcrum* & *potentiam* moventem. Hoc quoque locum habet, si sub onus *vectis* lingua subjecta fuerit, neque caput ejus pressione in imum, sed adversus in altitudinem extollatur, lingua fulta in aræ solo habebit eam pro centro. In Tertia specie *Potentia* movens ponitur inter *fulcrum*, & onus movendum. *Potentia* movens, applicata *Vecti*, plerumque est actio vivi hominis, quæ cum pondere comparari potest; ut monui in §. 254.

Supponamus primo directiones ponderum & potentiarum esse perpendiculares in *Vectes*.

§. 281. Primæ speciei *Vectis* ACB (Tab. 3. Fig. 7.) non differt a Libra, aut Statera Romana; adeoque ea, quæ de his demonstrata sunt a §. 260. ad 266. huc transferri possunt: erigitur potentia P ad pondus D, uti AC ad CB, pro æquilibrio.

§. 282. In *Vecte* secundæ speciei CB, (Tab. 3. Fig. 8.)

pro æquilibrio requiritur Potentia P ad pondus D , uti est CD , ad CB . Si enim vectis versetur supra centrum C , est velocitas ponderis D , uti distantia ejus CD a centro; quam ob rem erit ipsius momentum, ut $D \times DC$. Ita velocitas potentia P est ut CB ; adeoque ejus momentum est $P \times CB$: & pro æquilibrio, $P \times CB = D \times DC$: ergo $P. D :: DC. BC$ erit.

§. 283. Quo igitur onus D propius a centro C ponitur, eo minor potentia P poterit id sustinere: quare si D ponatur supra Fulcrum C , potentia P non amplius sustinere tenetur oneris pondus, cum id totum fulcro incumbit.

§. 284. In Vecte tertiæ speciei requiritur ad æquilibrio, ut potentia P sit ad pondus D , (*Tab. 3. Fig. 9.*) veluti CB ad CP . Simulac enim versabitur Vectis, erit velocitas potentia P , uti CP ; & ponderis D , uti DB : quare momenta erunt $CP \times P$, & $CB \times D$; & pro æquilibrio $CP \times P = CB \times D$: unde erit $P, D :: CB, CP$. Cognitio hujus Vectis imprimis necessaria est Medicis, quoniam ossa Artuum, quæ a musculis suis moventur, hunc repræsentant (1).

§. 285. Solvitur ex his problema Archimedis, *Data vi datum pondus Vecte movere* (2).

§. 286. Si Vectis horizontalis AB , (*Tab. 3. Fig. 10.*) utroque sui extremo A, B , fulcris sustineatur, impositumque sit medio loco pondus D ; erit actio fulcri B ad A , uti AD ad BD . Si enim loco fulcri B substituatur Potentia, erit Vectis secundæ speciei; tumque B erit ad pondus D ,
uti

(1) At mechanicis usibus, & præsertim elevandis corporibus hic vectis usui esse non potest; quod scilicet in eo potentia pondere major semper esse debeat: est enim CB , seu distantia ponderis a fulcro, major ipsa CP , seu distantia potentia ab eodem fulcro: atque in eadem ratione CB ad CP esse debet potentia ad pondus.

(2) Est enim virtus vectis infinita; cum quodvis pondus utcumque ingens possit ejus ope, a quavis potentia utcumque exigua moveri. Fieri namque semper potest, ut major sit proportio inter distantiam potentia ab hypomoclio & distantiam ponderis ab eodem, quam sit reciproce

proportio ponderis ad potentiam. Hinc, inanis haud fuit ea Archimedis sententia; *Da ubi consistam, & celum terramque movebo.*

Ex iis quæ hætenus de vecte dicta sunt facile redditur ratio, cur tanta vis in forcipibus, & forcibus: cur facilius aperiuntur portæ, quo longius a cardinibus impelluntur: cur demum clavi facile avellantur, eos mallei parte bifida excipiendo, & manum extremo mallei manubrio applicando. Hæc quippe, aliaque ejusmodi ex dictis de vecte repeti debent; ea enim instrumenta vectium genera sunt. Vide Guidonis Grandi *Instituzioni Mechaniche* cap. 5. prop. 17.

uti AD, AB: & si loco fulcri A ponatur Potentia, erit hæc ad pondus D, uti BD ad AB: quare B ad A:: AD. BD.

§. 287. Hinc patet, quam partem oneris D (Tab. 3. Fig. 11.) gerant duæ Potentiæ vivæ A, B, Vecte AB ferentes onus intermedium D; tum quomodo Hercules & Infans ponendi ad Vectem, ut onus magnum intermedium gerant, quilibet vero ejus partem suis viribus proportionalem.

§. 288. Si ad varias distantias diversa Pondera D, (Tab. 3. Fig. 12.) f, G, Vecti sint impolita, cognoscetur reactio Fulcrorum A, B, prius determinato centro Gravitatis L, omnium Ponderum, tumque erit B ad A, uti AL ad BL. per §. 286.

Centrum Gravitatis Ponderum D, & f, eruitur, si, ducta recta jungente centra gravitatis in utroque, fiat f ad D:: De, ef. Tum ducta e G, fiat, G ad e, hoc est, D & f simul:: ek, k G; erit k centrum Gravitatis commune trium Ponderum. Demissa perpendiculari k L, concipitur Punctum suspensionis omnium Ponderum in L (1).

§. 289. Sit Vectis AC (Tab. 3. Fig. 13.) oblique ad horizontem positus, Pondus in medio D, potentia P: requiratur hæc pro æquilibrio respectu Ponderis D, ut C B ad CA. Nam linea directionis, in qua agit Pondus D, distat a centro motus C, intervallo CB: hinc Ponderis momentum est $D \times CB$. Distat vero P distantia CA; ejusque momentum est $P \times CA$: quare cum pro æquilibrio $D \times CB = P \times CA$, erit P, D:: CB, CA.

Manente igitur Pondere D, in eodem loco Vectis, quo Potentia P eum altius elevaverit, eo semper facilius sustinebit Pondus, decrefcente semper CB; cum enim CA transit per E & G, erit onus D tum in E & G, agitique tum ex intervallo CF, vel CH.

§. 290. Sint tres Vectes AO, CO, FO, (Tab. 3. Fig. 14.)
jun-

(1) Centrum gravitatis duorum quorumvis corporum, puta D & f, id punctum est, quod ita rectam Df eorum centra gravitatis conjungentem dividit, ut ejus partes reciprocam ponderum ipsorum rationem habeant: nam si ex eo puncto corpora suspendantur, in æquilibrio manent §. 274; adeoque idem est, ac si tota eorum corporum gravitas in id punctum collecta concipiatur. Hinc trium cor-

porum D, f, G centrum gravitatis invenietur, si juncta e G ita dividatur in K, ut sit GK ad Ke, uti pondera D, f simul ad pondus G; eritque adeo trium simul D, f, G linea directionis, quæ ex K ducitur perpendicularis ad horizontem. Eodemque modo quatuor & plurium corporum centrum gravitatis invenire, ac eorundem simul lineam directionis determinare licet.

juncti secum in O, ubi Pondus est appensum, ductis AC, AF, CF, erit Potentia F, respectu Ponderis O: : GO. GF; & Potentia A ad idem Pondus O: : BO. BA; & Potentia C ad O: : EO. EC.

Si enim Potentia F, elevet ope Vectis pondus O, fiet rotatio supra lineam AC, adeoque est G centrum motus respectu Vectis FO, qui est secundæ speciei: ita si agat potentia C, fit rotatio supra linea A F; erit igitur punctum E, centrum motus Vectis CO: & si agat Potentia A, fiet rotatio supra CF, erit igitur punctum B centrum motus in Vecte A O.

§. 291. Sit Vectis ACB, (Tab. 3. Fig. 15.) in quem agant Potentiæ R, P, directionibus obliquis; in has ductis perpendicularibus CD, CE, erit Potentia R ad P pro æquilibrio, ut ED ad DC.

Quia Potentiæ in omni puncto lineæ directionis æqualiter agunt, Potentia R potest concipi in D, & P in E, eruntque ita Potentiarum distantia a centro C, uti DC, EC; adeoque pro æquilibrio R ad P erit: : EC ad DC.

§. 292. Sit Vectis AC, (Tab. 3. Fig. 16.) in quem agant duæ Potentiæ R, P, eidem puncto A affixæ, directionibus obliquis, erit pro æquilibrio R ad P, uti PC ad CR, perpendiculares in ambas directiones.

§. 293. Sit AC (Tab. 4. Fig. 1.) Vectis, in quem agant Potentiæ D, P; ductisque perpendicularibus in directiones, erit pro æquilibrio P ad D, uti CD ad CA.

Est hoc magnæ utilitatis ad actiones Musculorum artus moventium, respectu attollendorum Ponderum, determinandas.

§. 294. Si Vectis fuerit incurvus A CB, (Tab. 4. Fig. 2.) in quem agant potentiæ R, O, erit in statu æquilibrii, si R ad O, uti CE ad CD, quæ sunt perpendiculares in directiones Potentiarum.

§. 295. Si Vectis fuerit angularis ACB, (Tab. 4. Fig. 3.) in quem agant directe Potentiæ P & S, dabitur æquilibrio, si P ad S, uti BC ad CA, Quæ omnia ex superioribus sponte fluunt.

§. 296. Trochlea vel Reclamus, vocatur orbiculus, per cuius medium transit axiculus, versationes habens: orbiculus funem ductarium excipit, cuius utrique capiti tum potentia, tum onus, vel duæ Potentiæ applicantur: infervit mutandis Potentiarum directionibus, earumque momen-

momentis augendis in elevandis movendisq; oneribus.

§. 297. Trochlea A (*Tab. 4. Fig. 4.*) ex annulo fixo suspensa, versabilis conversione rotunda circa axem C, ceterum fixa, quam funis ductarius PAB ambit, cujus alteri extremitati applicatur Potentia, alteri onus sublevandum, non auget momentum Potentiæ (1), sed efficit, ut hoc in diversissimis tractionibus idem maneat. Reduci vero ad Vectem primæ speciei, & ex eo clare intelligi potest.

Si enim funes DP, EB sibi sint paralleli, ducatur recta DCE ex punctis contactus per axem; fingatur uterque funis ad D & E figi, sublataque parte inferiori & superiori Trochleæ, nulla mutatio æquilibrîi inter P & B fiet, sed restat tum DCE modo Libra, vel Vectis rectus æqualium brachiorum. Si funes habuerint directiones DP, & FG, vel OH, eademque fiant, quæ supra, manebit Vectis incurvus DCF, vel DCO, semper utrimque æqualium brachiorum; unde Potentia B in B, vel in G, vel in H, requiritur æqualis ponderi P.

§. 298. Si Trochlea non tantum circa axiculum versari, sed libere fursum deorsumque moveri queat, ejusque trutinæ CA (*Fig. 5. Tab. 4.*) appensum sit corpus movendum P, & funes sibi paralleli; requiritur pro æquilibrîo Potentia B ad pondus P, veluti EC ad ED; potestque ad Vectem secundi generis referri.

Concipiantur funes punctis D & E affigi, poterit pars superior & inferior Trochleæ auferri non mutato æquilibrîo; manebit tum Vectis DCE, cujus fulcrum in E, pondus pendens in C, Potentia in D: quare hæc erit ad pondus, per §. 282. uti CE ad ED. (2) Si vero funes sibi non sint paralleli, sed KE, LM, considerandus erit Ve.

(1) Ratio est, quia in ejusmodi trochleæ dispositione tantundem promovetur pondus, quantum potentia; hinc ob æquales ponderis & potentiæ velocitates, nullum ex hac machina habetur momenti incrementum in potentia. Commodiorem tantum ea reddit potentiæ directionem, cum ita deorsum potentia trahat, ac suimet pondere adjuvetur.

(2) Sequi ut 1. ad 2; adeoque ope hujus machinæ potentia ponderis subpla cum ipso pondere æquilibratur.

Quod item ex coliquet; nam elevari nequit pondus P, puta per unum pedem, nisi uterque funis ductarius BD, KE uno pede brevior fiat, seu nisi potentia B duplum spatium percurrat, ejus, per quod pondus eodem tempore elevatur: ideoque erit velocitas ponderis ad potentiæ velocitatem, ut 1. ad 2. Potentia igitur ponderis subdupla ob duplam velocitatem illius, quæ est in pondere, momentum habebit momento ponderis æquilibre.

Vectis angularis CEM; eritque pro æquilibrio pondus P, ad Potentiam L, ut EM ad EC; adeoque æqualis Potentia non sustinebit tantum ponderis in posteriori casu, quam in priori.

§. 299. *Axis in peritrochio* vocatur axis ad tornum aut circinum fabricatus, qui in chelonis versari potest, cum fixa ambiente majori rota vel Tympano. Pondus movendum annectitur funi, qui se circa axem involvit; Potentia applicatur rotæ, aut extremæ Tympani circuitioni.

§. 300. Sit rota AB, (Tab. 4. Fig. 6.) axis DE, centrum motus commune C, pondus movendum P, Potentia moveas M; requiritur pro æquilibrio M ad P, ut semidiameter axeos DC, ad semidiametrum rotæ CB, potestque ad Vectim primi generis reduci. Distat enim directio ponderis P a centro motus C, quantitate DC; & directio Potentiæ M ab eodem centro, quantitate CB: quare M ad P: : DC ad CB. (1).

§. 301. Ideoque aucta rota AB, vel attenuato Cylindro DE, poterit a Potentia minori idem pondus moveri.

§. 302. Idcirco si Potentiæ intensitas decreascit in eadem ratione, ac diameter rotæ increfcit, cui appensum est pondus vel applicata resistentia, hæc semper eadem ratione agetur a Potentia (2): id observatur in Horologiorum portatiliu elateribus & conico axiculo, cui annectitur catena (3).

§. 303.

(1) Sed potest quoque idem æquilibrii casus ita aptius demonstrari. In una rotæ AB conversione patet tantundem procedere potentiam, quantus est ejusdem rotæ extimus ambitus; pondus vero P tantundem elevari, quantum funis tractorii semel axem circumplicat: adeoque velocitates potentiæ, & ponderis (quæ sunt ut spatia simul percurfa) esse inter se ut perimeter extimus rotæ, & perimeter axis, seu ut radius rotæ CB & radius axis CD. Si itaque potentia fuerit ad pondus, ut CD ad CB, erit momentum potentiæ momento ponderis æquale; adeoque dabitur æquilibrium.

(2) Augeatur e. g. rotæ AB radius usque ad CN, erit tum poten-

tia μ , quæ ponderi P æquilibratur ad potentiam M, cum qua prius, rotæ radio existente CB, dabatur æquilibrium, ut CB ad CN; ita enim fit $M \times CB = \mu \times CN$, hoc est, utriusque potentiæ momenta sunt æqualia. In eadem ergo ratione, qua agetur radius CN respectu CB, diminuenda est potentia μ respectu potentiæ M pro æquilibrio.

(3) Conicus quippe axiculus, cui ex elatere S (Vide fig. 12. Tab. 1. Addit.) annectitur catena, est veluti BFE: hic rotam dentatam in extremitate E habet, ex cujus circuitu, reliquarum rotarum, quæ sunt in horologio, motus dependet: hinc ejusdem rotæ E revolutio vi elateris S inducenda, est veluti resistentia,

quæ

§. 303. Directio Potentiæ potest esse admodum diversa, BM, FG, (Tab. 4. Fig. 6.) non mutato tamen ejus momento, quia distantia ejus a centro semper manet æqualis radio rotæ CB vel CF (1).

§. 304. In his rotis sive Tympanis cavis aliquando incedunt calcantes homines vel animalia, tumque directio Potentiæ non est in eadem distantia a centro motus, sed differt in punctis H, K, S: ductis enim perpendicularibus ad horizontem HO, KE, SQ, quæ sunt directiones gravium, abest potentia in H a centro C, veluti intervallo Co, & potentia in K, veluti CE, & potentia in S, intervallo CQ.

§. 305. In considerando radio, tam Axeos quam Rotæ, ratio etiam diametri funis habenda est, quando hic notabili crassitudine donatur (2).

§. 306. Solent sæpe rotæ foraminibus concludi vectes, Scytalæ, vel Manubria, aut in eodem cum rota plano posita, vel ad illud perpendicularia: hæc non mutant rationem momenti pro rota, quia æqualiter a centro motus distant: illa vero idem efficiunt ac rota majoris diametri.

§. 307. Nonnunquam axis foramina ita temperata habet, ut vectes in ea convenire possint, poniturque axis sub diversissima inclinatione, perpendiculariter ad horizontem, tumque *Ergata* appellatur, aut parallele ad eum, tumque *Sacula* dicitur machina, vel alio quovis modo: his

quæ debet superari. Catena vero ita huic axiculo aptatur, ut cum elateris se evolventis actio ad movendum axiculum incipit, in æstiori ejusdem axiculi parte ea reperiatur, puta in KL; procedente vero elateris evolutione, catena in inferiorem, & ampliorem axiculi partem descendat, puta in F & E. Resistentia vi elateris superanda, eadem semper est in toto ejus evolutionis progressu; eadem quippe semper est difficultas in horologii rotis movendis. At vis elateris eadem haud semper manet, cum in ipso evolutionis initio maxima sit, tum continenter cum evolvitur, decrescat. Quo igitur hæc eandem resistantiam vincere semper valeat, ea

conici axiculi constructio ingeniosissime excogitata est, qua fit, ut decrescente elateris vi, augeatur axiculi amplitudo, cui ea applicatur, atque ita debita fiat compensatio per auctam ejus vis velocitatem, idemque semper maneat illius momentum.

(1) At si directio potentiæ fuerit BV, tum ejus momentum mutatur, quia illius distantia a centro C non est radius CB, sed perpendicularis CI, quæ ex C in ipsam ducitur.

(2) Nam cum funis spiræ ejusdem spiris superimponuntur, axis & rotæ ambitus augeri necesse est; eademque ratione augeri etiam ponderis & potentiæ velocitates; quomobrem diametri funis ratio jure est habenda.

his machinis semper eadem convenit demonstratio (1).
 §. 308. Ex hisce intelligitur quoque Machina, quæ a Perraulto & Varignono *Funicularia* vocata fuit, quæ est modo Axis in peritrochio. Requiritur vero potentia M (Tab. 4. Fig. 7.) ad Pondus P, uti CB ad BA (2). Exiguam hujus machinæ utilitatem esse optime demonstravit Cl. Desagulierius (a).

§. 309. Rotæ dentatæ cum suis laternis non differunt ab Axe in peritrochio, quamobrem ex ejus natura intelligitur facile ratio potentiarum variis machinis, quæ rotis instruuntur.

(a) *Philos. Transf. Num. 412.*

(1) Ad axem quoque in peritrochio plura referri possunt instrumenta. Et imprimis ad illum pertinent inflexa manubria, veluti (*Vide fig. 13. Tab. 1. Addit.*) ECB, AFG; nam quæ iis applicatur potentia in E vel G, circumulum radii CB, vel AF describit; cum interim pondus O ascendit ea funis longitudine, quæ perimetrum axis AB involvit: hinc eadem ratio inter potentiæ & ponderis velocitates emergit, quæ supra, nempe longitudinis CB vel AF ad semidiametrum axis, vel cylindri AB. Potentia itaque, quæ fuerit ad pondus, ut axis AB radius ad CB vel AF, cum ipso pondere æquilibratur.

Terebra quoque DEC (*Vide fig. 14. Tab. 1. Addit.*) ad axem in peritrochio potest referri. Nam cum potentia transversarium manubrium circumvertit, circumulum describit diametri DE, vel radii AD: tum simul axem vel cylindrum AC in gyrum vertit; eaque circuitione fit, ut axis acumen C in lignum vel aliud fissile penetret; ipsaque corporis perforandi resistentia est veluti pondus movendum. Ad æquilibrium itaque ope hujus instrumenti obtinendum inter ponderis & potentiæ momenta, patet ejusmodi esse debere potentiam respectu superandæ resistentiæ, ut cuspidis penetrantis C crassities, ad transversarii manubrii DE longitudinem; cum his

quantitatibus resistentiæ & potentiæ velocitates exprimantur. Advertendum tamen hic est, in ejusmodi instrumento quicquam de cochlea etiam contineri ob spiras circa cuspidem C contortas, tum aliud cunei ob aciei penetrantis acumen: unde ex iis, quæ de cochlea & cuneo dicuntur, Terebræ vires melius intelligentur.

(2) En machinæ hujus descriptionem. Recta DE exhibet chordam maxime tensam, clavis D & Epilano firmiter adhærentem. Circulus BHC axem exhibet, cujus perimetro tensa chorda DE semel involvitur; ita quidem ut sursum vel deorsum secundum funis longitudinem moveri possit axis, modo uni, modo alteri parti ejusdem funis involutus manens. Eidem axi annectitur rota major ANS, ex qua dependet funis AM, cui potentia M est applicata. Pondus vero P per funem CP pendet ex axe; in cujus propterea revolutionibus per funis DE longitudinem, idem pondus P promoveri necesse est. Centrum motus hujus machinæ fit in B, ubi nempe axis BC funem DE tangit: pondus distat a centro motus longitudine BC; potentia vero longitudine AB. Ad habendum itaque æquilibrium inter potentiæ M, & ponderis P momenta, necesse est ut sit potentia M ad pondus P, ut CB ad AB.

struuntur, oneraque ingentia movere possunt, applicatarum.

Si enim pondus P 15 30, suspensum ex fune ambiente axem ACR: (Tab. 4. Fig. 8.) radius rotæ dentatæ CB sit flexus major, adeoque pondus positum ex dente B, requiritur $\frac{1}{6}$ ponderis P, sive 5. 15. Hoc pondus propter intricatos dentes rotæ cum laterna EB concipiendum est suspensum ex dente laternæ EB, cujus radius est $\frac{1}{5}$ longitudinis BM: quare 15 i posita in M, æquilibrium aget cum 5 15 in B, hoc est cum 30 15 in P.

§. 310. Ex iisdem principiis etiam facile determinatur, data currus rota majori minorive, super solo aspero vel molli volvenda, quænam duriores & difficiliores habitura sit motus.

Sit HH (Tab. 4. Fig. 9.) solum, asperitas DB directio potentia trahentis rotam majorem sit CF; agit gravitas ex axiculo C, directione CA: quare potentia F requiretur ad pondus rotæ conceptum in A, veluti AB ad BE (1): potentia vero G trahens rotam minorem directione GI, parallela ad priorem, requiritur ad pondus rotæ conceptum in S, uti SB ad BO. Quia angulus BCA minor quam BIS (2), erit sinus anguli BCA minor, quam anguli BIS: tum angulus CBA major quam IBS; adeoque sinus anguli CBA major, quam sinus anguli IBS; ergo erit AB ad BE in minori ratione, quam SB ad BO (3).

Mi-

(1) Cum circa punctum B majoris, minorisque rotæ conversio fiat, in idem punctum B erit centrum motus. Ex eo itaque ductis perpendicularibus BA, BE ad ipsas CA, CF, eas determinabunt distantias ponderis seu resistentiæ (quæ concipitur in A), & potentia conceptæ in E, ab eodem centro B. Similiter perpendicularares BO, BS similes distantias notant respectu minoris rotæ. Hinc habetur vectis angularis ABE, ideoque §. 105. ut sit æquilibrium, requiritur potentia F, quæ sit ad pondus rotæ conceptum in A, ut AB ad BE. Similiter ref-

pectu rotæ minoris habetur alter vectis angularis SBO; ideoque ad obtinendum æquilibrium, ejusmodi requiritur potentia in G, quæ sit ad pondus conceptum in S, ut SB ad BO.

(2) Nam producta BI usque ad m, angulus BCA minor est angulo BmA per 32. I. 1.; tum angulo BmA interno parallelarum mA; IS æqualis est externus BIS per 27. I. 1.

(3) Est enim AB sinus anguli BCA, BE vel CA sinus anguli BCE seu anguli CBA: tum BS sinus anguli SIB, & BO sinus anguli BIO, seu anguli IBS.

Minor igitur potentia F poterit æque oneratam rotam majorem movere, quam G, quæ minorem promovet (1).

§. 311. Sed ob alias rationes major rota facilius versatur & protrahitur quam minor: 1. quia attritus supra axem est in majori rota ad eum in minori, uti diameter minoris ad eam majoris rotæ. 2. rota minor profundius ingreditur exiguas asperitates quam major, hinc altius elevanda est. 3. si solum campestre molle fuerit, minus rota major, quam minor devorabitur, cum enim utraque rota æqualiter onerata eandem copiam Terræ ex suo loco expellat, minor rota profundius in Terram penetrabit; ergo altius, ut protrahatur, elevanda erit, quam major rota.

§. 312. Quia attritus rotarum supra axes suos affert plurimum impedimenti corporibus, idcirco ope palangarum sive cylindrorum solidorum areæ planæ impositorum, & attritu expertium, onera multo graviora facillime promoveri possunt.

§. 313. Quodcunque corpus ex basi lata in acumen abit, *Cuneus* vocatur: qui inservit corporibus secandis, findendis, separandis, aut elevandis.

§. 314. *Cuneus simplex* vocatur Prisma Triangulare, cujus latera repræsentant Triangulum rectangulum ACB: (Tab. 4. Fig. 10.) basis AB est *longitudo*, BC *altitudo*, vel *dorsum Cunei*. *Cuneus duplex* ACD, (Tab. 4. Fig. 11.) constat ex duobus simplicibus ACE, AED, juxta longitudo-nes suas AE conjunctis.

§. 315. Potentiæ, quæ Cuneis applicantur, sunt prementes, vel malleo percutientes: corpora, quæ Cuneis separantur, aut eo usque modo separantur, quantum Cuneus ingressus est, vel finduntur, fissura longe præcurrente viam a Cuneo paratam.

§. 316. Cum corpus tantum ope Cunei separatur, vis premens potentiæ, dorso Cunei applicatæ, est cum resis-
tia

(1) Supponamus namque, majoris claritatis gratia, potentiam ut 1 in E æquilibrari cum resistentia in A ut 2; adeoque eadem ratione 1 ad 2 esse AB ad BE. Tum supponatur eadem quoque potentia in G vel O ut 1, contendit ad movendam rotam minorem eadem resistentia ut 2 do-

natam: non dabitur hic æquilibrium; nam ad illud requiritur, ut potentia in O sit ad resistentiam in S, ut SB ad BO; quæ ratio cum sit major ratione AB ad BE, erit etiam major ratione 1 ad 2; adeoque potentia major requiritur.

tia partium separandarum in æquilibrio, si fuerit, ut altitudo Cunei ad ejus longitudinem.

Potest resistentia partium separandarum cum pondere X (*Tab. 4. Fig. 10.*) elevando comparari: sit igitur potentia P , quæ promoveat Cuneum ACB , quantitate $A\beta$, ita ut veniat in βA ; tum corpus X , quod retentum concipitur ab obstaculo $A\gamma$, adscendet quantitate $A\gamma$: quare momenta ipsorum P & X sunt $P \times A\beta$, & $X \times A\gamma$: ergo positis momentis æqualibus erit $P.X :: A\gamma, A\beta$.

§. 317. Quo AB longior, manente BC eadem, eo potentia P potest esse minor ad eandem resistentiam superandam.

§. 318. Eadem omnia in cuneo duplici pari se habent modo. Sit enim gravissima Trabs $BKHG$, cujus pars BK (*Tab. 4. Fig. 13.*) abscindatur, & sola mobilis sit: Cuneus sit AOC , hic motus longitudine sua DC , partem B movit, reliqua trabe, intervallo AO ; adeoque potentia, quæ cuneum adegit, celeritatem DC habuit, lignum vero celeritatem AO .

§. 319. Hinc cultri, gladii, pugionis, terebræ, forficis natura: tum plarium venenorum Mechanicorum, & acrium corrosivorum actio in corpora Animalium intelligitur.

§. 320. *Planum inclinatum* vocatur superficies plana AC , (*Tab. 4. Fig. 12.*) inclinata ad horizontem AB , cujus altitudo est perpendicularis CB .

§. 321. Sit corpus K impositum plano inclinato AC , sustineatur a potentia P , cujus directio PK est parallela plano, erit potentia P ad gravitatem oneris K , ut altitudo plani BC , ad longitudinem AC .

Ductis enim KD ex centro gravitatis ad punctum contactus plani, & Ke directione gravitatis, tum De perpendiculari in illam, datur Vectis angularis KDe , cujus extremis applicatur potentia P in K , & pondus K in e : quare erit potentia P ad pondus K conceptum in $e :: eD, DK :: CB, CA$ (1). Sive ut sinus anguli inclinationis, quem planum format cum horizonte, ad Sinum totum.

Tom. I.

O

§. 322.

(1) Similia quippe sunt trigona DKe, CBA . Nam in triangulo rectangulo KDf ob De perpendicularem ex angulo recto in basim Kf ductam, angulus KDe æqualis est angulo DfK , seu æqualis angulo GfA , priori ad verticem opposito, seu tandem

æqualis angulo ACB (*per 27. l. 1.*). Anguli præterea DeK, CBA utpote recti æquales sunt; ergo reliquus CAB reliquo DKe æqualis erit: atque adeo similia erunt triangula DKe, CBA ; & $eD, DK :: CB, CA$.

§. 322. Si directio potentiae O sit parallela ad basin BA plani, desideratur pro æquilibrio, ut sit O ad K conceptum in e , uti CB ad BA .

Nam erecta perpendiculari DI in directionem OK , datur Vectis angularis IDe , adeoque est O , ad K in $e::eD, DI::CB, BA$, seu ut sinus anguli inclinationis, quam planum cum horizonte format, ad sinum complementi ejusdem.

§. 323. Est igitur potentia minima ad idem pondus sustinendum, cujus directio parallela plano: eo major requiritur potentia, quo magis recedat a parallelismo: si directio sit supra PK , fieri modo potest potentia æqualis ponderi: si directio sit infra PK , desiderari potest multo major potentia, quam est pondus K .

§. 324. Quo altitudo plani CB est minor, eo potentia P , sustinens pondus K , potest esse minor: adeo ut, si CB sit infinite parva, sive solum horizontale, potentia P sustinens possit esse infinite parva.

§. 325. *Cochlea* vocatur *Helix* eminens, circa cylindrum convoluta, vel in foramine cylindrico insculpta: Illa exterior, hæc interior dicitur. Harum una circa alteram convertitur: alterutra autem esse debet fixa. Duæ igitur semper requiruntur, quæ inserviunt corporibus elevandis, premendis, movendis.

§. 326. Si potentia B (*Tab. 4. Fig. 15. 16.*) volvat alterutram *Cochleam*, sive externam per interiorem, sive internam circa exteriorem, directione ad basim parallela, tum erit ad pondus W elevandum, quod cochleæ impositum est, veluti A S distantia inter duas Helices sibi proximas, ad peripheriam circuli baseos.

Est enim *Helix* XZ in *Fig. 16.* modo planum inclinatum AC (*Tab. 4. Fig. 10. & 15.*), circa cylindrum convolutum; potentia D , quæ volvit cochleam directione parallela ad basim, idem facit ac Potentia P , quæ planum inclinatum AC propellit directione BA , atque ita elevat pondus impositum X . Vidimus tum in §. 316. esse P . ad X , uti CB ad BA : est CB in hoc casu distantia A S inter duas Helices proximas; BA vero in *Fig. 10.* est peripheria circuli baseos (1).

§. 327.

(1) Clarius. In una *Cochleæ* revolutione via ponderis W est intervallum duarum *Helicum*, quæ sibi proximæ sunt; via potentiae est per-

§. 327. Quo igitur Helices sibi sunt propiores, manente eadem crassitie cylindri; vel manente eadem Helicum distantia, quo cylindrus sit crassior, eo potentia, quæ pondus elevabit, requiritur minor. Ideo ope Cochlearum duplicium vel triplicium non multum emolumenti, quoad vires, potentia acquirit.

§. 328. Solet capiti Cochleæ CB (Tab. 4. Fig. 15.) infigi Vectis DI, cujus ope Cochlea convertitur, quem cum potentia D premat parallele ad ejus basim, erit hæc ad pondus elevandum W, ut distantia AS inter duas Helices sibi proximas, ad peripheriam circuli, quem ultima extremitas D Vectis DI, cui potentia applicatur, describit.

§. 329. Quo igitur hic Vectis longior est, eo potentia requiritur minor ad pondus elevandum.

§. 330. Inservit Cochlea imprimis corporibus premendis, & elevandis: cumque duæ Cochleæ supra se moventur, atque in latissima superficie se contingunt, attritus in hac machina est magnus, idcirco Cochleæ valde adactæ partes adeo profunde in se ingrediuntur, ut sua sponte non solvantur, nec recurrat Cochlea (1).

§. 331. Perspectis Machinis Simplicibus, breviter nonnullas Compositas percurramus. Inter has primo occurrit *Statera composita*, Tormentis bellicis, Anchoris gravissimis, aliisque ingentibus molibus ponderandis inserviens. Est P (Tab. 5. Fig. 1.) onus ponderandum, ex unco B suspensum, ABC Vectis secundæ speciei, connexus cum Statera DEF. Est M vagans æquipondium in scapo EF. Est potentia desiderata in C ad P: AB, AC: est vero potentia in C = D; & M ad C: DE, EM. His in se ductis, erit $M \propto C \text{ ad } P \propto C$: M. P: AB x DE. AC x EM.

O 2

§. 332.

fimeter basis, seu circulus radii DI: igitur cum velocitates potentiæ & ponderis sint inter se, ut spatia eodem tempore percursa, erit potentiæ velocitas ad velocitatem ponderis, ut duarum propinquarum Helicum intervallum ad peripheriam circuli radii DI, ideoque potentia, quæ est ad pondus, ut earum helicum intervallum ad circuli radii ID peripheriam, cum pondere æquilibratur.

(1) Cochlea Archimedis ab Archimede scil. inventa est cylindrus (Vide fig. 15. Tab. 1. Addit.) ve-

luti AB, cui circumvolvitur tubus plumbeus instar spirarum, quæ sunt in cochlea, inservitque aquis ex imo in sublimem locum attollendis. Cylindrus AB ad horizontem inclinari debet, puta sub angulo 45. circiter graduum; tum orificium tubi B sub aqua esse demersum. Si ejusmodi cochlea ita circumagatur, ut orificium B contra aquam volvatur, aqua per tubi spiras veluti per totidem plana inclinata ascendet, tandemque in A effundetur.

§. 332. Est igitur potentia ad resistantiam in ratione composita ex omnibus rationibus, quas in singulis Machinæ partibus potentia ad resistantiam haberet, si separatim adhiberetur. Est hæc regula universalis pro omnibus machinis compositis.

§. 333. Possunt quoque Vestes varii secum conjungi, veluti in hoc schemate junguntur tres. Est igitur secundum regulam præcedentem, pondus K (Tab. 5. Fig. 2.) ad pondus P , veluti $AB \times CI \times EF$ ad $BC \times IE \times FK$.

§. 334. Fiunt etiam ex Trochleis Polyspasti variæ formæ; quilibet hinc constat ex tribus trochleis, requiritur potentia V (Tab. 5. Fig. 3.) ad pondus P , veluti est unitas ad numerum funium, ambientium Trochleas inferiores: nam ope cujuslibet Trochleæ libere adscendentis potentia elevare potest pondus duplum.

§. 335. Possunt tamen Trochleæ aliter disponi, (Tab. 5. Fig. 4.) ut omnes libere sint mobiles sursum, tum minor potentia multo majus pondus elevabit, uti ex appositis numeris colligi potest.

§. 336. Pancration fit ex variis rotis dentatis secum junctis; quarum ultima ope manubrii sæpe vertitur (1):
hæc

(1) Hujus machinæ specimen tradit Cl. Auctor §. sequenti: sed abs re haud erit si in nostrorum tironum gratiam ejusdem machinæ aliud præbeamus exemplum, quo ejus vires pene immensæ aptius intelligi valeant. Sit itaque Pancratium (Vide fig. 16. Tab. 1. Addit.) CDEFH ex quatuor axibus cum suis rotis dentatis compositum. Si manubrium AB, cujus extremitati A potentia applicatur, decuplo longius supponatur semidiametro rotulæ C, erit quidem velocitas potentiæ decuplo major velocitate cujusque dentis rotulæ C. Sit præterea in altero axe rota major D, quæ dentes habeat decuplo plures quam prior C; itaut decies sit revolvenda rotula C, antequam dentibus rotæ D successive apprehensis, possit semel converti rota D. Eidemque axi infixa sit rotula E æqualis C, quæ eodem tempore circuitum suum absolvat, quo major rota D.

Respondeant similiter dentes rotæ F in decupla ratione dentibus rotulæ E, itaut decies revolvi debeat E, antequam semel rota F revolvatur, & antequam semel quoque rota G eidem axi infixa & æqualis rotæ C convertatur. Pariterque rota H decuplo plures dentes habens quam G, nonnisi semel revolvitur cum suo axe IH, & cylindro IK ejusdem amplitudinis ac rota C, postquam rotula G decies conversa est. Ex cylindro IK mediante fune pendet pondus L, quod in ejusdem cylindri revolutione sursum attollitur. Est itaque potentia in A applicatæ velocitas ad velocitatem rotulæ C in ratione decupla, seu ut 10000. ad 1000.; tum velocitas rotulæ C pariter decupla velocitatis rotulæ E; seu ut 1000. ad 100. præterea velocitas E velocitatis G adhuc decupla, seu ad velocitatem G, ut 100. ad 10.; ac tandem velocitas G ad velocitatem cylindri IK, seu

hæc tamen interdum potest adhuc ope Cochleæ moveri, quæ tum *Cochlea sine fine* vocatur (1).

§. 337. Axis in peritrochio jungitur quoque cum Trochleis, componiturque aliquando ope rostri longissime eminentis machinam, quæ *Grus* vocari solet, frequentissimi usus.

§. 338. Fabrefit vario modo, sed ecce commodissimam.

Est A (*Tab. 5. Fig. 5.*) rota minor, quæ circumagitur manubrio B, ejus dentes excipiuntur ab iis, qui sunt in rota maxima C: hæc versationem habet circa axem D, quem ambit funis DEFG. Ut funis dirigatur secundum rostri longitudinem, transit supra trochleam E, annectitur-

O 3

feu ponderis L, ut 10 ad 1. Igitur erit ex æquo ordinate potentia in A velocitas ad ponderis L velocitatem, ut 10000. ad 1.; & ideo hujus machine ope vis potens elevare unam libram, 10000. libras poterit attollere. Immo generatim apposita unitati ea ciphra multitudine, quæ respondeat numero axium, potentia unius libræ poterit hac machina tot libras attollere, quot unitas illa cum adjectis ciphris indicaverit, ut hic, ubi quatuor sunt axes, libras 10000. si forent axes quinque, libras 100000; atque adeo si essent 50. axes similitudine compositi, potentia unum arenæ granulum potens elevare, sufficeret elevando & movendo toti universo, etiam si arenæ granulis a centro ad firmamentum repletum esset: numerus enim arenularum ejus orbis capacitatem implentium non major est eo, quem exprimit unitas cum 50 ciphris adjectis, uti ostendit Archimedes in suo Arenario.

Aliquando hæc machine genus invertitur, cum nempe non magnis potentia viribus indigemus, sed magna tantum velocitate rei movendæ; tunc enim applicatur potentia, ubi solet poni pondus, & res velociter movenda ponitur loco potentia. Ita si in superiori machina potentia rotam H moveret, decies milies velocius moveretur manubrium B A, & res qualibet in ejus termino posi-

ta. Quibus machinis quidam utuntur ad funes compingendos, ad hendum gossipium, & lanam.

(1) Veluti si rotam dentatam EF (*Vide fig. 17. Tab. 1. Addit.*) cochlea CB sua circuitione circumagat. Dicitur *Cochlea infinita*, quia sine fine circumagi potest. In una ejusmodi cochleæ circuitione per potentiam extremitati manubrii B A applicatam, rota FE nonnisi unius dentis intervallo promovetur: hinc ad integram rotæ FE revolutionem obtinendam, toties revolvitur debet potentia in A applicata, quot dentibus rota FE donatur, puta vices, si viginti fuerint dentes. Ex centro vero rotæ prodat axis EH, qui sua circuitione pondus G attollat: id ut per funis longitudinem perimetro axis æqualem attollatur, vices revolvatur cochlea CB, & potentia in A applicata, oportet; ideoque erit velocitas potentia ad ponderis velocitatem, ut vices perimetro circuli radii BA, (quæ est via potentia) ad perimetro axis HE semel (quæ est via ponderis eodem tempore); atque adeo potentia, quæ est ad pondus in prædicta reciproca ratione, æquilibrium cum pondere habebit. Quo major est dentium rotæ numerus, eo tardius rota integram revolutionem absolvit, atque eo lentius pondus attollitur, minori semper potentia.

turque sua extremitate unco G. Potentia, quæ manubrio B applicanda est ad Pondus P elevandum; hoc modo determinatur, Cum Trochlea F sit libere mobilis sursum deorsumque, potentia trahens funem in E, vel in D, requiritur $\frac{1}{2}$ ponderis P. Est diameter axeos D ad eam rotæ C,

uti 1 ad 20; quare potentia denti rotæ C applicata, requiritur nunc modo $\frac{1}{20}$ ad D, hoc est $\frac{1}{40}$ ponderis P. Est

radius manubrii B B ad radium rotæ minoris A, uti 2 ad 1; quare potentia applicata ad B requiritur æqualis $\frac{1}{2}$ ad

A, sive requiritur ad Pondus P uti 1 ad 80; idcirco vis immensa poterit a potentia humana ope hujus Gruis exerceri. Est machina tota in carchesiis versatilibus cum columna HH collocata, & circumtorquetur veste K.

Cum autem non modo pondera attollenda, sed & descendenda sint, ecce alium apparatus, cujus levis adumbratio fit in NLM, qui clarius repræsentatur in figura 6. Est NO a (Tab. 5. Fig. 6.) vestis mobilis circa axim O: extremo N est annexus funis NLM, transiens supra trochleam L: habet hic vestis præterea stylum prominentem Q. Elevato per funem extremo vestis N, deprimitur alterum extremum a cum anexo semicirculo β V; est vero stylus T, basi Gruis firme infixus: sed eodem tempore stylus Q, in laxo foramine R decurrens, elevabit alium Stylum R X, mobilem in fixo ferramento S, & hoc modo elevatur furca Y, ex dentibus rotæ Z. Hæc rota Z est circa eundem axem cum rota A minori posita, impeditque, ne pondus P, dum sibi relinquitur machina, sponte descendat. Est quoque circa eundem axem tertius discus ex molli ligno confectus, ad quem apprimitur semicirculus β V, quo tempore furca Y tollitur ex dentibus rotæ Z: hinc attritus vel frictio oritur hujus disci contra β V, simulac pondus P movet machinam. Ope huius attritus, quem augere pro lubitu possumus, fortius trahendo funem in M, citius lentiusve pondus P demittimus. Auctor hujus machinæ est subtilis Padmore; eam vero primus eleganter descripsit acutissimus Philosophus Desagulierius.

Possunt igitur ex simplicibus machinis innumera componi. Qui multas desideret, consulat Beyssonium, Ramellum,

lum, Bocklerum, sed imprimis Leupoldum: tum quoque monumenta a Regia Scientiarum Academia in Gallia memoriæ prodita; hi enim auctores præcipuas collegerunt, depinxerunt, & utcunque explicuerunt.

C A P. I X.

De attritu Machinarum.

§. 339. **N**on posset onus Machinarum ope moveri, si quis iis Potentiam, in Capite præcedenti determinatam, & tantillum ultra æquilibrium auctam, applicaret; quia quæ supra se invicem moventur corpora, Attritum vel Frictionem patiuntur: Potentia proinde, quæ pondus Machinæ ope movebit; non modo tanta requiritur, ac supra designata fuit, sed notabiliter major, quæ possit quoque Attritum superare.

§. 340. Oritur Attritus ab asperitate superficierum, partibus earum sese intricantibus, impredientibusque, quominus libere supra se mutuo corpora moveantur.

§. 341. Superficierum asperitas tolli nulla arte potest, nec superficies notabilis magnitudinis perfecte plana, lævigata, sibi ubivis similis effici, quia omnia corpora sunt porosa: quamobrem omnes superficies sunt asperæ, inæquales, hic exstantibus monticulis, ibi depressis vallibus: sibi que impositis corporibus, prominentiæ unius ingrediuntur valles alterius, non secus ac si duos Echinos, duasve scopas sibi imposueris. Proinde ut ea, quæ inter se intricantur & implicantur corpora, moveantur; requiritur, vel ut corpus supremum elevetur, & extricetur ex inferiori, vel utrumque fiat, vel ut utriusque corporis partes prominentes inflectantur, vel ut frangantur. Quodcunque horum omnium fiat, vis desideratur, quæ hoc præstet; hoc est quæ superet Attritum.

§. 342. Quæsierunt nonnulli Mechanici, veluti Amon-tonsius, Leibnitijs, Sturmius, Camus, Desagulierius, Bulfingerus, &c. Regulas universales ex quibusdam Experimentis deductas, ut magnitudinem Attritus determinarent, quotiescunque corpora dati ponderis, datæque superficiei, cum data velocitate supra se moverentur, sed incassum. Nec Generales Regulas dari posse, tum ipsa Ratio, tum innumera Experimenta docent. Quia fabrica

omnium firmitas est diversa, discrepat partium prominentium & vallium figura, asperitas, rigiditas, elasticitas, mollities, coherencia, pro solo natali, vetustate, siccitate, densitate, cæli humiditate &c.; idcirco varia erit partium sibi oppositarum intricatio, varia ingredientium profunditas, varia resistentia prominentium contra inflexionem aut fracturam; an hinc non diversissimus oriatur Attritus, cum varii generis corpora, etiam si paræ superficie, æque onerata, & eadem velocitate supra se movebuntur? Liqueat hoc sequenti exemplo quod ex plurimis elegi, in quo Ligna, horizontaliter posita, accuratissime lavigata, supra se promota fuerunt. Ligna autem una cum onere habuerunt pondus, quod hic notatur.

Lignum Piceæ 1 poll. latum, 13 pollices longum, motum supra Lignum Piceæ, oneratum fuit	Idem lignum Piceæ motum supra lignum Buxinum, & eodem pondere oneratum, habuit	Lignum Quernum paræ magnitudinis ac prius, motum supra Quernum eodem pondere oneratum, habuit	Idem Lignum Quernum motum supra Lignum Buxi, oneratum eodem pondere habuit
Pond. Attrit. Unc. Drach.	Attritum Drach.	Attritum Drach.	Attritum Drach.
4 . . . 8	6	6	6
6 . . . 11	8	8	8
8 . . . 15	9	10	10
10 . . . 17	11	12	11
12 . . . 22	13	15	12
14 . . . 25	16	17	14
16 . . . 28	20	21	16
18 . . . 31	23	25	18
Libr. unc. dr.	Unc. Drach.	Unc. Drach.	Unc. Drach.
3 . . . 8 . 6	6 . . . 4 .	11 . . . 0 .	5
4 . . . 12 . 6	9 . . . 4 .	14 . . . 0 .	7
5 . . . 13 . 4	12 . . . 0 .	15 . . . 0 .	9
6 . . . 16 . 4	12 . . . 4 .	17 . . . 0 .	10
7 . . . 20 . 0	14 . . . 0 .	20 . . . 0 .	13
8 . . . 24 . 0	16 . . . 0 .	23 . . . 0 .	15
10 . . . 26 . 0	20 . . . 4 .	29 . . . 0 .	19

§. 343. Si attendamus ad experimentia cum picea supra piceam capta, videbimus in octo prioribus, Potentiam vix vix superantem Attritum, esse ad pondus uti 1 ad 4, sed aucto pondere minorem desideratam fuisse potentiam; ratio enim ejus ad pondus fuit uti 1 ad $4\frac{1}{2}$. In septem

posterioribus experimentis attritus irregularior fuit, & ad pondus rationem habuit, uti 1 ad 5, tandem uti 1 ad 6: adeoque non constans est ratio inter attritum & pondus.

Si examinentur experimenta columnæ secundæ cum picea mota supra buxinum, tum in octo prioribus experimentis, attritus est ad pondus veluti 1. ad 5. in principio; sed aucto pondere, uti 1 ad 6. imo ut 1 ad 7. in posterioribus experimentis aucto adhuc pondere, erat uti 1 ad 8.

Si tertiæ columnæ experimenta, cum querno supra quernum lignum mota, inspiciantur, patet hoc lignum, non multum oneratum, facilius supra se moveri, quam picea movetur supra piceam: verum aucto pondere, fit attritus ut a picea; imo increfcit attritus propter querni ligni profundos longitudinales poros.

Attritus querni supra buxinum est minor quam piceæ supra buxinum; nam est vix respectu ponderis, uti 1 ad 8. Experimenta proinde Amantonii nequaquam cum nostris conveniunt, cum affirmaverat is Philosophus attritum respectu ponderis movendi semper esse statuendum uti 1 ad 3 (1).

§. 344.

(1) Sed quæret hic fortasse quispiam, qua ratione frictionum mensura iniri, & numeris designari valeat. Qua quidem in re aptius, & simplicius quicquam proferri posse haud puto, eo, quod a Cl. Bulfingero tom. 2. *Comm. Acad. Petrop.* traditum est. Id vero est hujusmodi. Supra planum inclinatum (*Vid. fig. 18. Tab. 2. Addit.*) AB jaceat corpus DEGF, ac experimento sæpius instituto ea inveniat plani AB ad horizontem inclinatio, in qua corpus DEGF ob frictionis difficultatem tantum non descendat, descenderet vero si tantil-

lum is angulus inclinationis B augeretur; qui proinde angulus B, apte *angulus quietis* dici poterit. Ex P centro gravitatis corporis DEGF sit linea directionis PH, quæ ejusdem corporis gravitatem absolutam etiam notet; ductaque ad planum AB perpendiculari PK, resolvetur vis gravitatis absoluta PH in duas laterales vires PK, HK; quarum prior a plano sustinetur, altera vero HK, corpus, per ejusdem plani longitudinem descendere impellit. Est præterea vis HK ad gravitatem absolutam PH, ut BC ad AB; seu, ut sinus anguli quietis.

§. 344. Nec aliter comparatus est attritus Metallorum, ut ope *Tribometri* observatum fuit, in quo DD (*Tab. 5. Fig. 7. & 8.*) est axis chalybeus induratus, diametri $\frac{1}{4}$ poll.

Rhenol. partes C, C, diametrum $\frac{1}{2}$ pollic. habent Trans.

it axis per discum cylindricum ligneum AB, diametri $\frac{1}{4}$ pollicum. Totus hic apparatus pondus 3 lb habet: axis utrimque politissimus exceptus fuit chelonis variis metallicis, politissimis, & summa accurate elaboratis. Eventus experimentorum, initium versationis ostendentium, a pondere P ex fune pendente, & ambiente cylindrum AB, fuerunt, uti in hac tabula notantur, simul addita proportionem attritus & ponderis.

Axe tenuiori DD chalybeo, sicco, excepto in Ligno Guajaco.	Potentia movens pendens ex fune ambiente discum A B fuit.	Potentia movens Axe tenuiori uncto oleo oli- varum.
Cylindro non one.	Drach. Attr. ad P.	Drach. Attr. ad P.
rato 10 . . . 1 .. 2 $\frac{2}{5}$.. 6 0 ad 4
Onerato AB utrim- que lb 1	. 12 . . . 1 .. 3 $\frac{1}{3}$.. 10 1 .. 4
lb 2	. 14 . . . 1 .. 4	.. 14 1 .. 4
lb 3	. 20 . . . 1 .. 3 $\frac{3}{5}$.. 21 1 .. 3 $\frac{2}{10}$
Axe		

quietis A ad finum totum, cum similia sint triangula HPK, BAC. Cum ergo ex hypothese ea sit plani AB inclinatio, in qua corpus tantum non descendit, patet corporis frictionem per ejusdem plani longitudinem tantam esse, quanta est vis per HK designata. Itaque si post finum totum, finum anguli quietis, & pondus absolutum corporis, nempe PH, inveniatur quartus proportionalis, is dabit quantitatem frictionis quaesitam.

Idipsum ad planum horizontale transferri etiam potest. Spectari imprimis debet vis per PK, ut pondus absolutum; ita enim planum AB

respectu ponderis, erit ut planum horizontale. Vis praeterea, HK seu frictionis, spectari potest, tamquam vis in aequilibrio constituta cum aequali vi trahente pondus secundum longitudinem plani AB. Ob similitudinem vero triangulorum HPK, BAC, est PK, seu pondus absolutum, ad HK, seu, frictionis quantitatem, ut AC ad BC, seu ut radius ad tangentem anguli quietis. Si ergo fiat ut radius ad tangentem anguli quietis, ita pondus absolutum ad quartum, hic dabit mensuram frictionis corporis DEGF per planum horizontale incidentis.

Axe tenuiori DD sicco, excepto in chalybe duro. Cylindro non o- nerato	Potentia movens pendens ex fune ambiente discum. Drach. Attr. ad P. .. 6. I ad 4	Potentia movens Axe DD uncto o- leo olivarum Drach. Attr. ad P. .. 4 I ad 6
Onerat. utrimque ℥ 1 .. 11. I .. $3\frac{7}{11}$ ℥ 2 .. 17. I .. $3\frac{5}{17}$ ℥ 3 .. 21. I .. $3\frac{2}{20}$.. 10 I .. 4 .. 14 I .. 4 .. 17 I .. $4\frac{4}{17}$
Axe tenuiori DD sicco, excepto in Cupro rubro. Cylindro non o- nerato	Potentia movens pendens ex fune ambiente A B. Drach. Attr. ad P. .. 4. I ad 6	Axe tenuiori in uncto oleo . Po- tentia movens. Drach. Attr. ad P. .. 3 I ad 8
Onerat. utrimque ℥ 1 .. 8. I .. 5 ℥ 2 .. 12. I .. $4\frac{2}{3}$ ℥ 3 .. 15. I .. $4\frac{12}{17}$.. 7 I .. $5\frac{5}{7}$.. 10 I .. $5\frac{3}{5}$.. 13 I .. $5\frac{7}{13}$
Eodem Axe ex- cepto in Stanno sicco .	Potentia movens	Axe inuncto oleo olivarum.
Cylindro non o- nerato	Drach. Attr. ad P. .. 6. I ad 4	Drach. Attr. ad P. .. 5. I ad $4\frac{4}{5}$
utrimque onerato ℥ 1 .. 11. I .. $3\frac{7}{11}$ ℥ 2 .. 18. I .. $3\frac{1}{9}$ ℥ 3 .. 22. I .. $3\frac{3}{10}$.. 9. I .. $4\frac{4}{9}$.. 14. I .. 4 .. 18. I .. 4

Eodem Axe sicco, excepto in Plumbo Cylindro non onerato	Potentia movens ut supra. Drach. Attr. ad P. .. 4. 1 ad 16	Axe inuncto oleo. Potentia movens. Drach. Attr. ad P. .. 3. 1 ad 8
utrimque onerato		
lib 1	.. 7. 1 .. $5\frac{5}{7}$.. 6. 1 .. $6\frac{1}{3}$
lib 2	.. 8. 1 .. 7	.. 8. 1 .. 7
lib 3	.. 10. 1 .. $7\frac{2}{7}$.. 10. 1 .. $7\frac{1}{3}$
Eodem Axe sicco excepto in Orichalco.	Potentia movens suspensa ut supra.	Axe inuncto oleo. Potentia movens.
Cylindro non onerato	Drach. Attr. ad P. .. 4. 1 ad 6	Drach. Attr. ad P. .. 3. 1 ad 8
utrimque onerato		
lib 1	.. 6. 1 .. $6\frac{2}{3}$.. $5\frac{1}{2}$ 1 .. 7
lib 2	.. 8. 1 .. 7	.. $7\frac{1}{3}$ 1 .. $7\frac{7}{19}$
lib 3	.. 10. 1 .. $7\frac{1}{10}$.. $9\frac{1}{10}$ 1 .. $8\frac{2}{19}$

§. 345. Ut hæc experimenta intelligantur, sciendum est, pondusculum R (Tab. 5. Fig. 7.) fuisse potentiam moventem, idque suspendi circa cylindrum AB, diametri 16 crassioris, quam axiculus est, & proinde pondusculum R agere sub specie vectis, 16 longioris, quam alterum est brachium, e quo pendet pondus movendum: quare pondusculum R multiplicatum in 16 dat attritum, quo si dividatur summa ponderum P + Q + AB, datur ratio, quæ est inter attritum & pondus.

§. 346. Ex his experimentis patet, Chalybem minimum pati Attritum in Orichalco; dein in Plumbo, tum in Cupro Rubro, in Ligno Guajaco, in Chalybe, in Stanño.

§. 347. Docent præterea hæc Experimenta augeri Attritum, aucto pondere corporis moventis, & manente superficie attrita eadem: quia a majori pondere partes profundius sibi

sibi imprimuntur, adeoque cum corpus promovetur, vel partes magis flectendæ sunt, vel propius suis basibus abrumpendæ; utroque casu plus resistunt. 2. Sed ex experimentis simul patet, augmentum Attritus non semper accurate sequi rationem ponderis aucti. 3. Regulas Attritus esse singulares, atque ex Experimentis, in singularibus corporibus captis, esse eruendas, iisque modo proprias; nam chalybis attritus in orichalco uncto oleo est plerumque tan-

tum æqualis $\frac{1}{7}$ parti ponderis, cum Attritus in Stanno sæpe sit $\frac{1}{4}$ ponderis, veluti quoque est in Chalybe & in ligno Guajaco: in Cupro rubro est tantum attritus $\frac{1}{5}$ pars

ponderis. 4. Duo Metalla vel Ligna ejusdem speciei, plerumque difficilius supra se moveri, magisque atteri, quam Metalla vel Ligna diversa; quemadmodum longæva & frequens Experientia docuit Mechanicos. Et ex hisce iterum videmus Amontonsii experimenta non cum accuratis Instrumentis fuisse capta; non enim tantus est attritus, ac Vir Cl. posuit.

§. 348. Idem corpus, ejusdem semper ponderis, & supra alterum motum, diversum Attritum, pro varia superficie attritæ magnitudine patitur: daturque hujus corporis, cum hoc pondere, superficies aliqua cum minimo Attritu: reliqua superficies sive minor, sive major fuerit, majori Attritui subicitur; quemadmodum omnia accurata Experimenta constanter evincunt.

Nonnulli adseruerunt minorem majoremve superficiem nihil mutationis Attritui afferre, modo eodem pondere corpus oneretur; quia, licet aucta superficie plures partes irretiantur, hæ in se tanto minus profunde ingrediuntur; uno proinde compensante alterum. Sed comparanti sequentem Tabulam cum ea §. 342. apparebit discrimen: duo autem exempla ex plurimis a me captis periculis adjicio.

Sumtum Lignum Piceæ latum $\frac{11}{12}$ pollicum, longum 13 pollicum, quod oneratum paribus ponderibus fuit ac in §. 342. motumque supra idem Lignum Piceæ & Buxinum; ac in prioribus experimentis.

Supra Lignum Piceæ motum, Oneratum, Attritus,		Supra Lignum Buxinum, fuit Attritus	
Unciis	Drachm.		Drachm.
6	14		10
8	18		12
10	22		15
12	26		16
14	32		18
16	36		22
18	40		24
Libr.	Unc.	Unc.	Drachm.
3	12	8	4
4	16	11	4
5	23	13	
6	40	15	
7	41	17	
8	43	20	
10	43	27	

Nonnullæ Anomalix hic dantur, cum supra Lignum Buxinum a minoribus oneribus major Attritus, quam in §. 342. fuit: a majoribus vero oneribus minor Attritus: in aliis experimentis multas Anomalias ejusmodi deprehendi.

§. 349. Simulac superficies, quæ se atterunt, fiunt acutæ, valde penetrantes, non fit motus, nisi partes frangantur, abradantur; quo vehementer increfcit Attritus. Quamobrem cum aliis non consentio, qui affirmarunt, Attritum augeri auctis atterentibus superficiebus, iisque minutis imminui.

§. 350. In minoribus corporum velocitatibus sequitur Attritus utcumque rationem velocitatis, non tamen accurate: Verum in majoribus velocitatibus multum increfcit ratio Attritus: idque locum obtinet, siue corpora sicca, siue oleo uncta supra se moventur. Cum enim axis Tribometri chalybeusolvebatur in Cupro rubro, oleo uncto, atque velocitates erant, uti 4, 6, 7, 8, 10. fuit Attritus uti 1, $1\frac{1}{2}$, 2, 3, 4. Atque Attritu existente eodem, fuerunt velocitates in Cupro sicco $1\frac{2}{3}$, 3, 5, 7, 8. Cum velocitas erat maxima in his Experimentis, siue æqualis 10. fiebant 25. revolutiones axis DD (Tab. 5. Fig. 7.) intra

intra tempus 2"., 24". Attritus, qui ponitur æqualis 1., est ad pondus motum, uti 16. ad 95.

§. 351. Oleum inter Metallicas partes interpositum, lubricitatem motus juvat, sive Attritum minuit: sed præcipue in majoribus velocitatibus Attritum minorem facit, qui positus corporibus siccis ingens est, atque partium abrasionem semper comitem habet, quæ, partibus oleo subactis, tollitur vel minuitur. Olea & Pinguedines, inuncta corporum superficiebus, attritum minuunt, 1. quatenus asperitates Superficierum & locos confragosos reddunt æquabiliores, implendo cavas valles; ideo mutuus ingressus partium solidarum minuitur, & abrasio impeditur.

2. Quatenus Olea globosis constant partibus, lubricissime supra se, & in cavitatibus, quas implent, supra solidas partes, motis.

3. Quatenus calefactionem impediunt.

§. 352. In machinis, quæ aut funes involvunt, aut ope funium agitantur, præterea considerata est funium rigiditas, quæ non exiguum motui machinarum impedimentum affert: primus examina instituit Amontonsius, quæ postea accuratius a Cl. Desaguliero repetita sunt: nunquam tamen hic constantes dabuntur regulæ, quia funium differt rigiditas pro eorum novitate, fabrica varia, cæli tempestate humidiori aut sicciori, flexione rapidiori aut lentiori circa axes, aut trochleas: quæ monuisse nobis sufficiet.

C A P. X.

De Motu Composito.

§. 353. **M**otus dicitur *Compositus*, qui ex pluribus, quam uno, constat.

§. 354. Possunt varii secum invicem concurrere motus, & vel conspirare versus eandem plagam, vel versus oppositam, vel ad diversas alias.

§. 355. Si motus rectilinei, quibus corpus trahitur, pellitur, ducitur, secum conspirent, tum corpus ab his omnibus actum ea feretur velocitate, quæ est æqualis summæ velocitatum ex omnibus componentibus: Ex. gr. Sit navis, quæ velis passis a vento promoveatur ab occasu ortum versus, sedeaturque nauta in puppe, hic uno & eodem motu

motu ac celeritate, qua navis, movebitur. In navi jam nauta a puppi ad proram currat, tum duplici feretur motu, altero cum navi communi, altero proprio, eritque nautæ celeritas ab occasu ortum versus, composita ex celeritate propria & celeritate navis. Jam fingamus mare simul moveri ortum versus, navimque provehere, tum motus nautæ ex tribus motibus componetur. Tandem si & ipsa Terra ad ortum vertatur, nauta & hoc quarto motu agitabitur, eritque ejus celeritas æqualis summæ ex omnibus celeritatibus oriundæ.

§. 356. Si motus sint oppositæ directionis, erit velocitas, qua corpus feretur, æqualis differentiæ velocitatum. Nauta stet in navi ventis ab occasu ad ortum vecta, a prora versus puppim currat, dimidia cum velocitate, qua navis fertur; erit vera nautæ velocitas æqualis dimidiæ velocitati, qua navis vehitur: hic motus nautæ componitur ex motu proprio, & communi relativo.

§. 357. Si corpus A (Tab. 6. Fig. 1.) directione & velocitate æquabili AC, moveatur; tum ab alia potentia pellatur directione AB, eaque velocitate, qua percurrisset eodem tempore BA ac AC, si ab ultima causa seorsum actum fuisset; tum utraque causa actum movebitur in diagonali AD, parallelogrammi ABCD, cujus duo latera sunt ambæ directiones AC, AB.

Sit A formica, AC regula, in qua incedat, quæ in partibus æquales *e*, *g*, *i*, *o*, sit divisa. Hæc regula simul cum formica deferatur a quacunque causa directione AB, ut sibi maneat parallela: dividatur etiam AB æqualiter in F, H, K, M. Tum quo tempore formica partem regulæ A *e* percurrit, regula deferretur in FE, adeo ut ad finem primi temporis formica sit in E; cumque absolvit in regula partem *e g*, hæc deferretur usque in GH; idcirco in fine secundi temporis erit formica in G: pergit vero ambulare usque ad *i*, quo venit, postquam translata est regula in KI: spatietur exinde usque ad *o*, dum regula promovetur usque in MO: tandem pervenit ad C, simul cum regula in BD: adeoque percurrit formica diagonalem AD. Pari modo movebitur corpus liberum A, a duabus Potentiis simul agentibus secundum memoratas directiones pressum, pulsum vel tractum (1)

§. 358.

(1) Puncta enim E, G I, O, in quibus (positis iisdem regulæ translatione.

§. 358. Quoniam diagonalis AD parallelogrammi semper est minor summa amborum laterum AC, AB, a corpore A acto a duobus Potentiis simul, via brevior absolvetur, quam si ambæ Potentiæ seorsum diverso tempore id corpus pepulissent, vel traxissent.

§. 359. Manentibus causis, quæ corpus promovent, iisdem, erit via a corpore absoluta pari tempore eo major, quo directiones plus conspiraverint, sive minorem angulum inter se versus eandem plagam comprehenderint: contra, erit via, quam corpus peragrat, eo minor, quo directiones magis sibi invicem opponuntur.

Sint enim directiones AC, AB, (Tab. 6. Fig. 2.) erit Diagonalis parallelogrammi AD, quæ a corpore A percurritur. Si directiones plus conspiraverint, uti A γ , AB, erit Diagonalis A δ , major quam AD, quia angulus A $\gamma\delta$ major quam ACD. Si directiones fuerint A κ , AB, erit Diagonalis A Δ minor quam AD, quia angulus A $\kappa\Delta$ minor quam ACD (1).

Tom. I.

P

§. 360.

lationibus) reperitur formica, esse in diagonali parallelogrammi CB ita facile demonstratur. Sunt enim AB AC spatia, quæ viribus seorsum, agentibus describerent eodem tempore regula & formica; adeoque erit velocitas formicæ per AC ad velocitatem regulæ per AB, uti AC ad AB. Sunt etiam Ae, vel FE, & AF spatia, quæ eadem temporis particula iisdem viribus describunt formica & regula; adeoque erit etiam velocitas formicæ ad regulæ velocitatem ut Ae ad AF. Erit ergo AC: AB:: Ae: AF; cumque idem sit utriusque parallelogrammi CB, & eF angulus A, erunt ea parallelogramma similia; adeoque per 26. l. 6. elem. erunt circa eandem diametrum AD, ad quam proinde pertinebit punctum E. Atque eodem modo reliqua puncta G, I, O in diametro AD reperiri evincitur. Patet ergo quod erat propositum.

(1) Hinc facile colliges a vero quam maxime abluere Renati Cartesii sententiam putantis definitam motus quantitatem initio creationis materiæ inditam fuisse a Deo, eamque in mutuis corporum occurribus constanter manere semper, nec auctam, nec diminutam, sed tantum

ex uno in aliud corpus transferri. Liquet enim ex modo demonstratis, quod cum corpus secundum nec oppositas, nec conspirantes, sed datum angulum constituentes directiones, a duobus corporibus impellitur, per diagonalem inde orti parallelogrammi moveatur; itaut genitus in corpore motus ad corporum impellentium componentes motus eam habeat semper minoris inæqualitatis rationem, quam habet diagonalis illius parallelogrammi ad ejusdem duo latera, quæ directione & motus corporum impellentium expriment. Quinimmo si supponantur vires corporum impressæ æquales & contrariæ, nullus inde sequetur in corpore motus; sed qui erant in impellentibus corporibus, se mutuodestruent. Atque hinc sponte sua fluat dari oportere in natura principium aliquod activum, motum nempe in corporibus excitare & producere valens; alias pereunte jugiter motus quantitate, dicendum foret naturam ad sui destructionem tendere, nam, ut optime Plato in Theæteto, τὸ πᾶν κίνησις ἐστὶ, καὶ πρὸ τῆς κινήσεως οὐδέν. *Universum motus est & præter motum nihil.*

§. 360. Cognoscitur longitudo viæ percurſæ a corpore per duas cauſas actō, cognita velocitate, quam corpus per quamlibet potentiam ſeorſum accipit, tum dato angulo, quem directiones cauſarum comprehendunt.

Nam ſint velocitates a ſingulis Potentiis ſeorſum agentibus, veluti AB , AC , & angulus directionum BAC , erit huius complementum ad duos rectos angulus ABD , quem comprehendunt duæ AB , BD ; adeoque ope Trigonometriæ erui poteſt longitudo lineæ AD .

§. 361. Simili modo cognoscitur via & velocitas corporis a pluribus cauſis determinatis ſimul acti: poſtquam enim via & velocitas corporis a duabus potentiis agitati fuit determinata, hæc cum determinatione novæ cauſæ comparata novam diagonalem exhibet, atque ita procedendo uſque ad ultimam pervenimus ad viam, quam corpus ab omnibus cauſis ſimul propulſum, percurrit.

Nam corpus A (*Tab. 6. Fig. 3.*) actum a duabus Potentiis E , D directionibus & velocitatibus AB , AG , deſcribit Diagonalem AH ; actum nunc a Potentia C directione & velocitate AF , percurrit AI : motum præterea a Potentia M , directione & velocitate AK , deſcribet AL ; erit igitur AL via, & velocitas corporis acti a cauſis E , D , C , M , ſimul.

§. 362. Quum vero eadem lineæ AB (*Tab. 6. Fig. 3.*) poſſit eſſe Diagonalis infinite diverſorum parallelogrammorum, $ACBE$, $AEFB$ &c., patet a pluribus, & inter ſe diverſiſſimis cauſis, corpus eadem velocitate & via poſſe ferri, veluti hic ab AC & AD , tum ab AF & AE .

§. 363. Harum quælibet aſſumptæ ad libitum eoſdem ſemper præſtabunt effectus.

§. 364. Cum vero corpus a pluribus cauſis ſimul motum deſcripſerit lineam rectam, quam ab una cauſa agitatum etiam deſcripſiſſet, ſi in hac recta directum fuiſſet; poterimus, loco cauſæ unius, corpus moventis, aſſumere plures cauſas; quæ eundem effectum præſtituiſſent: vel loco plurium cauſarum ſubſtituere unam, cujus idem fuiſſet effectus. Ita loco Potentiæ P , moventis corpus directione & velocitate AH , poterimus ſubſtituere duas alias E , D , quæ directiones & velocitates AB , AG , dediſſent.

Dum loco potentiarum E , D , C , M , (*Tab. 6. Fig. 3.*) producentium in corpore A motum AL , poterimus ſubſtituere potentiam N , directe producentem effectum AL .

§. 365. Vocatur hæc varia Conjunctarum aut Dissolutarum Potentiarum, aut motuum consideratio, *Compositio & Resolutio motus*; cujus usus est insignis ad effectus corporum in alia oblique actorum intelligendos. Si enim corpus A, (Fig. 6. Tab. 5.) via obliqua A B impingat in obicem H B, potest directio A B concipi resoluta in A C, parallelam obici, qua corpus nihil in eum agit, & in C B perpendiculararem obici, in qua corpus omni vi eum percutit; si ergo A B velocitas = 5, erit vis tota corporis A = 25. Sit A C = 4 & C B = 3. erit vis percussionis in punctum B = 9. Hujus doctrinæ utilitas se extendit ad actionem diversarum Potentiarum se trahentium, prementium, & pellentium, determinandam.

§. 366. Si tres potentia A, B, C, (Tab. 6. Fig. 6.) trahentes vel prementes suis directionibus in eodem puncto D concurrant, & sese mutuo teneant in æquilibrio, erunt harum magnitudines inter se, uti tres rectæ D E, D G, G E, parallelæ directionibus potentiarum, & concursu suo Triangulum D G E, vel D E F formantes.

Si enim potentia B, trahens punctum D, ipsi conciliasset velocitatem D G, & potentia C trahens, dedisset puncto D celeritatem D F, punctum D actum fuisset in Diagonali D E parallelogrammi G D F E. Ut igitur potentia A teneat punctum D in quiete, debet esse tanta, quæ ipsi velocitatem E D dare possit versus plagam contrariam. Sed sunt potentia, æquale obstaculum moventes, inter se veluti velocitates obstaculi, per §. 165; adeoque erit potentia A, uti D E; B, uti D G; G, uti D F = G E; adeoque Triangulum E G D rationem inter potentias exprimit (1).

P 2

§. 367.

(1) Itaque potentia A (Vide fig. 19. Tab. 2. Addit.) quæ trahens punctum D conciliasset ei velocitatem A D, æquilibrabitur cum potentiis C & B velocitates D G, D F eodem puncto D communicantibus, si completo parallelogrammo G D F E, pergat A D producta ad punctum E, & fiat D E æqualis ipsi A D. Tum enim punctum D eodem modo se habet, ac si a duabus æqualibus viribus versus plagas oppositas urgere-tur.

Posito autem ejusmodi æquilibrio

inter potentiam A & potentias B & C simul, facile erit ostendere idem etiam æquilibrio dari inter potentiam B, & potentias A & C simul; tum quoque inter potentiam C & potentias B & A simul; adeoque ejusmodi potentiarum æquilibrio mutuum esse. Nam quemadmodum A D producta transit per E, & fit æqualis ipsi D E, ita etiam completo parallelogrammo D F L A, transibit G D per L, & fiet G D æqualis D L; tum completo parallelogrammo G D A N, recta F D transibit per N,

§. 367. Est vero sinus anguli $ADB = \sin. \text{ang. } BDE$, qui est ut EG ; & sinus anguli $ADC = \sin. \text{ang. } EDF = \sin. \text{ang. } DEG$, qui exprimitur ope GD : hinc sinus anguli $BDC = \sin. \text{ang. } EGD$ (1), qui exprimitur ope ED (2); adeoque potentia B erit ad $A :: \sinus ABC$, ad sinus CDB ; & A ad $C :: \sinus CDB$, ad sinus BDB (3).

§. 368.

N , & fiet ipsi DN æqualis. Ob parallelogramum enim $NGDA$ est NA æqualis & parallela ipsi GD , adeoque æqualis & parallela etiam ipsi EF : DA est æqualis ex hypoth. ipsi DE ; anguli NAD , DEF item æquales: ergo duo triacula NDA , EDF erunt per 4. l. 1. Elem. æqualia, & ND indirectum & æqualis ipsi DF . Similiter demonstrabitur rectam GD indirectum & æqualem esse ipsi DL .

(1) Duo enim anguli BDC , EGD per 27. l. 1. Elem. duorum rectorum summam efficiunt; adeoque eodem sinu præditi sunt.

(2) Theorema enim est in Trigonometria demonstratum, ad quod hic alludit Auctor, quod in omni triangulo sinus angulorum sint inter se, ut latera, quæ iisdem angulis opponuntur; adeoque in trigono EGD erunt latera EG , GD , DE , ut sinus angulorum BDE , DEG , EGD .

(3) Hinc liquet veritas ejus celeberrimi theorematis, cui totam ferè Mechanicam suam inædificavit Petrus Varignonius: quod scilicet si tres potentie B , C , A , in unum idemque corpus agentes, maneat in æquilibrio, earum quævis sit, ut sinus anguli sub aliarum directionibus contenti; ut attendenti satis patet.

Quemadmodum autem in tribus æquilibratis potentiis, unum idemque punctum trahentibus, earum quævis est ut sinus anguli sub reliquorum directionibus; ita vicissim cum tres potentie in idem punctum agentes ejusmodi fuerint, ut earum quævis sit ut sinus anguli sub reliquarum directionibus, eæ in æquilibrio erunt;

quæ est regula valde facilis, qua sit, nec ne trium ejusmodi potentiarum æquilibrio dignoscitur.

Sed pro eodem dignoscendo æquilibrio extat & aliud criterion; nempe si id punctum, quod trahitur a tribus potentiis, centrum sit gravitatis trium ponderum æqualium, existentium in extremitatibus rectorum, quibus eæ potentie designantur, erunt semper in æquilibrio eadem potentie. Neque id cum de tribus tantum potentiis agitur, obtinet: sed quotcumque eæ fuerint trahentes datum punctum, in æquilibrio semper erunt, si punctum illud sit commune centrum gravitatis totidem ponderum æqualium existentium in extremitatibus rectorum eas potentias designantium; quemadmodum omnium primus invenit Cl. Leibnitius, exposuitque in epistola ad Wallisium data. Præclarissimi hujus theorematis demonstrationem eleganter expositam habes in *Statics Elementis* c. 4. sect. 2. a Cl. Nicolao de Martino adornatis, quam hic studio brevitatís omitimus.

Interim non prætermittendum ejus theorematis insignem usum esse pro determinanda simplici potentia, datis quotvis aliis potentiis idem punctum trahentibus æquipollente; tum pro determinanda media earum potentiarum directione, hoc est. linea illa secundum quam in id punctum agere debet ea ex aliis composita potentia, quo eundem pariat effectum. Trahatur quippe punctum A (Vide fig. 20. Tab. 2. Addit.) potentiis AB , AC , AD , AE ; atque earundem rectorum extremitatibus ponantur totidem æqualia

§. 368. Determinantur quoque magnitudines trium potentiarum ope rectarum perpendicularium in tres directiones, & concursu suo formantium Triangulum.

Sint tres potentiae A, B, C, (Tab. 6. Fig. 7.) ut ante, sibi æquilibratae, fiat Triangulum DPQ ex parallelis ad tres directiones; tum in directiones potentiarum ducantur tres perpendiculares FE, EG, FG; protrahatur BD in M, & CD in N: erit Triangulum DMK simile HME; ergo angulus MDK = HEM = Hdf (1) = DPQ (2). Erit quoque Triangulum DNK simile LNG, & angulus NDK = LGN = PDQ. Quare in Triangulo EFG, angulus EFG = PQD: ergo ambo Triangula EFG, PQD sunt similia, atque latus EG exprimet potentiam A; EF exprimet B; FG notabit C.

Hujus propositionis ingens est utilitas in Potentiis tribus æquilibratis determinandis, uti patebit sequentibus exemplis.

§. 369. Si fuerit AB (Tab. 6. Fig. 8.) planum inclinatum, cui impositum est pondus C, quod a potentia P sustinetur;

P 3

netur;

lia corpora B, C, D, E, quorum commune centrum gravitatis sit punctum F: jungatur AF, cujus tam multiplex ponatur AG, quorū est numerus ponderum seu potentiarum trahentium. Dico rectam AG potentiam designare ex datis AB, AC, AD, AE coalescentem, tum mediam earundem directionem. Producat e-nim AG versus H, donec AH ipsi AG fiat æqualis; tum ponatur in H pondus uni eorum, quæ sunt in B, C, D, E æquale. Jam vero est ex hypoth. AF ad AG seu AH, ut unitas ad numerum ponderum B, C, D, E, seu ut pondus H ad summam ponderum B, C, D, E; adeoque erit A commune centrum gravitatis æqualium ponderum B, C, D, E, H; & propterea per Leibnitii theorema, si punctum A trahatur a potentiis AB, AC, AD; AE, AH, id immotum manebit, eruntque eæ omnes potentiae in æquilibrio. Potentia igitur AH in æquilibrio est cum potentiis AB, AC, AD, AE, adeoque quæ ex eis coalescit, potentiae AH, æqualis & contraria esse debet: sed est AG ipsi AH contraria & æqualis ex hypth.; ergo po-

tentia per AG designata potentiis AB, AE, AD, AC æquipollebit, eritque AG linea mediæ directionis quæsitæ.

Possit hæc doctrina latius extendi ad expendendos casus, in quibus potentiae corpus sive flexibile sive inflexibile trahentes, non in idem sed in diversa ejusdem corporis puncta agunt; tum ad inquirendam naturam curvarum, in quas flexibilia corpora flectuntur per infinitas potentias eis applicatas; quemadmodum est curva, quam induit velum vento tumidum, velaria idcirco dicta; tum curva, in quam flectitur proprio pondere catenula ab utroque ejus extremo pendens; curva item lintei stagnante aliquo liquore sive homogeneo, sive etherogeneo compressi. Sed nostrorum tironum captui consulentes, abstractas ejusmodi theorias consulto prætermittimus.

(1) Nam angulus Hdf cum ad verticem oppositus sit angulo KDM, eidem erit æqualis, adeoque & angulo HEM.

(2) Angulo scil. alterno parallelarum BD, PQ per 27. lib. 1. Elem.

netur; erunt hic tres potentiaë, quarum una est, Planum sustinens pondus C , & agens directione GC , 2°. Gravitas corporis, C , id dirigens perpendiculariter ad horizontem, & 3. potentia P , ductis tribus rectis, perpendicularibus in tres directiones, OA in directionem plani, DO in directionem potentiaë, AD in directionem gravitatis, exprimit hujus Trianguli ODA latus DA pondus; OA actionem plani inclinati, & OD potentiam.

§. 370. Si fuerit corpus C (*Tab. 6. Fig. 9.*) inter duo plana inclinata AB , DB , dantur iterum tres potentiaë, quæ determinantur ope Trianguli EBG , cujus latera in potentiarum directiones perpendicularia sunt.

Cumque duo latera Trianguli EB , BG , superent EG , erit actio corporis C in duo plana AB , BD simul, major actione suæ gravitatis solius. 2. Quo plana AB , BD , sunt magis acclivia, eo erit actio corporis C in hæc major. 3°. Si ambo plana, æque inclinata, forment angulum ABD 60 graduum, erit actio corporis C in plana duplo major pondere ejus absoluto (1). 4°. Si ambo plana AB , BD forment angulum ABD 90 graduum, erit actio corporis C in plana ad suum pondus, ut duo latera Trianguli rectanguli ad Hypothenusam.

§. 371. Pari modo ac potentiarum trium magnitudines determinantur, possunt quatuor, quinque, pluresve potentiaë sibi æquilibratæ investigari & cognosci. Sint enim quatuor B , D , E , F , (*Tab. 6. Fig. 16.*) trahentes punctum C . Capiatur ad libitum punctum O , ducatur AO parallela ad CD , & AD parallela ad CO , tum diagonalis CD , quæ protrahatur in oppositam partem usque in a , ut $CA = Ca$; & ducatur aE parallela ad CF , tum aF parallela ad CE ; eruntque quatuor potentiaë B , D , E , F , veluti CO , CD , CE , CF (2).

Sint

(1) Cum enim angulus planorum ABD sit 60 graduum, erit una tertia duorum rectorum; atque adeo duo reliqui BEG , BGE æquales ex hypoth. fient singuli quoque una tertia duorum rectorum: quamobrem triangulum EBG erit æquilaterum; & duo ejus latera simul EB , GB , quæ potentias planorum notant, dupla erunt unius EG , quæ potentiam ponderis absoluti illius corporis exprimit.

(2) Si enim punctum C traheretur duabus potentiis contrariis & æqualibus, puta CA , Ca , id immotum maneret, tum eæ potentiaë forent in æquilibrio. Sed potentia Ca duabus CD , CO , & potentia Ca duabus CE , CF æquivalens est; ergo cum quatuor potentiaë juxta directiones CD , CO , CE , CF trahentes idem punctum C sunt in æquilibrio, eadem erunt, ut ipsæ lineæ CD , CO , CE , CF .

Sint quinque potentia $B, D, E, F, G,$ (*Tab. 6. Fig. 11.*) trahentes punctum A . Capiatur AD ad libitum; ducatur DC parallela ad AE , & diagonalis AC ; abscinde AF ad libitum, & ducatur Fb parallela ad AG , tum diagonalis Ab ; construatur supra $AcA b$, parallelogrammum, cujus diagonalis est Ab , quæ constat ex BA producta, eruntque ita determinatæ quinque potentia (*1*).

C A P. XI.

De Descensu Gravium supra planum inclinatum.

§. 372. **S**I supra planum AB , (*Tab. 6. Fig. 12.*) inclinatum ad horizontem CB , descendat Grave A , fertur motu composito, CB parallelo ad horizontem, & CA perpendiculari ad eum: quatenus fertur motu AC , cadit veluti Grave libere delapsum; adeoque cadit supra planum inclinatum corpus grave motu accelerato per §. 235.; & sunt spatia descripta uti quadrata temporum, vel celeritatum, & vires uti spatia, per §. 238. (*2*). Tum erunt celeritates ex A in B , & ex A in C æquales; quia Grave ex A ad B delapsum tantopere descendit, quam ex A in C , celeritates autem modo acquirit, quatenus descendit.

§. 373. Quia autem est vis Gravitatis A versus B , ad eam ex A in C , uti AC ad AB in quocunque puncto viae per §. 321. erunt celeritates ex his viribus generatæ eodem tempore, uti AC ad AB (*3*); & proinde in eadem

P 4

ratio.

(1) Posito enim quod quatuor potentia D, E, F, G sint in æquilibrio cum potentia AB , necesse est, ut ex iis quatuor prodatur potentia Ab æqualis & indirectum ipsi AB ; alias non daretur æquilibrio contra hypothesein. Ideoque si potentia B exprimitur per AB , reliquarum quatuor summa erit Ab , & singulæ erunt ut AD, AE, AF, AG , cum ex his componatur Ab .

(2) Spectata rei natura ideo gravis libere descendentis motus est uniformiter acceleratus, & spatia descripta sunt uti quadrata temporum vel celeritatum, quod vis gravitatis eadem & constans prope telluris

superficiem supponatur. Sed §. 321. vis qua corpus per planum inclinatum descendit est ad constantem gravitatis vim, qua perpendiculariter ad horizontem urgetur, ut altitudo plani ad ejus longitudinem, seu in constanti ratione: ergo posita gravitatis absolutæ vi constanti & immutabili, constans etiam erit & immutabilis vis per longitudinem plani inclinati; adeoque quæ de descensu corporum verticali demonstrata sunt, eadem corpori per longitudinem plani inclinati descendenti quadrant.

(3) Falsum, si vires, uti nostro Auctori probatur, æstimandæ sint ex quadratis celeritatum; tum enim celer-

atione erunt spatia pari tempore descripta (1); idcirco erit spatium descriptum super AB , ad illud a Gravi libere deciduo, tempore eodem, uti AC ad AB .

§. 374. Si igitur ex puncto quodam C perpendicularis AC , ducatur CD perpendicularis in planum AB , describentur eodem tempore a gravibus spatia AC , AD ; quia est AB , $AC::AC$, AD .

§. 375. Sit aliud planum AE , æque altum ac prius, in quod ex C ducatur perpendicularis CF : percurrentur a gravibus pari tempore AC , AF , per §. 374; sed eodem tempore a gravibus absolvuntur AC , AD ; adeoque percurrentur simul ambo plana AF , AD .

§. 376. Tempus, quo percurritur AF , est ad id supra AE , per §. 472. in ratione subduplicata AF ad AE , hoc est ut AC ad AE ; & tempus, quo percurritur AD , est ad id supra AB , in ratione subduplicata AD ad AB , hoc est ut AC ad AB ; adeoque erit tempus, quo percurritur AE , ad id, quo percurritur AB , uti longitudo AE ad AB .

§. 377. Si diameter circuli AC (*Tab. 6. Fig. 13.*) perpendiculariter horisonti BC insistat, ducanturque ex extremitatibus A vel C quæcunque Chordæ AF , AD ; CF , CD , hæ omnes a gravi intra idem tempus percurrentur.

Quia

leritates, quæ ex iis viribus generantur, in subduplicata virium ipsarum ratione esse debent; adeoque non ut AC ad AB , sed ut $Rad. AC$ ad $Rad. AB$. At si vires simplicium velocitatum rationem sectari ponatur, genitæ inde velocitates a vi gravitatis versus B , & ab eadem versus C , erunt ut AC ad AB . Quamobrem theoria quam hic tradit Cl. Auctor de descensu corporum per plana inclinata suæ sententiæ de virium æstimatione non quadrat.

(1) Spatium, quod dato tempore in AC describeret corpus motu accelerato usque ad ultimam celeritatem, in fine sc. ejus dati temporis acquisitam, subduplum est ejus, quod eodem tempore describeret motu æquabili, & eadem semper celeritate, quam in fine ejusdem temporis acquisivit §. 240. item spatium quod eodem tempore in AB motu

accelerato usque ad ultimam celeritatem, in fine sc. illius temporis acquisitam, describeret corpus, subduplum quoque est ejus, quod eodem tempore describeretur motu æquabili, & eadem semper celeritate, quam in fine ejus dati temporis acquisivit. Ideoque spatia, quæ his motibus acceleratis eodem tempore per AC & AB describuntur, utpote subdupla, seu partes similes spatorum, quæ ultimis constantibus velocitatibus describuntur, erunt ut hæc ipsa eorum dupla. Sed hæc eadem spatia dupla cum æquabili motu, & eodem tempore describantur, sunt ut velocitates ultimæ §. 138. Ergo horum subdupla spatia motibus acceleratis pari tempore descripta erunt ut eadem ultimæ celeritates. Positis ergo his celeritatibus, ut AC , AB , in eadem ratione erunt ea subdupla spatia.

Quia enim angulus in semicirculo rectus est, erit CF perpendicularis ad AF , adeoque percurruntur eodem tempore AC & BF ; & ob eandem rationem percurruntur pari tempore AC , AD . Et quia ex A potest duci Chorda AM , parallela & æqualis ad CD , & AL parallela & æqualis ad FC : percurruntur vero paribus temporibus AM , AL , AC ; etiam percurrentur eodem tempore D C , FC : ergo omnes chordæ in hoc circulo, terminatæ in A vel C , æquali tempore percurruntur.

§. 378. Erunt quoque velocitates Gravium supra chordas decurrentium, in fine acquisitæ, uti sunt chordarum longitudines.

Nam est velocitas Gravis delapsi ex O in C æqualis illi ex F in C , & velocitas ex P in C , æqualis ex D in C per §. 372. Est vero velocitas gravis ex A in C , ad eam ex O in C , in ratione subduplicata AC ad OC , hoc est, ut AC ad FC ; ita velocitas gravis ex A in C , est ad eam ex P in C , in ratione subduplicata AC ad PC , hoc est, ut AC ad DC ; erit igitur velocitas ex F in C , ad eam ex D in C , uti FC ad DC .

§. 379. Si ex altitudine quacunque descendat Grave super quotlibet ac quælibet plana, AB , BC , CD , (*Tab. 6. Fig. 14.*) sibi contigua, utæunque inclinata, eandem in puncto ultimo D velocitatem acquirat, ac cadendo perpendiculariter ex eorum omnium altitudine N D .

Dum enim labitur ex A in B , acquirit eandem celeritatem in B , ac si delapsus fuisset ex O in B , aut motum fuisset ex E in B ; quare idem est, ac si consideretur grave, ut delatum supra EB , & prosequatur motum supra EB usque ad C : supra EB vero lapsum acquirit in C eandem celeritatem, ac delapsus ex M in C . Sed motum F in C parem velocitatem habuisset; quare percurrit CD , ac si venisset ex FC ; hinc supra FC D motum, acquirit in D eandem velocitatem, ac perpendiculariter delapsus ex N in D : idcirco Grave supra AB , BC CD decidens, habet in D eandem velocitatem, ac delapsus ex N in D (1).

§. 380.

(1) Quod hic probare contendit Auctor, falsum prorsus est, neque adducto ratiocinio evincitur: id enim supponit grave ex plano AB in contiguum BC transiens, eam retinere celeritatem, quam descendendo per AB acquisivit, nullumque ejus celeritatis fieri decrementum.

§. 380. Quia linea curva tanquam composita ex plurimis rectis

crementum ob transitum in novum planum BC; quod a vero alienum esse mox demonstrabimus. Falsam eam hypothesim omnium primus assumpsit Galilæus, cui deinceps plures alii, ne quidem excepto Cl. Hugenio subscribere. Sed postquam Petrus Varignonius in monumentis Regiæ Scientiarum Academiæ anno 1693., & 1704. de eo errore Mechanicos commonefecit, mirum est Cl. Auctorem nostrum de eodem tirones non admonuisse.

Ut autem ostendatur ejus hypothesi falsitas, simulque ratio determinetur, quam habet velocitas in descensu per planum primum acquisita ad eam, quacum corpus ingreditur planum alterum, sint AB, BQ (*Vi. de fig. 21. Tab. 2. Addit.*) plana duo contigua, per quæ continuato motu descendat grave, ex A facto initio. Producatur BC in directum, cui ex A sit perpendicularis AD; ita quidem, ut si AB habeatur pro radio, seu sinu toto, existat BD sinus complementi anguli ABD, seu ABC. Dico velocitatem corpori acquisitam per planum primum AB, esse ad velocitatem, qua ingreditur planum alterum BB, ut est AB ad BD, seu ut sinus totus ad sinum complementi ejus anguli, qui a duobus iis planis AB, BC fit. Exhibeat enim AB velocitatem corpori acquisitam in B post lapsum per AB: resolvi ea poterit per §. 364. in duas alias laterales AD, DB. Priori AD corpus haud quidem ingreditur contiguum planum BC, cum infumatur tota in idem planum verticaliter premendo: ingreditur tantum planum BC reliqua celeritate BD; cum ea juxta ejusdem plani longitudinem urgeat grave, in eoque per eandem pellendo infumatur tota. Erit ergo velocitas in B corpori acquisita in lapsu per primum planum AB, ad velocitatem, qua ingreditur planum alterum BC, ut est AB ad BD, seu ut sinus totus

ad sinum complementi anguli ABD vel ABC. Q. E. D.

Demittatur præterea ex puncto D super AB perpendicularis DF. Et quoniam AB est ad BD in subduplicata ratione ipsarum AB, AF, erit etiam in eadem hac subduplicata ratione velocitas corporis in B in lapsis per primum planum, ad velocitatem, quacum ingreditur corpus planum alterum BC. Hinc liquet in ejusmodi transitu eam esse corpori velocitatem, quam sibi comparasset si per planum FB descendisset; cum similiter velocitas in lapsu per AB sit ad velocitatem per FB in subduplicata ratione ipsius AB ad FB. Ducta vero horizontali FL plano BC occurrenti in L, quoniam eadem velocitas corpori acquiritur in B, si ve descensus sit per FB, five per LB, §. 372.; patet in puncto C grave eandem obtinere velocitatem post descensum per duo plana AB, BC, ac si ad idem punctum C pervenisset per simplex planum LC. Hinc ducta verticali LV, hæc determinabit altitudinem, per quam descendens grave, eam acquirat in V velocitatem, quæ eidem comparatur in C per duo plana AB, BC descendendo.

Quo major est angulus ABD, eo minor fit DB relate ad radium AB: adeoque eo minori velocitate ingreditur grave novum planum BC. Aucto demum angulo ABD, donec rectus fiat; tum evanescente angulo complementi, ejusque sinu DB, nulla erit corpori velocitas ad transeundum per planum BC; adeoque in B tum quiescit grave, non spectata scil. elasticitate, quæ illud ad resiliendum cogat.

Diminuto vicissim continenter angulo ABD, quoniam tum jugiter augetur ejus sinus complementi DB; major continenter conciliabitur corpori velocitas, quacum planum BC ingreditur. Et demum evanescente,

seu

rectis admodum exiguis, angulum inter se comprehendentibus considerari potest; erit curva nihil aliud quam congeries aliquot planorum AB, BC, CD, (*Tab. 6. Fig. 14.*) sibi contiguum, adeoque Grave supra ejusmodi curvam ex A in D cadens, acquireret in D eandem velocitatem, ac delapsum perpendiculariter in ND, ex pari altitudine.

§. 381. Adeoque grave delapsum sive in curva, sive supra plana inclinata, acquisivit in infimo puncto D velocitatem & vim eam, qua ascendere potest ad eandem altitudinem, sive supra quascunque curvas oppositas.

§. 382. Si duo Gravia descendant super duobus aut pluribus planis, similiter inclinatis & proportionalibus AB, BC::DE, EF, (*Tab. 7. Fig. 1.*) tempora, iis percurrendis impensa, erunt in subduplicata ratione longitudinum planorum ABC, DEF.

Sint hæc plana ABC, DEF; per puncta A & D transeant horizontales AG, DH, tum productis CB, FE, in G & H, erunt ob Triangula similia ABG, DEH, AB, DE::BG, EH::BC, EF::GC, FH. Tempus, quo percurritur planum AB, est ad id, quo percurritur DE, in ratione subduplicata AB ad DE, quia ambo sunt quasi planum idem: Tempus, quo percurritur GC, est ad id, quo percurritur HF, in ratione subduplicata GC ad HF: & Tempus, quo percurritur BG, est ad id per EH, in ratione

seu facto infinite exiguo eodem angulo ABD, æquipollebit DB ipsi AB; eademque tum velocitate grave ingreditur planum BG, quam descendendo per AB acquisivit. Descripto siquidem semicirculo OAP radio AB, sinus versus OD ejusdem anguli ABD differentiam exhibebit rectarum AB, BD, adeoque & velocitatum AB, BD: sed evanescente angulo ABD, ejusque sinu recto AD, est OD infinite exigua quantitas respectu ipsius AD etiam infinitesimæ, adeoque erit OD infinitesima secundi generis. Atque hic casus est corporis per lineam curvam descenditis: est enim linea curva congeries numero infinitorum laterum infinite exiguorum sub angulo evanescente, veluti ABO, sibi occurrentium; adeoque etiam in lapsu curvilineo continens fiat

transitus ex uno plano in aliud, velocitatis tamen decrementum infinitesimæ quantitas est secundi generis, atque adeo eorum decrementorum infinitus numerus nonnisi infinitesimam quantitatem primi generis exhibere valet, adeoque contemptibilem. Igitur etsi corpus per plura plana contigua (*Fig. 14. Tab. 6.*) veluti AB, BC, CD descendens non eandem in fine retineat velocitatem, quam acquisivisset per planum FCD, vel per altitudinem ND; si tamen supponatur plana AB, BC, CD lineam curvam conficere, per eam descendens grave eandem in fine habebit velocitatem, ac si descendisset per ejus altitudinem ND, vel per tangentem FD ex puncto D ductam usque ad planum horizontale FN.

tione subduplicata GB ad EH; quare tempus per BC, est ad id per EF, in ratione subduplicata BC ad EF; ergo tempus per AB + BC est ad id per DE + EF, in ratione subduplicata AB + BC, ad DE + EF. (1).

§. 383. Si ergo fuerint duæ curvæ DE, AB, (Tab. 7. Fig. 2.) similes & similiter positæ, hæ non discrepant a planis admodum exiguis, sibi contiguis, & similiter inclinatis ac proportionalibus; quare tempus per DE, erit ad id per AB a Gravi percurrendum, in ratione subduplicata DE ad AB.

C A P. XII.

De Oscillatione Pendulorum.

§. 384. **P**endulum vocatur corpus grave ex filo tenui suspensum, circa cujus alterum extremum, tanquam centrum, in circinationis modum moveri potest.

Concipitur animo filum BA (Tab. 7. Fig. 3.) absque gravitate, tum perfecte flexibile in extremo, B, & absque attritu circa hoc centrum moveri, atque esse positum in Vacuo. Est hujusmodi Pendulum Simplex. Est quoque aliud pendulum Compositum, cum nempe eidem filo CA, (Tab. 7. Fig. 6. *) plura corpora, uti A & B adnectuntur.

§. 385.

(1) Hoc Auctoris ratiocinium falsæ innixum est hypothesi, quod nempe tempus in lapsu per planum BC, postquam in illud transit ex plano AB, idem sit ac tempus, quod grave infunderet per idem BC, postquam ex CB continuato motu transit in BC: tum quod tempus per planum EF, cum ex DE in illud transit, æquale sit tempori per idem EF, postquam ex EH continuato motu in directum percurrit EF. At falsam eam esse hypothesim satis ex antecedenti adnot. liquet: non enim eadem velocitate, adeoque nec eodem tempore percurritur planum BC post peragratum AB, ac post BG. Ita vero ex antec. adnot. corrigi potest Auctoris demonstratio. Ducantur ex A & D in plana BG, EH perpendi-

culares AI, DP; tum ex punctis I & P in plana AB, DE perpendicularia ducantur IF, PL, ac demum ex F & L sint horizontales lineæ FO, LV, in O, V ipsis BG, EH occurrentes. Et erunt duo trianguula FBO, LEV similia; tum similia ABI, DEP; ac similia quoque FBI, LEP; adeoque AB: DE :: IB: PE :: OB: VE :: BC: EF :: OC: VF. Substitutis itaque in Auctoris ratiocinio loco rectorum CG, HF rectoris OC, VF: & loco rectorum BG, HE, rectoris OB, VF, omnis ei tum erit vis; velocitates enim, quibuscum corpora plana BC, EF ingrediantur ex planis AB, DE; eadem sunt, ac si per eadem plana continuato motu moverentur postquam ex OB VE descenderunt,

§. 385. Si pendulum ex suo ad horizontem perpendiculari statu BA, (Tab. 7. Fig. 3.) in alium qualemcumque BC redigatur, ac deinceps sibi laxamento dato committatur, descendit vi gravitatis suæ, quantum potest, donec ad sinum BA redierit, in quo est in infimo puncto, ad quod venire potest. In hoc descensu tantam velocitatem acquisivit, qua adscendere possit in oppositam partem, ad æqualem altitudinem AD, ac unde ceciderat, per §. 381. Quia vero circumagitur circa centrum B, suo motu arcum Circuli describit. Postquam adscendit ad oppositam partem D, destructa est ejus omnis velocitas, ideo sua gravitate rursus descendit ad A, adscenditque velocitate acquisita ad C. Nam ad punctum C ducatur recta CO, Tangens arcum, & producatu BC usque ad E; tum fiat CI perpendicularis ad horizontem, completoque parallelogrammo EIOC, erit grave elevatum, in C positum, quasi liberum corpus supra Tangentem CO; & quia gravitas absoluta exprimitur ope CI, atque hæc resolvi possit in CE, CO, quarum CE modo agit in filum CB, vel in planum CO, descendet grave vi CO supra planum CO: & quia arcus CA potest concipi compositus ex innumeris infinite parvis Tangentibus, feretur grave C in CA pari modo, sive fuerit liberum, sive filo CB annexum. Hi itus & reditus Penduli vocantur *Oscillationes* vel *Vibrationes* (1).

§. 386. Quoniam Pendulum BA elevatum in C, & descendens eam acquirit gravitate velocitatem, qua ad æqualem altitudinem AD adscendere possit, & ex D descendendo, adscendere rursus possit ad C, Pendulum semel agitatum, oscillabitur usque in æternum: atque æqualibus temporibus suas oscillationes ex C in D, & ex D in C absolvet.

Probari hoc nequit experimento ullo, nam fieri non potest, ut ulla arte locum perfecte Vacuum omni materia acquiramus:

(*) Si pendulum BA (Vide fig. 22. Tab. 2. Addit.) suspendatur ex puncto B, ubi duæ curvæ laminæ DGB, EHB immotæ se invicem tangunt, id vibrationibus suis per arcus circulares non excurrat; quod scilicet dum oscillatur, convexæ laminarum superficiei seipsum circumplacat, easque perpetuo tangat, ut in G & H; eaque filii ad laminas continenti applicatione fiat, ut aliam a

circulo curvam DAE oscillando describat. Atque hic etiam penduli oscillationes eodem peraguntur modo, ac si grave A absque filo per curvam immotam, perfecteque lævigatam DAE libere descenderet; quod eodem Auctoris ratiocinio demonstratur, resolvendo vid. penduli absolutam gravitatem CI, in duas laterales LC, CM.

ramus : cum Ignis & Lux penetrent per omnia vasa, & etiam si Ignis sit subtilissimum Fluidum, nihilominus resistit omnibus corporibus per ipsum motis. 2. Filum quodcumque circa extremum suum B est aliquantum rigidum, ideoque flexioni resistit : & si axiculi in modum sit extremitas B fabrefacta, motu attritum in ansa patitur : quæ efficiunt, ut brevi tempore omne oscillans Pendulum amisso motu ad quietem perveniat.

§. 387. Si pendulum AB (Tab. 7. Fig. 3.) longissimum oscillatione exigua arcum Circuli admodum parvum FA describeret, moveretur in linea, quæ vix differret a chorda Circuli FA; adeoque cum dimidia oscillatione FA movetur, id temporis impendit, quo aliud grave perpendiculariter lapsus percurreret diametrum Circuli, hoc est duplam Penduli longitudinem, per §. 377. Et cum integram oscillationem FAG absolveret, elaberetur tempus, quo grave per quatuor Circuli ejusdem diametros, hoc est, per octo Penduli longitudes, descenderet (1).

§. 388. Si duo Pendula AB, CD, diversæ longitudinis, in similes arcus EBF, GDH, excurrant, erunt tempora oscil-

(1) Tempus per integram oscillationem FAG duplum est ejus quod per dimidiam FA insumitur, seu duplum illius, quo corpus perpendiculariter per circuli diametrum descendit. Sed tempus, quo grave per quatuor ejusdem circuli diametros perpendiculariter descendit, ejus quoque duplum est, quod per simplicem ejusdem circuli diametrum insumitur §. 237. Igitur tempus per integram oscillationem FAG temporis lapsus perpendicularis per quatuor illius circuli diametros, seu per octo penduli longitudes, æquale erit.

Ex eodem quoque principio, quod scilicet pendulum exigua oscillatione per arcum admodum parvum eodem modo moveatur, ac si super chorda ejusdem arcus descenderet, facile etiam consequitur ejusdem penduli exiguas vibrationes utcumque inæquales, fere & ad sensum esse æquediuurnas. Sint nempe inæquales vibrationes per exiguos arcus (Tab. 7. Fig. 4.) EBF, IBK, sive per eorum di-

midia EB, IB : quoniam hi arcus supponuntur exigui, iidem nec longitudine, nec declivitate a chordis suis admodum discrepabunt; ideoque grave paria fere insumet tempora sive per eos arcus, sive per eorundem subtensas descendat. Sed tempora descensuum per eas subtensas æqualia sunt (§. 377.); ergo etiam tempora per ipsos arcus EB, IB, vel per eorum dupla EF, IK æqualia erunt. Huic ratio cinio nec refragatur experientia; si enim fuerint duo pendula æqualis longitudinis, quorum unum in majores arcus, alterum in multo minores excurrant, dummodo utriusque ex exiguis fuerint, tempora oscillationum fere æqualia deprehenduntur, adeo ut in centum oscillationibus, vix unius tantum vibrationis sit discrepantia. Hinc horologia automata pendulis instructa ita fabrefiunt, ut eorum vibrationes per exiguos arcus excurrant; ex iisdem enim vibrationibus *ισοχρονοῦς* accurata temporis mensura dependet.

oscillationum in ratione subduplicata longitudinum AB , CD .

Per §. 385. est tempus gravis lapsi super EB , ad id super curva simili & similiter posita GD impensum, in ratione subduplicata EB ad GD : sed sunt arcus similes, uti Circulorum radii AB , CD ; quare tempus per EB , est ad id per GD , in ratione subduplicata AB ad CD .

§. 389. Adeoque longitudines Pendulorum AB , CD , sunt ut Quadrata temporum, quibus oscillationes peraguntur.

Si Pendulum AB sit 4 pedum, & CD 1 pedis, erit tempus ex E in B , ad id ex G in D , ut 2 ad 1; nam horum numerorum quadrata sunt 4 & 1. (1)

§. 390. Velocitas Penduli in puncto infimo est ut subtenfa arcus, quem in suo lapsu percurrit.

Pendulum enim AB (*Tab. 7. Fig. 5.*) describat arcum DB , cujus chorda est recta DB , ducatur DE perpendicularis ad AB ; eritque velocitas gravis lapsi ex D in B , æqualis illi ex E in B . Est vero ea ex E in B , ad illam ex G in B , in ratione subduplicata EB ad GB , hoc est, ut CD ad GB . Pari modo fit ducta CF perpendicularis in AB , tum velocitas ex C in B æqualis illi ex F in

(1) Tempus unius vibrationis penduli AB est ad tempus unius quoque vibrationis alterius penduli CD , ut reciproce numerus vibrationum, quæ dato tempore absoluntur a pendulo CD , ad numerum similium vibrationum alterius penduli AB , eodem tempore peractarum: puta si pendulum AB unam absolvat vibrationem, cum interim pendulum CD duas eodem tempore conficit, erit tempus unius vibrationis penduli AB ad id, quo una etiam perficitur vibratio a CD , ut 2 ad 1. Sed ejusdem simplicium vibrationum tempora sunt in ratione subduplicata longitudinum AB , CD , seu sunt ut earundem longitudinum radices: ergo & hæ quoque radices erunt inversæ, ut numeri vibrationum eodem tempore peractarum.

Hinc colliges 1. dato numero vibrationum, quæ a pendulo AB notæ longitudinis dato tempore perficiuntur,

facile inveniri vibrationum numerum, quæ ab alio quovis pendulo CD notæ etiam longitudinis eodem tempore fient, inveniendò scil. tertium proportionalem post Radic. CD , Radic. AB , & datum penduli AB vibrationum numerum: puta si longitudo penduli CD fuerit unius pedis, AB quatuor, numerus vibrationum ejusdem AB dato tempore 3. fiat ut 1 = Rad. CD , ac 2 = Rad. AB , ita 3 ad 6; & hic erit numerus vibrationum eodem tempore a pendulo CD peractarum. 2. Vicissim datis vibrationum numeris, quæ eodem tempore a duobus pendulis AB , CD perficiuntur, tum data unius AB longitudine, dabitur & alterius quoque CD longitudo. Sint hi vibrationum numeri 3 & 6, penduli AB longitudo quatuor pedum; tum fiat ut 6 ad 3, ita Rad. AB = 2 ad quartum terminum 1; atque hic penduli CD longitudinem denotabit.

in B; est vero ea ex F in B, ad illam ex G in B, ratione subduplicata FB ad GB, hoc est, ut CB ad GB: quare erit velocitas ex D in B, ad eam ex C in B, uti subtensa DB ad CD.

Si proinde capiantur subtensæ, uti 1, 2, 3, quæ ex infimo puncto B accommodentur Circulo, abscindantur arcus B 1, B 2, B 3, ex quibus Pendulum demissum habebit in hoc infimo puncto B velocitates, uti 1, 2, 3. Idcirco hoc modo poterimus pro lubitu corpori gravi tribuere gradus plurimos velocitatis. Super hoc fundamento constructa est Machina percussoria, in qua cum corporibus deciduis desideratos gradus celeritatis communicamus.

§. 391. Sidentur duo Pendula CP, cp; (Tab. 7. Fig. 6.) quorum longitudines sint inter se, veluti vires Gravitatis, quibus aguntur, erunt oscillationes æque diuturnæ.

Concipiantur Pendula excurrere in arcus similes, tum in punctis sibi respondentibus gravitates semper habebunt inter se eandem rationem, & producent celeritates in ratione longitudinum Pendulorum, quam habent arcus similes; qui proinde æqualibus temporibus percurrentur §. 138.

§. 392. Si ambo Pendula CP, cp, ad eandem longitudinem reducantur, erunt tempora oscillationum in ratione subduplicata inversa gravitatum.

Sit cq = CP, (Tab. 7. Fig. 6.) erit tempus oscillationis in cq, ad id in cp in ratione subduplicata cq ad cp; sed est tempus oscillationis per cp = illi per CP; quare erit tempus oscillantis cq, ad illud CP, in ratione subduplicata cq ad cp. Sed cq est ad cp, ut vis Gravitatis in CP ad eam in cp; adeoque tempus oscillantis cq, erit ad tempus oscillantis CP, in ratione subduplicata inversa virium gravitatis.

Est hæc Propositio necessaria ad intelligenda, quæ de vi gravitatis diversa in variis Terræ locis monui in §. 226. Cum enim vis gravitatis oscillantis penduli augetur, citius id absolvet oscillationes; ut igitur hæ cum prioribus sint isochronæ, producendum est pendulum. Contra decrescente vi gravitatis, tardius vibratur pendulum; quod propterea ut isochronum maneat, abbreviandum erit. Quare si in quadam Terræ regione abbreviandum sit pendulum, vis gravitatis ibi minor erit; & si longius

gius requiratur pendulum, ibi vis gravitatis major erit (1).

Tom. I.

Q

§. 393.

(1) Intactam hic præterit Auctor noster pendulorum doctrinam per arcus cycloides excurrentium, cum nihilominus præcipua hæc in re ea sit, præclaraque complectatur a Christiano Hugenio, aliisque clarissimis Viris detectas eorundem proprietates: quamobrem in nostrorum tironum gratiam ejusdem doctrinæ præcipua capita visum est hic addere, pendulorum per arcus cycloides vibrantium theoriæ excogitandæ occasionem ex eo nactus est Christianus Hugenius, quod horologia pendulis per arcus circulares oscillantibus instructa non accuratissime temporis mensuram exhiberent. Id vero ex eo proficiscebatur, quod ejusdem penduli vibrationes per exiguos arcus inæquales etsi fere & ad sensum *ισοχρονοι* existant, geometrice tamen & accurate haud tales sunt, cum majores minoribus aliquanto serius absolvantur, atque ex multis minimis differentialis tandem satis magna conflare possit differentia. Hinc est, quod si lentore aliquo afficiantur rotæ, ut in frigida quandoque sit tempestate, atque ita pendulum minore vi impulsam per minorem arcum excurrat, incitatus quam par est, festinabunt oscillationes, atque adeo citius, quam oportet, effluet tempus ab horologio indicatum; lentius vero idem procedet tempus, si nimia lubricitate prædictæ rotæ pendulum per majorem arcum excurrere cogant. Innotuerat autem Hugenio tempora descensuum per quoscunque ejusdem cycloidis arcus usque ad punctum infimum æqualia semper esse; hinc non alia ratione horologiorum automation defectum ex oscillationum vario tempore ortum corrigi posseprehendit, quam si per arcus cycloides eorum pendula excurrerent, simulque modum detexit, quo id consequi posset. Quo ver præclara hæc inventa tirones nostri cognoscant, ab ipsa cycloidis genesi,

præcipuisque ejusdem proprietatibus exordiemur.

Circulus AEEG (Vide Fig. 23. Tab. 2. Addit.) rectam AB contingat in puncto A; tum super eadem AB seipsum circumagendo moveatur, donec longitudine AB suæ circumferentiæ æquali emensa, punctum contactus A in sublime prius latum, tum circuitu facto veniat in B, ibique eandem A B contingat. Curva A B D ejusmodi motu a puncto A descripta, Cyclois dicitur, recta A B illius *basis*; bisecta AB in C, quæ ex C ducitur usque ad curvam perpendicularis C D, cycloidis *altiludo*, vel *axis* appellatur. & punctum D vertex; circulus AEEG, ex cuius scil. motu cyclois oritur, *circulus generator*, ejusque punctum A, quod curvam ipsam describit *punctum lineans* dicitur. Curvæ hujus proprietates pulcherrimæ a nostri temporis Mathematicis detectæ sunt, veluti a Christophoro Wren, Blasio Paschalio, Joanne Wallisio, Christiano Hugenio, Antonio Lalandero, aliisque, quorum conatibus factum quidem est, ut nulla curva nunc melius, aut penitius, quam cyclois cognoscatur. Ex omnibus autem ejus proprietatibus, tres tantum hic indicabimus, quæ nempe ad vibrationem penduli per illius arcus *ισοχρονας* nos manu-ducunt.

Prima proprietas est, quod si circulus generator circa cycloidis axem constituatur, atque a quovis cycloidis puncto I ad axem recta IP ordinetur, peripheriæ circuli occurrens in K, sit recta IK æqualis arcui circulari K D. Secunda proprietas est, quod tangens IH ex puncto cycloidis I ducta usque ad axem in H, parallela sit chordæ K D, quæ nempe ex vertice D ad punctum intercessionis K ducitur. Tertia demum proprietas est, quod quivis cycloidis arcus I D, duplus sit chor.

§. 393. Si pendulum detur compositum, cujus tempus oscillationis quærat, primo investigandum est centrum oscil-

chordæ respondentis K D, & semicyclois ipsa A I D diametri DC dupla sit. Harum proprietatum demonstrationes tironum gratia consulto hic prætermittimus, quæ inventi præterea poterunt apud laudatos Auctores, & præsertim apud Christianum Hugenum *prop. 14. & 15. par. 2. Hor. Oscill. & prop. 7. tert. part. ejusdem tractatus.*

Sed ad eandem oscillationum cycloidalium *ἰσοχρονία* demonstrandam observari etiam oportet. 1. quod si mobile versus punctum (*Vide fig. 24. Tab. 2. Addit.*) C urgeatur iis viribus, quæ sint distantis ab eodem puncto C proportionales; vis nempe qua urgetur in A sit ad vim in B, ut AC ad BC; quod, inquam, ex quacunque altitudine tum mobile demittatur, ad punctum C eodem semper tempore perveniat. 2. Quod constans id tempus, quo ex quavis altitudine ad punctum C venit mobile, sit ad tempus, quo posset idem mobile eandem percurrere viam uniformi cum velocitate, & æquali ei, quæ ultimo cadendo acquiritur, ut semiperipheria circuli ad ejus diametrum. Utrumque demonstratum est a Cl. nostro Auctore in *Physica suæ gallica editione cap. 12. §. 405.* a Keillio *lectione physica 15.*, a Guidone Grandi in *notis ad tractatum Galilæi de motu gravium accelerato prop. 11.* quos tantum fontes indicasse tironibus nostris sufficiat.

Ex his præmissis doctrinis haud difficulter ipsa oscillationum cycloidalium *ἰσοχρονία* derivatur. Sit enim cyclois (*Vide fig. 25. Tab. 2. Addit.*) ABC, ex cuius vertice B deorsum spectante sit axis B L, & circa axem circulus generator LFB. Ducatur ex quovis ejus puncto H tangens HK; & erit vis qua grave in puncto H, per cycloidis longitudinem HB descendens accelera-

tur, eadem qua per planum H K cycloidem in H contingens, idem grave acceleraretur. Ducta vero ex H ordinata ad axem HD, circuli generatoris peripheriæ occurrente in F, & ex F ducta ad imum punctum B chorda F B, patet hanc tangenti H K esse parallelam; adeoque & eadem vi accelerari grave in puncto cycloidis H, qua in puncto F plani FB acceleraretur. Est vero vis, qua grave acceleratur per planum inclinatum F B ad absolutam ejus gravitatis vim, ut D B ad F B (*§. 321.*), seu ut F B ad B L, per *8. l. 6. Elem.* Similiter vis qua grave acceleratur in puncto cycloidis I eadem erit ac vis, qua per planum G B descenderet; tum vis hæc per planum G B est ad vim gravitatis absolutæ, ut E B ad G B, seu ut G B ad B L. Igitur erit vis, qua grave acceleratur in H ad vim qua acceleratur in I, ut F B ad G B, seu ut 2FB ad 2GB, seu per tertiam supra expositam cycloidis proprietatem, ut curva ipsa H B ad curvam I B. Et generantur vires, quibus descendendo super cycloide usque ad imum punctum B, acceleratur grave, sunt ut ejusdem curvæ longitudines percurrendæ usque ad idem punctum B. Sed adnotatum est supra, quod si mobile ad aliquod punctum viribus urgeatur, quæ distantis ab eodem puncto sint proportionales, eodem semper tempore ex quavis altitudine ad id punctum accedat. Ex quocunque ergo cycloidis puncto H vel I usque ad imum B descendat grave, eodem semper tempore ad illud perveniet. Est præterea tempus, quo grave ex H ad B descendit ei æquale, quo ex eodem puncto B in altera cycloidis parte BC sursum attollitur ad eandem usque altitudinem ex qua descendit, puta usque ad M; atque adeo integræ oscillationis HBM tempus duplum

oscillationis : intervallum enim inter hoc & centrum motus
Q 2

plum erit illius , quod per H B infumitur . Similiter tempus integræ vibrationis IBN ejus quoque duplum erit , quod per dimidiam IB impenditur . Æqualibus igitur temporibus per H B , I B , integrarum etiam vibrationum HBM , IBN æqualia erunt tempora .

Præterea tempus , quo grave per femicycloidem AB , vel quemvis alium ejusdem arcum usque ad punctum imum B descendit , ad tempus quo per cycloidis altitudinem L B accelerato motu descenderet , constanter habet rationem , eam nempe quam circuli femicircumferentia ad illius diametrum habet . Siquidem tempus , quo femicyclois AHB peragrat , viribus quæ sint ut distantie ab imo puncto B , est ad tempus , quo eadem AHB , vel 2LB uniformi velocitate , quæ corpori in B convenit , describeretur , ut semicircumferentia ad diametrum , per superius adnotata . Sed tempus quo 2LB percurritur uniformi velocitate , quæ est in B , æquale est tempori casus perpendicularis L B §. 240 . Ergo tempus per femicycloidem AHB ad tempus casus perpendicularis per ejusdem altitudinem , est ut femicircumferentia ad diametrum .

Quo ergo penduli per inæquales utcumque arcus oscillantibus vibrationes omnes *πυλάροναι* sint , invenienda esset ratio , qua eadem non per circulares , sed cycloïdales arcus peragi possent . Ad examen id revocavit Hugenius , nodumque solvit tertia parte sui Horologii Oscillatorii , eaque arrepta occasione , novam curvarum evolutarum theoriam felicissime invenit , atque ita Geometris locupletem exhibuit materiem , in qua excolenda , promovendaque juncunde se exercerent . Ostendit itaque vir Cl. quod si convexæ semicycloïdis DGB perimetro (Vide fig. 26. Tab. 2. Addit.) filum circumplicatum

intelligatur , ejusque manente una extremitate in B affixa , extremitas altera C sensim abducatur , ita ut pars ea , quæ soluta est , ut CG , semper tensa maneat , quod , inquam , fili extremitate C altera semicycloïdis DCA describatur priori DGB omnino similis & æqualis . Similiter , quod si filum BFA jam solum , manente ejus extremitate B , moveatur versus D , atque ita sensim cycloïdi BGD circumvolvatur , extensa semper manente fili portione nondum circumplicata CG , eadem semicycloïdis AD altera fili extremitate describatur . Si ergo fiat duæ laminæ BGE , BHE , semicycloïdis D A curvatura ambæ accurate donatæ ; eademque una ipsarum extremitate B convenientes , aliis D , tantundem distent , quanta est integræ cycloïdis DAE basis DE ; pendeatque ex puncto B pendulum BFA tantæ longitudinis , quanta semicycloïdi BGD involvi valeat , seu quæ circuli genitorisduplam diametrum æquet , patet ita inter laminas BGD , BHE pendulum irretitum vibrationes suas in cycloïde DAE , easque utcumque inæqualium arcuum *ισόχρονοις* semper efficere .

Cum vero hac ratione pendulum vibratur , & per minimos cycloïdis arcus prope verticem A excurrit , id ipsum agit , ac si exiguos circulares arcus ex radio BA prope idem A describeret ; circulus enim ille in A exigua ejus portione cum cycloïde DAE coincidit , eidemque est æquicurvus . Hinc etiam intelligitur , quod & supra inuimus , cur penduli per exiguos circulares arcus oscillantibus vibrationes *ισόχρονοις* sint ; quia nempe cycloïdis arcubus prope verticem A circulares illi congruant , iidemque idcirco temporibus utrique absolvantur .

Præterea abs re haud erit , si in nostrorum tironum gratiam nonnulla saltem historice hic delibemus , de-

tus dat longitudinem, qua si pendulum simplex donec
tur,

descensum gravium per lineas curvas spectantia, quæ Recentioribus nostri temporis Philosophis Mathematicis, sublimioris Geometriæ auxilio, innotuere. Demonstratum imprimis est Newtono, Leibnitio, Hospitalio, Bernoulliis fratribus, quod datis in plano verticali duobus punctis A & B, (Vid. fig. 25. Tab. 2. Addit.) ut ex superiori A ad inferius B brevissimo tempore descendat grave, non per circuli circumferentiam, uti Galilæo visum est, sed per curvam cycloideam moveri oporteat, cujus basis sit in horizontali per A ducta: ex quo factum ut cyclois curva $\sigma\lambda\gamma\gamma\alpha\chi\epsilon\sigma\sigma\alpha\upsilon\sigma$, vel $\beta\alpha\rho\chi\iota\sigma\sigma\alpha\upsilon\sigma$, idest, *celerissimi descensus* diceretur. Ulterius deinceps rem promoverunt Bernoulli fratres: cum enim ex uno eodemque puncto plures concipi possint in eodem plano verticali incipientes cycloides usque ad eandem rectam in eodem plano positione datam sive verticalem, sive utcumque ad horizontem inclinatam, ex infinitis ejusmodi cycloidibus illius inveniendæ methodum tradidere, per quam grave descendendo, ad datam positione rectam brevissimo tempore perveniat. Cumque linea positione data non modo recta, sed cujusvis generis curva esse possit, earundem etiam cycloidum ex eodem plani verticalis puncto incipitium usque ad datam curvam, eam inveniendi rationem tradidere, per quam brevissimum sit usque ad eandem datam curvam descensus tempus. Ac tandem cum ad positione datam in eo plano sive rectam, sive curvam per alias a cycloide similes curvas accedere possit mobile; data earum curvarum specie, eam definiendi methodum invenire, per quam brevissimo quoque tempore ad datam positione lineam sive rectam, sive curvam possit pervenire.

Pendulorum quoque doctrina a

Cl. Hugenio aucta, ulterius per Cl. Newtonum promota est. Eorum quidem per arcus cycloides $\iota\sigma\sigma\chi\rho\acute{o}\nu\epsilon\varsigma$ esse oscillationes demonstravit Hugenius: at id in Galilæana tantum gravitatis hypothesi obtinere constat, supponendo scilicet gravitativim eadem & constanti ratione pendulum urgere, ejusque directiones parallelas esse. Sed Cl. Newtonus Princip. Math. lib. 1. sect. 10. generaliter curvæ naturam investigare docet, per cujus perimetrum descendens, & ascendens mobile, quacunque facta ejus gravitatis hypothesi, ejusque directionibus sive parallelis, sive ad datum punctum convergentibus, $\iota\sigma\sigma\chi\rho\acute{o}\nu\epsilon\varsigma$ habeat suas oscillationes. Qua quidem in re id adnotatu valde dignum reperit Cl. Vir, quod scilicet in ea gravitatis hypothesi, qua illius vires distantis a centro recte proportionales statuuntur, ejusque directiones ad idem punctum convergentes sunt, penduli oscillationes $\iota\sigma\sigma\chi\rho\acute{o}\nu\epsilon\varsigma$ fiant, dummodo per arcus Epicycloidis internæ absolvantur, quæ centrum immobilis circuli habeat in eo puncto, ubi gravitatis directiones vergunt. Id vero ut intelligere tirones nostri valeant, sit circulus DI (Vide fig. 27. Tab. 2. Addit.) interius alterum DBG contingens in D; tum per ejus concavam peripheriam DBG seipsum circumagendo moveatur, donec arcu DBG emenso, punctum contactus D, circuitu facto, veniat in G, ibique eandem circumferentiam DBG contingat. Curva DAG a puncto D in ejusmodi circuitu descripta Epicyclois interior vel interna appellatur; eaque ab altera distinguitur, quæ externa dicitur, quod scilicet ex simili circuli revolutione super convexa alterius circumferentia oriatur. Super hæc ergo curva DAG vibretur pendulum oportet, quo ejus omnes oscillationes utcumque inæqualium arcuum, æquali tempore absolvantur,

po-

tur, isochronum cum composito foret. Id centrum oscillationis invenitur, si quodlibet pondus multiplicetur tum quadrato suæ distantiae a centro motus, & sum-

Q 3

ma

sito nempe quod vis gravitatis tendat directionibus suis ad immobilis circuli centrum O, sitque directe, ut distantia ab eodem centro O. Hanc sane hypothesim iis corporibus quadrare, quæ a Telluris superficie versus ejus centrum deorsum tendunt, visum est Newtono: id si admittatur consequens erit in fodiis & terræ cavernis pendula *ισοχρονα* oscillationes tum præstare, tum per internæ epicycloidis DAG arcus vibrantur, quæ immobilis circuli centrum O in idem telluris centrum habeat.

Qui autem possit pendulum per epicycloidis DAG arcus vibrari, tradit Newtonus *Princ. Math. l. 1. prop. 50.* Si nampe id suspendatur ex tali puncto C, ut rectæ OA, OB, OC sint continue proportionales; sintque ex eodem puncto C duæ laminæ CD, CG ita inflexæ, ut duas similes & æquales semiepicycloides internas exhibeant, quæ nempe oriuntur ex revolutione circuli diametri BC intra concavam circumferentiam alterius immobilis circuli radii OC se revolvunt. Illas enim esse curvas ex quarum evolutione datæ Epicycloidis internæ DAG partes hinc inde ab axe BA existentes describuntur, demonstratum est Newtono, aliisque Geometriæ sublimioris cultoribus.

Sed nondum Newtoni conatuum finis. Per quamvis datam curvam sive mechanicam, sive geometricam oscillationes suas *ισοχρονα* efficere pendulum supponit; tum ejusdem curvæ supposita quadratura rationem gravitatis inquit, quæ ad eam *ισοχρονα* est necessaria. Sit nempe data curvæ DAG, in qua ope curvarum laminarum DC, GC, ex quarum evolutione ipsa DAG describitur, pendulum CA suas faciat *ισοχρονα* vibrationes; atque ex quovis in ea corporis loco, puta F, agatur EX, quæ curvam illam in F contingat; tum in hac tangente FX

capiatur FY arcus FA æqualis: ex data enim ejus curvæ quadraturæ longitudo arcus illius per notas jam methodos innotescit. Ex puncto Y ducatur recta YZ tangenti FX perpendicularis; ac ex centro virium O agatur OF perpendiculari illi occurrens in Z: & erit penduli vis ad punctum O, quæ nempe ad eam *ισοχρονα* requiritur, ipsi FZ proportionalis. Nec id difficile erit ostendere, nam si vis, qua corpus trahitur ex F versus O, per rectam FZ exponatur, resolvetur hæc in vires duas FY, YZ; quarum YZ trahendo corpus secundum sili longitudinem CF, motum ejus nil mutat, nec ad ejus descensum per FA quicquam confert: vis autem altera FY motum ejus in curvam directe accelerat usque ad imum punctum A; quæ idcirco vis designari etiam poterit per arcum FA, cum ex constitutione rectæ F Y is sit æqualis. Quumque eadem sit demonstratio in quovis alio curvæ DAG puncto pendulum FA spectetur, erunt ejusdem vires acceleratrices in duobus quibuscumque curvæ DAG punctis, ut ipsi arcus describendi usque ad A. Ergo per propositionem superius memoratam ex iis duobus punctis eodem tempore ad imum A accedet pendulum per curvam DAG.

Atque ut eximii hujus problematis usum in horologiis Oscillatoriis perspiciant tirones nostri, supponamus curvam DAG esse circumferentiam circuli portionem, cujus centrum sit idem suspensionis punctum C: tum urgeri pendulum secundum lineas parallelas deorsum a vi aliqua, quæ sit ad vim uniformem gravitatis, ut arcus FA ad ejus sinum F V; & æqualia erunt oscillationum singularum tempora. Et enim producta perpendiculari ZY usque ad rectam CO in E, ob punctum O infinite distans, & parallelas FO, CO, erit angulus

ma productorum dividatur summa ponderum, ductorum in suas a centro motus distantias (1).

Ve-

FZY æqualis alterno ZEO, seu æqualis FCV, ob parallelas sc. FC, ZE; anguli præterea FYZ, CVF utpote recti, sunt æquales; igitur similia erunt triangu-
la CFV, FYZ, & FZ, FC :: FY, FV. Si ergo gravitatis vis uniformis exponatur per penduli longitudinem CF, erit vis FZ qua scil. oscillationes $\iota\sigma\sigma\chi\rho\omicron\nu\omicron\iota$ redduntur, ad vim gravitatis CF, ut FY, seu arcus ei æqualis FA, ad arcus ejusdem sinum rectum FV. seu erit vis FZ pro $\iota\sigma\sigma\chi\rho\omicron\nu\omicron\iota$ CF x FA

= FV. In oscillatoriis igitur

horologiis si vires a machina in pendulum impressæ ad motum conservandum, ita cum constanti gravitatis vi componantur, ut vis tota pendulum deorsum urgens semper sit ut linea, quæ oritur applicando rectangulum sub arcu FA & radio FC ad sinum FV, oscillationes omnes erunt $\iota\sigma\sigma\chi\rho\omicron\nu\omicron\iota$.

Quæ hæcenus de pendulorum motu dicta sunt, locum habent, cum nulla est medii resistantia. At Cl. Newtonus *Princ. Math. l. 2. sect. 6.* de iisdem etiam agit, cum in mediis resistantibus vibrantur, ostenditque eorum oscillationes per cycloidis arcus utcumque inæquales in medio etiam resistente, æquali tempore absolvi, dummodo ea resistantia sit vel in ratione momentorum temporis, vel in ratione simplicis velocitatis. At si medii resistantia ponatur velocitatis quadrato proportionalis, tunc in alia a cycloide curva moveatur pendulum oportet, ut $\iota\sigma\sigma\chi\rho\omicron\nu\omicron\iota$ suas absolvat oscillationes. Quæ vero sit ejus $\tau\alpha\upsilon\tau\omicron\chi\rho\omicron\nu\omicron\iota$ curvæ natura, non est hic disquirendi locus, de qua vide, si lubet, Eulerum t. 4. comment. Acad. Petrop. & t. 2. *Mechanices*, Cl. Bernulium in *Monumentis Regiæ Scientiarum Academiæ Paris.* ann. 1730. D. Fontaine in iisdem monumentis anni 1734.

(1) De pendulis compositis jectum nimis agit Auctor: pro majori ergo doctrinæ hujus elucidatione, adnotandum ea quæ superius de pendulorum motu dicta sunt, corporis penduli gravitatem omnem in puncto veluti coactam, filumque quo suspenditur, omnis gravitatis expertis supponere; atque id est, quod *pendulum simplex* dicimus. Quamobrem ut quæ hæcenus de pendulis diximus cum experimentis congruant, penduli filum vel virga valde tenuis, globusque suspensus valde exiguus, & ex materia multum densa & gravi esse debet. Quod si filum notabili pondere polleat, globusque suspensus aut ingens fuerit, aut plures simul, dicetur tum *pendulum compositum*, quod scil. ex pluribus inter se connexis ponderibus coalescat. Ejusmodi est pendulum CBA (Tab. 7. Fig. 6.*) duobus ponderibus, vel globulis B & A ex eadem virga CBA suspensis præditum; item pendulum (Vide fig. 28. Tab. 2. Addit.) ACB ponderibus A & B non in eadem a puncto suspensionis C ducta linea, dispositis, onustum. Ex puncto suspensionis C, & communi datorum ponderum A & B gravitatis centro E ducta recta CE, *axis penduli compositi* dicitur; recta vero FCG quæ ex eodem suspensionis puncto C ad axem CE perpendicularis ducitur, *axis oscillationis* appellatur. Sumatur præterea (Tab. 7. Fig. 6.*) in compositi CBA axe pars CO, quæ æqualis sit longitudini penduli simplicis suas oscillationes circulares eodem tempore absolventis, quo compositum CBA; id simplex pendulum CO *composita σύγχρονον*, vel $\iota\sigma\sigma\chi\rho\omicron\nu\omicron\iota$ appellatur, punctumque O, quo ea penduli simplicis longitudo terminatur, *centrum oscillationis* dicitur. Similiter in fig. 28. Tab. 2. Addit. sumatur ex axe CE penduli compositi ACB longitudo CD, qua nempe præditum pendulum simplex, oscillationes suas

Verum multo plura scitu digna & necessaria huc spectant; quæ videri possunt in Nob: Hugonii eximio opere

Q 4

de

eodem tempore absolvat, quo compositum AGB, dicetur D centrum oscillationis, & pendulum simplex DC composito ACB $\sigma\upsilon\chi\rho\acute{o}\nu$.

Sciendum præterea celebre ævi nostri Philosophis Mathematicis reputatum fuisse problema de inveniendis oscillationis centro, seu inveniendis penduli simplicis composito $\sigma\upsilon\chi\rho\acute{o}\nu$ longitudine. Propositum id imprimis fuit Cartesio, Hugenio, aliisque ejus ætatis Mathematicis a Merfeno, sed vera tum problematis solutio Viri Clarissimi haud innotuit. Hugenus porro occasione sui horologii Oscillatorii cum iterum de eodem problemate meditaretur, ejus tandem solutionem nactus est, sed principium in eo adhibuit, quod deinceps Abbati Catalano improbatum fuit, simulque ejus improbatæ solutio. Eiusdem quoque problematis solutiones suas tradidere Bernoulli fratres, Jacobus nempe in *actis Lipsiensibus* An. 1691, & comment. Paris. an. 1743, Joannes vero in *actis Lipsiensibus*, & comment. Paris. an. 1714, tum Hermanus I. I. Phoron. c. 5, & initio tom. 3. *Comment. Acad. Petrop.* Novam tandem ejusdem problematis non inelegantem fortasse solutionem nostræ huic Scientiarum Academiæ exhibuit quidam ejus socius An. 1737. Sed ab his ulterius exponendis consulo abstinemus, tironum nostrorum laboribus indulgentes.

En autem Theorema Universale pro penduli composito $\sigma\upsilon\chi\rho\acute{o}\nu$ inveniendis longitudine, in quod tot præclarissimorum virorum diversæ solutionis viæ mire conspirant. Si nempe singula penduli compositi pondera multiplicentur per quadrata distantiarum suarum ab axe oscillationis, & summa productorum dividatur per id quod oritur, ducendo ponderum summam in distantiam centri gravitatis eorundem ab axe oscillationis, prietur longitudo penduli simplicis

composito $\sigma\upsilon\chi\rho\acute{o}\nu$, seu distantia interdictum axem, & ipsius penduli compositi centrum oscillationis, unde secundum hanc regulam erit in fig. 28. *Tab. 2. Addit.* ductis ex A & B in axem oscillationis perpendicularibus AF, BG, CD = $AxAFq \mid BxBGq$:

$$A \mid BxCE$$

in fig. vero 6 * *tab. 7.* quoniam distantiae ponderum ab axe oscillationis sunt ipsæ CB, CA, posito N ponderum A & B communi gravitatis centro, erit quæsitæ penduli simplicis longitudo $CO = BxBGq \mid AxACq$.

$$A \mid BxCN$$

Adducta isthæc regula pro oscillationis inveniendis centro, ab ea differre videtur, quam Auctor hoc §. innuit; quod enim divisoris vices gerit Auctori, est summa productorum ex ponderibus in suas respective distantias ab oscillationis axe, idest $AxAC \mid BxBG$; nobis vero idem divisor est summa ponderum simul ductorum in distantiam communis gravitatis centri ab eodem axe, idest

$$A \mid BxCN$$

Sed reapse nullum esse discrimen constabit, si demonstretur generatim, (*Vide fig. 29. Tab. 2. Addit.*) quod datis ponderibus H & M, datoque eorum gravitatis centro N; tum ductis ad datum planum QF normalibus HQ, NP, MF, sit temper summa productorum ex ponderibus in suas respective distantias a plano, nempe $HxHQ \mid MxMF$ æqualis summæ eorundem ponderum in distantiam centri gravitatis ab eodem pla-

no, seu æqualis $H \mid MxNP$. Quod ut ostendatur, sint ex H & N plano QF parallelæ HG, NH, itaut similia fiant triacula HGN, NKM. Est vero ob N commune ponderum H & M gravitatis centrum, pondus H

ad

de Horologio oscillatorio, quæ partim, quia nimis sublimia sunt pro tyronibus, partim propter instituti angustias, omittere cogimur.

C A P. X.

De Motu Gravium Projectorum.

§. 394. **O**Mne grave projectum in libero spatio secundum lineam horizontalem, vel ad horizontem inclinatam, duplici fertur motu, uno, a causa projiciente, altero, a gravitate oriundo: quare, secundum Leges de Motu composito traditas, semper invenietur in Diagonali parallelogrammi, quod supra ambas directiones Potentiarum constructur.

Projiciatur enim A directione horizontali AH, (Tab. 7. Fig. 6. **) dividaturque AH in partes æquales AB, BG, GH. Quo tempore corpus fertur in via AB, descender propter Gravitationem semper agentem; sit hic descensus æqualis BE; adeoque feretur corpus motu composito AB, BE, eritque

ad pondus M, ut MN ad NH, seu (ob similitudinem triangulorum HGN, NKM) ut MK ad NG, seu ut MF — NP ad NP — HQ: itaque H: M:: MF — NP: NP — HQ; tum mediis & extremis in se ductis, erit $H \times NP - H \times HQ = M \times MF - M \times NP$, & $H \times NP + M \times NP$, seu $H + M \times NP = M \times MF + M \times HQ$. Q. E. D.

Tandem abs re haud erit, si observetur præter gravitatis, & oscillationis centra, spectari etiam a Mechanicis in corpore moto centrum percussionis; idque esse corporis thoti punctum, in quo totum ejus momentum, vel vis collecta & coacta supponitur; indeque fieri, ut si eo corpus alicui occurrat obstaculo, majori vi id percutiat, quam si alio quovis puncto in idem obstaculum impigeret. Si corpus unum, vel etiam plura invicem conjuncta libere progrediantur in linea recta,

patet eorum percussionis centrum a centro gravitatis non differre; in hoc enim puncto cum tota collecta concipiat corpus corporis gravitas, in eodem majori vi obstaculum urge, quam alio quovis puncto. Sed si corpora plura, vel etiam unum oscillatorio motu per circulum moveatur; tum ejus percussionis centrum cum centro oscillationis eorundem coincidat: ostensum siquidem est a Mechanicis eadem prorsus ratione distantiam centri percussionis ab axe oscillationis inveniri, qua & centri oscillationis distantia ab eodem axe definitur; adeoque utrumque in unum idemque punctum incidere. Vide Wolf. Mech. c. 12. Martini Stat. par. 3. c. 8. Sed animadvertendum in Galilæana tantum gravitatis constantis hypothesi id obtinere: quæcunque enim ponatur hypothesi a priori diversa, ea tum duo centra valde ab invicem differre jam adnotavit Cl. Hermannus in sua *Phenonomia*.

que in Diagonali AE. Sequenti tempore fertur motu BG five EM, & propter gravitatem descendet quantitate MF, triplo majori BE; adeoque erit in Diagonali EF. Tertio tempore movebitur spatio FO, æquali GH, & simul propter Gravitatem descendet quantitate OL, quintuplo majori AK, hinc erit in Diagonali FL. Pari modo considerandus erit motus corporis A, projecti secundum quamcumque aliam directionem, ad Horizontem inclinatam.

§. 395. Omnes hæ Diagonales AE, EF, FL, (Tab. 7. Fig. 6. **) junctæ non constituunt rectam continuatam, cum projectilis in corpore motus sit æquabilis, acceleratus vero, qui est a gravitate; idcirco si linea AH in infinite exiguas partes fuerit divisa, omnesque diagonales parallelogrammorum infinite parvorum considerentur, hæ curvam component, quæ *Parabolæ* proprietates habet. Est enim hujus natura, ut sit AB (Tab. 7. Fig. 7.) sit axis, & CD, EF Ordinatæ; sit AC, AE :: CDq, EFq; & si KL Diameter fuerit, atque Ordinatæ MO, PL, erit KO, KL :: MOq, PLq; quod obtinet in motu corporis projecti: nam in Fig. 6. ** est BE ad GF :: ABq ad AGq. (1).

Quamobrem Parabola inservit determinandis motibus corporum Projectorum in Vacuo, quod est fundamentum artis Ballisticæ.

§. 396. Sit feriendus a corpore projecto A (Tab. 7. Fig. 8.) scopus C, sitque ea projecti velocitas, quam Grave ex perpendiculari altitudine DA cadendo acquireret, eruentur directiones corporis A hoc modo. Capiatur perpendicularis ad horizontem AP, quadruplo major quam AD, dividatur hæc bifariam in G, per quod punctum ducatur horizontalis HGK; ex A in scopum C concipe rectam Ac, ad quam erigatur perpendicularis AK: centro K radio AK describatur circulus, qui secetur in E & I a recta BI, transeunte per scopum C, & perpendiculari ad horizontem AB. Si A dirigatur secundum AE vel AI, feriet punctum C. Quo tempore enim grave cadit ab altitudine DA motu

(1) Rectæ BE, GF ex constructione spatia exhibent gravitatis vi descripta; tempora vero quibus eadem describuntur, rectis AB, AG describuntur, rectis AB, AG iisdem temporibus motu æquabili peragratim proportionem correspondent §. 237. Sed spatia gravitatis vi percurra,

uti BE, GF, sunt ut quadrata temporum, quibus percurruntur, nempe ut rectarum AB, AG quadrata, §. 237. Erit ergo BE: GF :: ABq: AGq., seu AK: AP :: KEq: PFq.; quæ est notissima Parabolæ proprietates.

motu accelerato, posset velocitate acquisita in A percurrere motu æquabili duplum DA; quare est tempus impensum per duplum DA, ad id per AE, posita eadem velocitate, uti 2 DA ad AE. Ut autem feriaturs scopus C, debet esse tempus per AE æquale illi per EC. Est quadratum temporis per DA ad quadratum temporis per EC, motu accelerato, uti DA ad EC: ergo $4DA^2 : AE^2 :: DA : EC$. Ductis in se terminis extremis & mediis, erit $4DA^2 \times EC = AE^2 \times DA$; divisisque ambobus per DA, erit $4DA \times EC = AE^2$; adeoque $4DA : AE :: AE : EC$. Demonstrandum nunc est, hanc proportionem in data constructione obtinere.

Sunt duo Triangula APE, ACE similia, nam est angulus CEA = EAP propter parallelas CE, AP; tum C-

AE = APE; adeoque PA ad AE :: AE ad EC; sive $PA = \frac{AE^2}{EC}$.

Est vero $PA = 4DA$. Pari modo sunt ambo Triangula PAI, AIC similia: nam est angulus PAI = AIC, & API = CAI; hinc PA, AI :: AI, IC; adeoque est

$$PA = \frac{AI^2}{IC}$$

§. 397. Si scopus feriendus sit in Horizonte B, coincidit AK cum AG.

§. 398. Si scopus sit α vel β , directio requiritur AH; cumque distantia corporis a Scopis vocentur *Amplitudo jactus*, erit hæc maxima, quotiescumque punctum horizontale feriendum, si directio AH cum horizonte angulum semirectum constituerit: omnes vero directiones, æqualibus gradibus utrimque ab H distantes, efficient, ut amplitudo jactus sit minor, idemque punctum horizontis feriatur (1).

Quæ

(1) Quemadmodum data velocitate quacum grave projicitur, datoque scopo B, projectionis directio determinatur: ita vicissim data projectionis directione, itemque velocitate, scopus attingendus sive in horizontali, sive in obliquo plano facile invenietur. Sit namque, ut supra, projecti velocitas eadem, quæ gravi ex altitudine DA libere cadenti comparatur, sitque projectionis directio secundum lineam AE, tum eadem constructio fiat, quæ supra §. 296;

ac circuli AHP circumferentiæ occurrat in E jactus directio AE. Ex E ducta ipsi PA parallela ECB, scopum quæsitum determinabit, scilicet C in obliquo plano AC, B in horizontali AB; uti ex superioribus facile potest demonstrari.

Hinc patet scopum attingendum eo magis ab A distare, seu eo majorem esse jactus amplitudinem, quo majori velocitate gravis projectio fit, seu quo major fuerit altitudo DA: hac quippe aucta augetur etiam circuli

Quæ omnia fonte Mercuriali, quondam a Torricellio, & Romero, aliisque confirmata fuerunt, & ad oculum simili methodo a nobis demonstrantur. Merentur consuli, quæ de motu projectorum tradiderunt Torricellius, Keilius, Cartesius, & Newtonus, quorum hic, corpora per medium resistens projecta, non in Parabola deferri, sed in alia curva, propius ad Hyperbolam accedente, evicit (1).
CAP.

culi AHP radius KA; ideoque punctum intersectionis E ob chordæ AE incrementum longius distabit ab A, & longius item C & B.

Cum ergo jactus amplitudo ex projectionis velocitate dependeat, quæri potest, quænam sit corpori communicanda velocitas, qua possit datam parabolam describere, atque adeo ad datum scopum pertingere. Sit data parabola ACE (*Vide fig. 30. Tab. 2. Addit.*) cujus diameter sit verticalis AD; recta vero AB cum ejus parametrum, tum ordinarum FC, LK ipsi AB æquidistantium, positionem notet. Eo res redit, ut altitudo DA inveniat, per quam grave descendens habeat in A ejusmodi velocitatem, qua si secundum AB projiciatur, motu suo parabolam AE describat. Jam resolutum supponatur problema analytico more, sitque DA altitudo quæsitæ; ac velocitate per eam comparata projici grave secundum directionem AB; in eaque æqualibiter rectam AI describere eodem tempore, quo accelerato motu per ipsam DA descenderet; adeo sit AI ipsius DA dupla § 240. Jam vero per vim gravitatis describetur eodem tempore AF, vel IC ipsi DA æqualis; atque adeo erit AI vel FC ipsius AD dupla. Sed ob parabolæ naturam, est AB ad FC, ut FC ad AF: ergo AB ipsius FC quoque dupla, atque adeo ipsius AF, vel AD quadrupla. Definietur ergo quæsitæ altitudo DA, si parametri AB quadranti fiat æqualis. Atque ex his

principiis universa, quæ ad Balisticam pertinent, poterunt derivari; de quibus vide Galil. *dial. 4. delle nuove Scienze*, Keillium *lectione Phys. 16*, Wolfium *Mech. cap. 11*.

Liquet etiam ex dictis grave sursum verticaliter projectum, vel deorsum libere relictum a motore motu æquabili horizontaliter translato, curvam parabolicam motu suo describere: id enim movetur composito motu ex horizontali æquabili sibi a motore communicato, & verticali juxta Galilæanam proportionem accelerato, vel retardato; adeoque per parabolicam lineam. Hinc ratio intelligitur curpila ex summitate mali libere relictæ, cum interim æqualibiter navis promovetur, non recta sed parabolica curva ad mali extremitatem pertingat, uti oculo in littore constituto observatur; eademque per ipsam mali longitudinem radendo descendat, quod scilicet tantundem horizontali motu malus, quantum & pila ipsa promoveatur. Eademque ratione fieri intelligimus, ut in Terræ circa proprium axem motæ hypothesi, corpora libere ex turrium altitudinibus demissa, non recta sed parabolica curva ad earundem bases descendant.

(1) Sed ut maximæ illius amplitudinis, ad quam motus projectorum theoria nunc promota est, specimen aliquod tironibus nostris præbeamus, id animadvertant imprimis oportet, quod quæ de curva parabolica projectorum semita hæcenus dicta sunt, obti-

De Viribus Centralibus.

§. 399. **S**I Lapis fundæ impositus in orbem circumferatur, ex funda excussus moveri pergit in linea recta, orbem Tangente: quamdiu in funda circumagitur, in Tangente pergere nititur, manumque trahit, quæ fundam tenet, & quasi centrum orbis occupat: vis ista Lapidis in manum, qua a centro recedere nititur, vocatur *Vis Centrifuga*.

§. 400. Quamdiu autem manus fundam tenet, circumagitur, lapidem ad se, hoc est versus centrum motus trahit, hæc vis vocatur *Centripeta*. Ambæ hæ Vires communi nomine *Centrales* appellantur.

§. 401. Nequit igitur corpus circa centrum aliquod, sive

obtineant tantum in hypothesi gravitatis constantis, ac tendentis ad punctum infinite distans, itaut gravium directiones pro parallelis pos sint haberi. At Cl. Newtonus *Princip. Math. l. 1. prop. 41.* omnium primus Trajectoriam (ita enim projectionis curvam appellat) generatim definiri docuit, in quacunque scilicet gravitatis hypothesi, ejusdemque tendentis ad punctum finito intervallo distans, concessis tamen figurarum curvilinearum quadraturis. Idem deinceps problema solverunt alii, veluti Joannes Bernoullius in *Monum. Regie Scientiarum Academiæ Paris. anni 1710*, sed methodo parum aut nihil a Newtoniana abulgenti, ut animadvertit Joannes Keillius in *dissert. de Viribus centralibus*; tum idem solvit Hermannus in *Diario Veneto T. 5. p. 318, & t. 7. p. 194. & prop. 23. l. 1. Phoront.* Ex generali præterea hujus problematis solutione Hermannus, & Bernoullius trajectorias definire in hypothesi gravitatis reciproce proportionalis quadrato distantiae, ostenderuntque eas alias non esse a sectionibus conicis, circulo nempe, parabola, ellipsi & hyperbola, quod aliunde & ipse Newtonus

jamdudum derivaverat in *cor. 1. prop. 13. l. 1.*

Quæ hæcenus de corporum trajectoriis indicata vel demonstrata sunt, locum modo vindicant in mediis non resistentibus, veluti in vacuo. At de eorundem etiam trajectoriis in mediis resistentibus subtilissime agit Newtonus *prop. 4. l. 2. Princip. Math.* atque in hypothesi quod medii resistentia, projectilis velocitatis sit proportionalis, ejusdem Trajectoriæ singula puncta, ex concessa hyperbolæ Apollonianæ quadratura, in plano definire docet. Verum deinceps rem generaliter prosequuti sunt Viri Cill. Joannes Bernoullius, Hermannus, & Eulerus, Trajectoriam analyticè determinantes, quæ a projectili describitur in medio secundum quamlibet multiplicatam velocitatum rationem resistente; de qua etiam vide quæ Cl. Newtoni interpretes Thomas le Seur, & Franciscus Jacquier ex Minimorum familia *som. 2. Princip. Math. pag. 115.* ingeniosissime commentati sunt. Nobis hæc tantum indicasse satis est, cum horum difficultum thematum demonstrationes, tironum, quibus tantum scribimus, stomacho consequi nequeant.

sive in curva moveri, nisi a pluribus, quam ab una causa, agatur: sit enim centrum C , (*Tab. 7. Fig. 9.*) corpus in A , quod motum continuaret in parte ultima curvæ, quæ producta, est Tangens ejus AB : verum si causa accesserit, illud agens interea quantitate BE versus C , movebitur in AE . Ex E iterum exiret in tangente EF , cum vero interea agitur quantitate FG versus Centrum C , movebitur in EG , ideoque plures causæ concurrant necesse est, ut corpus circa centrum aliquod C moveatur (1).

§. 402. Si corpus A (*Tab. 7. Fig. 10.*) in curva circa centrum C vi ad illud tendente moveatur, describit areas temporibus proportionales.

Feratur enim A aliquo tempore in recta AB , pari tempore pergeret moveri in recta $BL = AB$; sed interim agatur ad centrum C motu LD , parallelo ad BC , describet motu composito rectam BD ; ducantur CA , CB , CL , CD . Erit Triangulum CAB æquale æque alto Triangulo CBL , & hoc æquale BDC , super eadem basi & inter easdem parallelas: sed Triangula CBA , CBD , vocantur areae a mobili circa centrum C descriptæ. Eodem modo corpus in recta BD continuaret motum in DE ; sed cum fertur motu EF parallelo ad DC , versus centrum C , movetur in DF , describitque Triangulum $DFC = DEC = BDC = ABC$, æqualibus temporibus.

Si

(1) Corporum in lineis curvis motorum vis centrifuga oritur ab ipsa materiæ inertia, qua nempe fit, ut si corpus secundum datam positionem rectam moveatur, per eandem in directum indefinenter moveri pergat, nisi extrinsecus impediatur. Cum enim curvæ omnes, secundum communem veterum & recentiorum Geometrarum sensum, nil aliud sint quam totidem polligona infinitorum numero laterum infinite parvorum, dum prima temporis particula unum ex his lateribus Mobile percurrit, per idem deinceps productum, seu per ipsam curvæ tangentem, motum suum prosequatur oportet; vel si impediatur, per id saltem tendat, & conetur: atque hoc ipsum est, quod corporum in lineis curvis revolvenda

tium vim centrifugam dicimus. Sed mobile per curvæ tangentem haud evadere, verumtamen per ipsam curvæ motum suum prosequi supponimus: adesse igitur oportet vim aliam perpetuo in corpus agentem, ipsumque de cursu rectilineo retrahentem, flectentemque successive per reliqua polygoni latera; atque id est, quod vim centripetam dicimus, quatenus versus aliquod punctum veluti centrum dirigitur. In omni itaque corpore quod per lineam curvam movetur, duæ spectandæ erunt vires indefinenter in illud agentes, quarum una a semita curvilinea per tangentem corpus retrahitur, altera ad aliquod punctum veluti centrum impellitur; ex quibus simul agentibus motus curvilineus inde fit.

Si AB, BD, DF sint admodum exiguae, constituent curvam (1).

§. 403. Vis centrifuga vario modo determinari potest: si enim circa centrum C (Tab. 7. Fig. 11.) in circulo moveatur corpus A, ab A usque ad B, id laxatum in Tangente AD fuisset translatus; recessisset proinde a centro quantitate BD, quæ cum exprimat viam, quam corpus pressione vel tractione absolvisset. exprimit ejus Vim centrifugam (2): Est hæc recta BD æqualis secanti arcus AB, demto radio CB.

§. 404. Potest quoque hoc modo Vis centrifuga determinari. Sit arcus AB admodum exiguus. poterit pro recta haberi: AD est ejus Tangens, poterit ED haberi parallela ad EA, hinc BD recessus corporis A a centro, exprimet vim ejus centrifugam; ex B dimittatur perpendicularis BI in AE, erit $AI = BD$. Sed est EA, AB::

AB, AI; ideo $AI = \frac{AB^2}{AE}$. Quamobrem vis centrifuga BD est æqualis quadrato arcus descripti AB, diviso a diametro circuli EA.

§. 405.

(1) Hinc etiam conversum theorema facile deducitur; quod scil. si corpus A moveatur in linea curva veluti ABDFH, & radio ducto ad punctum aliquod C, circa idem describat areas ABC, BDC temporibus proportionales, vis ejus centripeta ad idem punctum C tanquam centrum dirigatur. Ponantur enim tempora per AB, & BD æqualia, adeoque & æquales sint areæ ABC, BDC; tum producaturs AB usque ad L, itaut AB, BL sint æquales, ducaturque LC. Ob æquales AB, BL, & indirectum, æqualia erunt triangula ABC, BLC. Sed idem ABC æquale est triangulo BCD ex hypothesi, ergo BLC, BCD æqualia erunt, & super eadem basi; adeoque ducta LD, ipsi BC erit parallela; & corpus in B jam vi BL actum, urgebitur etiam vi LD, vel BO, scil. versus centrum C. Quod E. D. Atque hinc discimus vires Planetarum Primariorum ad Solem tendere, & Secundariorum ad suos Primarios, cum ex reiteratis observationibus illi

circa Solem, hi vero circa suos Primarios areas describant temporibus proportionales.

(2) Sit enim arcus AB infinite exiguus, itaut suæ tangenti AD supponi possit æqualis (per lem. 7. sectionis 1. Princip. Math.;) ac removeri ponamus vim illam, qua ad centrum C tendit: describeret tum corpus ipsam tangentem AD, eodem tempore, quo ambabus viribus per arcum AB incedit. Sola igitur vi centrifuga corpus removeret temporis particula a centro C intervallo BD; quod proinde apte ejusdem vis centrifugæ pro eo tempusculo mensuram designare potest. Sed & eodem intervallo BD & vis centripetæ mensura potest exhiberi, quatenus scil. eo ipso corpus a semita rectilinea ad centrum C vi centripetæ urgeatur. Quamobrem vires centrifugæ & centripetæ solo respectu differunt, suntque velut actio & reactio semper æquales & contrariæ; atque adeo eadem ratione & calculo æstimandæ.

§. 405. Quod tempus impendit mobile, dum integram revolutionem circa centrum absolvit, appellatur *Tempus Periodicum*.

§. 406. Pendet hoc a celeritate corporis; atque est respectu duorum corporum diversa celeritate in eadem curva motorum, in ratione inversa celeritatum.

§. 407. Hinc vis centrifuga alio adhuc exprimi potest modo. Si enim corpora æquabili motu in circulis moventur, arcus dato tempore descripti, erunt ut corporum celeritates;

idcirco in expressione $\frac{ABq}{AE}$ in §. 404, loco arcus AB, cele-

ritatem capere licet, quæ vocetur C. tumque $\frac{ABq}{AE}$ erit $= \frac{CC}{AE}$.

§. 408. Quoniam Tempora periodica sunt in ratione directa orbium, in quibus moventur corpora, & in ratione inversa celeritatum (1), vocentur hæc Tempora, T, t; & orbes O, o, Celeritates C, c. erit T, t :: Oc, o C. Sed sunt orbes uti diametri, vel radii, qui vocentur R, r; quare his loco orbium substitutis, erit T, t :: Rc, r C: divisisque his quantitibus a c & C, erit T, t :: $\frac{A}{C}$, $\frac{r}{c}$ (2); ideo C, c :: $\frac{R}{T}$, $\frac{r}{t}$ (3): quare capi possunt hæc quantitates loco Celeritatum, cumque in §. 407. vis cen-

(1) Quandoquidem si corpora A & B (Fig. 13. Tab. 7.) in duobus diversis orbibus eadem celeritate incedant, erunt eorum arcus similes AF, BI, ut tempora quibus percurruntur: atque adeo integri orbes in ipsa temporum periodicorum ratione. Quod si per eundem vel æquales orbes diversa item celeritate mobilia incedant, eorum periodica tempora erunt ut orbes directe, & celeritates inverse.

(2) Nam cum sit T, t :: Rc, rC, extrema & media in se invicem ducendo, erit TrC = tRc, & dividendo utrinque per Cc, erit $\frac{TrC}{Cc} =$

$$\frac{tRc}{Cc}, \text{ seu } \frac{Tr}{c} = \frac{tR}{C}; \text{ atque adeo } T,$$

$$t :: \frac{R}{C}, \frac{r}{c}$$

(3) Nam si prioris æquationis TrC = tRc singula membra dividas

$$\text{per Tt, erit item } \frac{TrC}{Tt} = \frac{tRc}{Tt}, \text{ seu}$$

$$\frac{rC}{t} = \frac{Rc}{T}; \text{ atque adeo } C, c :: \frac{R}{T}, \frac{r}{t}$$

centrifuga exprimebatur ope $\frac{CC}{AE}$ erit illa æqualis $\frac{R}{TT}$ (1).

§. 409. Si proinde Vires duorum corporum vocentur V, v ; tum per §. 408. erit $V, v :: \frac{R}{TT}, \frac{r}{tt}$, & ideo etiam $V, v :: R \text{ } tt, r \text{ } TT$ (2). Sive erant vires centrales in ratione directa radiorum illorum circularum, in quibus corpora moventur, & in ratione inversa quadratorum temporum periodicorum. Erit quoque $V. v :: \frac{tt}{r} \frac{TT}{R}$ (3).

§. 410. Vires centrales duorum corporum æque velocium, & in æquali distantia a centro, sunt inter se in ratione massarum (4).

Hinc si duo Fluida diversæ gravitatis specificæ inclusa sint tubo vitreo, ad horizontem inclinato, & circumgyrentur, gravius ascendit, magisque recedit a centro, quam levius: idemque fit cum fluido graviore, cui solidam innatat.

§. 411. Si corpora æqualia quorum idem est Tempus periodicum, sint in diversis distantis a centro, erunt Vires centrales, uti distantis a centro.

Vis

(1) Cum enim sit $C = \frac{R}{T}$, erit

$$CC = \frac{RR}{TT}; \text{ adeoque si in formula}$$

$$\frac{CC}{AE} \text{ §. 407. seu } \frac{CC}{R}, \text{ loco } CC \text{ sub-}$$

$$\text{stituas ejus valorem } \frac{RR}{TT}, \text{ prodibit}$$

$$\frac{RR}{TT} \text{ seu } \frac{R}{TT}.$$

(2) Etenim, ob $U, v :: \frac{R}{TT}, \frac{r}{tt}$

$$\text{erit } \frac{uR}{TT} = \frac{Ur}{tt}; \text{ \& multiplicando}$$

utrinque, primum per TT , tum

per tt , erit $uRtt = UrTT$; atque adeo $U, v :: Rtt, rTT$.

(3) Cum sit $uRtt = UrTT$; dividendo utrinque per Rt , erit $\frac{uRtt}{Rr} = \frac{UrTT}{Rr}$, seu $\frac{utt}{r} = \frac{UTT}{R}$

atque adeo $U, u :: \frac{tt}{r}, \frac{TT}{R}$; seu

erit $V, ut :: ttR : TTr$, uti prius.

(4) Moveantur enim in eadem circuli circumferentia (Tab. 7. Fig. 13.) duo corpora P & A , quorum P quadruplum sit quoad massam alterius A ; patet ejus massæ quadrantem eadem vi centrifuga donari, qua & A præditum est; adeoque in quatuor ejusmodi quadrantibus, seu ipso P , vis centrifuga erit quadrupla ejus, quæ est in A .

Vis centralis corporis A, (*Tab. 7. Fig. 13.*) exprimitur per DF, corporis B per IH: sunt HC, CB :: DC, CA; idcirco HC—CB: CB:: DC—CA: CA; ego HC—CB, DC—CA:: CB, CA. Vel sic brevius. Quia per §. 408. $V, v ::$

$\frac{B}{TT} \frac{r}{tt}$, cum ponitur $T = t$, erit $TT = tt$, & ideo $V. v :: R. r$.

§. 412. Si ergo corpus B sit ad corpus A, ut AC ad CB, five in ratione inversa distantiarum, erunt Vires centrales æquales.

§. 413. Si duo corpora A & B (*Tab. 7. Fig. 14.*) æqualia, in eadem distantia AC a centro, ferantur diversa velocitate AO, AB, erunt Vires horum, veluti sunt quadrata velocitatum AO, AB. Nam per §. 404. est Vis centralis corporis A, uti $\frac{\overline{AOq}}{\overline{AD}}$, & corporis B, uti $\frac{\overline{ABq}}{\overline{AD}}$, quæ sunt uti \overline{AOq} ad \overline{ABe} .

§. 414. Si hæc corpora A & B §. 413. fuerint inæqualia, erunt Vires eorum centrales in ratione composita ex ratione massarum, & quadratorum velocitatum.

§. 415. Si corpora æqualia A, B, (*Tab. 7. Fig. 13.*) in circulis inæqualibus pari velocitate AF, BS ferantur, erunt vires centrales in ratione inversa distantiarum a centro.

Est enim per §. 407. $V = \frac{CC}{AE}$; adeoque $V, v :: \frac{CC}{AE}$,

$\frac{e c}{a e}$; & quia ponitur $C = e$, erit $CC = ee$, adeoque $V,$

$v :: \frac{1}{AE}, \frac{1}{ae} :: ae, AE$, five, ut in figura 13, ut 2BC ad 2AC :: BC ad AC.

§. 416. Si duo corpora A & B fuerint æqualia, Tempora autem periodica, & intervalla a centro inæqualia, erit Vis centralis corporis A ad eam in B, uti interval- lum corporis A a centro, divisum per quadratum sui tem- poris periodici. Nam per §. 408. est vis centralis æqualis

$\frac{R}{TT}$; adeoque erunt duorum corporum A & B vires,

uti $\frac{R}{TT} \frac{r}{tt}$, five secundum figuram 13. uti $\frac{AC}{TT}$ ad $\frac{BE}{tt}$.

§. 417. Positis corporibus æqualibus, si quadrata Temporum periodicorum fuerint inter se uti Cubi distantiarum, erunt Vires centrales in ratione inversa quadratorum distantiarum.

Illis quæ posuimus in §. 416. hic assumptis, supponitur $TT, tt :: AC \text{ cub. } BC \text{ cub.}$ Verum Vires centrales in

A sunt per §. 416. uti $\frac{AC}{TT}$ & in B = $\frac{BC}{tt}$, adeoque loco

Denominatorum ponantur quantitates proportionales AC

cub. & BC, cub., erit vis in A, ad eam in B :: $\frac{AC}{ACc}$ ad

$\frac{BC}{BCc} :: \frac{1}{ACc}, \frac{1}{BCc} :: BCq. ACq.$

§. 418. Est hæc Propositio quoque vera positis corporibus inæqualibus. Sunt enim tum vires in ratione composita, ex directa ratione magnitudinum, & inversa quadratorum distantiarum a centro. Quoniam vero Planetæ Primarii, qui circa Solem, tum Secundarii, qui circa Primarios Planetas, continuas conversiones cursusque conficiunt, experiuntur quadrata Temporum periodicorum inter se, uti Cubi sunt distantiarum, patet Vires eorum centripetas esse in ratione inversa quadratorum distantiarum. Sed Vis, qua corpora tendunt ad Centrum aliquod maxime corporeum, vocatur Gravitas: est proinde Planetarum primariorum Gravitas in Solem, & Secundariorum in Primarios, in memorata proportionem, in qua etiam corporum nostrorum Terrestrium se habet gravitas; per ea quæ vidimus in §. 228.

Virium centrifugarum calculum primus iniecit Nob. Hugenius, postea hanc doctrinam pluribus subtilissimisque inventis promoverunt Nob. Newtonus, Keillius, Moivreus, Joh. Bernoullius, alique, qui consuli possunt (1).

CAP.

(1) Virium centralium theoriam omnium maxime promovit Cl. Newtonus *sect. 2. & 3. Princ. Math.*, earumque rationes & quantitates quærit nedum in corporibus, quæ

in circuli circumferentia volvuntur, sed in iis etiam, quæ per aliarum quarumvis curvarum perimetros moventur: idque maxime notabile hic ostendit; quod si corpus in Ellipfi,

De Corpore Duro, Fragili, Molli, Flexili, Elastico.

§. 419. **C**orpus durum vocare solemus id, cujus partes, respectu nostrorum sensuum, vehementer compressæ vix, aut parum, in se invicem cedunt, difficulter a se separantur, & proinde, cujus figura vix mutabilis est.

§. 420. *Corpus perfecte durum* vocamus, cujus partes vituncunque magna compressæ, nec in se cedunt, nec a se separantur: quod proinde figuræ immutabilis est. Hujusmodi corpora magna in Universo non novimus: quæcunque cognita sunt, possunt atteri, contundi in partes, aut pressa figuræ mutationem patiuntur, ne quidem Adamante, aliisque Gemmis, Silicibus, Lapidibusque quibuscunque exceptis. Elementa tamen ultima, quæ minimæ sunt partes, in quas corpora resolvi possunt; videntur duritiem perfectam possidere; cum a nullis Viribus Naturæ ulterius resolvantur: adeoque corpora quæcunque, quæ ex elementis componuntur sibi accumulatis, constant ex partibus perfecte duris.

§. 421. *Corpus fragile* appellamus, quod durum est, sed a levi percussione frangitur, veluti est Chalybs igne induratus, Vitrum, vasa porcellanica. Horum partes firmæ secum quidem cohærent, sed solvuntur, simulac vel tantillum a mutuo contactu recesserint, hinc a levi percussione, id efficiente, franguntur.

§. 422. *Corpus fissile* appellamus, quod ex lamellis sibi impositis constat; quarum partes, quamlibet lamellam componentes, firmius inter se cohærent, quam lamella cum sibi proxima: ideo cum hujusmodi corpus frangitur, in lamellas abire solet: ita est Talcum Muscoviticum, Lapis ardosius &c.

§. 423. *Corpus molle* vocamus, cujus partes, respectu nostrorum sensuum, compressione exigua facile cedunt in se mutuo, & viribus exiguis a se separari possunt, uti Butyrum, Mel.

R 2 §. 424

pli, sive in Hyperbola, sive in Parabola moveatur, vi centripeta tendente ad dictarum figurarum umbilicum, hæc sit semper reciproce, ut quadratum distantiae ab eodem umbilico. Ex quo inde illius con-

versum consequitur, posita scil. gravitatis lege inverse, ut quadratum distantiae a centro non in aliis curvis projecta moveri, præter conicas sectiones, uti supra innuimus.

§. 424. Corpus eo propius ad *perfectam mollitiem* accedit, quo partes minori vi a nexu mutuo removeri possunt. Corpora magna mollia dantur in universo plurima, uti est butyrum, argilla humida &c. quæ ita se habent, ut figuram corporis comprimantis acquirant, eamque postea retineant. Perfecte mollia tamen non dantur, siue quorum partes vi nulla (excepta vi Inertiæ) a se separari possunt, quia omnes omnium corporum partes vi notabili ad se trahuntur, quæ superanda est a causâ, remouente partes corporum a se mutuo.

§. 425. *Corpus flexile* vocatur, cujus figura mutari, elongari, & abbreviari potest, non separata interim partium unione vel coherentia. Ejusmodi corpora sunt plurima, veluti omnes membranæ animalium, partes oblongæ viridum vegetabilium. Videntur hæc componi partibus oblongis, sibi mutuo impositis illo vel simili ordine, quo ex lateribus nostri muri exstruuntur.

§. 426. *Corpus tenax* appellatur, quod ex partibus constat, quæ multum a se mutuo recedere possunt, non tamen unione soluta.

§. 427. Si corpus flexile, cessante vi figuram mutante, propria sibi vi partes restituat in figuram pristinam, vocatur *Elasticum*.

§. 428. *Elasticitas perfecta* dicitur, cum vis corporis distracti, vel elongati & sese restituentis, est æqualis viribus, quibus mutata erat figura, corpusque accurate ad eandem redit figuram, quam ante distractionem habuerat. Sed *Elasticitas* est *Imperfecta*, cum distractum vel compressum corpus ad pristinam quidem figuram redire nititur, id autem vi minori præstat, quam qua mutatum erat. Elasticitas in omni fere corpore cognito, saltem in pluribus Metallis, Semimetallis, Lapidibus, Gemmis, Fossilibus inest: 2. In omni parte solida corporis animalis, veluti in Membranis, Ossibus, Cartilaginibus. 3. In solidis partibus Vegetabilium cognitorum & siccorum. Gradus Elasticitatis in diversis corporibus, quamplurimum inter se discrepant, & licet forte perfecta non detur in ullo corpore, datur tamen perfecte propinqua in Unguibus, Cartilaginibus, Chalybe indurato, Vitro, Gemmis.

§. 429. Videtur Elasticitas differre pro varia corporum compactione: quo enim Metalla malleis plus tunduntur, & com.

& compactiora redduntur, eo sunt magis elastica. Chalybs igne temperatus & maxime elasticus, habet densitatem respectu Chalybis mollis, uti 7809. ad 7738.

§. 430. Præterea, quo corpora plus frigent, eo sunt magis elastica; sunt vero tum densa & contracta; quo plus calent, eo minus sunt elastica, sunt vero tum rariora. Ideo globi ex tormentis bellicis frigidis, vi incensi pulveris explosi, ad maiorem projiciuntur distantiam, quam ex iisdem calentibus, notante Cl. Belidorio.

§. 431. Quorumcunque corporum Elasticorum, sive Fossilium, sive Animalium, sive Vegetabilium Elasticitas manet immutata in Vacuo Boyleano, eademque est ac in Aere aperto, modo corpora nec caleant, nec humefiant: uti experimenta a Boyleo, Hauksbejo, Derhamo, aliisque Philosophis instituta in Metallis, Balæna, Chordis, Lana, Spongiis, Vitro, docuerunt (1).

§. 432. Causam Elasticitatis quæriverunt plurimi Philosophi, quorum nonnulli considerantes corporis A, B, C (Tab. 7. Fig. 15.) non inflexi poros esse cylindricos, flexi vero *a, b, c* esse conicos, a parte exteriori *k, m*, latiores, ab interiori *d, e*, angustiores, opinati sunt subtilissimum æthera latiori parte *k, m* influere majori copia, aut facilius, quam effluere ex *d, e*, adeoque eum impingere latera *ad, ld, ie, ce*, eaque pellere versus *f, g, h*; conari ampliare partem angustiore: quod dum fit, pelluntur iterum partes in situm pristinum rectum ABC. Quæ licet ingeniosa sit hypothesis, in ea tamen animadvertimus. 1^o esse hypothesein dari materiam subtilem (2): 2^o si eam esse concesserimus, fluat tantum una directione veluti omnia alia corpora: fluat igitur, ut ABC inflexum in situm *abc*, ingreditur a parte latiori *k m*, effectus restitutionis inde sequetur: verum immediate post flectatur idem cor-

R 3

pus

(1) Eo spectant hic indicata ab Auctore experimenta, ut ostendatur vim elasticam ab aere saltem crassiori non dependere: nihilominus haud difficile mihi persuaserim quorundam corporum, saltem laxioris compaginis, uti spongiæ, lanæ, plumarum, elasticitatem, seu in suas priores figuras restitutionem fieri ob aeris pondus. Quemadmodum enim aqua e vesica sub aquis violenta manu expressa, in eandem vesicam proprio pondere resluit, ces-

sante pressione; ita quid obstat quominus concipiamus prædicta laxioris texturæ corpora a vi forinsecus agente compressa, atque ita inclusum intra se aerem excludentia, compressione cessante, in priores redire figuras, ob eundem aerem naturali suo pondere ad felicta interstitia resluentem, eorumque corporum fibras in pristinum statum restituentem?

(2) Qualem nempe Cartesiani qui in hac elasticitatis causa propugnanda sunt toti, commenti sunt.

pus in alium situm, an igitur Materia subtilis id cognoscet, atque illico fluxus sui cursum quoque mutabit? nam si ut ante fluere pergat, partemque angustiores ingredietur, restitutio figuræ fieri non poterit: 3°. Supponamus dari duo corpora sibi proxima, quæ contrario situ inflectantur, unum in *a, b, c*, alterum in *KLM*; hæc influxu unius ejusdemque directionis restitui non poterunt: si & hoc modo in sphaeræ figuram lamellas elasticas ordinatas animo conceperimus, fieri nequit, ut omnes pari modo & eodem tempore ab influente Fluido restituantur; restitutio tamen contingit (1).

§. 433. Cum has difficultates perceperant Viri Sagaciores, priorem sententiam aliquantum immutarunt, supponentes, subtilissimum æthera ipsum esse elasticum, suoque influxu in corpora, reddere hæc elastica. In qua sententia notamus 1°. dari hic alteram hypothesim, quod conjecturam aliquam facit omnino chimericam. 2°. detur Æther elasticus, ejus partes igitur compressibiles, mutabilesque erunt, & se restituent postea, per quamnam causam? an hæc iterum ab alio Æthere subtiliori, etiam elastico; quamnam elasticitatis in hoc causa erit? Alii posuerunt Ignem esse Elasticitatis causam; quæ non videtur esse vera, quia Ignis, quo copiosior, eo minus elastica sunt corpora; minus enim elastica sunt metalla calentia, quam frigida, uti & alia omnia corpora, quæ ab igne liquefunt. Forsitan vera causa adhuc latet, quia nondum satis proprietates & effectus corporum elasticorum examinarunt Philosophi; præstabit judicii suspensio, donec plura experimenta huc spectantia instituta fuerint (2).

CAP.

(1) Adductis præterea argumentis & hoc addi potest; quod scilicet explicari nequeat cur non omnia cujusque speciei corpora similiter compressa in suas priores figuras redeant, aut saltem haud pari vi redeant, si ex præterlabentis materiæ subtilis impetu in arctiores pororum partes, elasticitas suam trahat originem. Quod enim contendit Rohaultius *Phys. par. 1. cap. 22. num. 36.* quorundam corporum meatus adeo latos esse posse, ut etiam vi compressionis angustiores facti, materiam tamen subtilem non remorentur, id

haud mihi satisfacit. Nam 1. majoribus corporum poris, major est transeuntis materiæ subtilis quantitas, majusque proinde ejus vis ad arctiores pororum partes dilatandas, & in pristinum situm restituendas. 2. tam comprimi semper hæc corpora possunt, ut eorum meatus angustiores nimium ex una parte reddantur præ altera, atque adeo materiam subtilem ibi præterlabentem remorari plurimum valeant.

(2) Samuel Clarke in notis ad Rohaultii *Physicam* loco mox laudato, elasticitatis causam ex renixu;

&



C A P. XVI.

De Percussione.

§. 434. **P**ercussio ea vocatur actio, qua corpus motum omni sua vi in aliud impingitur.

§. 435. Hæc fit, cum corpus motum in alterum quiescens impingit; vel quando celerius assequitur aliud lentius præcurrens: vel cum ambo corpora directione opposita in se ruunt. Hi tres casus dantur, vel in corporibus Duris, Mollibus, vel Elasticis. Quia corpora perfecte dura non dantur tam magna, ut in iis pericula facere liceat, sed hæc mere sint elementa, quæ sua subtilitate sensus effugiunt, tantum percussione corporum Mollium & Elasticorum examinabo.

§. 436. *Velocitas respectiva* vocatur ea, qua duo corpora ad se invicem accedunt, aut a se recedunt. Idcirco si unum corpus quiescat, alterum moveatur, ad id accedendo, velocitas Respectiva est eadem ac Absoluta. Si ambo corpora in eadem directione ferantur ad eandem plagam, erit velocitas respectiva æqualis differentię ambarum velocitatum, qua corpora vel ad se accedunt, vel a se recedunt. Si duo corpora ad se opposita directione ferantur, erit velocitas respectiva summæ ambarum Velocitatum æqualis.

§. 437. *Percussio directa* fit, cum linea directionis per centrā Gravitatis amborum corporum transit, & per il-

R 4

las

& reactione, quæ actioni semper esse debet æqualis, mutuatur. Corpore scil. elastico data vi incurvato, ejus particulæ, quæ in concava superficie sunt, compressæ, eadem vi in iisdem repercussæ & reagentes, in priorem situm restituuntur. Pape quam nullo negotio? Sed quare non omnia corpora similiter compressa, vi reactionis in iisdem compressis particulis, in priorem situm redeunt? Præterea reactionem non in ipsas corporum compressas partes, sed in comprimentem causam exerceri, notius est quam

quod demonstratione indigeat. Tandem circa elasticitatis causam id similis vero, ab universali corporum, minimarumque componentium particularum attractione eam dependere, quemadmodum Cl: Newtonus arbitratur: quatenus corporis compressi minimæ particulæ a suis primigeniis contactibus recedentes, nec in novos contactus abeuntes, attractionis vi priores contactus petunt, atque ita corporis restitutionem procreant: uti deinceps aptius colligemus in notis ad caput 18.

las partes superficierum, quæ in percussione se mutuo contingunt, ac in eam lineam perpendiculares sunt (1).

§. 438. Quocunque alio modo percussio fiat; *Obliqua* vocatur: prius de percussione directa corporum mollium agam.

§. 439. Si duo corpora mollia se invicem percutiant, mutabuntur amborum figuræ, partibus eorum intropressis, aut separatis: si corpus durum inciderit in molle, etiam mollis corporis figura mutabitur, partibus ejus intropressis: partes intropremi nequeunt, nisi superetur vis, qua cohærent; hæc resistit, tollitque ideo vini corporis impingentis, secundum §. 206. Quamobrem, quotiescunque corpus molle percutitur, destruetur ea vis corporis impingentis, quæ impenditur in mutatione figuræ, quam corpus molle habebat.

§. 440. Si corpus A in corpus molle B, ipsi æquale, & quietum inciderit; post percussione[m] movebuntur A & B conjunctim, velocitate duplo minori, quam qua A inciderat (2); quamobrem dimidia quantitas virium perit, quæ consumpta fuit in mutatione figuræ. Si v. gr. A impegerit B velocitate 10. graduum, habet vires 100; post percussione[m] velocitas utriusque massæ est 5 grad.: ergo Vires pro qualibet massa seorsum sunt 25, & summa amborum 50; adeoque perierunt Vires 50, quæ sunt consumptæ in mutatione figuræ.

§. 441. Quotiescunque velocitas respectiva amborum corporum A & B æqualium, & se percutientium est eadem, est tum mutatio figuræ, tum Vis destructa eadem(3).

Si

(1) Juvat hic corpora, quæ in se mutuo impingunt, spherica supponere, atque ex materia uniformi, ejusdem ubique densitatis.

(2) Ratio est, quia post ictum eadem quantitas motus in utroque A & B manet, quæ ante ictum in solo A fuerat; quantum enim motus ex A transit in B, tantundem in A perimitur, ob actionem reactioni contrariam & æqualem; atque adeo eadem maneat necesse est motus quantitas. Sed hæc fit ex massa & velocitate conjunctim; igitur cum dupla modo facta sit massa ob corpus B priori A additum, & utrumque simul motum, duplo minor fiat oportet utriusque simul velocitas; ita enim,

nec aliter eadem quantitas motus manere potest.

(3) Corpora enim communi velocitate, & quæ versus eandem plagam urget corpora, haud in se invicem agunt §. 180; sed omnis eorum actio sola respectiva velocitate, exeritur, cum hac sola se mutuo attingant, & in se invicem agant. Igitur figuræ mutatio, quæ in corpore molli inducitur, a sola respectiva velocitate dependet; proindeque hac data, & constanti velocitate, eadem semper fiet figuræ mutatio; atque adeo eadem semper virium amissarum summa, quæ nempe in eadem mutatione inducenda impenditur.

Si enim ambo in se contraria directione inciderint, A velocitate 5, B velocitate 5 graduum, est velocitas respectiva 10, ut in §. 440. peracta percussione quiescent ambo, Viribus 25 in ambobus corporibus destructis pro mutatione figuræ, quæ mutatio æqualis est priori. Si A velocitate 6 graduum, B velocitate 4 graduum delatum fuerit, erit iterum velocitas respectiva 10, post percussione eadem figuræ mutatio ac ante. Si A feratur 8, B 2 velocitatibus, iterum est figuræ mutatio eadem, cum velocitas respectiva corporum in se ruentium sit 10.

Sed idem obtinet, cum Corpus A, celerius motum, assequitur B præcurrens, verum lentius: A enim delatum velocitate 15 graduum, percutiat B, quod præcurrit velocitate 5 graduum, erit velocitas respectiva iterum 10: in hac percussione erit figuræ eadem inducta mutatio.

§. 442. Quamobrem mutatione figuræ ea quantitas Virium perit, quæ datur in corporibus æqualibus, velocitate æquali in se & opposita directione ruentibus. Igitur quotiescunque corpora æqualia in se cum Velocitate eadem respectiva, ac in memorato casu ruunt, quibuscunque Viribus & directionibus ferantur post percussione, quantitas Virium destructarum cognoscitur.

§. 443. Ut vero tum velocitas communis utriusque massæ, & directio eruatur: Ex summa Virium ante percussione subtrahatur summa Virium amissarum, residuum dividatur per summam massarum, atque ex quotiente extrahatur radix quadrata, hæc erit velocitas communis: directio vero habetur a parte corporis, maxima velocitate ante percussione moti.

Corpus A habeat velocitatem 15 graduum, & sequatur B lentius præcurrens, motumque velocitate 5 graduum: erit Vis in A = 225, in B = 25, summa = 250. Vires amissæ in percussione, per §. 441. sunt = 50; nam velocitas respectiva est = 10: remanent Vires 200, quæ divisæ a massis duabus A & B, sunt = 100; ex quibus extracta radix quadrata est 10, quæ velocitas communis utriusque juncti corporis est, quod feretur in eadem directione, qua A movebatur (1).

Ruat

(1) Sed simplicius velocitas post istum potest definiri, spectato prius, quod si corpus unum alteri vel quiescenti, vel versus eandem partem tardius moto occurrat, eadem quantitas motus, quæ erat ante ictum, post ictum in utroque simul corpore maneat, uti superius animadver-

Ruat A velocitate 8 graduum in B, quod opposita directione & velocitate 2 graduum inoveatur; erit velocitas respectiva = 10, atque Vis in A = 64, in B = 4, summa = 68. Vis amissa in percussione est = 50, quæ subducta ex 68, relinquit 18: hoc divisum ab ambabus massis dat 9, cujus radix quadrata est 3, quæ velocitas communis est post percussione, & cum eadem directione, quæ corpus A antea ferebatur.

§. 444. Si corpora fuerint inæqualia, quæ in se mutuorum, tum vis destructa in mutatione figuræ cognoscetur, si ambæ massæ in se multiplicentur, hoc productum in quadratum velocitatis respectivæ iterum multiplicetur, atque hoc secundum productum dividatur per summam amborum massarum. Nititur hæc regula sequenti experimento: Quotiescunque duo corpora inæqualia in se ruunt directione opposita, & velocitatibus, quæ sunt in ratione inversa magnitudinum, post percussione quiescent, omnibus in mutatione figuræ consumptis viribus.

Sint jam corpora A & B, illud feratur celeritate a , hoc b ; si tum omnes vires in percussione peribunt, erit A, B: : b , a . Quia ambo corpora opposito motu in se ruunt, erit velocitas respectiva æqualis $a + b$. Ponatur $a + b = d$, & considerando præcedentem proportionem, erit compo-

nendo, $A + B$, B: : d , a ; ergo est $a = \frac{B d}{A + B}$; tum etiam $A + B$, A: : d , b . idcirco $b = \frac{A d}{A + B}$. Summa virium

in

advertimus. Quod si obviam corpora eant, quantitatum motus utriusque differentia tantum maneat post ictum, ex majori scilicet motu extincta parte, quæ minori æqualis sit, uti ex §. 356. colligi potest. Fit vero quantitas motus ex velocitate & massa conjunctim: Igitur si summa quantitatum motus ante ictum per massam utriusque corporis dividatur, habebitur in quotiente velocitas utriusque post ictum, positis motibus versus eandem partem. Tum si differentia quantitatum motus ante ictum per utriusque item corporis massam dividatur, quotiens exhibebit utriusque velocitatem post ictum cum nempe corpora versus contrarias partes feruntur. Res exemplis clarior fiet.

Corpus A habeat materiæ quantitatem ut 2, velocitatem ut 15, & erit ejusdem motus quantitas 30: id occurrat corpori B, cujus materia est etiam 2, velocitas versus eandem partem 5, atque adeo ejus quantitas motus 10. Summa ergo quantitatum motus ante ictum est 30 + 10 seu 40, eaque divisa per utriusque corporis massam 2 + 2 idest 4, quotus 10 exhibebit utriusque velocitatem post ictum. Quod si eadem corpora obviam eant, sumenda tum est differentia earundem quantitatum motus, nempe 30 — 10, idest, 20; eaque dividenda per summam quantitatum materiæ utriusque, idest, 4; atque adeo quotus 5 exhibebit velocitatem utriusque post ictum.

in utroque corpore est $A a a + B b b$. Nunc loco $a a$, capiatur inventa quantitas ipsi æqua-

lis, quæ est $\frac{BBdd}{A+Bq}$, & loco bb capiatur $\frac{AAdd}{A+Bq}$: hæ

quantitates multiplicatæ in corpora, dant $A a a + B b b =$
 $ABBdd + AABdd$

; divisione numeratoris & denominatoris
 $A+Bq$,

facta ab $A+B$, habebitur $\frac{ABdd}{A+B}$; & quia posuimus velo-

citates in ratione inversa magnitudinum, hæ vires peribunt
 in mutatione figuræ (1).

S. 445.

(1) Demonstrationem regulæ pro æstimanda virium quantitate, quæ in mutatione figuræ pereunt, hic exhibet Auctor, nimis specialem, ac unicum duptaxat impactus corporum casum respicientem, cum sc. corporum massæ reciprocam suarum velocitatum rationem servant; nec sane qua ratione ad ceteros casus eadem obtineat regula mihi ex illa demonstratione innotescit. Ita vero generalem ejus regulæ demonstrationem concipi posse puto, pro corporibus primum quæ versus plagas contrarias feruntur. Eorum sane quantitas motus post ictum eadem est, ac quæ ante ictum erat differentia quantitatum motus utriusque; adeoque positis iisdem denominationibus, ea erit $Aa - Bb$, & utriusque item

velocitas $\frac{Aa - Bb}{A+B}$, atque ejus velo-

citatis quadratum
 $AAaa - 2ABab + BBbb$

. Si hoc

ergo quadratum per massam $A+B$ multiplicetur, factum exhibebit utriusque corporis vim post ictum; eaque proinde erit

$AAaa - 2ABab + BBbb$. Est autem

$A+B$

vis ante ictum $Aaa + Abb$,
 idest $AAaa + ABbb + ABaa + BBbb$

$A+B$

Ex hac ergo quantitate si reliqua post ictum vis modo inventa aufertur, reliquum dabit destructarum virium quantitatem: est vero id residuum, deletis terminis, qui se mutuo destruunt.

$ABaa + ABab + ABbb$, seu

$A+B$

$ABxaa + 2ab + bb$, seu

$A+B$

$ABxa + b$: & substituto d pro velo-

$A+B$

citæ ipsa respectiva $a+b$, prodibit tandem virium amissarum quantitas

$ABdd$
 $\frac{ABdd}{A+B}$; quæ est ipsissima Auctoris

regula.

Pro corporibus vero, quæ versus eandem partem moventur, eadem quoque regula obtinet. Tum enim quantitas motus post ictum, erit in utroque corpore eadem, ac quæ erat summa motuum ante ictum, nempe $Aa + Bb$; adeoque utriusque simul veloci-

tas

§. 445. Velocitas communis post percussionem cognoscetur, si a summa virium ante percussionem subtrahantur Vires amissæ: residuum vero dividatur per summam massarum ex quotiente extracta radix quadrata dabit velocitatem communem.

Sit corpus A, duplo gravius corpore B, ruant in se ambo directione opposita, A velocitate 9 grad. B velocitate

2 graduum; tum per §. 444. erunt Vires amissæ $80\frac{2}{3}$: sum-

ma Virium est 166; adeoque Virium residuum est $85\frac{1}{3}$,

quod divisum per 3 massas, dat $28\frac{4}{9}$: hujus radix qua-

drata est 5, 295, quæ velocitas communis, & in eadem directione cum corpore A est.

Si autem velocitas in A sit ad eam in B, in ratione reciproca massarum, ambo corpora post percussionem quiescent, Viribus omnibus consumptis in mutatione figuræ: nam habeat A velocitatem 1, B æqualem 2, erit Vis amissa æqualis 6, & summa Virium in utroque corpore æqualis 6.

§. 446. Si duo corpora elastica sese percutiant, fit quoque figuræ mutatio, partibus cedentibus introrsum: globusque DBS (Tab. 7. Fig. 18.) sphæroideam induet figuram KICB. Verum vi elastica fit figuræ instauratio, pari vi se restituentibus partibus extrorsum, ac introrsum pressæ erant: Idcirco idem locum obtinet in corporibus Elasticis, quod in mollibus, respectu intropressionis partium, & inde oriundæ abolitionis Virium, nisi quod elasticitas easdem

Vires

$Aa\ddagger Bb$
tas $A\ddagger B$, & ejus velocitatis qua-
dratum $AAaa\ddagger 2ABab\ddagger BBbb$;

$$\frac{AAaa\ddagger 2ABab\ddagger BBbb}{A\ddagger B}$$

atque multiplicando per $A\ddagger B$, erit post ictum virium quantitas $AAaa\ddagger 2ABab\ddagger BBbb$

. Hæc præterea

subtracta ex virium quantitate, quæ erat ante ictum, nempe $AAaa\ddagger ABbb\ddagger ABaa\ddagger BBbb$

$$A\ddagger B$$

; reliquum

erit virium amissarum quantitas,

$$ABaa - 2ABab\ddagger ABbb =$$

nempe

$$\frac{A\ddagger B}{2} \quad ABxaa - 2ab\ddagger bb = ABxa - b$$

$A\ddagger B$ $A\ddagger B$
Est vero a — b velocitas respectiva; ideoque pro ea substituto d, prodibit tandem virium amissarum quanti-

$$tas = \frac{ABdd}{A\ddagger B}$$

Vires reproducat, quas intropressio deleverat ; quamobrem nulla Vis in percussione Elasticorum peribit . Cum vero se restituant intropressæ corporis partes, redeunt directione ei opposita , qua antea cesserant ; quamobrem in Elasticis Vires illæ oppositæ restituantur , quæ in corporum mollium percussione peribant (1).

S. 447.

(1) Hinc sequitur corporum elasticorum in se impingentium actiones, & reactiones duplas earum esse, quæ iisdem corporibus nulla elasticitate donatis competere. His enim non elasticis, jam in ictu actioni contraria & æqualis respondet reactio ; eorundem præterea elasticorum partes in impactu comprimuntur, & æquali cum vi in utroque corpore ; eique compressivæ actioni æqualis respondet obelaterium vis restitutiva, veluti reactio. Ergo in his corporibus omnis mutatio ex impactu dependens, ejus dupla esse debet, quam ictus in iisdem, ut mollibus tantum, produceret. Atque hinc sequentes derivantur regulæ pro determinandis elasticorum corporum motus legibus satis aptæ.

Regula 1. Si duorum corporum non elasticorum in se invicem impingentium unum quandam velocitatis quantitatem acquirat, id duplam acquireret, si elasticum foret ; estque ea quantitas dupla priori velocitati addenda ad velocitatem post ictum determinandam.

Reg. 2. Si duorum corporum non elasticorum in se mutuo impingentium, unum quandam velocitatis quantitatem amittat, duplam id amitteret, si utrumque corpus elasticum foret ; estque ea dupla velocitatis quantitas a priori ante ictum subtrahenda, ut velocitas post percussione habeatur.

Utraque regula sequenti exemplo clarius fit. Corpus A massam habeat ut 2, velocitatem ut 9, adeoque motus quantitatem ut 18 ; impingatque in corpus B quiescens, cujus massa est 1. Cum corpora omni destituta sint elasticitate, erit ambo- rum simul post ictum motus, quan-

titas eadem, quæ ante ictum soli A conveniebat, idest 18, & utriusque

item post ictum velocitas $\frac{18}{2+1} = 6$.

Corpori ergo A non elastico tres amittuntur velocitatis gradus ; ergo eidem elastico decedent iidem tres duplicati, nempe 6 ; atque adeo ejus velocitas post ictum erit $9 - 6 = 3$. Corpori præterea B non elastico comparantur 6 velocitatis gradus ; ergo eidem elastico 12 velocitatis gradus post ictum convenient.

Pro recto autem harum regularum usu, duo hic spectanda sunt. 1. quod si corpus non elasticum, totum in ictu amittat motum, morumque in contrariam partem acquirat ; prior ejus velocitas, nempe ante ictum, tum ea quacum versus partem oppositam tendit post ictum, colligi simul in unam summam debeant ad habendam velocitatem in ictu corpori amissam. 2. quod si velocitas in casu secundæ regulæ subtrahenda, velocitatem ante ictum ex qua subtrahi debet, excedat, hæc, quæ est ante ictum, tota destruetur, & quod ex majori subtrahenda reliquum est, corporis post ictum velocitatem notat ad oppositas partes. Utrumque sequenti exemplo declarabitur. Corpus A, cujus massa est 2, velocitas 9, corpori B occurrat, cujus massa est item 2, & velocitas ad partes contrarias etiam 2 ; post ictum tendent ambo ad partes ipsius A differentia quantitatum motus, nempe $18 - 4$, seu 16, eritque utriusque ve-

locitas versus eandem partem $\frac{16}{4}$, id.

est 4. Corpus ergo B non elasticum, ne-

§. 447. Si duo corpora elastica & æqualia A, B, in se ruant directione opposita, & pari celeritate, post percussionem a se mutuo recedent eadem via & celeritate, qua ad se accesserant.

Si enim corpora mollia fuissent, omnes vires in mutatione figuræ impendissent, & perfecta percussione quievisissent, per §. 441.: cum vero sunt elastica, mutatur etiam figura, & quandiu in se agunt, partes introrsum premuntur, quæ sua resistantia vires tollunt, quibus in se invicem ruerant. Elasticitate jam se restituente, corpora A & B contra se invicem agunt, & quia figuræ pariter erant mutatae, & vis restituens mutanti est æqualis, abibunt A & B a se mutuo celeritate & via eadem, qua se impegerant(1).

§. 448. Si corpus elasticum A inciderit in æquale elasticum B, & quietum, post percussionem A quiescet, & B movebitur directione & celeritate, qua A antea in B ruerat.

Concipiantur ambo corpora A & B in navi, quæ celeritate 5 graduum incedit; corpus A a puppi ad proram celeritate 5 graduum projiciatur, tum erit celeritas absoluta in A æqualis 10 gradibus: B a prora ad puppim velocitate 5 graduum projectum, sive eadem cum navi, absoluta in quiete versatur: verum in navi ambo hæc corpora æqualibus celeritatibus in se opposita directione ruunt; adeoque secundum §. 447. post percussionem a se recedent eadem via & celeritate, qua sibi occurrerant; cum igitur A redit celeritate 5 graduum, qua eadem promovetur cum navi, absolute quiescit: B autem reddiens ad proram celeritate 5 graduum, eademque delatum adhuc cum navi, movebitur celeritate 10 graduum, adeoque cum illa, quæ antea in corpore A incidente fuerat (2).

§. 449.

nedum duos, quos habebat, velocitatis gradus amittit, sed porro 4. velocitatis gradus ad partes contrarias nanciscitur; atque adeo ejus amissa velocitas erit 2+4, idest 6. Idem itaque B elasticum 12 velocitatis gradus amittit; adeoque post ictum erit ejus velocitas 2 - 12 idest - 10: quod corporis ad contrarias partes moti velocitatem esse ut 10 demonstrat.

(1) Si æqualia corpora A & B mollia tantum fuissent, post ictum

quievisissent ambo, nulla existente eorum motuum differentia; adeoque A totam suam amisisset velocitatem, itemque totam B. Iisdem ergo elasticis, amittet utramque duplam velocitatem ejus, quam ante ictum habebat, atque adeo, per reg. 2. ad partes oppositas iisdem velocitatibus utrumque redibit.

(2) Sit utrumque A & B molle; post ictum incedent ambo velocitate duplo minori ea quam A habebat per §. 450; atque adeo A non elasticum di-

§. 449. Si eadem corpora, A & B, directionibus contrariis, & disparibus celeritatibus lata, se percutiant, permutatis velocitatibus a se mutuo recedent.

Sint in nave recta velocitate 2 grad. duo corpora A & B, quorum A a puppi ad proram currat celeritate 6 gr., B a prora ad puppim celeritate 6 gr. Erit tum absoluta celeritas ipsius A 8 gr. & illa ipsius B modo 4 graduum: hæc ruant in se contraria directione, post percussionem a se recedent, secundum §. 447., celeritate & via qua in se inciderant; cum ergo A redeat celeritate 6 gr. est ejus absoluta celeritas tantum 4 gr. B vero radiens cum celeritate 6 graduum, habet absolutam celeritatem 8 gr. (1).

§. 450. Si A celerius motum ruat in B tardius præcurrens, movebuntur post percussionem in eadem directione, sed permutatis velocitatibus. Sit navis recta celeritate 6 gr., in qua A a puppi ad proram moveatur celeritate 2 gr. erit hujus celeritas absoluta 8 gr. B vero a prora ad puppim projiciatur celeritate 2 gr. erit ob motum navis, absoluta celeritas 4 gr. Sed post percussionem redeunt A & B celeritate, qua in se inciderant, supra navim, adeoque movebitur A vera celeritate 4 gr. & B movebitur celeritate absoluta 8 gr. adeoque ambo post percussionem ferentur permutatis velocitatibus (2).

§. 451.

dimidium suæ velocitatis amittet; eademque proinde elastico tota perimitur velocitas, & idcirco quiescet. B vero quod elasticum dimidium velocitatis ipsius A in ictu acquisivit, eidem post ictum ea comparabitur velocitas, qua A prius donabatur.

(1) Ex nostris regulis idipsum ita liquet. Sit singulorum corporum A & B massa 2, velocitas ipsius A sit 8, B sit 4; eruntque motus quantitates, A, 16; B, 8. Post ictum ambo non elastica simul moventur ad partes ipsius A differentia motuum, nempe $16 - 8$, idest 8, eritque utriusque post ictum veloci-

tas $\frac{8}{2+2} = 2$. Ab A igitur non ela-

stico 6 velocitatis gradus auferuntur; ergo ab eodem elastico decedent 12; atque adeo per regulam 2. ejus velocitas post ictum erit $8 - 12$; regre-

dietur vid. velocitate 4. B vero non elasticum cum post ictum regredietur velocitate 4, erit ejus amissa velocitas $2+4$, & idcirco ejusdem elastici erit amissa velocitas 12; atque adeo regredietur velocitate 8.

(2) Iisdem ut in præced. adnot. positis, tendant A & B versus eandem partem, atque adeo erit amborum simul post ictum quantitas motus $16+8$, seu 24, & utriusque post

ictum velocitas $\frac{20}{4}$; idest, 6. Corpo-

ri ergo A non elastico duo ob ictum auferuntur velocitatis gradus, atque adeo eidem elastico auferentur 4, reliquisque $8-4$, seu 4 versus eandem partem tendet. B vero non elastico ex ictu duo comparantur velocitatis gradus atque adeo eidem elastico 4; ideoque post ictum incedet velocitate 8.

§. 451. Si varia corpora elastica æqualia sibi sint contigua & quieta, moto uno extremo in alia, movebitur oppositum extremum corpus cum velocitate incidentis; quiescentibus intermediis, quot etiam interposita fuerint (1). Quod

(1) Nihil hic de corporibus elasticis inæqualibus in se impingentibus tradit Auctor: en autem eorum tres observandas leges, quæ secundum adductas regulas inito calculo facillime demonstrantur.

1. Si duo corpora inæqualia pondere seu materia, sed æqualibus motus quantitibus in contrarias partes mota in se ruant, post ictum iisdem suis motus quantitibus resilient.

2. Cum corpus in minus & quietum incurrit, illud post impactum non regreditur, sed ulterius procedet; majorem tamen minori corpori tribuit velocitatem, quam in se habebat, sed non majorem motus quantitatem.

3. Si corpus aliquod majori & quiescenti occurrat, illud post impactum regreditur, communicatque isti velocitatem minorem, quam prius habebat, majorem tamen motus quantitatem.

Hinc si centrum globi perfecte elastici in ratione dupla decrescens secundum rectam lineam disponantur & contigui sint, motusque a minimo incipiens singulis successive communicetur, celeritas minimi erit ad celeritatem ultimi, proxime ut 2, 338500, 000000 ad 1; ejusdem item minimi motus quantitas ad motus quantitatem in maximo erit ut 1 ad 4, 677000, 000000, secundum Joannis Bernoulli supputationem. Atque hinc iterum patet non eandem motus quantitatem manere in Universo, sed immensum augeri aut minui eam posse.

Ex hac postrema lege & illud consequitur, corporum vires non ex velocitate simplici in corporis massam; sed ex velocitatis quadrato in eandem massam esse æstimandas. Quandoquidem, ut ex §. 446. liquet, vires cor-

porum elasticorum post impactum eadem manent, ac quæ ante impactum erant. At si virium æstimatio fiat per productum ex massa & velocitate, seu per ipsam motus quantitatem, eadem non manebunt ante & post ictum; communicatur enim majori corpori quiescenti a minori impellente, motus quantitas major ea, quæ impellentis ante ictum erat. Quod si vires per productum ex massa in velocitatis quadratum definiantur, earundem summa eadem semper reperitur ante & post percussionem. Quod sequenti exemplo patebit. Sit corporis A massa 2 velocitas 9, atque adeo ejus motus quantitas 18; idocurrat corpori B quiescenti, cujus massa est 4. Erit utriusque non elastici velocitas post ictum versus eandem

partem— idest 3. Corpori itaque A

non elastico auferuntur in ictu velocitatis gradus 6; ergo eidem elastico auferuntur 12; atque adeo id regreditur velocitate 3, & motus quantitate 6. Corpori vero B non elastico tres velocitatis gradus comparantur; ergo eidem elastico convenient, cujus idcirco motus quantitas erit 24. Igitur utriusque A & B motus quantitas post ictum erit 24½6, cum ante ictum esset tantum 18. At sumantur modo producta ex velocitatis quadrato & massa: id erit ante ictum 1881 seu 162; post ictum vero erit in A 2x9, idest 18, & in B 4x36 idest 144, quorum summa est ut ante 162.

Motus leges ex corporum collisione ortas omnium primus inquisivit Renatus Cartesius, sed infelici nimium conatu; omnes enim quas tradidit vel incertæ sunt, vel aperte falsæ & experimentis contrariæ: nec id mirum esse debet, cum ex falsis hypothesebus sin-

Quod contingit, quia per solam actionem vicini corporis unumquodque corpus movetur, partes autem elasticæ redeunt citissime, antequam actio cum sequente corpore communicari possit.

§. 452. Huc usque consideravimus percussionem directam, nunc pauca de *Obliqua* agenda erunt: Oportebit vero in memoriam revocare, quæ de motu composito antea explicata fuerunt.

§. 453. Si duo corpora mollia in se oblique inciderint, potest determinari via & velocitas, qua se directe percutiunt: tum quoque via & velocitas eorum post percussionem; si amborum corporum determinationes resolvantur in alias, quarum binæ sibi sint directe oppositæ, binæ sibi parallelæ: in oppositis fit percussio directa, adeoque omnia, quæ de hac percussione dicta sunt, hic consideranda, & postea addendæ erunt directiones sibi parallelæ.

Corpus A (Tab. 7. Fig. 16.) feratur directione & motu AO, B ipsi æquale moveatur directione & celeritate BO. Resolvatur AO in AC & CO; BO resolvatur in BD, DO. Quatenus A & B feruntur motu AC, BD sibi parallelo, in se non agent; sed tantum motibus directe oppositis CO, DO: quibus solis si delata fuissent, post percussionem moverentur velocitate communi OK. Sed A præterea fertur motu AC, cui est $= OH$; adeoque in diagonali OG parallelogrammi OKGH movebitur; & corpus B feretur motu OK, & $FK = BD$; adeoque Diagonalem OF parallelogrammi OKFE describet.

§. 454. Si corpus A (Tab. 7. Fig. 17.) elasticum incidit obliqua directione AB, in obicem elasticum CBD, immobilem: resolvendus est ipsius motus in AE, parallelum obici, & in EB ad eum perpendicularem: fit percussio, quatenus corpus A fertur motu directo EB in obicem: quatenus autem fertur motu AE parallelo, non agit in obicem. Est Obex elasticus, a quo corpus in novum impetum mittitur, exsultat, & reverberatur eadem via

Tam. I.

S

& velo-

singulas derivavit: quod nempe quantitatis motus nil in ictu pereat; tum quod positivi quidpiam sit in corporibus quies, atque per illam corpora resistent. Joannes Wallisius in *transactionibus Philosophicis* n. 43. omnium primus veras motuum leges tradidit pro corporibus non

elasticis; ubi etiam primus veram reflexionis causam ex elasticitate pendentem aperuit. Deinceps Christophorus Wren, & Christianus Hugenius corporum perfecte elasticorum leges Regiæ Societati Anglicanæ seorsim tradidere, quas accurate experimentis respondere deprehensum est.

& velocitate, ac inciderat; adeoque redit via BE: interim autem pergit via EF = AE, parallela obici, adeoque in diagonali BF, parallelogrammi EFDB feretur.

§. 455. Vocatur angulus ABE *Incidentia*, & EBF *Repercussionis*, vel *Reflexionis*. Est uterque angulus sibi æqualis. Quia in duobus Triangulis AEB, EBF, sunt latera AE, EB, æqualia FE, EB, & angulus rectus AEB = FEB; adeoque sunt Triangula æqualia; & angulus ABE = EBF.

§. 456. Si percussio duorum corporum elasticorum fuerit obliqua, tum via & velocitas utriusque post percussionem, determinantur simili modo, ac in §. 453. de corporibus mollibus dictum fuit.

Moveatur enim P (Tab. 8. Fig. 1.) directione & velocitate PA, Q autem directione & velocitate QA. Resolvatur motus PA in PB, BA. Motus QA in QC, CA, oppositum & parallelum prioribus; tum fiet percussio, quatenus P & Q feruntur directionibus oppositis BA, CA; adeoque post percussionem ferentur permutatis velocitatibus, nempe P redibit velocitate AD: Q vero redibit velocitate AF. Cum igitur P pergat moveri quoque velocitate DE = PB, movebitur in diagonali AE, veluti Q in diagonali AG parallelogrammi, cujus latera sunt AI = QC, & AF = AB.

Huc usque corpora in se ruentia instar punctorum concepimus, nunc considerentur magna, uti pilæ A, B, (Tab. 9. Fig. 27.) quæ directionibus AC, BC, simul ex suis locis incipiant moveri, sitque velocitas A ad B, uti AC, ad BD. Ex centro A ad B ducatur AB, super AB, AC fiat parallelogrammum ABHC: ex D ducatur, DH: centro C, radio CL = summæ semidiametrorum pilarum A & B describatur arcus LL': ex puncto L, secante DH, ducantur LN, parallela ad AC, & NR parallela ad CL: erunt pilæ eodem tempore in R & N, sese contingentes in linea RN. Nam in Triangulis similibus DNL, DBH, est DN, NL:: DB, BH; adeoque erit DN, CR:: DB, AC, & DB, DN:: AC, CR: unde DB—DN, DB:: AC—CR, AC; hoc est BN, AR:: BD, AC. Sunt igitur viæ a pilis A & B percursæ, veluti suæ celeritates; quare sibi occurrent in linea recta RN.

C A P. XVII.

De Corporibus Electricis.

§. 457. **I**nest corporibus vis quædam alliciendi nonnulla cor-
pora ad se, quam *Electricam* appellamus (1).
Pendet hæc a subtilibus exhalationibus, evolantibus ex
S 2 cor.

(1) Ab antiquis usque temporibus deprehensum est succinum vehementer perfrictum; atque ita calefactum, levia, exilia, & tenuia corpuscula ad se trahere, quod Platoni, Aristoteli, Plutarcho, Plinio, aliisque veteribus memoratur; indeque quod succium electrum etiam diceretur, ea alliciendi vis in quibusvis corporibus reperiretur *Vis Electrica* porro dicta est. Eandem quoque vim constat ex Plinii Historia deprehendisse Veteres in lapide lynceis, vulgo *Lincurio*, & in Gagate perfrictis. Nec ultra videtur apud Veteres progressa electricitatis cognitio usque ad seculum xvii. Hoc inenata floruit Gulielmus Gilbertus Philosophus & Medicus Londinensis, qui omnium primus in sulphure perfricato, calefactoque vim electricam excitari observavit, quemadmodum in ejus tractatu de *Magnete* positum est. Idipsum paulo post experimentis suis confirmavit Otto a Guericke, Magdeburgicus scilicet, ille Consul ob inventam Pneumaticam antiam de universa naturali scientia benemerentissimus: Is globum ex sulphure paratum rota circumvolvendum curavit, manuque in rotatione tactum, perfrictum, deprehendit levia corpuscula ad se trahere. Videantur ejus *experimenta nova Magdeburgica de spatio vacuo*. Porro eandem virtutem electricam in vitro deprehendit Boyle, tum Haucksbee, qui insuper eadem alliciendi vim ceram hispanicam donari observavit. His experimentis excitati plures Philosophi, eadem conatibus suis con-

firmarunt, auxerunt, imprimis Academia Florentina vulgo *del Cimento*, cujus hac de re conamina videri possunt in ejusdem experimentorum collectione parte 2. sub titulo, *Saggi di naturali sperienze*, &c. Christianus Wolfius parte 2. *utilium experimentorum naturæ & artis*, sⁱ Gravesande in *Physicæ Elementis Mathematicis* l. 3.; aliique.

Verum paucis ab hinc annis nova huic argumento accessit lux, ex quo scilicet ab anno 1733. in eo excolendo, promovendoque operam suam collocarunt Cel. Viri Grajus, & Fayus, ille Londinensis Scientiarum Academiae, hic Parisiensis sodalis. Eorum conatibus nova planeque admiranda detecta hinc sunt electricitatis phenomena, tum observatum nulla dari corpora, in quibus non aliqua insit electricitas vel propria, vel saltem communicata. Videri hæc possunt in Transactionibus Anglicanis num. 366, 417, 422. li 436, 439, tum in monumentis Regiæ Scientiarum Parisiensis Academiae anni 1733.

Horum duum virorum exemplo, reique novitate porro ubique gentium in Europa præclarissimi Viri excitati sunt, qui hoc Physicæ thema longius promoventes, nova semper in dies addiderunt; ex quo præsertim Lipsienfes Philosophi simpliciore, aptioreque electrica experimenta instituendi rationem adhibuerunt, ope scilicet rotæ, quæ vitreum globum, vel cylindrum velocissime circumagit, atque ita ejus vim electricam perfricatione com-

corporibus frigidis calidisque, potissimum tamen e calidis, postquam vehementer & diu perfriſta fuerunt.

Hæc effluvia miris subsultibus moventur, nunc ad corpora accedendo, nunc iterum recedendo. Secum omnia, quibus occurrunt, deferunt mobilia levique, ea nunc adducendo, nunc abigendo. Effluvia hæc sensibus detegimus, cum enim in manus, dorsum, vel genam incurunt, tactu sentiuntur, imo in tenebris lucent, explodunturque cum crepitu manifesto, adeoque videntur, & audiuntur.

§. 458. Omnia corpora, in quibus pericula capta sunt, (exceptis metallis, gummi aquosis, glutine anglico, paucisque aliis corporibus, quæ aliquantum calefacta mollescunt) deprehenduntur vi electrica prædita. Omnia alia electrica non parem vim acquirunt, sed alia majorem, alia minorem: inter lapides eminent adamas, candidus, poly-

mode excitatam facillime cum quibusvis corporibus communicare facit. Nova hæc electricitatis machina vulgarissima ubique nunc est, nullique non nota, ut propterea ejus descriptione hic opus non sit, quemadmodum nec experimentorum, quæ ejus ope fiunt. Suis oculis facilius, commodiusque hæc videre, & contemplari possunt tirones nostri, quam difficili eorundem narratione intelligere.

Plura post adhibitam novam hanc machinam vidit Respublica litteraria de electricitate opuscula, veluti quæ edidit Christianus Augustus Haufenius, Matthias Bose, Henricus Vinkler, Gulielmus Vatſon, Benjaminus Martin, Abbas Nollet, Anonymus Auctor vulgarissimi operis dell' *Elettricismo, e delle Forze Elettriche* &c. Venetiis primum, tum hic anno 1747. impressi, aliique innumeri.

Noster quoque Auctor Muschenbroekius inter nuperos promotæ Electricitatis Auctores censeri potissimum meretur, utpote qui non modo ab aliis detecta repetiit, confirmavit, auxit, sed novum planeque stupendum invenit concussionis electricæ experimentum, de quo in E-

pistola ad Dominum Reaumurium testatur se illud non repetiturum, etiamsi totum Galliæ Regnum promitteretur. Medio scilicet machinæ superius indicatæ electricum reddidit Vir Cl. globum vitreum diametri 12. pollicum; tum electricum quoque factum est ferrum, quod e regione prope globi centrum positum, filamentique ferici cærulei coloris horizontaliter suspensum erat. Ex hujus ferri altera extremitate pendeat filum ex horichalco factum, quod in lagena aquam continente immergebatur. Lagenam hanc cum una manu teneret Muschenbroekius, alteram fortuito electrico ferro admovit, eodemque tempore quo scintillam elicit, violentam expertus est sui corporis concussionem. Id experimentum cum ducentis & amplius hominibus porro deprehensum est communicari posse: eorum scilicet unus tenet manu amphoram, & per alteram manum conjungit se ceteris, qui similiter manibus inter se connectuntur; eorum ultimus scintillam elicit lex electrico ferro, eodemque tempore omnes simul eandem sui corporis concussionem experiuntur.

polygonus, & inter ferinas pelles vi gaudent magna pilis duriores, dorso canis felisve insidentes.

§. 459. Ab electricis alliciuntur omnis generis corpora: la tenuia, levia, exilia, uti metallorum lamellæ, Arenæ, Lignorum rasuræ, exsiccata folia, Lanæ & fericea fila, Plumæ, Pruna, Cinis, Mercurius, Aqua, Glacies, Vini Spiritus, Fumus candelæ &c. Ut horum electricitas manifestius innotescat, patinæ vitreæ, siccæ, & aliquantum calenti, optimo consilio imponuntur.

§. 460. Quæ corpora vi minori electrica prædita sunt, trahuntur fortissime ab electricis; cum levius alliciuntur; quæ majori vi electrica pollent: fortius enim alliciuntur metalla, quam succinum, vel cera sigillatoria, aut Vitrum in pulverem tufum.

§. 461. Vim electricam clarissime detegimus in corporibus siccis, calentibus, perfrictis: nonnulla sunt, quæ modo calefacta vix vel nihil alliciunt, uti vitrum & succinum: alia fricentur modo, & vim exhibebunt egregiam: oportet ut alia prius siccantur & incalescant, antequam fricentur: si iterum alia nimis calefiant, debiliorem vim ostendunt, veluti resinæ & sulphur, quæ calidiora ovo incubato vix electrica sunt: oportet ut alia vehementer caleant, si electrica evadent, veluti Lignum Guajacum, Buxinum, Ebur, Cornu, Os, Balaena, Conchæ, Corium, Pergamenum, Lapides, Marmor.

§. 462. Quæ corpora fricta motum & calorem diutissime retinent; etiam diutissime manent electrica. Sunt alia, quæ etiam si frigida nec trita, mensibus aliquot nihilominus electrica perstant, veluti Pix, Cera, Lacca, Sulphur, Colophonia: optime tamen hæc conservantur in laha, nam in aperto aere citius vi electrica orbantur.

§. 463. Ut in corporibus suscitetur vis electrica, fricanda sunt sicca & dura manu, vel panno laneo, sicco, calente; villo, corio, linteo, charta, cotoneo, plumis, aliisve corporibus mollibus, sed simul asperis: non enim valent dura, polita.

§. 464. Est vis electrica intensior æstate, quam hyeme; tempestate humida & frigida fere silet: tubus enim vitreus frictus, qui æstivo tempore in distantia octo pollicum allicit, brumali humidoque die vix in duorum pollicum distantia operatur: diebus ferventibus tamen minus egregia est vis, quam modice calentibus. Viget quoque vir-

tus cælo sereno, spirante borea, tempore diurno, siccissimo: contra languet cælo atris nubibus condito, stante Zephyro, humido, nocte, & in loco exhalationibus plurimorum spectatorum inquinato.

§. 465. Pendet virtutis electricæ vigor a pigmentis, variorum colorum, corporibus inductis, quemadmodum in fericeis lemniscis detexit du-Fayus, quorum vis maxima erat in primo, decrescebat eodem ordine, quo hic numerantur colores lemniscorum, scilicet niger, albus, cæruleus, & ultimo ruber: aqua vero humentes lemnisci vi æquali alliciuntur.

§. 466. Electrica alliciunt ea, quæ tum temporis vim electricam non habent; simulac enim duo corpora eandem electricam vim nacta sunt, se non alliciunt, sed repellunt; simulac vero occurrerunt alteri corpori, quo cum vim suam communicaverunt, iterum allici possunt.

§. 467. Electrica suas vires cum omnibus corporum generibus communicare possunt, adeo ut hæc ita quoque electrica evasisse videantur, siue fuerint firma vel fluida: Aqua enim in lignea patina, teste Grayo, ope vitrei tubi evaserat electrica, quæ remoto tubo alliciebat, repellebatque fila, pilos, aliaque exilia (1).

§. 468. Perstat vis electrica in vasuo, notante Grayo, qui id exploravit cum vitreoglobo, Sulphure, Lacca, Colophonia, & Cera alba.

§. 469. Si inter corpus electricum & non electricum ponatur aliquod tertium: hoc pro sua diversa indole vim electricam impedit, vel non impedit: impedit, si id ipsum non valde sit electricum, ut lignum vel metallum, arripiendo enim vim electricam, quominus hæc ulterius procurrat, efficiet. Contra, si corpus interpositum sit valde electricum, minus de vi electrica tollit, adeo ut hæc melius transeat: idcirco effluvia electrica per vitrum & ceram sigillatoriam transeunt, iis tamen per tegmen rarissimum, aut chartam foraminibus pertusam, non transeuntibus.

(1) Hinc, quoad huc spectat, secerni commode possunt corpora in *primarie* seu *proprie* electrica, & in *secundarie* seu *improprie* electrica. Priora sunt, quæ postquam perfricta fuerunt, ad se tenuia corpora attrahunt, tum repellunt. Corpora

vero *improprie* electrica dicuntur quæ eandem alliciendi repellendique vim nanciscuntur, non perfricatione, ut in *proprie* electricis, sed ab his communicatam, cujusmodi sunt metalla, aqua &c.

bus. Si tamen tegmen tensum circa trochum & vehementer calefactum fuerit, effluvia transmittit.

§. 470. Corpus, quod per se facile foret electricum, communicatione electricum reddendum, nequaquam tam facile electrica vi donatur, si alteri imponatur, etiam facillime electrico; idcirco minori vi imprægnatur, quod in vitro, quam quod in ligno jacet. Tubus id ostendit perfrictus vitreus, qui prope succinum in vitro jacente detentus, minorem vim cum eo communicat, quam si in metallo vel ligno succinum jacuisset.

§. 471. Tubi vitrei perfricti effluvia electrica decurrunt circa funem, 1256. pedes longum, aliquoties replicatum, sustentumque a filis sericeis, vitro cera sigillatoria; atque speciem atmospheræ, diametri pedalis efficiunt: Decurrunt etiam circa ligneos baculos, Arundinem, Fila cuprea & ferrea, Argentum, Aurum, Stannum, Lapidés, Silices, Chartam, Ebur, Suber, virides siccasque Plantas, & viva Animalia.

Quæ autem corpora per se facillime vim electricam acquirunt, non admodum apta sunt ad eam procul deferendam, ideo effluvia juxta Sericum, Vitrum, Ceram Sigillatoriam non procul excurrunt.

§. 472. Si funes aliquot intervallo paucorum pollicum a se distiterint, effluvia electrica transfiliendo intervalla, circa ipsos decurrunt; parcissima tamen sunt, distantibus uno pede a se funibus: & si aliquot funes ex variis quasi plagis secum concurrant, & prope concursum tubus electricus teneatur, effluvia circa omnes funes decurrent: circa suspensum ex piloso fune trochum in orbem quoque volitant.

§. 472. Non modo alliciunt electrica ad se alia corpora, sed vicissim quoque ab his alliciuntur; succinum enim tritum allicit stramen suspensum, cum vicissim a stramine fixo alliciatur pendulum succinum.

Omnia hæc universalia, vim spectantia electricam tradita sunt a Gilberto, Florentinæ Academiæ Philosophis, Boyleo, Hauksbejo, Grayo, Fayo.

§. 473. Sphæra vitrea, diametri 8. vel 9. pollicum, aeris plena, velocissime circumvertatur ope rotæ; circa sphæram ex trocho fila lanea, 4. longa pollices, suspendantur, manu teratur sphæra, tum vi ejus electrica ad superficiem ab omni parte alliciuntur fila, veluti radii circuli a circumferentia ad centrum: perstat vis hæc electrica ul-

tra 4. minuta; etiam si quieverit sphaera. Si intra sphaeram circa axem fila suspensa quoque sint; hæc versus superficiem internam allicientur, veluti radii a centro circuli ad ambitum. Sphaeræ factæ ex Sulphure, Cæmento, Cera sigillatoria, pari modo circumactæ tritaque similes effectus edunt.

§. 474. Si tubus vitreus, vehementer frictus manu sicca incaluerit, tum juxta ipsius longitudinem ad interval-
lum $\frac{1}{4}$ partis pollicis digitus moveatur; in hunc incurrent

effluvia, crepitum edentia, in tenebris lucentia: loco digiti scopæ promotæ pari modo in qualibet seta scintillam lucentem crepitantemque excipiunt.

§. 475. Tubus idem denuo fricatus ad se allicit, mirisque subsultibus movet, repellitque exiles metallicas lamellas, fuliginem, fursures, plumas.

§. 476. Plumulæ subalares avium a Tubo fricato ad distantiam plurimorum pollicum alliciuntur, allectæ adherent: ad distantiam 8 pollicum, e regione plumularum, exseratur digitus, hunc versus erigentur allectæ singulæ plumulæ, quæ nonnunquam tubum relinquentes ad digitum advolant, quem deferentes tubum appetunt, idque mira celeritate sæpe repetunt. Si autem plumulæ sponte tubum reliquerint, qui denuo fricetur, poterunt plumulæ quemcumque in locum ab illo abigi, neque redeunt allectæ, priusquam vim suam cum alio corpore communicaverint: eundem eventum bractea metallica sortitur.

§. 477. Plumula tenui bacillo alligetur, tegatur vitrea campana, quæ vehementer manibus fricetur, extendentur omnes particulæ ad vitri superficiem; peracta frictione, manus in exigua a vitro distantia sursum deorsumve moveatur, hanc, vi electrica præditam, plumulæ partes sequentur: Tubum vitreum, electricum, pari modo motum juxta campanam sequentur plumulæ: verum vehementior flatus inter tubum & campanam omnem vim electricam abigit, cadentibus plumulis. Eadem conspiciuntur phænomena, aere ex campana educto.

§. 478. Si ex serico suspendatur horizontaliter Stramentum aut fascis virgultorum, & prope alteram extremitatem tubus electricus teneatur, altera extremitas stramenti vi electrica bractæas allicit.

§. 479.

§. 479. Si homo vel vivum animal ex cæruleo serico vel lana horizontaliter, volantis in modum, suspendatur, infra faciem & capillos bractæ ponantur, tubus electricus prope pedes teneatur, allicientur a facie, naso, capillis bractæ: tubus prope caput detentus efficit, ut pedes hominis electrici evadant. Homini tradatur scipio vel arundo, & hujus extremitas electrica vi donatur, posito prope pedes tubo.

§. 480. Suspenso ut ante homine, teneatur prope caput, pedesve electricus tubus, tum tertius accesserit homo, qui manum ad pollicis distantiam a suspensi facie exserat, ambo levi dolore afficientur, non secus quam si acu pungerentur, aut a scintilla urerentur, audito interim crepitu. Si autem loco manus teneatur afferculum, vestimentum, aut aliquod corpus inanimatum, nullus percipitur dolor. Si hujusmodi homo ex filis laneis coccinei coloris suspendatur, vix ulla indicia virtutis electricæ apparent; si autem ex filis laneis cærulei coloris pendeat, manifesta vi imprægnari potest, 75 M^o perdurante: sed si ex serico cæruleo pendeat, vis electrica in eo ultra 50 minuta perstat: ex serico coccineo suspensus vim electricam tempore 25 minutorum retinet. Succedunt quoque hæc experimenta cum mortuis suspensis animalibus.

§. 481. Capiatur cylindrica moles colophonix, diametri 7 vel 8 pollicum, caleseat, fricetur, in medio ponatur globus ligneus, marmoreus vel ferreus; diametri unius pollicis, ex tenui filo, 6 pollices longo, frustulum suberis teneatur directe supra globum, hoc frustulum in orbem agitatibitur ab occasu versus ortum. Si ferreus globus non steterit in medio colophonix, suber in orbem ellipticum vertetur. Si colophonix forma elliptica fuerit, & in medio positus globus, suber elliptico motu, similis figuræ cum colophonia, agitabitur. Si autem nihil steterit in mole, ab omni fere puncto superficiei allicietur suber, vehementissime tamen a marginibus; certo tamen intervallo a centro incipit vis repellens, suber agitans. Ope vitrei trochi calefacti & fricati similis excitatur effectus.

§. 482. Si bacilli ex ligno leviori confecti, vel virgæ ferreæ ex serico suspendantur, aut supra Laccam, vitreos cylindros, vel Sulphur ponantur, in loco tenebricoso, & prope alteram extremitatem tubus electricus teneatur, conspicietur lux ad

utrum.

utrumque virgæ extremum , & quidem ad remotius , sub forma conî , cujus apex insidet virgæ ; adeoque lux hæc a virga recedendo divergit , constatque manifestis radiis , quarum extremi incurvantur : manu autem repellî lux antrosum potest .

§. 483. Monui in §. 476. plumulam subalarem vi electrica a tubo donatam , in aere volitare , & a tubo , durante hac vi , repellî : si autem gummi copal fricetur manu , & prope plumulam , tum volitantem , teneatur , hæc illico a gummi allicitur : Si autem plumula vel bractea prius imbuatur vi electrica ipsius gummi , & ab hoc repellatur , allicitur illico ab electrico vitro : docuit experientia multa dari corpora , simili vi electrica , qua gummi copal donatum est , prædita : & inde detectum est , vim electricam diversæ esse indolis , alteram *Vitream* , alteram *Resinosam* , quæ ita sese habent , ut corpora , quæ resinosam acceperunt , alliciantur ab iis , qui vitream habent vim , at respuantur a resinosis : veluti quæ vitream sunt nacta , a resinosis alliciuntur , a vitreis vero repelluntur .

Corpus quoque nulla vi electrica donatum , alterutra sine discrimine imbui potest , non tamen utramque simul possidere .

§. 484. Si has omnes observationes perpendamus , quæri potest , utrum effluvia electrica solo consent Igne , an igne aliisque corporum partibus simul ? tum an hic ignis vulgari terrestri similis , an alterius indolis fuerit ? tum si electrica effluvia non sunt ignis , an quidem absque igne ullam vim haberent ? Nihil , quod certum est , hic affirmari potest . Primo intuitu appareret effluvia ignem præsentem desiderare , cum quæ ignem suffocant , effluvia suffocant : 1. Manu enim sudante tubus perfrictus vix electrica vi imbuitur : 2. nec experimenta electrica succedunt tempestate humida , aut in humente loco : imo minus feliciter hyeme quam æstate . 3. Si tubo infundatur aqua , vix ulla electrica vis excitari potest . 4. Si Succinum electricum evaserit , solo oris humente halitu vis omnis propulsa est : restat tamen difficultas , cum circa funem humentem , 1265. pedes longum , non extincta procurrant effluvia , imo fortius in humidos , quam in siccios lemniscos operentur . Nihilominus in omnibus electricis experimentis manifeste Ignis & Lux adest . Si autem vis electrica tantum ab igne penderet , cur metalla calefacta etiam non evadunt

dunt electrica? imo tubus vitreus, electrica vi orbatus callet: corpora ab igne terrestri vel Solis calefacta nondum evaserunt electrica, sed frictio accedat oportet. Si adamas frictione evaserit electricus, luceatque, humectetur, vi electrica orbabitur, superflite tamen luce, imo aequè diu, ac si non humectatus fuisset: idcirco notavit Cl. Fayus, Lucem tritu excitatam cum vi electrica non tam arcte conjungi, quin Lux superflites esse posset destructa vi electrica: Præterea sunt quædam corpora valde electrica, quæ parum lucent, uti virides & cærulei adamantes.

§. 485. Duplex vis electrica jam cognoscitur; quid discrimen inter utramque facit? an effluviolum subtilitas, motus, giratio, aut variarum partium concursus?

§. 486. Electrica effluvia ex corporibus egredi manifestum est; sed quomodo hæc circa corpora moventur? an instar vorticum, vel alio quovis modo? aliquantulum verosimile est, vorticoso illa versari more, 1. Quia fuligo lampadis ita circa tubum electricum vertitur. 2. Quia vis electrica circa funem ad unius pedis amplitudinem in rotundum decurrit. 3. Quia tum aliquo modo intelligi posset, plumulam a tubo electrico repulsam, ab eodem pergere abigi: nihilominus difficultates præsto sunt in hac sententia: cur enim corpora, quæ diversa vi electrica donantur, se alligant, vitrea nempe & resinosa, cum quæ uno virium genere gaudent, se repellunt?

§. 487. Sed quid effluvia electrica in vorticum morem agitat? an attritus asperorum corporum tremulum motum suscitatur, hic vorticosum? quomodo effluvia plumulam repellunt, eamque secum abripiunt? quam ob rem effluvia secundum funem 1265. pedes longum decurrunt? quam celeritate feruntur? quare corpora, per se facillime electrica, utcunque densa, facile effluvia transmittunt, quibus transitus ab aliis corporibus valde porosis negatur? Hucusque nihil horum omnium probe demonstratum fuit: quæ si quis clara in luce posuerit, ejus nomen monumentis æternæ laudis incidetur.

C A P. XVIII.

De Corporum Attractionibus.

§. 488. **Q**uotiescunque distantia & libere posita corpora ad se, absque causa extrinsecus pellente aut

aut movente cognita, aut in sensus incurrente, accedente animadvertimus: vel quoties soluta corpora solo contactu fortius coherere, quam ex proprio pondere fluere, sine causa premente externa observamus, utrumque Phænomenon non *Attractio* vocatur, ejusque causa & vis appellatur *Vis Attrahens*.

§. 489. Est sensus hujus appellationis improprius: nam proprie trahitur corpus A ad alteram B, quod ope intermediarii funis, lori, aut baculi cum B est ligatum; hinc moto B aliquam versus directionem, sequitur A: Verum in sensu §. 488. utimur voce *Attractionis*, qua si quis offendatur, aliam substituere potest, veluti *Accessus mutui*, *Adhærentiæ*, *Amoris mutui*, *Amicitie*, quæ in uno corpore major in altero minor foret, & a Deo omni corpori infusa, veluti Chemicis nonnulli loqui amant; aut similem aliquam, Phænomenis notandis aptam proponat.

§. 490. Plurimis in occasionibus corpora ad se invicem ferri observamus: causam aliquam extrinsecus pellentem & corpoream quærentes, nihil detegimus, quamvis summum laborem & industriam in ea investiganda & detegenda posuerimus. Quicumque proinde ejusmodi corporum motum impulsioni externæ adscribit, causam temere assumptam, atque ignotam, effectui assignat. Simulac corpora ad se accedere ope externæ causæ pellentis detegimus, tum non amplius hæc se attrahere, sed ad se pelli statuemus. Qui igitur *Attractionem* ex Philosophia eliminandam judicant, iis modo incumbit demonstrandum, corpora omnia semper impulsione externa ad se ferri, non ex hypothesi aliquam impulsione assumendo, sive fingendo, sed ope observationum, vel experimentorum verorum, & in Sensus incurrentium, eam dari præbando. Quoniam hoc a nullo Mortalium huc usque factum est, voce *Attractionis* interim utemur: sæpius experti, quod non ad unam Naturæ formam opus suum præstat, sed ipsa varietate se jactat.

§. 491. Evidens est, corpora ad se accedere non posse, nisi Principium aliquod activum, motumque producere valens, detur. Hujusmodi principium potest tantum esse Externum, vel Internum: Externum potest esse vel Corporeum vel Non-corporeum: quod non corporeum est, nunquam poterit a nobis ope sensuum detegi. Qui hoc non corporeum statuunt, immediate ad Deum recurrunt, constanti sua voluntate, in corpora pari modo operantem, pos-

fitis

fitis corporibus in similibus occasionibus: alii ad Spiritum quendam universalem, corpora crassa pervadentem, & in fisdem latentem: quæ tantum suspiciones sunt. Si omni accuratione quæramus corporeum, id non detegimus; imo hujusmodi deprehendimus phænomena, quæ a principio externo corporeo excitari nequeunt. Restat igitur principium Internum. Quod si Omnipotens Creator in substantiam corporum internam ejusmodi Principium, quo omnia ad se nituntur, infuderit, id ex observationibus a nobis colligendum, investigandum, & addiscendum est, non secus quam reliqua corporum Attributa ex observationibus eruuntur (1).

S. 492.

(1) Si conjecturis hic dandus est locus, haud difficulter mihi persuaserim corporum attractionem, universalissimam esse materiæ proprietatem, exiguißimis ac minimis corporum elementis initio ab Auctore naturæ largitam, quemadmodum est extensio, soliditas & vis inertix; ab eaque elementorum attractione, compositorum inde corporum attractionem pendere: adeoque illius non aliam quærendam esse causam, vel principium præter Dei ipsius voluntatem, ita corporum elementa constituere volentis, quo finibus sibi ordinatis apte respondere possent. Minima sane corporum elementa sive in duris, sive in fluidis, quæ componunt corporibus, hac vi invicem cohærere, ex phænomenis & experimentis colligitur. Singula præterea minima elementa partibus veris & realibus donari demonstratum est, sed tanta cohæſionis vel attractionis vi sibi conjunctis, ut nec naturali, nec artificiali ulla potentia divelli ab invicem possint. Argumento id est satis probabili eas elementorum particulas initio simul coaluisse Dei voluntate; atque adeo cohæſionis & attractionis vim ab eodem fonte esse mutuandam. Ceterum quæ sit attractionis vera causa non multum inquiramus, nostrarum cognitionum limites fortasse ea plurimum excedente: satis erit si attractionem in corporibus dari proba-

verimus, ea scilicet se mutuo petere, sibi conjuncta cohærere, idque nulla fieri extrinsecus impellente causa, quæ pateat, aut assignari possit: atque adeo attractionis nomine ejusmodi phænomena intelligamus, quæcunque eorum esse possit causa. Audi Newtonum ipsum Optic. l. 3. quæst. 31. ita de attractionis causa loquentem: *Qua causa efficiente hæ attractiones peragantur, in id vero non inquiri. Quam ego attractionem appello, fieri sane potest, ut ea efficiatur impulsu, vel alio aliquo modo nobis ignoro. Hanc vocem attractionis ita hic accipi velim, ut in universum solummodo vim aliquam significare intelligatur, qua corpora ad se mutuo tendant, cuicunque demum cause sit attribuenda illa vis; jam ex phænomenis naturæ illud nos prius edoctos oportet, quæ corpora se invicem attrahant, & quænam sint leges, & proprietates istius attractionis, quam in id inquirere par sit, quamnam efficiente causa peragatur attractio.*

At non propterea merito quis nos arguet, quasi hac constituta attractione, occultas Scholasticorum qualitates a naturali Philosophia jam procul eliminatas, rursus in eam invhere, phantasticoamque philosophandi rationem veluti constituere conemur. Tritæ quidem, & ad nauseam usque repetitæ sunt hæ in Newtonum, & attractionem querelæ, sed in
fermo

§. 492. Nihil quoque impedit, quo minus aliquot ejusmodi Principia, secundum diversas proportionēs in variis distantiiis operantia, insint corporibus. Attendentes ad Phænomena, quæ edunt corpora, altro ducimur ad ejusmodi Principia activa ponenda, quæ causa Gravitatis & Attractionis sunt: differre enim hæc judicamus ex variis, in paribus distantiiis, virium actionibus. Horum Principiorum vi corpora ad se nituntur, in se ruunt, & se contingencia cohærent, non aliter quam si a vi externa ad se premerentur; quantum vero differant vires inde liquet, quia gravitas corporum terrestrium ad se invicem, est respectu virium in aere lucem trahentium, uti 1 ad 320000000. Demonstrare tamen hæc ad oculum principia non possumus, nec quot & qualia sint, cum in corporum interiorē substantiam sensibus penetrare nobis concessum non sit; multa sunt, quæ esse concedimus, qualia sint, ignoramus.

Difficultates tamen hæc remanent: Concipi scilicet animo non posse, quomodo corpora, a se remota & distantia, in se operarentur: oportere ut operatio eorum in intermedio inter-

firmitate & inepto fundamento. Per attractionem siquidem jam dictum nil aliud intelligi, quam ea accessionum & cohesionum phænomena, in quibus nullius corporeæ impellentis causæ vel suspicio esse potest: Vix autem quid clarum, & manifestum erit, si occultum dixeris corpora, minimasque eorum particulas se mutua attractione petere, & conjuncta cohærere post tot experimenta, & observationes, quibus ejusmodi accessus, cohesionisque luce meridiana clarius innotuere. Esto horum phænomenorum ignota causa, & occulta (nisi placeat attractionem ab initio extensionis & soliditatis instar, quod probabile est, singulis corporum elementis concessam reputare): at non ignoti ejus causæ effectus, ab eaque rerum corporearum proprietates, & actiones innumeras dependere. Quod si ideo attractionem rejiciendam velis, quia ejus causa latet, vide ne totius naturalis scientiæ elementa convellas. Causæ quippe continenti nexu procedere solent a compositis ad simpliciores; ubi ad simplicissimam perven-

tum est, jam non licet ulterius progredi: causæ igitur simplicissimæ nulla dari potest mechanica explicatio, alias non esset simplicissima: Propterea ne causæ simplicissimæ dicentur occultæ, & excludi a Philosophia debebunt? Simul excludendæ essent & ab iis proxime pendentes, & quæ ab illis porro pendent, donec causis omnibus vacua facta sit Philosophia. De qualitatibus tandem occultis Peripateticorum, audi Newtonum ipsum Opt. l. 3. quest. ultima: *Adfirmare singulas rerum species specificis præditas esse qualitatibus occultis, per quas eæ vim certam in agendo habeant, certosque effectus manifestos producant, hoc utique est nihil dicere. At ex phænomenis nature duo vel tria derivare motus principia, & deinde explicare, quemadmodum proprietates, & actiones rerum corporearum omnium ex principiis istis manifestis consequantur, id vero magnus esset factus in Philosophia progressus, etiamsi principiorum istorum causæ nondum essent cognitæ.*

intervallo absolvatur; quomodo autem operatio sine subiecto, cui inerit, intelligitur? Hic exitum non reperimus. Sed non melius intelligimus operationes corporum extrinsecus se tangentium; latet enim quid sit vis, quomodo exeat ex uno in alterum corpus, quomodo corpus transferat, quomodo ei inhæreat, & nihil præter effectus quotidianos videmus, aut intelligimus: adeo ut aequè cæcuriant mortales respectu principiorum extrinsecus, quam intrinsecus operantium.

§. 493. Forſitan pendent nonnullæ Attractiones ab aliis adhuc cauſis ſingularibus, quarum Ideam formare nondum potuimus propter penuriam accuratarum Observationum, aut ſubtilitatem apparitionum; quas forte deteget poſteritas, cum Phyſica Experimentalis ardentius exulta erit. Idcirco plurima Phænomena bene explicari & demonſtrari non poterunt, priuſquam hæ cauſæ erutæ erunt.

§. 494. Interim notamus omnium corporum Firmorum minimas partes ſeſe attrahere, atque vi Attractionis cohæ-
rere, & componere maſſas maiores: Non enim pendet Cohærentia harum partium a preſſione Aeris exterioris, cum omnia Firma in Vacuo Boyleano cohæreant: Neque aliud Fluidum extrinſecus premens corpora ad ſe invicem cognovimus, nam Æther ab aliis eandem in finem invocatus, fingitur modo: & Quies partium, a Cartesio aſſumpta, vim nullam habet.

§. 495. Sed quoque omnia Fluida ſe mutuo trahunt; uti ſua tenacitate, tum globôſa ſuarum guttarum figura probant, (exceptis Aere, Igne & Luce) quæ cum in Vacuo contingant, non a preſſione externi Fluidi, ſed a partibus ſeſe attrahentibus, & aliquo modo ſecum cohærentibus pendent.

§. 496. Verum Fluida attrahunt corpora Firma, & hæc viciffim Fluida: Eſt igitur Attractionis univerſalis, cum in omnibus corporibus tam Firmis quam Fluidis inſit.

§. 497. Si quis tamen Attractionem Firmorum corporum ex aliis Experimentis cognoscere cupiat, ſumat duo ſpecula vitrea, plana, polita, munda, ſicca, hæc ſibi imponantur, qui illa iterum a ſe remove-
re elevando molietur, magnam vim, quæ ſe attrahunt, prius ſuperare teneatur. In Vacuo Boyleano hoc periculum factum, id a ſuſpicionem ponderis Aeris incumben-
tis liberat.

Succedit idem; quotieſcumque planiſſimæ ſuperficie-
me-

metalla, uti Argentum, Cuprum, Orichalcum, Ferrum, Plumbum, Stannum, sibi imponuntur.

§. 498. Non se trahunt tantum corpora, quæ se immediate contingunt, sed quoque, quæ aliquo intervallo a se distant: nam inter specula vitrea memorata in §. 497. pone filum bombycinum, subtilissimum corpus, hujus crassitie a se quidem distabunt, nihilominus notabili vi specula se adhuc trahent: Interpone filum bombycinum duplicatum, tum triplicatum, in variis locis, ut specula majori intervallo a se absint, atque semper Attractio eo plus decrescere observabitur, quo filum interpositum fuerit crassius, hoc est quo corpora plus a se distiterint. Ad oculum etiam hoc patet in Newtoniano Experimento, in quo ASB (Tab. 8. Fig. 2.) sit corpus quodlibet opacum, in acumen desinens, veluti Metallum, Lapis, aut Vitrum pellucidum; prope apicem radii Lucis paralleli in obscuro loco transeant, tum radius dls , proximus aciei, attrahitur vehementissime, atque e via sua maxime detorquetur in aliam $sl d$. Magis ab acie qui distat radius emt , trahitur quoque, verum minus priori, minusque a via sua detorquetur in tme . Qui magis adhuc distat a corpore veluti fnu , minus ab eo trahitur, hinc priorem vim magis conservat, actus in situm unf . Remotissimus tandem Radius gox omnium minime ab acie attrahitur, pergitque in via xog ; sitque hæc operatio in lucem, si ASB fuerit chalybs, ad intervallum $\frac{1}{800}$ partis pollicis. Opinati fuerunt aliqui hoc phænomenon pendere ab atmosphæra quadam fluidi ambientis corpora, variæque densitatis pro varia a corporibus distantia, refringique in hac atmosphæra radios lucis: si autem hi refractionem perpendere velint, animadvertent lucem intrantem & exeuntem, directione sibi parallela necessario ferri, nequaquam vero inde maximam hanc lucis inflexionem suscitari posse: prætereo hujusmodi atmosphæram gratis supponi.

Agit igitur vis attrahens ad distantiam a corporibus; agit in minori intervallo fortius, in majori debilius; immo ad tam exiguam diffunditur distantiam, ut hæc plerumque sensus nostros effugiat. Major est vis in densis, magnis, gravibus corporibus, quam in raris, exilibus, levibus: major tamen est proportionaliter in minoribus, quam in majoribus corporibus.

§. 499. Si proinde corpora, quæ se attrahunt, ad se accedant, motu accelerato ferentur, donec in mutuos amplexus ruant.

Corpus A enim trahatur a B usque in locum C, (*Tab. 3. Fig. 8.*) primum ex quiete exit, & parva vi trahente movetur: pari modo B trahitur ab A usque in E, ex quiete & parva vi. Quia autem vis trahens semper agit, veluti Potentia premens, necessario acceleratur motus, etiam si Attractio in qualibet a corpore distantia maneret eadem: verum increfcit hæc vis perpetuo in minori intervallo; postquam igitur corpora pervenerunt in D & E, majori vi se trahunt, tantoque magis accelerabitur motus corporis A, ex C in D, ut & illius B, ex E ad D, cumque sibi mutuo occurrunt in D, motu valde accelerato in se ruunt.

§. 500. Requirebatur, ut hic determinarem, in quam ratione distantiarum corpora sese traherent; novimus quidem gravitate corpora in se operari in ratione inversa quadratorum distantiarum a centro; sed videtur vis attrahens in majori distantiarum ratione operari (1): deficiunt hic accurata & certa experimenta: difficillime hoc dogma perficietur, quia in elementis pericula facere non licet: corpora majora non sunt simplicia, sed ex diversissimæ indolis partibus composita, veluti ex spiritu, aqua, oleo, sale, metallo, terra &c. nec scimus, quomodo hæc sibi incumbunt partes, quantum solidi, quantum porosi habeant, quali figura partes donentur, a quibus omnibus tamen varia vis attrahens pendebit: adeo ut quilibet

Tomo I.

T

per-

(1) Attractionis enim vis ut ex experimentis & observationibus colligatur, major sensibilibus est in minori intervallo, in majori minor, & in ipso contractu maxima. Salium e. g. in multa aqua solutorum vires attractivæ nullæ sunt, donec aqua ad pelliculam evaporata, corpuscula propius ad se adducat; tum sibi mutuo currentia coalescent, & in crystallos abibunt, ut inferius exponetur. At si attractio in ratione inversa quadratorum distantiarum operaretur, haud sensibilibus augeri ea posset ex diminuta distantia, vel ex ipso contactu, uti Newton demon-

stratur *Princip. Math. lib. 1. prop. 74*; multoque minus sensibilibus augeri ea posset, si in alia ratione, quæ duplicata inversa distantiarum sit minor, ea operaretur. Gravitatis vis quoniam in duplicata inversa distantiarum ratione procedit, non multum nec sensibilibus intenditur ex diminuta corporis a centro distantia; corpora enim centum pedes a terra remota tantundem ponderis habent, quantum ad terræ superficiem. At non ita vis de qua agitur: necesse est ergo, ut ea augetur in distantia plusquam duplicata inversa ratione.

perspiciat, posteritati abundantem copiam instituendorum experimentorum relictam esse.

§. 501. Meretur hic exponi *Magnes Lapis*, in quo eximie sunt attrahendi vires. Est vero Lapis hic compositum aliquod naturale ex Ferro, vel ejus matrice, Lapide, Oleo, & Sale. Lapis ceu lapis vim non habet, sed ferrum cum Oleo & Sale per universum lapidem distributum, aliquid efficit compositum, cui vis inest. Materia lapidea autem ut concurret, non necesse est, quia ferrum per secula in loco quieto supra Terram positum, ita tamen ut rubigine non corrumpatur, mutatur in præstantem Magnetem, Fossili similem, sed aliquantum specificè graviozem. Massiliæ in Turri alta ex crasso ferramento, utrimque a lapidea mole excepto, suspensam fuisse campanam, traditur: ferramentum horizontaliter ab ortu ad occasum exporrectum, tempore 420. annorum jacerat, accreverat rubiginis species ad utramque extremitatem: hæc excussa egregiam vim magneticam possidebat, extrinsecus formam rubiginis referebat, fracta splendentibus partibus, lamellarum modo sibi impositis, duritie non cedentibus magneti vulgari, constat (a).

§. 502. Habet *Magnes* plerumque duo sibi opposita loca, maxime trahentia, quæ vocantur *Poli*, quorum unus Boreus, alter Australis dicitur; quoniam his partibus se utcumque versus Septentrionem & Austrum dirigit.

§. 503. Quotiescunque duo *Magnetes* sibi ita obvertuntur, ut *Polus Boreus* unius, respiciat Australem alterius, & axes in eadem recta jaceant, ambo se trahunt, & si possunt, ad se accedunt. Quo sibi fuerint propiores, eo fortius se trahunt, hinc fortissima eorum est actio, cum se attingunt.

§. 504. Si autem *Magnetum Poli* ambo Australes, vel Borei sibi sint obversi, *Magnetes* sese mutuo repellunt, plerumque eo debilius, quo a se plus distant, fortius, quo propiores fuerint, nonnunquam tamen in immediato contactu se trahunt.

§. 505. Attrahit *Magnes* utroque suo polo Ferrum, immo id fortius trahit, quam alterum magnetem. Diu quæsitæ fuit Lex attractionis magneticæ, sive quænam daretur ratio inter attractiones & corporum distantias. *Magnes cylindricus*, cujus axis erat quoque axis magneticus, cujus poli

(a) *L' Hist. de l' Acad. Roy. 1731.*

poli in basi cylindrica jacebant, cylindrum ferreum, accuratissime ejusdem magnitudinis & figuræ, hoc modo attraxit.

In distantia linear. poll:	Attractio fuit Granorum Medic.
6 —	3
5 —	3. 5
4 —	4. 5
3 —	6
2 —	9
1 —	18
0 —	57

Si ad spatia cylindrica, inter bases cylindrorum intercepta attendamus, patet attractiones magneticas fuisse in ratione inversa spatiorum: & quia hæc spatia sunt in hoc casu, uti distantia, erunt attractiones in ratione inversa distantiarum a se mutuo.

§. 506. Magnes sphaericus ejusdem diametri ac cylindrus, polo boreo australem alterius, vi sequenti attraxit.

In distantia Linear. pol- lic:	Attractio fuit Granorum Medic.
6 —	21
5 —	27
4 —	34
3 —	44
2 —	64
1 —	100
0 —	260

Concipiamus Sphæram in cavo cylindro ad varias distantias a cylindrico magnete dimissam, atque considerari intercepta hæc cava spatia, tum deprehendentur attractiones in ratione inversa sesquuplicata spatiorum interceptorum.

§. 507. Verum Magnes trahit in contactu fortius Ferrum quam alium Magnetem, idem sphaericus magnes eodem Polo cylindrum ferreum, qui experimento §. 505. inservierat, hoc modo attraxit.

In distantia lic.	linear. pol-	Attractio fuit Medic.	Granorum
	6 —	7	
	5 —	9, 5	
	4 —	15	
	3 —	25	
	2 —	45	
	1 —	92	
	0 —	440	

Attendendo ad spatia, quæ in cavo cylindro, ejusdem cum sphaera diametri, interjacent, detegimus, attractionem fuisse in ratione inversa sesquiduplicata spatiorum intermediorum. Idem magnes minorem cylindrum ferreum minoribus viribus attrahit, nihilominus secundum eandem legem attractionis.

§. 508. Magnes sphaericus globum ferreum ejusdem magnitudinis suo polo sequentibus viribus attraxit.

In distantia lic.	Linear. pol-	Attractio fuit Medic.	Granorum
	8 —	1	
	7 —	2	
	6 —	3, 25	
	5 —	6	
	4 —	9	
	3 —	16	
	2 —	30	
	1 —	64	
	0 —	290	

Iterum ponamus ambas cavo cylindro inclusas fuisse sphaeras, varioque intervallo a se remotas, tumque intercepta spatia considerari, deprehendetur Lex attractionis in ratione inversa quadrato quadrata spatiorum interceptorum. Diversæ magnitudinis magnetes sphaerici eandem attractionis legem habuerunt.

§. 509. Trahit magnes non modo magnetem, & Ferrum, sed plurima corpora; quia hæc in se aut Ferrum, aut Ferri matricem continent; cumque hæc sit late per universum terrarum orbem dispersa, omnia illa a magnete trahuntur corpora, quibus hæc matrix ferri inest: cum quoque

quoque hæc ob macritatem nonnunquam vix trahi possit a magnete, tractilis redditur ignitione cum quibuslibet pinguibus, aut resinosis: ideo plurima jam innotuere corpora, quæ aut per se a magnete trahuntur, aut tractilia reddi possunt.

§. 510. Imprægnat Magnes vi sua Ferrum, quod super polo, vel prope eum ducitur, adeo ut hoc magneti, quoad vires, simile evadat. Interim Magnes nihil de viribus suis amittit, etiam si centena ferraamenta vi magnetica imprægnaverit. Affirmant autem alii Philosophi suos Magnetes debiliorum virium evasisse, postquam cum Ferro vires communicaverant: quod etiam si non negamus, nobis sollicite ad hanc rem attendentibus, observare tamen non contigit.

§. 511. Dirigitur Magnes sibi libere commissus, uno Polo plagam versus Boream, altero Australem versus: Acus nautica chalybea in medio supra filum mobilis, & Magnetica vi imprægnata, pari modo se habet. Est hæc directio in eodem Terræ loco, quotidianis variationibus obnoxia: diversissima in variis Terræ regionibus, ibidemque perpetuo mutata, quemadmodum ex Mappa Halleyana, collocata cum observationibus hodiernis, colligi potest. Pauca igitur sunt loca, in quibus recta dirigitur Magnes Boream vel Austram versus. Aberratio a Meridiano Terrestri vocatur *Magnetis Declinatio*, quæ Nautis non exiguum creat molestiam. An vero impediri nequit, Compassum ex tribus annulis chalybeis, in eodem plano jacentibus, construendo? (1).

T 3

§. 512.

(1) Rem navigationi, adeoque & hominum societati utilissimam is præstaret, qui acus nauticæ chalybeæ constructionem inveniret, vel constantem per universas terræ regiones a meridiano terrestri declinationem exhibentis; vel quod optabilius, nullam prorsus, sed directione sua telluris polos accurate ostendentis. Rem pro voto cessisse cuidam Parisiensi artifici le Maire, visum est quibusdam: is scilicet nauticam pyxidem construxit ex duobus, vel tribus chalybeis annulis seu piris, magnetica virtute prius donatis, atque ita in eodem plano artificiose disposi-

tis, ut qui unius annuli essent poli in alterius annuli polos vim facientes, omnem declinationem sibi mutuo cohiberent. At ut id felicissime in eodem telluris loco contingere deprehendebatur, identidem tamen dubitatum fuit an ita constructa pyxis in aliis telluris locis translata sine declinatione perseveraret; donec peritissimo tandem nautæ deprehensum est ejusmodi pyxidem in toto illius per Groenlandiam itinere, variis semper declinationibus fuisse obnoxiam, etsi minores iis essent, quas consuetæ pyxis subibat, uti Cl. noster Auctor testatur *Essay de Physique* c. 18. §. 561.

§. 512. Si per medium acus transferit axis, ut hæc libræ formam induat; tum prius accurate sibi librata acus ducatur supra Magnetem; ejus vi accepta, utrique scapo non amplius æquamentum inerit, nec situm in horizontem parallelum servabit; nam in hemisphærio Terræ Boreo deorsum deprimetur acus ea sui parte, quæ Boream spectat; contra in Australibus regionibus, ultra Æquatorem sitis, cuspidè Australi infra horizontem descendit Acus; vocatur hæc depressio, *Inclinatio Acus*. Discrepat hæc in diversis Terræ regionibus, & in eodem loco quotidianis vicissitudinibus obnoxia est. Sed & pro imbecillioribus fortioribusve viribus, quibus gaudebat magnes, qui acum attingit, Inclinationis magnitudo differt.

§. 513. Si parallepipeda aliquot Chalybea, juxta se in directum posita & contigua in Meridiano Magnetico collocentur, (quem tunc Acus Nautica, tum Inclinatoria ostendit) fricenturque aliquoties celeriter & cum impetu ab alio parallepipedo Chalybeo hoc modo, ut id una extremitate sursum, mox inversum, extremitate altera deorsum super omnibus moveatur, trahaturque, omnia vi Magnetica insigni imbuuntur, non secus, quam si a generoso Magnete attacta fuissent, adeo ut hoc more ex solo ferro aut chalybe produci quolibet tempore egregii Magnetes possint, non cedentes iis, quos Natura in suo sinu generat.

§. 514. Limatura Ferri, vel Arena nigra, circumspersa circa Magnetem Naturalem, vel circa Ferrum, quacunque arte aut modo in Magnetem conversum, in admirandas disponitur series, partim rectas, partim curvilineas ostendentes loca Magnetis Polaria, tum quomodo Vis Magnetis ab omni parte circa superficiem suam ad notabile intervallum operetur.

§. 515. An hæc magnetis phænomena pendent ab actione ingen-

An igitur de ejusmodi acus magneticæ nullam declinationem exhibentis constructione erit desperandum? Temere id quispiam affirmabit: fortasse veniet dies, cum accuratius per nova instituta experimenta admirandi hujus lapidis cognoscatur natura, atque ita optatissima res in hominum lucem & emolumentum prodire poterit. Auctor noster, quo

certe mortalium nemo tam diligenter, tam acute hujus lapidis naturam expendit, a §. 561. usque ad §. 577. capitis 18. mox laudati; multiplicis speciei pericula subtilissime exhibet, quibus tentari res posset; at iisdem ad quæsitum scopum nondum perventum fuisse ingenue affirmat, idipsum aliis viris clarissimis fatentibus.

ingentis Magnetis, in gremio Terræ conclusi, converſique alio motu quam Terra, uti Halleyo viſum? Mera hæc eſt hypotheſis, nunquam demonſtranda; nec deinde adhuc liqueret, quid in ſuperficie Terræ acus nauticas, Ferrum, & Magnetem dirigeret. An Effectus Magnetici ab Effluviis ſubtiliſſimis, quæ iis Electricorum corporum ſunt ſimilia, pendent? Hoc poſtremum etiam non videtur uſque adeo manifeſtum, cum 1^o. Effluvia exeuntia ex Magnete, corpora, in quæ incurrunt, repellere quidem poſſunt, eaque ſemovere a Magnete, non vero attrahere. 2^o. Neque, ſi jam ad Lapidem, ex quo exiſſent, redirent, efficere poſſent, uti major ſit Magnetis Attractionis, quam Repulſio: id Electrica corpora, vehementius ſuis effluviis repellentia quam attrahentia, oſtendunt; Magnes contra multo fortius trahit, quam repellit. 3^o. An Effluvia Magnetica non traherent & repellerent omne corporum genus, cui occurrunt, quemadmodum ea corporum Electricorum faciunt? Verum Magnes modo operatur in corpora, quæ ferrum vel ejus matricem continent, non vero in alia Metalla agit, nec in alia abſque discrimine corpora, ſive gravia vel levia, denſa vel rara, magna vel parva fuerint. 4^o. An Effluvia Magnetica non impedirentur libere tranſire, veluti ea Electricorum impediuntur, per Terras, Vitra, Metalla craſſa, quæ tranſitum Igne ſubtiliſſimo reddunt difficilem, Lucemque utcumque tenuem & penetrantem non tranſmittunt? Verum vis Magnetis æque libere per omnia corpora (Ferro excepto) utcumque denſa tranſit, ac ſi nihil interpoſitum fuiſſet, aut Magnes in Vacuo poſitus fuiſſet. 5^o. Effluvia Electrica Vento diſſicimus, turbamus Igne, Vaporibusque: Vis Magnetica nec a Vento, nec ab Igne, inter duos Magnetes, vel Ferramenta incurrente, mutatur aut turbatur.

§. 516. Quicumque animo præjudiciis vacua has difficultates ponderat, non extemplo Effluvia Magnetica Attractionis cauſam ſtatuet, priuſquam alia & clariora data acquiſiverit. Quænam igitur hæc cauſa erit? a Lege attrahente innata, qua partes cohærent, non videtur pendere: poteſt enim in Magnete vis excitari, poteſt minui: aliquando plus minusve viget: poteſt Igne pro magna parte expelli: poteſt tritu, & contuſionibus in Ferro produci: Quamobrem alia erit Magneticorum Effectuum cauſa, huc

usque ignota, forte singularis, forte aliis corporibus communis, a posteris eruenda.

§. 517. Videamus jam quomodo Fluida se attrahunt: non quia in Fluidis aliæ Leges obtinebunt, nam Fluidorum partes sunt mera solida, sed subtilissima, mobilissimaque: Quæcunque dantur Fluida (exceptis Aere, Luce, & Igne) effusa supra solidi corporis mundam planamque superficiem, in guttas globosas corrotundantur, uti dixi in §. 495. quia partes omnes se trahunt; virium vero attractricium, & attractarum partium æquilibrium non dari potest, nisi a centro partes æqualiter distent, hoc est nisi partes sphaeram formaverint. Foret hæc perfectæ rotunditatis, nisi partes graves essent, suoque pondere deorsum niterentur, idcirco incumbentes plano, a parte inferiori applanantur, cum a parte superiori rotundæ perstant; accedit plani excipientis vis attrahens, quæ inferioris in gutta partis planitiem auget: quo igitur planum, cui gutta incumbit, minorem vim trahentem possederit, eo gutta pilæ similior erit. Propter hanc causam Aquæ guttæ supra nonnullarum plantarum folia sunt sphericæ, quæ supra Vitrum, Metallumve quodlibet parum rotundæ conspiciuntur; imo eandem Mercurii guttæ supra chartam perfectæ fere sphericæ, supra Vitrum & Metalla multo planiores sunt. Quo guttæ minores eo quoque minus gravitant, proinde se attrahendo propius ad perfectæ pilæ formam perveniunt. Non refert in hac doctrina, sive in Aere, sive in Vacuo guttæ ponantur, nec Experientia ipsa ullum discrimen quoque ostendit: quamobrem errasse videntur ii, qui rotunditatem guttarum ab alia causa, quam ab attractione deducere conati sunt, invocantes aut Aerem ambientem inutiliter, aut fictitium Æthera, qui potius quaquaversum partes a se disjicere deberet, quam in unam molem compingeret.

§. 518. Veluti in gutta partes attractæ non prius quiescunt, quam cum in rotundum jacent; ita quoque duæ guttæ, sibi propinquæ, parum a plano, cui insistant, attractæ, ad se invicem volant, & nictu oculi citius in unam conglomerantur sphaeram, uti clarissime videre est in guttis Aquæ inhærentibus plantis, tum in guttis Mercurii purissimi lævigatæ chartæ impositis.

§. 519. Duorum diversorum fluidorum partes, sibi affusæ, sese attrahunt, & quæ contingunt se, cohærent vi, qua
in

in se operantur ; hæc si vehemens fuerit , in massam firmam vertentur fluida , & quidem eo firmiorem , quo attrahens vis fuerit major , hoc est in *Coagulum* vertentur . Hoc evenit , cum subtilissimus Urinæ spiritus permiscetur cum Alcohole Vini , nam in massam duram , glaciei æmulam , illico abeunt . Coagulum producit quoque Vivi Alcohol mistum cum Ovi albumine , aut cum Sero sanguinis . Ovi albumen cogitur quoque a Spiritu acido Salis marini , a Spiritu Nitri , Spiritu Sulphuris , Oleo Vitrioli : hi acidi Spiritus Sanguinem quoque inspissant (a) . Lac cogitur in caseum succo e proventriculo vituli , succo Cataputiæ minoris , Spiritu Mellis , Spiritu Nitri : innumera alia exempla affert Chemia . Cur autem nonnulla Fluida mixta in massam firmam abeunt , alia vero manent fluida ? Id videtur a vario concursu partium , earum figura , magnitudine , densitate , porositate , circumstantiis pendere , quæ omnia hucusque ignorantur .

§. 520. Si Salis partes in copiosa Aqua solutæ sunt , magis ab Aquæ partibus , quam a semetipsis trahuntur , & satis longo a se distant intervallo ; cum vero Aquæ plurimum in vapores ab Igne , Sole , Aere expellitur , levis Salium pellicula in superficie formatur ab iis partibus , quæ Aqua orbatæ relinquuntur . Hæc pellicula fortius trahit ad se ex subjecta Aqua Salem , quam æqualis quantitas solutionis , quæ partim Aqua , partim Sale constat : spissescit igitur pellicula , specificè gravior reliqua solutione fit , rumpitur in partes , subsidet attrahendo interim ad se salinas partes , incresecitque in moleculas variæ magnitudinis , quæ *CrySTALLI* vocantur , quarum figura in omnibus Salium generibus varia est . Nam Sal marinum constat Pyramidibus basis cavæ & quadrangulis , Nitrum parallelepipedis hexangulis , Sal Laurinum partim est parallelepipedum hexangulum , partim truncata pyramis : Sal liquefactæ duplici constat pyramide hexangula : Sal Capilli Veneris cubum format : Rhombum Hellebori albi Sal : Vitriola sunt Rhomboidea : Alumen octogonum , sed innumeras alias figuras alia salia adsciscunt .

Cur autem CrySTALLI ejusdem salis in constantes abeunt figuras , demonstrare huc usque nemo potuit : nec quare Vitriolum viride , & Alumen solutum in Aqua ,

per-

(a) *Du-Hamel Histor. Academ. reg. Lib. 1. Sect. 5. Cap. 1.*

permixtumque, in suas tamen crystallos redeunt, non in aliquod tertium Salis genus (a).

Quamquam ex Solutione salina multum Aquæ exhalevit, non formabuntur Crystalli, nisi solutio in loco quieto, frigidoque ponatur: quo frigus est majus, eo crystalli majores formantur, tum enim nihil est, quod impedit, quominus partes salinæ libere ad se accedant, dato autem calore, removentur perpetuo; ideo tempore calido exigua Salium crystalli formari solent.

Si impediatur Aquæ evaporatio, nunquam solutio salina in crystallos abibit, nisi fuerit admodum saturata & crystallizationi antea proxima: idcirco quia in vacuo Boyleano nulla aut exigua fit evaporatio, in eo crystalli, observante Boyleo, (b) non generantur: imo nec fient in vase probe occluso, teste Cl. Petito (c).

§. 521. Est Aer inter fluida, quæ a nobis traduntur, levissima ponendus, adeoque gravitatis suæ ratione fluidis reliquis tantum innatare deberet: verum attrahitur satis vehementer a plurimis, forsitan ab omnibus fluidis, ideo absorbetur ab Aquis omnibus, a Vinis, a Spiritibus, ab Oleis expressis, stillatitiis & naturalibus, a Spiritibus Salinis acidis, alcalicis, compositis, a Mercurio; Aer in hæc fluida descendit, e conspectu evanescit, intime cum iis miscetur, & adeo attractus cohæret, ut non nisi difficillime iterum extricetur; nam vi magna ignis, ad ebullitionem reducentis fluida, expelli modo potest: vel diuturna in Recipiente, Aere vacuo, mora, nec tum adhuc, nisi omnia aliquantum incaluerint. Aerem satis vehementer multis adhærere corporibus expertus est Cl. Petitus: Si enim Sal Ammoniacum, vel Mercurius sublimatus corrosivus solvatur in Aqua, in conspectum prodeunt bullæ aeræ, tenuibus Salium particulis tenacissime adhærentes, has secum elevant, donec in superficie aquæ rumpantur; idem observatur, si spiritui vitrioli, cum aqua mixto, injiciatur limatura Ferri, Zinci; tum Corallia, & Oculi cancerorum. 2º. Semper ad fundum vasis in memorato fluido bullæ restant aeræ, quæ fortius a corporibus, quibus adhærent, trahuntur, quam ut pondere aquæ ab iis separari queant. 3º. Corporibus asperis, fractis, multo copiosius sub aqua bullulæ aeræ adhærent, quam

(a) *L'Hist. de l'Acad. Roy. An. 1736.* (b) *Boyle Contin. 2. Exp. Phys. Titulo 9, Exp. 2.* (c) *L'Hist. de l'Acad. Roy. Anno 1722.*

quam politis planisque: ab illorum enim pluribus punctis trahuntur, ab horum uno tantum puncto (a).

§. 522. Mirandum Attractionum variarum theatrum aperiant *Effervescentiæ*; ita vocantur motus subitanei intestini, vehementes, tumultuantes, inter duorum corporum sibi permistorum partes antea quiescentes, vel vix agitatae, oriundi. Multæ hujusmodi effervescentiæ fiunt, cum Sales Alcalini sive solidi, sive soluti in Aqua, permiscuntur cum fluidis Acidis; quamvis quoque effervescent acida cum acidis, aliisque. Ingentes hæ ebullitiones intelliguntur, si animo conceperimus ad partes Salis Alcalini attrahi cum impetu partes Acidas: utrasque esse elasticas, quamobrem dum in se ruunt, figuræ mutabuntur, non aliter quam cum eburnea sphæra aliam impingit, mutuoque in contactu utriusque figura applanatur: veluti viribus, quibus in se ruebant, consumtis, elasticitate, figuram restituyente, a se repelluntur: ita quoque Salinæ partes, postquam se primo percusserunt, vi elastica superante eam coherentiæ ex contactu oriundæ, a se separabuntur; excussæ partes ruunt in alias, a quibus attrahuntur, adeoque tum vi attrahente, tum vi, quibus ferebantur, nunc in alias ruunt; a quibus excutiuntur cum accepto impetu, dumque iterum in novas incurrunt, motu feruntur perpetuo magis magisque incitato; quo sese atterunt, diffingunt, sibi infiguntur, secum conjunguntur. Nonnunquam, partes, quæ se valde atterunt, ignem colligunt, incallescunt, imo in vivam erumpunt flammam, veluti cum Spiritus Nitri fumans, Oleum Vitrioli, & Olea plantarum Stillatitia Carui, Sassafras, Cinnamomi &c. (b) sibi permiscuntur.

§. 523. Nonnunquam ignem ex se expellunt effervescentes partes, quæ tamen ipsæ frigescent, veluti cum ad oleum Vitrioli Sal ammoniacum, aut Sal volatile Urinæ adjicitur. Nonnunquam in Aere aperto effervescentes partes ab Atmosphæræ pondere tantopere comprimuntur, ut attritu suo incalescant, quæ in Vacuo hoc pondere liberæ, leviter modo supra se moventur, nec calorem concipiunt, uti fit a Spiritu Nitri solvente Argentum.

§. 524. Nonnunquam pondus Atmosphæræ, partibus
nimis

(a) *L'Hist. de l'Acad. Roy. Anno 1731.* (b) *Philos. Transf. N. 150. & 213. l'Hist. de l'Acad. Roy. An. 1698, 1702, 1726. Tentamina Florentina part. 2. pag. 165.*

nimis incumbens, impedit, ut hæ satis libere moveantur, unde sese tantum lente atterunt, nec multum caloris colligunt, cum in Vacuo non pressæ rapidiori motu se atterunt, magisque incallescunt: ita se habet Salis marini spiritus Ferro affusus. Imo potest pondus Atmosphæræ penitus prohibere effervescentiam partium, sese non valde attrahentium, quæ in Vacuo satis vehementer ebulliunt, quemadmodum ostendit Spiritus Vini, qui cum Aceto miscetur. Multa fluida inter effervescendum expellunt ex se Aerem, in interstitiis latitantem, tum vero oritur spuma in superficie. Cum quoque partes inter effervescendum se valde atterunt, incallescuntque, fiunt partes volatiles. hinc fumi, expulsio Aeris naturalis, & generatio fluidi elastici, Aeri analogi: alia multa & pulcherrima, quæ hic prætereo, videri possunt in Cl. Boerhavii Chemia.

§. 525. Trahunt fluida quoque corpora solida, iisque adhærent, nec refert, siue Fluida fuerint specificè graviora, vel leviora solidis. Quoniam vero a nonnullis Eruditis stabilitum fuit, *Nullum fluidum specificè gravius adhærens solidò leviori*; errorem hunc paucis observationibus, etiam si innumeris fieri posset, excutiam.

1. Balsamus Minii, fluidum gravissimum, qui solutus est admodum tenax, attrahitur æque ab omnibus corporibus gravibus, ac a levissimis, iisque valde adhæret.

2. Sanguis humanus, & bovinus &c. attrahitur & adhæret linteo, Chartæ &c. multo levioribus.

3. Oleum Vitrioli gravissimum attrahitur & adhæret Ligno levissimo, suberi, chartæ, linteo, foliisque nonnullis plantarum.

4. Oleum Stillatitium Cinnamomi, Sassafras &c. quod gravitate per aquam subsidet, attrahitur & adhæret Coto-neo, Lanæ, Ligno, Suberi levissimis corporibus.

5. Mercurii guttula insistat chartæ, admove vitri cuspidem, huic adhærebit attractus Mercurius. Si duo vitra junxeris, ut angulum forment, quem gutta Mercurii sphaerica tangat, simulæ vitra a se remove conaris, gutta a vitro attracta, fit sphaeroidea, axe longiori per vitra transeunte.

6. Mercurii guttæ minimæ, quæ ab ipso in fumum abeunte formantur, exceptæ a charta, linteo madido, ferro polito &c. ipsi contra proprium pondus adhærent: licet invertantur firma.

7. Plum-

7. Plumbatura Stanni constat ex Stanno & plumbo, componente massam specificè graviolem Stanno, hæc in igne facilius liquefit quam Stannum, & liquefactum attrahitur a Stanno, ipsique adhæret.

8. Ferrumen Cupri componitur ex Cupro & Argento, constituyente massam specificè graviolem Cupro, hæc in fluorem reducta, attrahitur & adhæret leviori Cupro.

9. Chrysocolia facta ex Auro & Argento, & fusa in igne, Argento leviori adhæret, ejusque etiam est ferrumen.

10. Cuprum vel Orichalcum fufum adhæret Ferro specificè leviori, estque ejus ferrumen.

11. Auro in aqua regia soluto affundatur Spiritus Vini Æthereus, qui fluidorum artificialium est levissimus, illico Aurum attractione rapitur in hunc Spiritum, aqua regia relicta, & una cum Spiritu ipsi innatat.

Ex quibus omnibus cadit illa Lex, quæ Adhæfionis appellatur.

§. 526. Fluida vero attrahi a corporibus Firmis inde patet: Quod Aquæ quæcunque, pluvia, fluviatilis, putealis, stillatitia ex plantis: tum vina quæcunque ex uvis, & ex aliis fructibus succulentis parata: Aceta ex Vinis & Cerevisia: Spiritus Vinosi quilibet: Olea tenuia quæcunque plantarum sive stillatitia, sive expressa: Spiritus Salini, seorsum infusa in vas vitreum aut vitro obductum, mundum, non pingue, attrahuntur ad ejus latera, ad quæ affurgunt, adhærentque, ita ut fluidorum superficiei medium depressius sit, quam ubi latera vitri attingunt, & aliquo modo superficies concava evadat.

§. 527. Si corpus solidum, mundum, non pingue, memoratis fluidis immergatur, deinde extrahatur, adhærebunt fluida: potestque solidum aliquousque extra fluida attolli, manente eorum columna intermedia a solido attracta; columnæ vero gravitate superante vim attrahentem, decedit fluidum, relinquendo corpus attrahens.

§. 528. Quantum Aqua attrahat Lignum, supputatum fuit a Cl. Taylora (a), postquam enim massa ex Ligno Abietino probe erat humectata Aqua, atque ex bilance suspensa & in æquilibrium redacta, ejus superficies pollicis quadrati, immissa aquæ fuit, ex qua elevari non potuit, nisi pondere 50 granorum alteri lanci imposito; hoc verò pondus est æquale viribus attrahentibus Aquæ: Au-
cta

Et a Ligni superficie, quæ Aquam attingit, observatum fuit pondus id ex Aqua elevans, semper proportionale magnitudini superficiei.

§. 529. Vitrum detur inclinatum ad horizontem, cujus superficiei inferiori AB (Tab. 8. Fig. 4.) gutta fluidi G apponatur; hæc descendet adhærendo superficiei AB, donec ad infimum marginem B pervenerit; nam sua gravitate premitur directione GH, vi attrahente vitri directione GC, perpendiculari ad superficiem premitur, quare pressa duplici vi, feretur in diagonali parallelogrammi, cujus ambo latera sunt GH, GC, hoc est juxta superficiem vitri AB feretur.

§. 530. Vim Vitri, plurima Fluida attrahentem, ostendunt varia phænomena Canaliculorum exilissimorum qui Tubi capillares dicuntur. Hi utrimque aperti, bene mundi, recentes, recti, ad horizontem perpendiculares vel inclinati, inferiori extremo fluidis impositi, ea magno impetu, usque ad notabilem, sed constantem altitudinem in se rapiunt; quæ eo major est, quo longiores sunt canales: quamobrem vis attrahens a toto canale, non ab ejus supremo margine pendet. Canales æque longi ex eodem vitro, sed diversæ amplitudinis, fluidum idem ad diversas altitudines, quæ sunt in ratione inversa suarum diametrorum. Est enim horum canaliculorum æque longorum vis attrahens in ratione internæ superficiei: Sunt superficies cylindricæ, & quia æque altæ, sunt in ratione peripheriarum in basibus, vel diametrorum. Ponamus igitur vires attrahentes esse veluti superficies, erunt tum quoque uti diametri: vocentur duorum canaliculorum vires V, v , & diametri basium D, d , altitudines ad quas fluidum adscendit, A, a , tum erunt altitudines in ratione inversa diametrorum: Sunt enim vires attrahentes in æquilibrio cum elevato fluido: quantitates fluidi in canaliculis sunt uti quadrata diametrorum, ducta in altitudines (1), sive erit $V, v :: ADD, add$. Sed est $V, v :: D, d$, erit igitur $D, d :: ADD, add$, & ductis in se terminis extremis

(1) Cylindri enim rationem compositam habent ex directâ circulorum basium ratione, & directâ item ratione altitudinum per Schol. post prop. 15. l. 12. Elem. Andreae Tâquet. Sunt

verò circuli, ut eorundem diametrorum quadrata per prop. 2. l. 12. Elem. ejusdem; Ergo erunt iidem cylindri, uti quadrata diametrorum basium per altitudines multiplicata.

mis mediisque, fit $D \text{ add} = d\text{ADD}$, & divisione facta per $d D$, restat $AD = ad$: quamobrem erit $A, a :: d, D$. Sive altitudines, ad quas fluida adscendunt, sunt in ratione inversa diametrorum.

§. 531. Horum effectuum causa non est Aer Atmosphæricus, qui minus in tubis, quam supra reliquam fluidorum superficiem gravitaret, cum in Vacuo Boyleano ad eandem altitudinem Fluida in canales, quam in Aere aperto attollantur. 2. Nec fluidorum, gravitatibus diversis specificis præditorum, altitudines sunt in inversa ratione gravitatum suarum, quemadmodum a pressione Aeris fieri deberet: sed tantum pendent a vi attrahente diversa, ope experientiæ solummodo detegenda; nam maxime elevatur Urina humana & spiritus Salis Ammoniæ, semper minus sequentia fluida, Oleum Vitrioli, Oleum Tartari per deliquium, Aqua, Oleum raparum, Spiritus Nitri Glauberi, Oleum Terebinthinæ, Alchol Vini, Spiritus Vini æthereus, Mercurius non adscendit, sed depressior est in tubo, quam in reliquo vase. Attendenti præterea ad hunc ordinem patet, non elevari maxime liquores præ aliis volatiles, ut aliqui crediderunt; sunt enim Spiritus æthereus vini, & Spiritus Nitri Glauberi volatiliores multo, quam Urina vel Oleum Vitrioli, & Oleum Tartari. 3. Discrimen in altitudine datur pro diversa indole Vitri, adeo ut quæ fluida ab una vitri specie maxime trahuntur, ab altera multo minus trahantur.

§. 532. Multo minus Æter subtilissimus, ut causa pressionis, invocari potest; si enim hic libere per omnium corporum poros transeat, transibit quoque per eos, qui sunt in vitro; verum hi millionesies subtiliores cavo tuborum sunt, quare horum cava liberrime ingressus, æqua vi premet supra fluidum cavitati respondens, quam quod est in reliquo vase, proinde causa adscensus esse non poterit. Nec atmosphærica effluvia, ex canalibus exeuntia, effectus hos edere possunt, quoniam hæc tantum premendo in fluida operabuntur, quorum adscensus tum quoque in ratione inversa densitatum fieri oporteret, qualis non contingit: præterea effluvia atmosphærica non dari, sed fingi (1).

§. 533.

(1) Isaac Vossius, Borrellus, Carresu, alique, ut phænomenorum, quæ in tubis capillaribus observantur, rationem reddant, liquo-

ris ad vitri latera adhæSIONem in medium afferunt; quatenus scilicet aquæ vel alterius liquoris particula tubum ingressa, ejus lateri adhæret, caretque

§. 533. Si canalis EDC, (*Tab. 8. Fig. 5.*) compositus sit ex duobus tubis ED, DC diversæ capacitatis, in ampliore vero tubum assurgeret modo fluidum ad GB, in graciliorem satis longum ad EC, tum toto impleto canale, & ampliori parte DC immissa fluido, manebit canalis usque ad summum E plenus; nam interior columna fluidi in toto composito canale, respondens tubo ED producto usque ad superficiem C, elevari potest a vi attrahente tubi ED, reliquum fluidum in canale ampliori ambiens columnam mediam, tum ab hac, tum a lateribus & fornice vitri ad D attrahitur, quare totus canalis manebit plenus: idemque continget, quamvis vas ABC (*Tab. 8. Fig. 6.*) fuerit amplum, superius desinens in capillarem angustiam C (a). Ex tuborum capillarium phænomenis intelligimus, quomodo aqua & nutrimentum ad radices fibrillares plantarum allatum, a vasculis earum subtilissimis absorbeatur, sursum feratur: tum quomodo Fluida & Medicamenta, cuti humanæ extrinsecus applicata, per vasa absorbentia in corpus penetrent, ut & quomodo

(a) *Jurinus in Dissert. Physico-Mathemat.*

que proinde, respectu proxime succedentis particulæ, integro suo pondere; hinc ab illa supra ambientis aquæ superficiem attollitur. Quam suam hypothese[m] vel ex eo confirmant, quod internis tubi parietibus sebo liquefacto, vel oleo inunctis, non amplius ascendit liquor ultra libellam. Sed utcunque ingeniosa hæc videantur, experimentis tamen pugnant: Oleum enim raparum quod tenacius internis tuborum parietibus adhæret; ad maximam elevandum foret altitudinem, si Cll. virorum hypothesi obtemperet locum; tum oleum terebinthinæ ad minorem, quamvis ad majorem quam aqua; spiritus falis ammoniaci, & spiritus vini ad multo minorem, cum in his tenuis sit partium cohesio: his tamen experimenta adversantur. Præterea phænomena tuborum capillarium inæqualis longitudinis ejusdem hypothesi falsitatem produunt: cujusque enim longitudinis hi tubi ponantur, eadem liquoris altitudo observanda foret, si ejus elevatio abs prædicta adha-

sione ad tuborum latera penderet, cum tamen longiores tubi ad majorem altitudinem præ brevioribus liquorem rapiant. Consequens est igitur horum phænomenorum veram rationem ab attractionis vi unice pendere: tubus nempe vitreus capillaris aquæ demersus, quia vi attrahente donatur, aquam sursum rapit, non quidem indefinite, sed ad eam usque altitudinem, in qua vis tubi attrahens cum aquæ pondere æquilibratur. Et quoniam attractio ex tubo universo exit, facile intelligitur cur tubi longiores ad majorem altitudinem rapiant aquam, quam breviores ejusdem diametri tubi. Insuper cum via attrahens fortius in quosdam liquores agat, debilius in alios, variarum suspensionum ratio in variis liquoribus intelligitur. Denique quia vis ista omnino subvertitur, perturbatur, a sebo, oleo, cera internos tuborum parietes incrustantibus, mirum haud esse debet, si in ejusmodi tubis non ascendant liquores.

modo perspirata in cavitatibus corporis, uti in abdomine, scroto, thorace, pericardio, tum effusa fluida in oculi cameris, cerebri ventriculis &c. a vasis capillaribus tenuissimis absorbeantur.

§. 533. Si duo specula vitrea, plana, sicca, munda, inclinata vel erecta ad horizontem, paris magnitudinis, sibi parallelis superficiebus adjacentia, inferiori latere in nonnullis fluidis ponantur, hæc sursum magno cum impetu inter commissuras, ad notabilem altitudinem rapiuntur: idem inter plana marmorea & cuprea fieri observavit Hauksbejus (a): si inter specula hæc vitrea corpora diversæ crassitiei interponantur, quæ vario intervallo a se distant, sunt ejusdem fluidi altitudines in ratione inversa intervallorum, quibus a se mutuo absunt: idemque in vacuo Boyleano contingit. Cum superficies speculorum hic maneat eadem, sive sibi proxima fuerint, vel a se plus distiterint specula, necesse est, ut sit eadem copia aquæ elevanda: attracta aqua habet formam parallelepipedii, cujus basis est ut speculorum distantia; quia omnia parallelepipeda debent esse æqualia, erunt bases in ratione inversa altitudinum, & quia bases sunt uti distantia speculorum, erunt distantia in ratione inversa altitudinum, ad quas fluidum inter specula adscendit.

§. 534. Si ambo Specula plana, perpendicularia ad horizontem, uno latere, perpendiculari ad horizontem, jungantur, opposito latere a se distiterint, ita ut angulum forment, tum imposita Aquæ, eam attollent, altius, ubi specula sibi propiora, humilior, ubi a se plus distant: elevata aquæ superficies formabit curvam Hyperbolæ formam referentem g, f, i , (Tab. 8. Fig. 7.) cujus asymptoti erunt latera speculi AB, BC.

§. 535. Si hoc Experimentum instituatur cum Mercurio, loco Aquæ, formabitur a Mercurio etiam Hyperbola, sed quæ situm priori oppositum habet f, m, k, g , (Tab. 8. Fig. 8.).

§. 536. Si in speculum horizontale effundatur gutta Olei arantiorum recentis, alterumque speculum priori ita imponatur, ut uno extremo attingat speculum, altero extremo ab eo distet, sed oleum attingatur leviter, tum hoc a speculis attractum, & quidem eo vehementius, quo minus distent, ruet motu accelerato versus eam partem, qua se contingunt.

Tomo I.

V

Si,

(a) *Phys. Mechan. Exp. pag. 128.*

Si, dum hoc fit, interea pedetentim specula, qua parte se contingunt, elevemus; perget moveri gutta, sed eo lentius, quo specula altius eleventur, donec ad eam pervenerint altitudinem, in qua non amplius adscendit oleum, pondere ejus cum viribus attrahentibus speculorum æquilibrato, ideo in majori speculorum altitudine oleum descendet. Sed si Olei loco Mercurius experimento inferviat, feretur hic deorsum ad speculorum amplius intervallum.

§. 537. Manifesta etiam spectatur attractio in *Sublimatione Philosophica* vel *Vegetatione* Salium, Marini, Vitrioli, & aliorum, qui in Aqua soluti, dein infusi vasis latio-ribus, incipiunt accrescere ad parietes, elevari ultra solu-tionis superficiem, adscendere ad oram vasis supremam, ambire superficiem vasis extimam (a).

§. 538. Solvunt corpora se invicem, quæ se in particu-las minores diserpunt, ita ut inter se permisceantur: Quodcunque Solvens, dum solvit, semper est fluidum. Omnium autem generum Salia ab Aqua solvuntur, quia partes Salium fortissime attrahunt partes Aquæ, quæ vi in salinas irruendo, & cohærentiam superando, a reliqua massa eas excutiant, sibi que associant, ita ut per totam Aquam dispersæ hæreant Salinæ particulæ, interim motus nascitur in partibus, qui antea non aderat, sed a viribus attrahentibus excitatur. Pari modo solvitur Nitrum Am-moniacale a Spiritu Vini rectificatissimo: hoc autem Ni-trum componitur ex Spiritu Nitrî, saturato cum Spiritu Salis Ammoniaci, tum filtrato, evaporato, & crystallisa-to (b). Nonnunquam citius peragitur solutio, si partes affusi fluidi moveantur, hinc enim majori impetu par-tes solventis ruunt in solvendum, idcirco vel conquisi-tum, vel calefactum solvens, facilius citiusque separ-at solvendi partes. Non aliter solvuntur Metalla a suis menstruis, quæ aliquando ex partibus acutis, scin-dentibus constant; hæ igitur magna vi attractæ, pe-netrant, discindunt, solvuntque corpora valde cohæ-rentia. Sæpe autem solventia, quæ blanda sunt, faci-lius solvunt corpora, quam ea acutiorum partium; nam Mercurius, & Oleum Olivarum solvunt Plumbum, Stan-num, ut & misturam ex Plumbo & Stanno, quæ non solvuntur ab Oleo Vitrioli acerrimo. Albuminis ovi cotti
& per

(a) Boyleus in *Contin. Physic. Mech. Exp.* 29. & *l'Histoire de l'Acad. Roy. An.* 1722. pag. 129. (b) Neuman in *Lect. de Nitro.* pag. 108

& per deliquium soluti Aqua blanda solvit Myrrham ; quam nec Aqua fortis, nec alii Salini spiritus acidi rodentissimi solvere possunt. Quod provenit a majori attractione blandi menstrui, quam illius, quod acutis partibus constat. Nonne hinc intelligitur, quare Aqua fortis non solvat Aurum, cujus menstruum est Aqua regia, vel Mercurius (a), vel Hepar Sulphuris?

§. 539. Sunt nonnulla corpora, quæ ab aliis solvi non possunt, priusquam a tertio corpore penetrata aliquantum sint ; ita ab Aqua non solvitur Creta, nec Calx, nec ulla Terra, nec Conchæ : verum prius hæc penetrentur ab acido spiritu, removens aliquantum a se partes, & coherentiam minuente, mox penitus ab Aqua trahi & intime solvi possunt. Sulphur solum Aquæ insolubile, postquam cum Alcalino sale ope ignis in tecto crucibulo coctum fuerit, in Aqua solvi potest. Si Regulus antimonii cum sale ammoniaco in crucibulo igniatur, potest postea solvi in aceto. Plurima elegantia, quæ huc spectant, videri possunt in Clar. Boerhavii Chemia, Cap. de Menstruis.

§. 540. Ex bene intellecto Attractionis principio *Precipitationes* Chemicæ explicari quoque facile possunt : quæ sunt, cum ad duo corpora, quæ se mutuo solverunt, affunditur tertium, quo mox ex solutis prioribus unum excutitur, & ad fundum præceps datur.

Spiritus Vini constat ex tenuissimo Oleo, permixto intime cum Aqua, quam solvit : huic adjice Salem Alcalinum fixum siccissimumque, hic fortissimus Aquæ magnes mox ex Spiritu trahet Aquam, & ab ea solvetur in deliquium, ac subsidebit relicto solo Spiritu supernatante.

Solvatur Sal Ebsoniensis in Aqua, non fortiter hæc bina se trahunt : affunde Vini Alcohol, fortius Aquam trahens, mox relinquetur Sal ab Aqua, qui in Crystallum ad fundum concrevit.

Resinæ qualescunque in Alcoholæ fuerint solutæ, sequidem trahunt, verum fortius Alcohol trahit Aquam, quam resinam, ideo affusa solutioni Aqua mox trahit fortissime Alcohol, hoc resinam relinquit, eamque ad fundum præcipitem dat.

Mercurius in Aqua forti sit solutus, solutioni affundatur Muria, hanc magis trahit Aqua fortis, quam hæc Mercurium, quare hic mox relictus ad fundum subsidet.

V 2

In

(a) Institut. Bononiense.

In Aqua forti generosa solvatur Argentum, solutioni injiciantur lamellæ Cupri, quæ vehementius ab Aqua forti trahuntur, quare ad fundum præceps sub forma pulveris ruet Argentum. Solutioni Aeris priori adjiciatur Ferrum, quod validius adhuc ab Aqua forti, quam Cuprum trahitur, mox proinde hoc relinquetur, subsidebitque ad fundum: Solutioni huic Ferri filtratæ immittatur Zincum, quod validius adhuc ab Aqua forti trahitur, excutitur proinde Ferrum. Solutioni huic Zinci injice Oculos Cancrorum, hi fortissime ab Aqua forti tracti excutient Zincum. Mox solutioni affunde Spiritum Urinæ, & terrestres Oculi præcipites dabuntur: tandem affunde liquorem Alkali fixi, in quod violentissime agit Aqua fortis, nunc Saluri-nosus excutietur, & sua levitate enatabit sursum.

§. 541. Sunt Salia Alcalina fortissimi Magnetes Aquæ Aereæ; capiatur enim Uncia siccissimi salis Tartari, in cella clausis fenestris portisque, ne Aer agitetur, pone, brevi ex Aere ad se tres Uncias Aquæ trahet, a quibus solvitur. Margini vasis vitrei circumligavit Cl. la Hirius linteamen Lixivio Salis Tartari ebrium, vas in cavo Observatorii repositum notabilem liquoris copiam collegit, quem ex Aere Alealicus Sal attraxit (a).

Ejusmodi magnetes humidi Aerei sunt quoque Spiritus acidi concentrati, Butyrum Antimonii & Oleum Vitrioli &c.

§. 542. Natant in Aere præter aquam quoque Sales, qui a corporibus terrestribus fortius attrahi possunt, & idcirco Aerem, qui ipsos prius solverat, relinquere cogentur. Metalla nonnulla, veluti Ferrum & Cuprum, sunt hujusmodi Salium Aereorum magnetes: Sales proinde ex Aere trahunt ad se, & ab ipsis solvuntur, constituentes Rubiginem & Æruginem; quæ copiosissime fit, ubi Aer Sale prægnans est, nequaquam ubi Aer purus Sale vacat. Est quoque Pyritis certum genus, fortissimus Salis Aerei magnes, idcirco hic durissimus lapis, Aeri expositus, fissuras agit, in quibus ex Aere colligit attractum Sale, auctis fissuris magnitudine & copia, lapis in pulverem barbatum, sale undique adhærente, fatiscit: cum vero hic Sal ab Aqua solvi possit, Vitrioli confectores, hos lapides supra feramenta plurima ferunt; pluvia dissolutus Sal in Ferrum cadit, id dissolvit, solutio collecta, in Crystallus redacta, Vitriolum Martis vulgare præbet.

Ca-

(a) *Hist. de l' Acad. Roy. An. 1703.*

Caput mortuum Aluminis insipidum, per aliquot dies Aeri libero & sereno expositum, non modo manifesta sedimente rursus imbutur, sed & ponderis augmentum capit, ob Salem ex Aere attractum.

Cineres clavellati, diu Aeri expositi, in Salem neutrum, Tartaro Vitriolato similem degenerant; qui ab ipsis separari potest; separatus, amaricantis est saporis & figura sexangularis: indicio cineres ex Aere in se Salem acidum Vitriolicum attraxisse.

§. 543. Ab aliis corporibus æque manifestæ attractiones exercentur. In lateres recenter coctos Aqua attrahitur magno cum impetu & strepitu: fistulæ tabacariæ novæ idem faciunt: Terræ fullonum ideo a pannificis ad pannos ab oleo purgandos adhibentur, quia Oleum majori vi ad se trahunt, quam Lana; hanc proinde ab Oleo liberant; ita quoque maculas pingues vestimentorum tollunt. Arena impleatur tubus utrimque apertus, quem erectum impone Aquæ usque ad tubi summitatem Aqua adscensu rapietur (a). Vitreum tubum utrimque apertum, cujus unum extremum linteamine est circumligatum, adimple Minio, erectus insidat Aquæ, quæ à Minio vehementer attracta, ad 30., immo ad 40. usque pollices adscendet (b). Si idem tubus Atramento, aut Tincturæ Croci insistat, Minium minus hæc fluida attrahet, quam Aquam. Verum si cineribus tubus plenus est, hi Aquam ad altitudinem 32. pollicum, & ultra attrahunt, idemque fortius adhuc faciunt in vacuo Boyleano (c). Charta bibula intorta, & vix tubi dimidiam cavitatem occupans, aquam ad altitudinem 153. linearum attraxit: verum hæc charta accurate tubum opplente, Aqua ad altitudinem 225. linearum adscendit (d).

Attractione oleum in cotoneum adscendit, ut flammæ lampadis serviat: nec adscensum in vacuo respuit. Aqua in fila lanea, & in pannos suspensos ad notabilem altitudinem pari causa assurgit; idque etiam in vacuo fieri probavit Cl. Petrus (e); cum enim vasi, Aquæ pleno, pannus uno extremo inhærebat, altero extra vas pendente, in vacuo Boyleano attracta a panno fuit Aqua, adscendit, superavit vasis oram, per libere pendentein panni

V 3 extre-

- (a) *Sinclarus in Arte magna Gravit. p. 161.* (b) *Boyle Contin. 1. Phys. Mech. Exp.* (c) *Hauksbee Physic. Mech. Exp. p. 184.* (d) *Hist. Acad. reg. Scient. Lib. 4. pag. 316.* (e) *L'Hist. de l'Acad. Roy. An. 1722.*

extremitatem ex vase effluxit, donec utrimque ad libellam hærebat Aqua. Mercurius vehementissime attrahit Sulphur, a quo postea vix separari potest, uti patet in Æthyopis mineralis & Cinnabaris confectioe. Sed innumera attractionum exempla ubivis occurrunt, modo levem quis attentionem adhibeat, tumque plurimi corporum effectus, erronee prementis Aeri, fictitiõe Ætheri adscripti, simul detegentur (1).

§. 544. Non modo corpora se attrahere, sed nonnulla quoque se mutuo repellere & fugare observamus, non aliter quam si se odio prosequerentur; simulac partes ultra sphæram attractionis a se mutuo recesserint. Hæ repulsiones non esse unius indolis, nec eandem agnoscere causam videntur; nimis pauca hucusque data possidemus, ut ex iis veras causas eruamus, cumque conjecturis indulgere nolu-

(1) Id præterea hic non prætermittendum eandem attractionis vim, hominis, ceterorumque animalium corpori inesse, eademque vi id ad se rapere exiguarum particularum effluvia, uti ex observationibus & experimentis satis liquet. Hinc quippe fit, ut allium plantis pedum admotum, spiritum oris graveolentum reddat: hinc cantharides cuti impositæ viam sibi per sanguinem & vasa ad renes parant: hinc exiguis corporis meatus pervadit argentum vivum, ac in intimos sanguinis; spirituumque recessus penetrat. Atque hæc omnia nulla vi externa impellente in corpus irruunt, quibus quominus intro absorbentur non obstat quæ cum impetu quodam undique effluit perspiratio. Quod si tam solida corpuscula a corpore humano attracta cuticulares poros subeunt, & cum sanguine miscentur, quid ni etiam aeris humidum cuti undique circumfluum, easdem, quas indefinenter, pulsant fores, subire, atque adeo corpus mole & pondere augere possit? Sunt vero arida & sicca corpora succulentis magis attrahentia: adeoque quæ inedia, labore, ægitudine, aut copiosa evacuatione extenuantur, corpora, eadem aeris humidum fortius & uberius ad se rapiant, oportet. Hinc multum eorum interest, quorum corpora atte-

nantur, diligenter observare, quod potissimum cælo, quo aere utuntur sunt enim cutis pori veluti totidem ostia ad quodvis in aere volitans si ve amicum, si ve inimicum sanguini hauriendum apta. Hinc etiam sequitur ubi morbus aliquis maxime grassatur, omnem evacuationem obesse, ea enim ad morbi semina recipienda, imbibendaque, corpus magis idoneum redditur. Hinc quoque fit, ut qui nubilo cælo, & inopertus sub dio dormit, humoris uberius attracti, causat, tussim, distillationes, & articularum mala sustinere plerumque debeat. Hinc tandem consequitur ad valetudinem recte conservandam, spectari maxime oportere, thalami, & cubilis communionem; corporum enim nudorum, & sub iidem stragulis sibi invicem propius adjacentium, magna ac valida est attractio; se mutuo fovent, & calido perspirationis halitu tanquam nebula involvuntur: cumque magna vitæ pars ejusmodi consortiis absumatur, haud mirum si suas qualitates interdum sibi communicent conjugata corpora. Hac societate pruritus propagatur; hac qui ex inquinato inguine exudat humor, sanum lue venerea afficit; hac calida juvenis senectutem reficit, ac succulentam puella tabescit sicco seni admota,

nolumus, tantummodo aliquas repulſiones commemorare lubet.

§. 545. Repellunt ſe partes corporum, ſolutæ a ſe Putrefactione, Fermentatione, Efferveſcentia, Combūſtione, Solutione; ſolutæ enim partes evadunt elatiçæ, & aerem æmulantur.

Olea craſſiora & Aqua ſe mutuo repellunt, ſibi affuſa non permilcentur, ſed a ſe diſtincta & ſeparata, natante leviori ſupra gravius manent: valde concuſſa aliquamdiu quidem conjunguntur, ſed quieti commiſſa iterum ſe extricant; Oleo cum Oleo, Aqua cum Aqua ſe ruruſus conjungente. Hinc fuligo Oleorum incenſorum, quæ maxima parte Oleo conſtat, impermixta innatat Aquæ, eamque repellit. Hinc Inſecta nonnulla, e quorum pedibus ſudor oleoſus exſpirat, & adhæret, ſiccis pedibus Aquæ inambulant, illi foveam imprimunt, veluti ligneus levis globus pinguedine unctus. Pinguitudo etiam pennarum in aquatilibus avibus Aquam repellit, ut nunquam humectentur; reliquarum avium plumis, minus pinguibus, aquam non reſpuentibus.

§. 546. Oleoſiſſimum quoque Semen plantarum nonnullarum maſculinum, quod ſub pulveris forma ſorum ſtaminibus adhæret, aquam repellit, uti videre licet in Semine Liliorum, Salicis, Coryli, Populi &c. præcipue in Semine Lycopodii, quod ſuperficiæ vaſis internæ illitum, aquæ ſuperficiem rotundam inducit; guttam Aquæ ſphæricam conſervat: immo ſi Linteum, Charta, Corium, bene hoc pulvere fuerint fricata, aquam per ſe non tranſmittent.

§. 547. Pingues nonnullorum foliorum ſuperficies, veluti Braſſicæ &c. pari forſitan cauſa guttas pluviæ ſphæricas tenent, nec ab iis humectantur.

§. 548. Huc quoque nonnullorum Animalium pili, præcipue Equorum & Camelorum referendi videntur, qui adeo potenter aquam repellunt, ut ex iis texta veſtimenta nunquam ab Aqua madefiant, immo formata in ſacculum eandem retineant, licet rara ſint: huc pertinent Capilli humani, telæ Aranearum, Erucarum, Bombycum; quæ modo aquam & Tincturas variorum colorum arripiunt, poſtquam in acri lixivio, Oleum tollente, coctæ fuerunt.

§. 549. Spiritus Vini, qui ex Oleo tenui & Aqua componitur, ſimulac, Sale Alcalino accepto, ex ſe aquam demittit,

fit, a Sale attractam, nunquam se amplius conjungi cum hac Aqua patitur, verum eam perpetuo repellit.

§. 550. Nunquam vero clarius vim repellentem videmus quam in Metallis politis & Rore; etenim Ros aliquibus in regionibus tantum non labitur in metalla, sed ad notabilem distantiam ab iis repellitur.

§. 551. Sed sunt aliæ causæ repulsionum, quæ efficiunt, ut nunquam Mercurius cum Antimonio, vel Chalybe jungatur, sed ab eo repellatur. Amalgama Mercurii & Plumbi in Aqua triti, pulverem nigrum ex se repellit, ex Mercurio cæteroquin non separandum. Cuprum ad ignem fufum, & Aquæ injectum, tanto impetu ab hac repellitur, ut in minutias subtilissimas abeat. Magnes Magnetem repellit, & Ferrum Magneti affricum: quæ posteriora a diversis causis repellentibus, hæc usque incognitis, pendere videntur (1).

CAP.

(1) Quæ a §. 544. usque ad 551. adducta sunt experimenta, repulsionum quarundam corporearum existentiam indubiam quidem reddunt: at de iis quæri potest, num a principio certis tantum corporibus indito, quo eorum partes se mutuo expellunt, oriuntur; an vero aliam habeant causam, quæ ab ipsa quoque attractione dependeat. Nihil enim obstat, quominus intelligamus adductarum expulsionum quædam phænomena ab ipsa attractionis inæqualitate dependere; quatenus scilicet ejusdem fluidi particulæ majori vi se invicem trahant, quam alterius corporis particulas inibi demersas; tum enim necesse est, ut utriusque corporis particulæ, quantumvis commisceantur, quasi se mutuo expellentes, ab invicem deinceps separentur. Aquæ ex. gr. particulæ si majori vi se invicem attrahere possint, quæ eadem attrahunt olei particulas; tum olei particulæ majori quoque vi se invicem petere possint, quam aquæ particulas ad se attrahunt, aqua & oleum invicem commixta a se mutuo semper separabuntur, aquam innatante oleo. Quid simile fortasse accidere poterit in cæteris expulsionum phænomenis, quin

ad expulsionis vim & principium confugere sit necesse. At id nihilominus Cl. Newtono haud aridet, qui ad calcem sui tractatus Optici hanc expulsionis vim ab attractione omnino independentem reapse dari, ab eaque adducta expulsionum phænomena mutuanda reputat. En ejus verba. *Quandoquidem metalla in acidis dissoluta, parvam solummodo acidi portionem ad se trahunt, liquet vim eorum attrahentem nonnisi ad parva intervalla pertinere. Et sicut in Algebra ubi quantitates affirmativæ evanescent, & desinunt, ibi negativæ incipiunt; ita in mechanicis ubi attractio desinit, ibi vis repellens succedere debet. Talis autem vis aliqua ut sit, consequi videtur ex reflexionibus radiorum lucis... videtur etiam consequi ex emissionibus luminis: radius simul ac a lucente corpore per vibrantem partem ipsius motum excussus sit, & e sphaera attractionis ejus evaserit, ingenti admodum velocitate propellitur... Porro videtur etiam consequi ex productione aeris & vaporum: nam particula e corporibus excussa per calorem vel fermentationem simul ac ex sphaera attractionis corporis sui, evaserint, recedunt deinceps & ab illo & a se invicem ma-*

C A P . XIX.

De Cohærentia.

§. 552. **C**ohærentia vocatur ea corporum conditio , qua partes quomodocumque, & a quacunque causa

gna cum vi. . . Porro eidem vi repellenti tribuendum est, quid muscæ in aqua inambulent, nec tamen pedes suos madefaciant. Et vitra objectiva longorum telescopiorum, alterum alteri impositum inter se tamen non facile contingant &c. In hanc tamen Viri Clarissimi sentiantiam haud tam facile descenderim: mihi enim videtur a naturæ simplicitate quid absonum ejusmodi recognoscere repulsiões, quæ independentes sint vel ab attractionis inæqualitate; vel ab effluviis corporeis avolantibus, remouentibusque corpora, in quæ incurunt, vel ab alia Mechanica causa. Ejusmodi sane repulsionum rejiciendarum nullum, fateor, evidens est argumentum; at nec etiam datur earundem admittendarum. De luminis vero reflexione, inflexione, & emissionis suo loco verba fient, quemadmodum etiam de vaporum elevatione.

Sed de attractionis vi nonnulla hic addere, illius operandi rationem, leges, & effectus spectantia operæ pretium erit, quibus sane cum iis, quæ ab Auctore nostro dicta sunt, major accedet lux, tum iis, quæ passim parum perspicacibus adversus attractionem difficultatem faciunt, plene satisfiet. Quidam enim universalis attractionis rejiciendæ inde argumenta trahunt, quod scilicet illius dari semper oporteret indicium aliquod, præsertim in corporibus juxta se positis; cum tamen plerumque ne quidem levissimæ attractionis signum in iis appareat. Cur, ajunt, lapis cum per turris e. g. altitudinem, sive in exigua ab ea distantia, sive eam radendo descendit, non ad ipsam turrim attrahitur, & adhæret, sed vi potius

gravitatis deorsum inferiora loca petit? Cur cum lignum ligno, lapidem lapidi admoves, eaque simul contingere facis, nulla est eorum corporum sensibilis cohæsiō, & attractiō? Horum autem omnium ratio ex sequentibus intelligi facile poterit, in quibus præcipuas attractionis leges, indeque plurimum corporearum qualitatum dependentem causam geometrica fere methodo declarabimus. Spartam hanc post Newtonum adornarunt Joannes Keill in epist. ad Gulielmum Cockburn, Joannes Freind in suis Chymicis lectionibus, Hermannus Boerhaave in sua Chymia, Auctor novæ Chymie secundum principia Newtoni & Stall., ex quibus fontibus sequentia selecta theorematum hausimus.

THEOREMA I.

Si corporis attracti, ubi attrahenti contiguum est, attractio longe fortior sit, quam cum vel minimo intervallo separantur ab invicem, vires particularum trahentis in recessu corporis attracti decrescunt in ratione plusquam duplicata distantiarum.

Est Newtoni propositio 85. l. 1., tum liquet ex iis, quæ ad §. 500. annotavimus.

THEOREMA II.

Si particularum se invicem attrahentium vires decrescant in ratione triplicata aut plusquam triplicata distantiarum augescentium, attractio infinite erit fortior in ipso particularum contactu aut intervallo infinite exiguo, quam ad aliud quodvis datum intervallum. Vide prop. 80. 81. 86. Princip. Math. l. 1.

sa conjunctæ, divulsioni resistunt, ita ut eadem vi a se mutuo separari nequeant, qua aut solæ moveri, aut sibi tantummodo impositæ, sejungi iterum potuissent, sed vim postulant multo majorem.

§. 553. Non autem necesse est, ut partes, massam coherentem componentes, sine motu sint, & sine motu in se agant; cum experientia ostendat partes corporum inter se vehementer moveri, quo tempore nihilominus firmæ coherent; veluti patet in fidibus, & chordis tensis tremantibus ac sonantibus, tum in filis metallicis per angustiora foramina tractis; in calentibus igne, aliisque in occasionibus.

§. 554.

Supponamus sphaeram (Vide fig. 31. Tab. 2. Addit.) AHB ex particulis componi corpusculum P trahentibus, viribus, quæ sint cubis distantiarum reciprocae proportionales. Sit tangens PH, & ex H demittatur ad sphaeræ diametrum perpendicularis HI. Linea PI bifariam in L fecetur; & erigantur perpendiculares LL, Aa, Bb, Ss; tum fiat Ss ipsi SI æqualis. Datis asymptotis LL, LB per punctum s describatur hyperbola a s b; eaque determinabitur area, quæ attractioni corpusculi P fit proportionalis, area scilicet hyperbolica a ABb — rect. 2AS & SI, quemadmodum ex prop. 81. Princip. Math. liquet. Cum vero corpusculum P sphaeræ accedit, eamque in A tangit, puncta P, L, A, I coincidunt, fitque Aa asymptotus, & area aA Bb evadit infinita ut in fig. 32. Tab. 2. Addit.; cumque rectangulum 2ASxSI fit finitum, remanebit area aABb — 2ASxSI quantitas adhuc infinita. Vis igitur qua ad sphaeram urgetur corpusculum P erit etiam infinita. De corporibus eadem proportionem trahentibus non sphaerica figura donatis valet etiam propositio, addendo scilicet vel auferendo iis corporibus extra locum contactus materiam quamlibet attractivam, ut ita tandem corpora datam induant figuram.

Quod si sphaera particularis constet, quæ vi attractrice polleant reciproce

in quadruplicata distantiarum ratione, erit vis qua corpusculum ad sphaeram

adducitur ut $\frac{1}{PS^3 \times PI}$ per eandem 81

prop. 1. 1. Princ. Math. Corpusculo autem P tangente sphaeram, evanescit P I; adeoque tum quantitas tra-

ctioni proportionalis fiet $\frac{1}{PS^3 \times 0}$ seu

—, seu evadet infinita; igitur vis at-

tractrix, quæ est in inversa quadruplicata distantiarum ratione, fiet in contactus puncto infinita.

Quod si ergo in hypothese virium attrahentium, quæ sint inverse in triplicata, aut quadruplicata distantiarum ratione, infinite decrescit vis attractuens in dato quovis intervallo; multo magis in infinitum quoque ea decrescat necesse est in dato quovis intervallo, posito quod virium attrahentium proportio sit inversa distantiarum quintuplicata, sextuplicata, vel etiam major.

COROLLARIA.

x. Si vis attractiva, de qua in proposit. in dato intervallo, ad gravitatem rationem habeat infinitam, vis eadem in ipso contactu, vel in distantia infinite exigua vi gravitatis erit infi-

§. 554. In §. 494. adseruimus, partes corporum minimas

infinite major. Nam vis attractiva in dato intervallo, per prop. infinite minor est ea, quæ competit corpori in contactu. Ergo hac eadem infinite minor etiam erit, quæcunque alia vis, quæ ad priorem, rationem habet finitam.

2. Hinc etiam liquet, quod si in ipso contactu vis corporum attractiva ad gravitatem obtineat rationem finitam, eadem vis in omni dato intervallo erit vi gravitatis infinite minor; adeoque evanescet.

3. Habet autem revera vis corporum attractiva (præsertim partium cohesionem gignens) in ipso contactu ad vim gravitatis rationem finitam; constat enim corporum partes validissima cohesione sibi conjunctas, aliquo corporis pondere tandem divelli, & separari; quod certe fieri nequaquam posset, si vis attractiva ad gravitatem rationem obtineret infinitam. Finita ergo hæc cum sit ratio, erit per antecedens corollarium vis attrahens in data distantia gravitate infinite minor. Sed vis gravitate finita est atque sensibilis: igitur erit vis attractiva in data distantia reapse infinite exigua, atque evanescentes.

4. Vis igitur hæc nonnisi per spatia admodum exigua diffunditur, in majoribus distantis prorsus evanescens. Ideoque mirum nemini esse debet si corporum cælestium tanto intervallo ab invicem disjunctorum motus, per vim hanc attractivam minime turbentur; eodemque modo iidem absolvantur, ac si vis illa a corporibus cælestibus prorsus abesset. Tum etiam intelligitur cur in terrestribus corporibus juxta se positis, in aliqua tenenda distantia, nullum vis attractivæ appareat indicium, quod geometricis ratiociniis parum assuetis maximam adversus attractionem difficultatem creat,

THEOREMA III.

Si corpusculum aliquod corpus tangat, vis qua urgetur corpusculum, vel vis qua cum eo corpore coheret, erit quantitati contactus proportionalis.

Nam partes a contactu remotiores ad cohesionem nihil conferunt, præsertim si in plusquam duplicata distantiarum ratione vires attractivæ decrescant per theor. 2. Cohæsionis ergo vis tota in contactu consistit; qui proinde si duplus vel triplus magnitudinæ fuerit, dupla vel tripla vi opus est, ut superetur.

COROLLARIA.

1. Hinc pro vario particularum corpus aliquod constituentium contactu, varii oriuntur cohærentiæ gradus; iidemque tum maximi erunt, si corporum in quibus se tangunt superficies, planæ & lævigatæ existant; eo enim casu ceteris paribus contactuum quantitas major est. Hinc ratio intelligitur cur duo marmora exactissime polita, & se invicem tangentia non possint abinvicem divelli, nisi adhibita vi, quæ gravitatem aeris incumbentis multum superet.

2. Hinc ea corpora facillime poterunt ab invicem separari, quorum contactus exigui sunt, quales esse solent in sphaericis corpusculis invicem junctis. Facillime ergo Fluiditatis corporum reddetur ratio, posito eorundem partes minimas sphaericas esse, ita ut se mutuo contingentes, in puncto saltem paucissimi sibi occurrant.

3. Hinc etiam intelligimus, quare corpora asperrimæ superficiei sibi imposita parum aut nihil cohæreant; quod nempe paucissimi sint eorum contactus. Nullius igitur momenti reputandæ sunt quorundam objectiones, quærentium cur duo ligna sibi imposita non cohæreant? cur cubus metallicus alteri metallico impositus non sic cum illo cohæreat, ac si igne utri-

mas sibi impositas cohærere, molesque omnes majores efficiere, quia se mutuo vi magna trahunt. Corpora autem majora & separata conjungimus aliis adhuc modis, ut se cum cohæreant.

1. Illa

utrique fusi in unam massam confluerent? A contactuum enim majori vel minori copia horum omnium resolutio pendet.

THEOREMA IV.

Vis, qua corpusculum aliquod ad aliud corpus maxime propinquum attrahitur, vel quæ ei coheret, quantitatem suam non mutat, sive augeatur corporis attrahentis materia, sive minuitur, eadem manente corporis densitate, & corpusculi distantia.

Nam cum vires particularum attrahentes per minima tantum diffundantur spatia per cor. 4. theor. 2; liquet partes remotiores a contactu, nempe (*Vide Fig. 33. Tab. 2. Addit.*) in C, D, E nihil ad attractionem corpusculi A conferre; adeoque eadem vi versus B trahetur corpusculum, siue adsint eæ partes, siue removeantur, siue denique aliæ eis adjuvantur, itaut corpus BDEC datam quamvis induat figuram.

THEOREMA V.

Particularum vires attrahivæ, & coherentiæ ex figuris earundem multum pendunt.

Nam per theorema 3. vis hæc proportionalis est quantitati contactus, at hic major & minor esse potest pro variis particularum figuris, ut clarum est.

COROLLARIUM.

Manente igitur eadem corporea massa, seu eodem elementorum æqualium numero, variari valde potest ejus massæ cohærentia & durities, pro diverso nempe & vario situ, ac figura elementorum secundariorum, quæ ex primis efformantur.

THEOREMA VI.

Corpora majora per vim attrahiv-

nis minori velocitate ad se accedunt, quam minora.

Vis enim qua se mutuo petunt corpora A & B (*Vide fig. 34. Tab. 1. Addit.*) particulis propinquis tantum inest, remotiorum quippe vires nullæ sunt. Non igitur major vis adhibetur ad movendum corpora A & B, quam ad particulas c & d movendas. Sed corporum eadem vi motorum celeritates eo minores sunt, quo majora sunt movenda corpora. Ergo corpus rem A & B minores erunt celeritates, quam particularum c & d.

COROLLARIUM.

Hinc fit, ut corporum majorum motus sua natura adeo languidus & lentus sit, ut ab ambiente fluido, & aliis circumjacentibus corporibus perurumque præpediatur. In minimis vero corpusculis efficacior est virtus, & varique inde oriri possunt effectus. Hinc patet ratio ejus chymici axiomatis, *Sales non agunt nisi soluti.*

THEOREMA VII.

Si corpusculum in fluido locatum a particulis ambiens undique equaliter trahatur, nullus inde oriatur corpusculi motus; quod si ab aliis particulis magis, ab aliis minus urgeatur, ad eam partem tendet corpusculum, ubi major est attractio, & motus productus inæqualitati attractionis respondebit.

Demonstratio liquet vel ex ipsis terminis.

COROLLARIUM.

Ex hoc & præcedenti theoremate ratio etiam pendet, cur quandoque corpora juxta se posita nullum præ-

1. Illa nempe vi externa ad se invicem comprimendo; cohærebunt enim, quantum premuntur; Aer Atmosphæricus suo pondere corpora, inter quæ non interfluit, & quæ

præbeant attractionis indicium. In quacunque enim distantiarum ratione agere ea ponatur, ejusdem tamen effectus impediri ab externa causa potest; scil. vel a vi gravitatis corpus majori impetu deorsum impellente, vel a contactu, vel ab ambiente fluido, vel a massa & mole corporis, vel ab æqualibus viribus corpus in contrarias partes trahentibus.

THEOREMA VIII.

Si ea sit corporis alicujus textura, ut particule ultimæ compositionis per vim externam, (quale est pondus eas comprimens, vel ab alio corpore proveniens istis), a primigeniis suis contactibus paululum dimoveantur, nec interim in novos contactus commigrent, particule per vim attractivam sese mutuo potentes ad contactus primigenios cito redibunt. Iisdem vero redeuntibus particularum contactibus, & positionibus, eadem quoque redibit corporis figura: adeoque per vim attractivam corpora pristinas, quas amiserunt figuras, iterum recuperare poterunt.

Patet ex terminis propositio, estque antecedentium corollarium.

COROLLARIA.

1. hinc patet corporis elasticitatem ab attractione particularum corpus constituentium pendere. Cumque corpora in se invicem impingentia a se mutuo resiliant per vim elasticam, ab eadem quoque vi attractiva corporum reflexio pendebit.

2. Quod si ea sit corporis textura ut particule a prioribus contactibus per vim impressam dimotæ, in alios qui ejusdem sint gradus statim veniant; corpus illud in pristinam figuram non se restituet. Hinc corporis mollis, ut ceræ, luti &c. constitutio patet.

THEOREMA IX.

Si corpus aliquod in fluido locetur, cujus partes fluidi particulas magis ad se trahunt, quam eadem fluidi particula a se invicem trahuntur; sinque in corpore meatus plurimi particulis fluidi pervii, per hos meatus fluidum illud se diffundet; & se partium corporis connexio non tam firma sit, quin ab impetu irruentium particularum superari possit, fiet ejusdem corporis immersæ dissolutio.

Patet ex terminis propositio; interim conferantur, quæ §. 538. notæ Auctor habet.

COROLLARIA.

1. Hinc dissolutionis corporum ratio intelligitur, ad quam ut aptum sit menstruum tria requiruntur. 1. ut partes corporis particulas menstrui magis ad se trahant, quam hæ a se invicem trahuntur. 2. corpus habeat meatus particulis menstrui patentibus & perviis. 3. ut cohærentia particularum corpus constituentium tanta non sit, quin ab impetu irruentium particularum menstrui divelli possit.

2. Sales itaque corpora sunt, quorum particule ultimæ compositionis plurimos poros inter se admittunt, particulis æque ultimæ compositionis perviis, quæ a particulis salinis fortiter attractæ, in eas cum impetu ruunt, easque a mutuo contactu disjungunt.

THEOREMA X.

Si corpuscula in fluido natantia & se invicem potentia elastica sint, post congressum a se mutuo resiliunt, & inde in alia corpuscula rursus impingentia denuo reflectentur: ex quo fient innumeri cum aliis corpusculis confictus, frequentesque resili-

quæ extrinsecus ambit, comprimit ad se invicem: ideo Hæmisphæria Guerickiana, intus Aere orbata, & ab externi Aeris pondere pressa, vehementer cohærent.

2. Co-

tiones. Per vim autem attractivam jugiter augebitur corpusculorum velocitas, & sensibilis fiet partium motus intestinalis. Sed prout fortius aut imbecillius se invicem corpuscula trahunt, & pro varia qua pollent elasticitate, varii erunt hi motus, & diversis gradibus atque temporibus fient sensibiles. Atque hinc FERMENTATIONIS & EFFERVESCENTIÆ phenomena §. 522. 523. oriuntur.

THEOREMA XI.

Si corpuscula se mutuo trahentia vi elastica careant, non reflectentur, sed congeries, seu moléculas particularum efficiunt, unde COAGULUM oritur: & si particularum sic coactarum gravitas superet gravitatem fluidi, succedet quoque PRÆCIPITATIO; quæ oriri etiam potest ex diminuta gravitate menstrui, in quo corpuscula natant; vel ex inæqualitate attractionis menstrui.

Sal Tartari per deliquium e. g. in solutionem alicujus metalli infusus, cum partibus metallicis in menstruo solutis veluti coagmentatur, & moléculas conficit, quæ deinde gravitate sua deorsum ruunt, fitque PRÆCIPITATIO. Quod si menstruo liquidum affundatur minus in specie grave, tunc particularum fieri etiam potest PRÆCIPITATIO, quatenus diminuta menstrui gravitate, eadem particulæ suo pondere deorsum ferri possunt. Ita videmus spiritum Salis Ammoniaci solutionibus metallorum injectum, metallicas particulas in aqua solutas deorsum cogere. Ex inæqualitate attractionis menstrui oriri etiam potest PRÆCIPITATIO: ita cum solutio ferri in aqua forti dissolvat cadmiæ injectam, suumque ferrum dimittat; solutio cupri dissolvat ferrum dimittatque cuprum; solutio argenti dissolvat cuprum, & argentum, & dimittat &c. anon hoc indicat acida aquæ fortis

particulas fortius ad cadmiæ attractas, hi, quam ad ferrum, fortiusque ad ferrum, quam ad cuprum, & ad cuprum fortius quam ad argentum, atque ejusmodi attractionum inæqualitate eas omnes PRÆCIPITATIONES ferit.

THEOREMA XII.

Si inter duas fluidi particulas aliquid intercedat corpusculum, cuius binæ oppositæ facies maximis polleant viribus attractivis, hoc interjectum corpusculum particulas fluidi sibi agglutinabit, & plura ejusmodi corpuscula per fluidum diffusa, ejus particulas omnes in corpus firmum compingent, fluidumque in glaciem reducent. Unde CONGELATIONIS ratio patet.

THEOREMA XIII.

Si corpusculorum se invicem trahentium & in fluido natantium esset figura, ut in datis ipsarum partibus majori vi attractiva polleant, quam in aliis, tum major in iis sit contactus, corpuscula illa in corpora datas figuras habentia coalescent, & inde emergent CRISTALLISATIONES, de quibus §. 520.

THEOREMA XIV.

Si corpus aliquod maximam emittat effluviorum copiam, quorum vires attractricem sint fortissima; cum hæc effluvia corpori alicui leviusculo occurrunt, eorum vires attractrices gravitatem tandem corporis levioris superabunt, & effluvia corpus illud ad se trahent; cumque multo magis conferta sint effluvia in minori ab emittente corpore distantia, quam in majori, corpus leve versus densiora effluvia semper urgebitur, donec tandem eidem corpori effluvia emittenti adhereat. Unde plurima ELECTRICITATIS phenomena explicari possunt.

THEO.

2. Cohærent corpora, quæ vi Magnetica in se agunt ; ita Magnes Magnete eum ; Magnes cum Ferro ; Ferrum Magnetica vi imprægnatum cum alio Ferro unitur in unam molem.

3. Co-

THEOREMA XV.

Si fluidi particule magis se invicem trahant, quam alterius corporis partes inibi demersas, fiet ut quasi se mutuo expellentes a se invicem recedant, nec unquam commiscantur. Unde pluvium EXPULSIONUM ratio intelligitur, ut supra ad calcem §. 551. adnotavimus.

Id reliquum est circa attractionis vim observetur, eam haud recens, quod nonnulli putant, a Newtono, aliisque nostrorum temporum Philosophis primum deprehensam fuisse : plura quippe sunt argumenta, quibus eam præclarissimis omnium ævi Philosophis suboluisse constat. Corporum cælestium ad se invicem gravitationes ac tendentias, indeque derivatam in suis orbitis constantem revolutionem, Jonicæ & Italicæ sectæ affectis notam fuisse erudite probat David Gregory in Astronomiæ suæ præfatione ; id ulterius evincens Pythagoram (altem non latuisse catholicam gravitatis legem, esse scilicet Planetarum gravitates versus Solem, reciproce ut distantiarum ab eodem Sole quadrata ; quod a Barbaris fortasse, ut reliqua doctrinæ suæ potissima capita mutuatus est. Hanc gravitatis doctrinam Democrito, Epicuro ceterisque ejus sectæ affectis probatam fuisse inde liquet, quod Lucretius ab iis edoctus ex eadem doctrina colligat nullum esse Universi centrum, sed infinitos dari mundos nostro similes l. 1. v. 983. & seq. : en enim ejus argumentum. Si rerum corporearum natura & complexus suis concluderetur terminis, corpora extrema cum nulla exteriora haberent, ad quæ gravitatis vi tenderent, in æquilíbrio haud manerent, coacta nempe vi gravitatis ad inferiora descendere, atque

adeo infinito jam elapso tempore ad medium usque confluiscent : Quod ita eleganter Lucretius.

Præterea spatium summae totius omne

Undique si inclusum certis consisteret oris

Finitumque foret ; jam copia materiei

Undique ponderibus solidis conflueret ad imum ;

Nec res ulla geni sub cæli tegmina posset.

Nec foret omnino calum, nec lumina Solis ;

Quippe ubi materies omnis cumalata jaceret

Et infinito jam tempore subsidentido.

Atque huc etiam spectat, quam Epicurus Democriti principiis addidisse fertur, *Atomorum inclinatio*, qua complexionones, & adhæSIONES atomorum fieri, indeque universas mundi partes originem traxisse ratus est, uti ex Lucretio discimus l. 2. v. 220. & seq.

Quod nisi declinare solerent, omnia deorsum

Imbris uti gutte caderent per inane profundum :

Nec foret offensus natus, nec plaga creata

Principiis : ita nihil unquam natura creasset :

Quare etiam atque etiam paululum clinare necesse est

Corpora, nec plusquam minimum...

Ex quibus Lucretii verbis patet immerito Epicurum a Cicerone reprehendi l. 1. de finibus, quasi ejusmodi atomorum declinatio sine causa inducta ei fuerit : mirum potius esset, si eam, vel ei quid simile Democri-

3. Cohærent corpora omnia sibi imposita, quatenus vi attractrice in se operantur, uti patet in omnibus lævigata superficie donatis, per §. 497. Sunt autem superficies cor-

po-

mocritus, alique ante Epicurum atomorum assertores non adhibuissent; sine qua certe Mundorum productiones difficulter explicassent. Nec gravius est, quod adversus eandem declinationem addit Tullius, cum ait: *Nec tamen id, cujus causa hæc finxerat, assequutus est. Nam si omnes atomi declinabunt, nullæ unquam coherescunt: sive aliæ declinabunt, aliæ suo nutu recte ferentur: primum erit hoc quasi provincias atomis dare, quæ recte, quæ oblique ferantur.* Non enim videtur satis Epicuri mentem assequutus Cicero: ea quippe atomorum declinatio non ita reputari debet, quasi omnes atomi simul versus eandem partem æqualiter inclinarentur, sed nil aliud per illam intelligi debet præter mutuos ipsarum atomorum ad invicem accessus & attractiones, quas reapse in corporibus dari tot experimentis evictum hæcenus est.

Hippocrates etiam cum universam suam Philosophiam cuidam propensione, qua nonnulla corpora mutuo afficiuntur, tenentur, & commutantur, quasi totius Operis fundamento superstruxerit, eam viam agnovisse videtur, qua omnes materiæ particulæ se invicem trahunt & trahuntur. A qua sententia nec deinde Galenus abhorruit, cum in suis in Hippocratem commentariis habeat, eam propensionem, seu attractionem esse universalem, omnique corpori inhærentem, nec facultati illi, seu potentie Magnetis ferrum ad se trahentis dissimilem, quemadmodum Jacobus Keill. *Disquis. 2. de vi attractantis corporis animati* demonstrat. Adductis hic testimoniis ostendit etiam idem Vir Cl. ab hac attrahente vi repetere Hippocratem. 1. animalium & stirpium generationem, nutritionemque. 2. pharmacorum vires. 3. non tantum eam posuisse Hippocratem universalem materiæ proprietatem, sed etiam quasdam

particulas a quibusdam fortius, quam ab aliis attrahi.

Baco de Verulamio vir omni commendatione dignus in præclarissimo ejus opere *Novum scientiarum Organum* jam vim quandam magneticam dari posse suspicatus est, inter tellurem & terrestria quæque corpora, Lunam & Oceanum, tum inter ipsos Planetas. Eandem quoque cum cælestium, tum terrenorum corporum, ad se invicem propensionem, & tendentiam subodoratus est sagax Keplerus, ut ex ejus libri introductione *de Motibus Stellæ Martis* aperte liquet. Eandem demum attractionis legem nedum olfactam, sed aperte deprehensam nostro Galilæo vere Lynceo Philosopho adeo clarum est, ut nulla de eo subesse possit dubitatio. Is quippe in tractatu *intorno alle cose, che stanno in su l'acqua*, rationem redditurus cur ex auro, argento, aut alia quavis materia, quæ aqua gravior in specie sit, confecta subtilis lamina, tum aquæ imposita, tota sua crassitie intra aquam demergatur, ad vasis tamen fundum non descendat, nec in supernam ejus superficiem aqua ex marginibus fluat, sed veluti circa illam suspensa maneat; id, inquam, non aliunde repetit, quam ex aere eidem superficiæ contigua, & vi quadam attrahente cum ea conjuncta, itaut ex lamina simul & aere veluti unicui componatur corpus, quod aqua sit minus in specie grave: hinc ita eleganter concludit: *E' dunque tra l'aria, e gli altri corpi una certa affinità, la quale li tiene uniti, sicchè non senza qualche poco di violenza si separano. Lo stesso parimente si vede nell'acqua, perchè se tufferemo in essa qualche corpo, sicchè si bagni intieramente, nel tirarlo poi fuori pian piano, vedrem l'acqua seguirlo, e sollevarsi notabilmente sopra la sua superficie, avanti che da quello si separi. I corpi solidi ancora*

se

porum majorum admodum asperæ , idcirco coacervata corpora in paucis exiguisque locis se tantum contingunt, in reliquis aliquantum a se distant; ubi se tangunt, fortissima; ubi distant, imbecillior est attractio: quo asperitates sunt minores, eo sibi propiora sunt corpora, hinc ea lævigatissimarum superficierum fortius se trahunt & cohærent. Ut vero superficies lævigatiores fiant, implendæ sunt fluido, & partibus subtilibus constante, valles & asperitates implente, porosque obstruente: si igitur inter solida Oleum, Sebum, Colophonia, Cera, Pix liquefacta interponatur, corpora firmissime, immo ultra fidem secum cohærent: tum enim non modo partes eminentes & se contingentes, se trahunt, verum etiam in cavitatibus hærent corpuscula, quæ Magnetum instar, utrumque corpus ad se trahunt, mutuamque cohærentiam augment.

§. 555. Quo partes fluidi interpositi accuratius cum figura cavitatum, quas implent, conveniunt, eo fortius trahendo utrumque corpus, majorem cohærentiam producent. Hinc Cylindri vitrei, diametri 1, 916. poll. Rhenol. calefacti ad gradum, quem ebulliens Aqua habet, ope fusi sebi leviter interpositi, ut omnis aer intermedius excludatur, cohæserunt vi 130. lb. Æque magnæ superficiei ex diversis corporibus facti Cylindri, & calore pari calentes, illitoque sebo, cohæserunt eodem tempore viribus sequentibus.

Ex Orichaleo lb. 250.

Ex Cupro rubro lb. 200.

Ex Argento lb. 125.

Tom. I.

X

Ex

se faranno di superficie in tutto simile, sicchè esquisitamente si combaciano assieme, nè tra di loro resti aria. . . Saldissimamente stanno congiunti, nè senza gran forza si separano: ma perchè l'aria, l'acqua, e gli altri liquidi molto speditamente si figurano al contatto de' corpi solidi, sicchè la superficie loro esquisitamente si adatta a quella de' solidi, senza che altro resti tra loro: però più manifestamente e frequentemente si riconosce in loro l'effetto di questa copula o aderenza che ne' corpi duri, le cui superficie di rado congruentemente si congiungono. Questa è dunque quella virtù calamitica, la quale con salda copula, congiugne tutti i

corpi, che senza interposizione di fluidi cedenti si toccano; e chi sa, che un tal contatto, quando sia esquisitissimo, non sia bastante cagione dell'unione, e continuità delle parti del corpo naturale? Et si autem cognitæ attractionis vestigia omni fere ævo apud Clarissimos Viros inveniantur, Newtono nihilominus summa laus debetur, quod eam omnium maxime illustraverit, innumerisque experimentis & observationibus extra omnem dubitationis aleam apud æquos rerum æstimatores collocarit; tum præcipue quod eandem felicissime ad phænomenorum præsertim cælestium explicationem,

Ex Chalybe indurato lb. 225.

Ex Ferro molli lb. 300.

Ex Stanno lb. 100.

Ex Bismutho lb. 100.

Ex Marcasita Aurea lb. 150.

Ex Plumbo lb. 275.

Ex Marmore albo lb. 225.

Ex Marmore nigro lb. 230.

Ex Ebore vi lb. 108.

§. 556. Calor Aquæ ebullientis est exiguus, vix ideo ab eo partes solidæ remouentur, aut aperiuntur pori; quamobrem sebum profunde penetrare in eos nequit, nec fortis magnetis munere fungi: quod ut locum obtineat, longe magis hæc corpora calefacta sunt, ut quasi sebum ebulliret, simulac superficiebus inungeretur, tum postea multo major eorundem observata cohærentia, uti ex his liquet; nam cohæserunt

Cylindri Ex Vitro vi lb. 300.

Ex Orichalco lb. 800.

Ex Marmore albo lb. 600.

Ex Ferro lb. 950.

Ex Capro rubro lb. 850.

Ex Argento lb. 250.

§. 557. Si fluidum interpositum admodum grave sit: erit id etiam valde solidum; quia autem corpora modo se trahunt, non pori; duorum fluidorum partibus paræ magnitudinis & ejusdem figuræ positæ, trahet id fortius, quod est gravius: adeoque cohærebunt memorata corpora, illito densiore fluido, multo firmitus, quam ope rarioris leviorisque. Id autem modo continget positæ partibus & figuris æqualibus, si enim hæc discrepant, & figuræ fluidi densioris minus accurate impleant cavitates solidorum corporum, minus hæc attrahent, & connectent. Hinc evenit, ut glutin animalium, in aqua coctum, illitumque inter ligna densiora vel eburnea corpora, minus firme ea conjungat, quam si Ichthyocolla in Spiritu Vini cocta & soluta, interposita fuisset: ob eandem rationem contingit, ut Aqua posita inter Metallica corpora, ea minus attrahat, quam levius Oleum. Aqua enim, præterquamquod Aerem crassiores

florem vix excludat, magna vi non attrahit metalla, hinc tantummodo cylindros memoratos ex Orichalco cohærentes reddidit vi 12. Unciarum; Oleum raparum vi 18. Unciarum; Terebinthina Veneta vi 24. Unciarum; Colophonia vi 15. 850. Sebum candelarum vi 15. 800.; sunt vero hæc corpora, interposita cylindris, leviora Aqua. Pix autem est Aqua gravior, sed & valde trahens, quare ejus ope cylindri plus quam vi 15. 1400. cohæserunt. Cavendum est in his Experimentis, ne Aer inter superficies remaneat; quod præcaveretur attritu aliquo supra se invicem, & apprehensione valida. Nihilominus quamcunque curam adhibeamus, solent hæc experimenta varium cohærentiæ sortiri eventum, cum vix accuratissime æqualiter calefacere corpora, & pari pondere ea ad se apprimere possumus. Quamobrem melius hæc doctrina aliis observationibus confirmanda erit. Plumbatura ex Plumbo & exigua copia Stanni composita, minus attrahit Cuprum, duasque lamellas imbecillius conjungit, quam Ferrumen levius ex Orichalco & Stanno confectum; plus tamen cohærere facit, quam Colophonia, Sebum, vel Pix, sed majorem calorem quoque postulat: Ferrumen gravius ex copioso Argento & paucio Cupro infirmius conglutinabit cupreas lamellas, quam levius ferrumen ex copioso Cupro, paucio Argento & Stanno, sed id copiosorem ignem fundentem postulat, quemadmodum fabris est notissimum.

§. 558. Aliquando pastæ semifluidæ inter corpora firma ponuntur, quibuscum in massam cohærentissimam & valde duram abeunt, veluti cum Calx subacta cum Arena & Aqua, aut Calx cum Tofo & Aqua, aut Gypsum Aqua mistum, ponitur inter duos lateres vel lapides; tum Glutina ex animalium partibus confecta inter Ligna. Est in Tofo & in arena multum Vitrioli, in Calce multum salis alcalini, qui bini sales in aqua solvuntur, in se agunt, cum alter sit acidus, alter alcalinus, partesque terrestres valde attenuant, præcipue si longo tempore sibi relinquuntur hæc massæ cum aqua subactæ, & frequenter permixtæ secum ac agitæ, evadunt tandem tenuissimæ, idcirco inter asperas laterum lapidumve superficies politæ, accurate satis cava implent, poros ingrediuntur, contactum superficialium sic adaugent, ut cohærentia inde firmissima oriatur. Gypsum, in primis coctum, quoque Salem conti-

net, cum aqua effervesceat, majorem in molem tumet, indurefcit: sed magis si cum calce fuerit subactum. Gluten poros lignorum & cavitates implet, adeo ut hæc quasi latissimis se tangendo superficiebus, firme cohæreant: Si gluten solidius ligno fuerit, ambo ligna, qua parte conglutinata sunt, firmitus unita sunt, quam naturaliter: si autem gluten minus solidum ligno fuerit, juncta corpora parum cohærebunt, ideo ligua duriora & gravissima, nunquam glutine vulgari, sed Ichtyocolle bene conglutinantur.

§. 559. Nonnunquam duæ Fluidæ massæ partibus sese fortissime attrahentibus constant, adeo ut peracta permixtione abeant in firmam molem: ita Oleum Tartari per deliquium, cum Oleo Vitrioli mixtum abit in Tartarum Vitriolatum. Spiritus Urinæ & Alcohol Vini subtilissimum cœunt in duram offam. Spiritus Cornu Cervi cum Alcholo idem facit. Albumen Ovi cum Spiritu Salis forti, agitatione continua firme concrefcit. Oleum Olivarum cum Aqua forti in massam friabilem coagulatur. Lac cum Acido in Caseum durum vertitur.

§. 560. Sunt quoque corpora, quorum partes, prius molles, redduntur duriores sive magis cohærentes Frigore, alia Igne. Frigore in massas firmas abeunt omnia ab igne liquefacta Metalla, Semimetalla, Resinæ terrestres & vegetabiles, Vitra, &c. quorum partes ab igne a mutua cohærentia solutæ, intestino motu agitantur; avolante autem igne, viribus naturalibus attrahentibus ad se propius accedunt, donec iterum sibi proximæ, relictæque in quiete, firmæ evadant. Chalybs calefactus & subito in Aqua frigida extinctus etiam indurefcit. Alia corpora Igne redduntur duriora, inter quæ molle Lutum, quod coctione in lateres abit, avolante Aqua, igne attenuante partes terrestres & solvete Sales, eosque inter partes terrenas interfundente, quo modo hæc vehementer attractæ cohærent. Ignis quoque major indurat Ovorum albumen, Caseum, Cretam, Lapidumque nonnullorum fragmenta.

§. 561. Separata corpora conjungimus transfigendo clavos, per utraque corpora penetrantes, qui firmitatem majorem efficiunt, quo ipsi clavi materia firmiori constant, tum quo fuerint asperiores. An huc non referenda est Aqua, quæ in glaciem durissimam convertitur, accedentibus nonnullis particulis, de qua agam in Capite xxv. ? tum fructus

Etus Saccaro conditi, carnes Sale conditæ? hæ enim duriores evadunt.

His cognitis modis Ars & Natura utitur ad corpora separata conjungenda, vel firmiora reddenda: forte multo plures modi, nondum eruti, idem præstant, hoc ferior & sapientior deteget ætas.

§. 562. *Cohærentia Absoluta* vocatur vis, qua corpus resistit, ne frangatur, actum a viribus, secundum ejus longitudinem trahentibus (1).

X 3

§. 563.

(1) In corpore verticaliter suspensio ob singularum partium gravitatem conari inferiores a superioribus divelli liquidum est: haud tamen fit divulsio, manetque infractum corpus: vi ergo opus est, qua eæ partes uniantur, cohæreant, & divulsioni resistent: quicquid id est *cohærentia absoluta* nostro Auctori dicitur.

Ejusmodi cohærentiæ quantitas duplici methodo haberi, & definiri poterit. 1. per maximum pondus, quod a corpore verticaliter suspensio absque fractura sustinetur. Id vero pondus cum deprehenditur, maxima etiam innotescit longitudo, in quam prisma aliquod ejusdem ubique densitatis distendi potest, quin verticaliter suspensum per sui ponderis actionem frangatur: si enim prisma eo usque protendatur, donec pars adjecta tam gravitet, quam id maximum pondus, ea erit quæsitæ longitudo. Qua ratione innotuit Galilæo cylindri ex aere verticaliter suspensi maximam longitudinem, in qua proprio pondere non frangitur, esse brachiorum 480j.

2. Innotescit etiam cohærentiæ quantitas per sectionis seu plani quantitatem, in qua vis illa spectatur, dummodo corpus fuerit uniforme, & ejusdem ubique densitatis. Oritur enim cohærentia ex inferiorum partium cum superioribus nexu; adeoque ejus quantitas habetur, multiplicando unamquamque partem per vim, quacum superiore contigua connectitur, tum omnium hujusmodi productorum capiendo sum-

mam. Sed eadem existente ubique densitate, singularum partium cum superioribus vis necens eadem ubique etiam est. Ergo dictus productorum cumulus, cui cohærentiæ quantitas proportionem respondet, erit simpliciter ut partium connexarum numerus, seu ut ipsa sectio, in qua eæ partes sunt.

Ex dictis sequentia colliges. Et 1. ejus theorematismis, quod sequenti §. 563. noster Auctor tradit, ratio innotescit; in corporibus scilicet regularibus per totam longitudinem singulis æque crassis, singulisque ejusdem longitudinis, sed diversæ inter se crassitie, esse cohærentias in ipsa crassitie ratione. Sunt enim, ut vidimus, cohærentiæ, ut sectiones, seu plana, per quæ scilicet ipsorum corporum crassities definiuntur; adeoque ut ipsæ crassities. 2. Hinc etiam consequitur, prisma, quod verticaliter suspensum non disrumpitur, nec etiam ejus aucta basi frangi: augetur enim tam pondus, quam cohærentiæ vis in eadem crassitie, seu basi ratione. At aliter se res habebit, si mariente basi, ejus tantum longitudo augeatur; manet enim eadem cohærentiæ vis in corpore, augetur vero pondus, quo ad fracturam cogitur. 3. Homogeneum prisma verticaliter suspensum non eandem habet per totam suam longitudinem, resistentiam ad fracturam; etsi enim horizontalis sectio, per quam cohærentiæ vis in data longitudine definitur, eadem ubique sit, pondus tamen quod infra eam sectionem existit, non

idem

§. 563. Si duo corpora oblonga, regularia, per totam longitudinem æque crassa, eandem longitudinem, sed diversam crassitiem habuerint, erit cohærentia eorum absoluta in ratione crassitierum.

Nam crassius corpus componitur ex tenuioribus aliquot secum conjunctis fibris; fingamus igitur id ex filamentis oblongis, sibi parallelis constare, erit cohærentia absoluta, uti est summa corporum tenuiorum sive filamentorum componentium; sed ita est quoque crassities: ergo cohærentiæ absolutæ erunt in ratione crassitierum.

§. 564. Est hæc Propositio utilissima, cum ex paucis experimentis, in singulis corporum generibus captis, cohærentia absoluta eorum sub data qualibet crassitie cognosci possit: ita cum filum Lini, crassitie setæ equinæ, su-

stineat lb. 3. $\frac{1}{2}$, funis ex his filis confectus & 7000. crassior, sustinebit lb. 7000. $\times 3 \frac{1}{3}$ sive 24500.; desideratur

proinde experimentum in quolibet corporum genere. Ecce quædam; plura enim in nostris Dissertationibus Physicis videri possunt. Ligna fuerunt parallelepipeda, cujuslibet lateris crassities 0, 27. pollic. Rhenol., rupta fuerunt a sequentibus ponderibus.

Lignum Tiliæ a lb. 1000.

Alni a lb. 1000.

Abie-

idem est ubique; proindeque resistentia, quæ ex cohærentia directe, & pondere subjecto inverse dependet, eadem ubique esse nequit.

Quo vero solidi verticaliter suspensi eadem per totam longitudinem maneat resistentia, postulatur ut sectio horizontalis, ubicunque facta fuerit, sit semper ut portio solidi infra sectionem positi; tum enim quod oritur ex applicatione ejus solidi ad respondentem sectionem, seu absolutam cohærentiam, idem semper manet; adeoque eadem erit ubique resistentia, quæ ei quotienti proportionem respondet. Quamobrem si fuerit curva Logarithmica CEG, (Vide fig. 35. Tab. 2. Addit.) quæ scilicet subtangentem DF eandem & constantem ubique habet, & AF ejus fuerit asymptotus, solidum quod ex re-

volutione spatii infiniti CAGF circa asymptotum AF gignitur, verticaliter suspensum, ejusdem ubique erit resistentiæ. Est enim hujus curvæ proprietas, quod solidum descriptum per revolutionem spatii infiniti, puta DEGF, ad conum descriptum ex revolutione trianguli FDE, datam habeat rationem scilicet sesquialteram (Vide Guidonis Grandi geomet. dem. Theor. Hugen. circa Logisticam t. 9.). Sed hic conus, propter constantem ejus altitudinem DF, est ut basis, seu ut circulus radii DE; igitur idem solidum ex revolutione spatii infiniti DEGF ortum, erit ut idem circulus radii DE, seu ut ipsa horizontalis sectio, in qua resistentia spectatur; adeoque & ejusdem ubique resistentiæ.

Abietis a lb 600.

Quercus a lb 1150.

Ulni a lb 950.

Fagi a lb 1250.

Fraxini a lb 1250.

Piceæ a lb 550.

Fila Metallica Cylindrica Diametri, q. 1. pollic. Rhenol. ab appensis sequentibus ponderibus rupta fuerunt.

Filum ex cupro rubro a lb 299. 25.

ex Orichalco a lb 360.

ex Auro a lb 500.

ex Stanno a lb 49. 25.

ex Plumbo a lb 29. 25.

ex Argento a lb 370.

ex Ferro a lb 450.

§. 565. *Cohærentia respectiva* vocatur ea vis, quam exercet corpus contra vim perpendiculariter in fibras longitudinales agentem.

§. 566. Si dentur duo Parallelepipeda FEAC, FEAD-GHK, (Tab. 8. Fig. 9.) horizonti parallela, ejusdem materiæ & crassitie, sed diversæ longitudinis AC, AD, quorum extremitates FEA in muro immobili accurate a foramine excipiantur; ex C autem & S applicentur Potentiæ rumpentes P & R, agentes perpendiculariter in AC & AD, erit Potentia in C ad eam in S vel in D, uti AD ad AC (1).

X 4

Fran-

(1) Supponere hic videtur Autor ea duo parallelepipeda per omnem suam longitudinem veluti omnium gravitatis expertia, omneque eorum pondus ex C & D, seu S vim facere: quod in idem redit, ac si iisdem per totam longitudinem gravibus suppositis, puncta C & D, seu S sint eorundem parallelepipedorum gravitatis centra; in iis enim punctis tum licet totam eorum gravitatem collectam imaginari, ac ex iisdem omnem eorum vim veluti pendentem. Et illud etiam commodè supponi potest omnem cohærentiæ vim, quæ datæ parallelepipedi sectioni, veluti FEA, convenit, in uno ejusdem sectionis puncto collectam, coacervatamque esse; quod

idcirco apte *cohærentiæ centrum* dici potest; quemadmodum ejusdem sectionis gravitas in ejus puncto, quod *centrum gravitatis* dicitur, collecta concipitur. Ambo vero hæc centra in unum idemque punctum coincidere Mechanicis plerumque supponitur.

Cum igitur in ejusmodi solidis, quæ horizontaliter suspenduntur, pondus & vis cohærentiæ invicem agant, veluti interjecto vecte, patet ejusdem cohærentiæ momentum æstimari ac definiri debere per ipsam sectionis quantitatem ductam in distantiam sui centri cohærentiæ ab hypomoclio; quemadmodum ponderis momentum, quicum cohærentia luctatur, definiri etiam oportet per ipsum pondus ductum in distantiam sui

Franguntur Parallelepipedum in extremo E A F, primo partes

fui centri gravitatis a plano sectionis. Sed si parallelepipedum seu prisma, homogeneum & ejusdem ubique densitatis fuerit, distantia centri coherrentiae ab hypomoclio est, ut ipsa prismatis altitudo; distantia vero ejusdem centri gravitatis ab ea sectione, in qua coherrentia spectatur, est ut ipsa prismatis longitudo: igitur momentum coherrentiae aestimari tum poterit per basim ductam in prismatis altitudinem; ponderis vero momentum per factum ex pondere in prismatis longitudinem.

Itaque in eodem homogeneo prisma horizontaliter suspenso si coherrentiae momentum momento ponderis aequale ponatur, erit coherrentia absoluta, (quae definitur per basim prismatis, in qua coherrentia spectatur) ad ejusdem prismatis pondus absolutum, ut longitudo ad altitudinem. Sed coherrentiam absolutam etiam definiri posuimus per maximum pondus, quod prismati verticaliter suspenso sustinetur: igitur hoc idem maximum pondus in suspensione verticali erit ad maximum pondus, quod in suspensione horizontali sustinetur, ut longitudo ad altitudinem: Si igitur longitudo dupla vel tripla fuerit altitudinis, maximum pondus, quod in suspensione horizontali sustinetur, dimidia, vel tertia pars erit illius, quod prisma sustinet in suspensione verticali.

Et illud etiam ex dictis consequitur in eodem homogeneo prisma ex pariete horizontaliter suspenso non gaudere in omni verticali ejus sectione esse ad fractionem resistantiam; etsi enim cujusvis verticalis sectionis coherrentiae momentum idem semper maneat; at non idem manet ponderis momentum, cum quo illud luctatur: in recessu siquidem a pariete hoc minuitur cum ratione ponderis, tum ratione brachii vectis, cui pondus applicatur.

Quo autem corpus horizontaliter

suspensum eandem ubique habeat resistantiam, postulat, ut coherrentiae momentum ad respondentis ponderis momentum datam ubique habeat rationem, ut liquidum est. Hinc discimus solidum e.g. parabolicum (*Vide fig. 36. Tab. 2. Addit.*) A B D ortum ex revolutione parabolae Apollonianae A D circa rectam C D in vertice D parabolam contingentem, eandem ubique per totam suam longitudinem habere resistantiam. Posita enim verticali sectione F H G, spectari poterit illius coherrentiae centrum idem esse, ac gravitatis centrum, seu idem ac circuli centrum E; adeoque & ejusdem coherrentiae momentum esse, ut ipsa sectio per E G multiplicata, seu ob sectionem circulem, ut E G quadratum in E G item multiplicatum, seu tandem ut ipsius E G cubus. Sit vero I centrum gravitatis abscissae portionis F G D, eritque ejusdem momentum, ut portio eadem F G D per E I multiplicata, hoc est, ut sectio F H G in rectangulum D E I ducta, sive etiam ut factum ex E G quadrato in E D quadratum, cum propter parabolae naturam E I ad E D eandem ubique servet rationem. Igitur coherrentiae momentum erit ad momentum ponderis, ut cubus ex E G ad factum ex E G quadrato in quadratum E D, seu ut recta E G ad E D quadratum, seu, ob parabolae naturam, in data ratione. Ceterum innumera alia exhiberi possent solida, quae horizontaliter suspensa eandem ubique resistantiam habent; sed instituti nostri ratio non patitur rem longius provehere: interim consulantur propositiones 4, 55, 56, 57 Tractatus delle resistenze di Vincenzo Viviani, qui extat in tom. 2. Operum Galilaei ultimae editionis Florent. 1718; item problema 6. Appendix ad eundem tractatum, tum Acta Eruditorum Lips. An. 1684, & Monumenta Regiae Scientiarum Academiae Paris. an. 1702.

partes supremæ FE, ultimo in A, fitque quasi rotatio circa A; erunt igitur EAC, EAD, duo vectes incurvi, extremitatibus EA applicantur resistentiæ, ad AC & AD pondera rumpentia. Est vero per §. 294. Pondus in C ad potentiam sive resistentiam in E:: AE ad AC; & resistentia in E ad pondus R:: AD ad AE: quare erit perturbate P pondus in C, ad illud R in D:: AD, AC. Vel hoc modo, quoniam pondera P & R eodem egent momento, ut eandem resistentiam in EA superent, erit $P \times AC = R \times AD$; proinde erit P, R:: AD, AC.

§. 567. Si dentur duo Parallelepipeda, horizontaliter parietis infixa, MEACD, (Tab. 8, Fig. 10.) FEACK, longitudinis AC, altitudinis EA, sed variæ latitudinis EM, EF, ex eadem materia, erit potentia P frangens in CD, ad eam R in CK, uti latitudo EM ad EF.

Animo concipiatur Parallelepipedum MC divisum in partes aliquot æquales, ope sectionum parallelarum ad EA CO; pari modo concipe FC divisum in segmenta prioribus æqualia: erunt omnia segmenta æqualia ejusdem coherentiæ; adeoque coherentiæ in MC, erit uti numerus sectionum, ita quoque erit ea in FC; sed est numerus sectionum in MC, ad eum in FC, uti est EM ad EF; quamobrem erunt coherentiæ in eadem ratione, uti & Potentiæ frangentes.

§. 568. Si sint duo Parallelepipeda BACLG, (Tab. 8. Fig. 11.) EACLD horizontaliter foramini immissa, ex materia rigida confecta, ejusdem latitudinis ED, ejusdemque longitudinis AC, sed diversæ altitudinis BA, DA; erunt Potentiæ rumpentes P & R, applicatæ extremo C, in ratione duplicata altitudinis AB ad AE.

Quia hæc parallelepipeda franguntur in foramine in partibus extremis suis AB & AE, a Potentiis agentibus in CL, fit motus fracturæ, sive species versationis circa A; sunt igitur vectes incurvi BAC, EAC; adeoque ex natura vectis, est resistentia in B contra Potentiam C, ad eam in E contra C, uti BA, ad EA: idque in omnibus punctis intermediis obtinet. Est præterea quantitas frangendarum partium in AB, ad eam in AE, uti AB, ad AE: est harum resistentia, uti quantitas: quare erit tota resistentia partium AB, ad eam in AE, uti $\overline{AB}q$ ad $\overline{AE}q$.

§. 569. Ex tribus §. 566, 567, 568. Propositionibus, omnium

omnium corporum, ubivis æque crassorum, firmitas cognosci potest, modo experimenta quædam in quolibet corporum genere, fundamentorum instar, capiantur: en quædam, plura ex nostris Dissertationibus Physicis peti possunt.

Parallelepipeda adhibita fuerunt, quorum quodlibet latus 2, 27 poll. Rhen.; inflectuntur vero, antequam franguntur; ad quod attendendum, quia distantia ponderum a foramine decrescit, vectisque brevior evadit.

Distantia Ponderis a foramine ante institutum		Distantia Ponderis a foramine, cum frangitur.		Pondus frangens extremo appensum.
Exper.	Pollic.		Pollic.	Unciar.
Picea	10 . . .	9		40.
Quercus	10 . . .	8, 5		48.
Ulmus	11 . . .	9		44.
Abies	11 . . .	9, 5		36, 5
Alnus	10 . . .	9, 25		48.
Fagus	10 . . .	7		56, 5.

§. 570. Est doctrina Cohærentiæ amplissima, in qua considerari possunt corpora, quorum utrique extremo Potentiæ frangentes applicantur, cum interim in medio fulciuntur: 2°. tum quæ utroque extremo fulcris libere imposita, ex medio onus gerunt. 3°. dein quæ utroque extremo arte a foraminibus excipiuntur, & a suspenso pondere in medio franguntur; 4°. tandem quæ a Potentiis comprimentibus, aut a ponderibus impositis deorsum pressa, fulcrorum munere fungentia, rumpuntur: sed hæc doctrina pro hac Epitome nimis prolixa foret, fundamenta jacuisse sufficiat (1).

CAP.

(1) De his vero consule, si lubet, Galilæum primum scientiæ hujus Auctorem *delle due nuove scienze giornata seconda*, laudatum Vincentii Viviani tractatum a Guidone Grandi perfectum, illustratumque, tum Auctorem nostrum in peculiari hac de re dissertatione.

At id coronidis loco hic observare juvat, Galilæum, tum ejus discipulum Viviani in hac tradenda resistentiarum doctrina tacite supposuisse

sectionis fibras omnes æqualiter tendi, sive verticaliter, sive horizontaliter solidi suspensio fiat; adeoque eandem esse in utroque casu earum omnium nexum, & cohærentiam. At id falsum esse jam observatum Viris Clarissimis Leibnitio in *Actis Lips.* 1684. Mariotto de motu aquarum par. 5. & Varignonio in *Monum. Reg. Acad.* 1702. Et apte quidem; videtur enim solidi suspensi fibras extensibiles esse, & tensionis capaces; tum

C A P. X X.

De Fluido in Genere.

§. 571. **S**cientia, quæ generales Proprietates, Actiones & Passiones omnium corporum Fluidorum examinat & exponit, appellatur *Hydrostatica*, olim *Hygrostatica*.

§. 572. *Fluidum* vocamus congeriem corpusculorum minimorum, quæ singula, seorsum sumpta, tam parva sunt, ut sensibus nostris nequeant comprehendi, atque pressioni cuicumque, aliquam versus partem directæ, insensibiliter parvæ, aut non majori, quam est pondus guttæ maximæ a quolibet fluido formandæ, cedunt, & cedendo facillime inter se moventur absque totius massæ motu.

§. 573. Solent Philosophi distinguere a se invicem *Fluidum*, *Humidum* & *Liquidum*. Id vocant *Liquidum*, quod quidem Fluidum est, sed sub Aere superficiem horizonti parallelam acquirit; cum Fluidum non semper sub Aere hanc superficiem acquirat; veluti videre est in Flamma & Fumo.

Hu-

eo magis invicem connecti, coherere, & resistere, quo majorem tensionem sustinent; nec in resistentia omnem suam vim adhibere, nisi cum ad ultimum tensionis gradum pervenerunt. Jam vero in horizontali solidi suspensione, vires fibras tendentes, ratione hypomoclii, quod hic locum habet, eo majores sunt, quo magis fibræ ipsæ ab hypomoclio recedunt: quamobrem si ponatur, quod probabile est, tensiones viribus tendentibus esse proportionales, erunt fibrarum tensiones in ipsa distantiarum ab hypomoclio ratione; atque adeo in hac eadem ratione erunt vires, quibus fibræ connectuntur, & resistunt. Sed id etiam hac in respectum est Jacobo Bernoullio in *Monum. Reg. Scient. Acad. Paris. An. 1705*, fieri scilicet posse, ut non omnes sectionis fibræ, in qua vis coherentiæ consideratur, tendantur; sed superiores quidem tensionem, inferiores vero

pressionem sustineant. Quod inde illum ad novi centri considerationem pertraxit: nam si superiores fibræ tenduntur, inferiores premuntur tantum, erit necessario inter fibras aliqua, quæ nec tensionem, nec pressionem patiatur; eritque adeo in sectione punctum, ex quo ea fibra egreditur, quod *tensionis centrum* Bernoullio dicitur. Vide Nicolai de Martino *Staticam* c. 8. sect. 2. De his vero Clarissimorum Virorum variis hypothësis audi, quæ Grandi in notis ad laudatum Viviani tractatum habet pag. 201. *Ma queste diversità d'opinioni dimostrano appunto quanto difficile cosa sia il determinare la vera e naturale ipotesi, la quale può essere, che in varj casi molto diversa si trovi; e però quanto meglio sia l'astrarne da cotesti accidenti per illustrare teoricamente la materia, che abbiamo per le mani, come ha fatto il Galileo, e con esso il nostro Autore.*

Humidum vocant, quod Fluidum est, sed sensationem humoris præterea in nobis excitat: ita est Aqua, Vinum: Humida vero non sunt Aer, Ignis, Mercurius, Metalla fluentia. Videtur hæc distinctio non magnæ utilitatis, quia ex illa non patefiunt Fluidorum proprietates.

§. 574. Non igitur unum corpusculum constituit Fluidum, sed plurimorum collectio; quomodo enim in uno posset cognosci quod cedendo moveretur cum aliis facillime, secundum §. 572.? Idcirco ultima elementaris Fluidi particula non est fluida.

§. 575. Quodlibet corpusculum, una cum pluribus componens massam fluidam, est firmum vel durum; sive constat ex partibus tam firme cohærentibus, ut non cedant a se eadem vi, qua totum corpusculum movetur. Et nisi id foret, omnium Fluidorum corpuscula minimo motu solverentur in Elementa, fierent minima, nec videri possent præ subtilitate; contrarium vero docet experientia: multorum enim Fluidorum partes, insigni magnitudine præditas microscopio conspiciamus: immo tales detegimus, quæ etiam si ex pluribus minoribus consistant, & fluant, currantque, nihilominus molem satis firme cohærentem component.

§. 576. Idcirco illud corpusculum firmum, utcumque parvum, habet omnes Vires, Actiones & Passiones corporum firmiter majorum; quapropter omnia, quæ tradidimus in superiori doctrina de Gravitate, Motu, Viribusque corporum motorum, Percutientium, & de Resistentiis, ipsi conveniunt & applicari possunt.

§. 577. Ut massa sit fluida, non requiritur, ut singula corpuscula illam componentia sint Elementa, sed possunt esse particulae variorum ordinum §. 45. modo maneant adeo exiguae, ut singulae nostros sensus effugiant: nunquam enim congeriem sensibilibus partium Fluidum vocamus, licet reliquas proprietates possideat. Quo ex ordinibus altioribus compositæ sunt, quæ Fluidum formant, erit id eo crassius; quo ex particulis constat propius ad Elementa accedentibus, erit id eo subtilius. Docet experientia id obtinere in Natura, cum dentur Fluida diversæ crassitudinis, veluti in Chylo, Lacte, Sanguine, Sero, Lympha, Aqua, Oleis, Spiritibusque stillatitiis patet.

§. 578. Si igitur Fluida dentur, quorum corpuscula constituentia sint admodum crassa, consistentque ex altioris ordinis partibus, poterunt hæc fieri subtiliora, modo singula

gula corpuscula in suas partes, hæ in particulas inferioris ordinis solvantur, & sic usque ad Elementa.

Hoc fieri, & crassiora Fluida attenuatione evadere subtilissima, confirmat experientia; Albumen enim Ovi, tenax Fluidum, incubatu per varios transit gradus, subtiliusque redditur, ita ut tandem Aqua attenuatior & volatilior evadat. Sanguis, crassissimus fere liquor in corpore animali, circulatione per vasa abit in serum subtilius, hoc continuato attritu in Lympham tenuiorem vertitur, quæ tandem in Spiritus subtilissimos tenuatur. Olea, quæ sunt Fluida crassa, sæpius ex aqua in purissimis vitris destillantur, semper subtiliora evadunt, relictisque crassis facibus, tandem Alcohol Vini subtilitate æmulantur. Hombergius tradidit se libram olei sexies cum calce viva destillasse, tum quindecim uncias Aquæ, una superstitite uncia olei, se recepisse. Cera destillata præbet aquam acidam & oleum instar butyri crassum, quod sæpe denuo destillatum, abit in oleum tenuissimum fluidissimum. Mustum crassum fermentatione Vinum evadit, quod actione ignis abit in spiritum Vini tenuiorem, qui repetito igne Spiritus fit rectificatus, hic novo ignis attritu in Alcohol subtilissimum attenuatur, quod cum oleo vitrioli destillatum, abit in Spiritum vini æthereum.

§. 579. Quemadmodum Fluidorum partes resolvi possunt, ita quoque illæ corporum Firmorum sunt comparatæ; quamobrem facile intelligimus corpora Firma majora in Fluida posse verti: modo partes a se separentur, donec adeo subtiles evadant, ac ad Fluidum constituendum requiritur, & simul lævigentur, aut rotundæ fiant, ut lubricissime supra se moveri queant. Exemplum præbent Salia, uti Marinum, Gemmæ, Fontium, Nitrum, Vitriolum: singula hæc seorsum capta, in Igne exsiccata, & cum triplo boli siccissimi destillata, abeunt in Fluidum tenue, acidum, corrodens. Nitrum vero cum alumine calcinato & limatura Zinci modico igne agitatum, mutatur in Spiritum album, tenuissimum. Lapis calaminaris, vel minium, regulus Antimonii, marcasita aurea, marcasita argentea, Tutia, Limatura plumbi, cum sale Ammoniaco destillata, vertuntur in spiritum volatilem, fluidissimum, acerrimum, tradente Neumanno.

Langelottus Aurum longissimo tritu in Aquam verti comperit. Hombergius cum Aqua Metalla diu attrita, soluta

ta fuisse affirmat. Stannum, cum Mercurio sublimato actum, in Spiritum tenuem fumantem resolvitur. Auripigmentum cum dupla copia Mercurii sublimati destillatum præbuit album, limpidum, fumantem, gravem spiritum, ut & levius supernatans fluidum: Antimonium cum mercurio sublimato destillatum abit in Butyrum, quod repetitis destillationibus convertitur in Fluidum tenuissimum.

Sulphur, Sal Ammoniacum, & Calx Viva, in æquali copia mista, & igne acta, abeunt in Spiritum rubrum, tenuissimum, fumantem.

Calx, creta, Terra quælibet, primum macerata Spiritu Salis marini, ita attenuantur, ut ab Aqua solvantur penitus, constituentque massam æque limpidam ac ante.

Partes Animalium putrefactione in Fluidum tabescunt. Cibi firmi ab Animalibus comesti, solvuntur in fluidum Chylum, fluidum Lac, Sanguinem, Serum, Lympham; Glacies vertitur in Aquam.

§. 580. Quandoquidem omnia Firma concreverunt ex minoribus particulis in se congestis, mirandum non est, Fluida iterum in Firma, sola partium conjunctione, posse converti: ita Aqua vertitur in glaciem; dicitur Aqua millesies destillata ex vitris in Terram mutari. Aqua Staffordiensis percolata abit coctione in Arenam: Olea sola, sæpius igne subjecta artificiis Chemicorum, in terram vertuntur: immo sola mistura Alcoholis Vini cum Spiritu putrefactæ Urinæ in Offam Helmontii firmam indurunt. Decoctum capitis mortui ex Calce Viva & Sale Ammoniaco, mistum cum Oleo Tartari per deliquium, brevi firmitatem adipiscitur, nec amplius in aqua solvitur. In pulverem reducti Silices, cum Cineribus clavellatis & Nitro, in crucibulo fusi, pulverem dant in Aqua solubilem, qui successu temporis cum hac lapidescit, magnamque duritiem acquirit: Spiritus Nitri cum Oleo Nitri per deliquium præbent Nitrum regeneratum solidum. Aqua ingressa Plantarum Semina vel Radices, vi vegetabilis corporis in solidam Plantam vertitur. Chylus e cibis solidis in corpore Animali fluidus redditus, vi fabricæ mutatur in Ossa, Carnem, aliasque firmas partes. Fluidum in Filario Araneorum, Erucarum, & similium corporum, simulac ab aere attingitur solidescit in sericum, nec in oleo, Spiritu, aut aqua solubile. Mercurius in vitro centenis destillationibus actus evadit pulvis ruber, splendens, ama-

amarus, metallici saporis: cera, ex altero ventriculo Apis egressa, liquida est simulac aerem attingit, solidescit. (a).

§. 581. Interim siue massa firma in Fluidam, vel Fluida in Firmam vertatur, vel Fluida crassior in subtiliorem tenuatur, manet pondus idem, in nonnullis occasionibus tamen augetur, tollitur nunquam, nisi partes avolaverint: adeoque in omnibus hisce Metamorphosis quælibet particula suam gravitatem immutatam retinet, omnium enim earum pondus summam ponderis in tota massa exhibet. Idcirco contra omnem Analogiam ratiocinantur, qui Fluida determinatæ crassitudinis pondus habere, simulac vero hæc in aliquem gradum subtiliorem transirent, qualem Ætheri adscribunt, pondus amittere supponunt.

§. 582. Quoniam Fluidorum particulae sunt admodum subtiles, facile patet, Fluida magna penetrabilitate in alia corpora esse prædita, intrando scilicet eorum poros: ideo Aer transit per omnia ligna, sunt enim ejus materiae pori patentes, & particulis aereis ampliores; aer igitur hos facile intrat, transitque: Aqua penetrat se in omnia Vegetabilia, & plurimas animalium partes, quas ex rigidis facit molles, aut tumefacit. Oleum penetrat se in ligna, plurimosque lapides. Mercurius in nonnulla metalla, & in corpus Animale.

§. 583. Probabile est Fluidorum partes figura sphaerica aut sphaeroidea esse donatas; 1. Quia corpora hujus figurae lubricissime supra se moveri possunt, veluti Fluidorum partes moventur.

2. Quia partes omnium Fluidorum majores, quæ ope Microscopiorum videri possunt, hac figura donantur, veluti sunt Lac, Sanguis, Serum, Olea, Mercurius; Aer semper hanc formam exhibet: si fumus carbonum excipiatur a superficie plana, & Microscopio inspicatur, nil nisi meros globulos exhibet. Derhamus Vapores in obscura examinans camera, eos ope Microscopii sphaericos invenit. Si in Fluidis crassiorum partium id obtineat, Analogice concludimus, id obtinere in Fluidis subtilioribus: repercussio Lucis, sub angulo æquali incidentiæ, idem in Luce probat; quamobrem Cartesius, Wolfius, Marianus, alique Philosophi Lucis particulis formam sphaericam adscribere non dubitarunt.

§. 584.

(a) *Reaumur Hist. des Insect. T. V. p. 25.*

§. 584. Si Fluida ex corpusculis sphæroideis componantur, multa inter se hæc relinquent interstitia, in quæ minores partes irrepere possunt, absque totius massæ intumescencia. Hinc Sal in aqua solutus, interstitia implet; accuratius id fit, si denuo adjiciatur Saccarum; & melius adhuc, Alumine denuo adjecto.

§. 585. Si inter se comparentur Fluida, non deprehenduntur universa esse æque fluida, nam Fluidum fluidissimum est Ignis & Lux, tum Aer; est Spiritus vini æthereus fluidior Alcohole, Alcohol fluidius Vini Spiritu vulgari, qui fluidior Aqua, hæc vino, hoc musto, hoc Syrupo & Oleis. Fluidum perfecte fluidum non cognoscitur, quia omnia corpora se trahunt, idcirco nunquam possunt partes a se removeri, nisi vi superante attractionem: fluiditas nonnullorum major ab his causis pendere videtur.

1. Quo particulæ Fluidum constituentes, subtiliores sunt, eo, reliquis paribus, Fluidum erit fluidius, sive mobilius.
2. Quo partes Fluidum componentes minori pondere donantur.
3. Quo superficies earum est magis polita.
4. Quo partes minori vi se attrahunt.
5. Quo figura propius ad eam sphæræ accedit.
6. Quo partes sunt duriores.
7. Prout discrepant partes componentes in Fluido misto, mobilitatem earum augendo. Forsitan multo plures causas huc revocandas esse docebit serior ætas.

§. 586. Contra Fluidum erit eo tenacius, quo ejus particulæ fuerint crassiores, graviore, superficie scabræ, vix sphæricæ, sed figuræ irregularis, molles, se valde attrahentes, mobilitatem minucentes.

§. 587. Prout hæc in §. 583. & 586. variis inter se gradibus differunt, etiam Fluida habebunt diversam fluiditatem & viscositatem.

§. 588. An igitur Natura Fluidi partium perpetuum motum postulat, quo sublato, Fluidum in corpus Firmum concrederet, uti nonnulli posuerunt? Nihil minus verum esse, docet tum Experientia, tum Ratio: licet quædam massæ modo sint Fluidæ, cum earum partes actione ignis a se separantur, motuque violento aguntur, uti se habent Metalla, Cera, Sebum, igne liquefacta. Nam horum partes adeo vehementer se trahunt, ut, nisi ab igne, se inter eas interponente, removeantur, illico in firmam molem vertuntur: verum hoc in reliquis Fluidis non requiri, sic liquet, 1. Si enim Fluidum in Sphæra firma

& quic-

& quiescente, si valida vi pressum, veluti fit in Experimento incondensabilitatem Aquæ monstrante §. 716. an non omnes partes, sese contingentes, adeo arcte ad se erunt adactæ, ut propter attritum inde oriundum moveri nequeant, nisi causa violentissima accesserit, quæ attritum superet, si superari possit? An in ejusmodi casu partes intestino agitabuntur motu? verosimile id non est. 2. Quia omnes partes Fluidorum se attrahunt, uti in eorum guttis patet; quiescunt necessario, postquam attractione ad æquilibrium pervenerunt; nec fieri potest motus, nisi causa externa accesserit, vim trahentem superans, partemque a parte divellens. 3. Neque in ullis Fluidis puris, in vase quiescente & loco quieto collectis; ullus partium motus intestinus observatur, ureunque accuratæ observationes instituantur: 4. Si Aquæ admisceantur sordes, limus, arena, pulveres alii, hæc omnia in Aqua, motu intestino durante, natant permista; verum Aqua in tranquillo loco stagnante, subsident pulveres, limus, arenæ, quæ motum intestinum superstitem non mansisse probant; præcipue, si prope fundum vasis in Aqua fluitantem limum ejusdem gravitatis intueamur Microscopio, penitus hic quiescere videtur, adeoque etiam Fluidum, undequaque ipsum ambiens quiescit. 5. Partes Fluidum constituentes non habent superficiem perfecte politam, quia constat ex particulis minoribus, poros inter se relinquentibus; idcirco sunt superficies necessario asperæ; his superficiebus donata corpora, supra se mota, omnem motum brevi amittant necesse est, præcipue si in loco quieto ponantur.

§. 589. Non vero, qui pro motu intestino Fluidorum stant, aliquid evincunt, ponendo Saccarum & Salia, quæ in Aqua solvuntur, probare partes aquæ esse in motu. Nam motus ille solutionis tum tantummodo excitatur in Aqua, cum Salia & Saccarum ipsi infunduntur: attrahunt hæc corpora se mutuo, producitur inde motus, cujus antea nullum dabatur vestigium: motumque generari antea non existentem, demonstrant solutiones Metallorum in acidis menstruis summa cum effervescencia peractæ; absurdissimus enim merito haberetur, qui talem motum antea in his menstruis fuisse contenderet. Nec aliquid evincitur, supponendo partes fluidorum sese non contingere, sed a se distare, huic enim sententiæ Microscopicæ observationes non favent.

§. 590. Si Massa Fluida componatur ex particulis, quæ omnes sunt ejusdem ordinis §. 48. & magnitudinis, erit Fluidum homogeneous & purum.

Si vero componatur ex particulis diversi ordinis, erit heterogeneous, & impurum; proinde eo propius ad homogeneous accedet, quo plures particulæ unius ordinis totam massam constituunt. Ignoramus an Fluida homogenea dentur, forte his proxime accedunt Aqua sincera, Aer sincerus, Mercurius sincerus, Lucis radius quilibet in suos colores separatus.

§. 591. Permisceri autem possunt cum Fluidorum particulis illæ Firmorum corporum, majores minoresve fuerint: idcirco mixtorum Fluidorum infinita dabilis est varietas, qualis etiam in Natura observatur: Quot sunt Vegetabilia, totidem sunt diversarum qualitatum, saporis odorisve Aquæ ex iis stillatiæ, vel coctione, aut infusione paratæ. In Aqua solvi possunt omnium Salium partes; sed & horum partes acidæ, constituentes tum Spiritus acidus corrodentes, in quibus iterum Metallorum, Lapidum, Terrarum partes solutæ natæ possunt, atque Fluida diversæ gravitatis specificæ, tenacitatis, fluiditatis, duritiæ, mollietatis, compressilitatis &c. componere.

C A P. XXI.

De Actione Fluidi ex Gravitate.

§. 592. **Q**Uoniam omnes Fluidi partes sunt graves, si aliquot A, B, C, D, E, (Tab. 8. Fig. 12.) sibi mutuo perpendiculariter insistant, gravitate in se agent, superior A sustinebitur a secunda B, & semper quælibet inferior, gravitatem superiorum incumbentium sustinebit, adeo ut infima a gravitate omnium sibi impositarum A, B, C, D, prematur. Interim omnes inferiores, quæ sustinent superiores, reagent in has sursum, quare quantum prematur infima E deorsum, tantum omnes sibi impositas sursum reprimat.

§. 593. Si igitur vas RXZS (Tab. 8. Fig. 11.) contineat ejusmodi seriem partium Fluidi sibi impositarum, fundus XZ in puncto contactus Z premetur a gravitate omnium A, B, C, D, E. Hic autem fundus eas sustinens, tantopere in altum reprimat.

§. 594. Si aliquot ejusmodi series FG, HK, AZ, ad horizontem perpendiculares, juxta se ponantur, erit actio partium Fluidi, tam quoad pressionem in se invicem, quam quoad reactionem, veluti in §. 592. Quo igitur in Fluido profundius est submersum aliquod corpus, eo plus pressum erit a partibus gravibus incumbentibus: id probatur tubo AB, (Tab. 8. Fig. 14.) ab altera extremitate A, faccum Mercurii plenum gerente; quo enim profundius faccus A in vasis CDEF fluido submergitur, eo altius in tubo Mercurius assurgit.

§. 595. Quia quantum particulæ deorsum premunt, tantopere reagentur sursum, erunt omnes in æquilibrio; adeoque minima vi sursum deorsumque, ultro citroque, ac si gravitate spoliata forent, poterunt moveri: hinc phiala aquæ plena, & ex balance suspensa in Aqua, exiguo pondus retinet; si enim phialam vacuum, sub Aqua submersam ponderemus, & pensio, postquam Aqua impleta est, repetatur, deprehendetur tanto ponderosior, quantum gravitat omnis, quæ phialam adimplet, Aqua (1).

§. 596. Præterea actio Fluidi in fundum vasis XZ, (Tab. 8. Fig. 12.) erit æqualis gravitati omnium partium Fluidi simul: Hinc in omnibus vasis, latera ad horizontalem fundum perpendicularia habentibus, fundus premitur a Fluido deorsum, quantum est Fluidi pondus, veluti in vase cylindrico, fundum mobilem possidente, experientia confirmat (2).

Y 2

§. 597.

(1) Secus autem Aristoteli, ejusque affectis visum est, agentibus elementa in propriis locis non gravitate: inde vero errandi eis suborta occasio, quod viderent situlam e. g. aquæ plenam nulla fere vi sursum attolli, donec intra aquam versatur; at cum in aerem exiit, ejus pondus pro materiæ fluidæ contentæ quantitate percipi. Verum eodem argumento probare quis posset ingens corpus ex libræ brachio suspensum gravitate non donari, quod ob æquilibrio cum altero corpore ex alio libræ brachio pendente, levi quacunque vi sursum deorsum propellatur. Quemadmodum ergo hic ingentis corporis pondus non sentitur, quod ratione æquilibrii ab altero suspensio corpore sustineatur;

ita etiam aquæ intra situlam contentæ pondus non percipitur cum intra aquam versatur, ratione æquilibrii, quod cum aliis contiguis aquæ particulis servat. Ceterum fluidorum intra ipsa fluida pondus vel ex eo liquet, quod dato in dolio foramine, eo majori impetu per id exeat fluidum, quo majus & altius fluidum ei incumbit; & qui foramen vel digito, vel obturaculo tentabit ocludere, eo majores adhibebit vires, quo majus est foramen, & major aquæ altitudo.

(2) Quæ in fundum igitur vasis exercetur a superincumbente fluido pressio, eorum pressionum, quæ in variis a fundo distantis spectari possunt, maxima est; in extrema

§. 597. Prout igitur est copia serierum aequae altarum in diversis vasis, idem Fluidum continentibus, sed variae magnitudinis fundos habentibus, XZ, MN, (Tab. 8. Fig. 12. 13.) ita erit pressio supra fundos, & pondus Fluidi infusi RXZS, LMNO.

§. 598. Series aliquot partium in notabilem crassitiem conjunctae, constituentes Parallelepipedum vel Cylindrum, vocatur *Columna Fluidi*. Ejusmodi columnas, Fluidum componentes, solent Philosophi facilitatis ergo considerare.

§. 599. Quo Columnae Fluidi in vase ubivis aequae capaci, laterumque ad horizontem perpendicularium, sunt altiores, eo fundus vasis plus premetur, & quidem vi proportionali altitudinibus columnarum; ita enim sunt pondera Fluidi, quae omni vi in fundum agunt.

§. 600. Quamobrem, positis duobus vasis aequae amplis, & laterum ad horizontem perpendicularium, ac sibi parallelorum, sed ad variam altitudinem Fluidi eodem repletis, erunt Fluidorum, fundos prementium, vires, uti sunt eorum altitudines.

§. 601. Adeoque si vas foret Prisma ABC, (Tab. 9. Fig. 1.) cujus unum latus BC, ad horizontem obliquum, fundi munere fungitur, alterum latus AB perpendiculare, columnae Fluidi DE, FG, HI, LK, diversae altitudinis, fundo BC insistent, quae haec loca fundi E, G, I, K, prement in ratione suae altitudinis.

§. 602. Haec eodem modo evenient in vasis latera & fundos cujuslibet formae habentibus.

§. 603. Si igitur duo vasa KLM, & OPQR, (Tab. 9. Fig. 2.) laterum ad horizontem perpendicularium & sibi parallelorum, habuerint diversae amplitudinis fundos horizontales LM, PQ, & varias ejusdem Fluidi altitudines KL, OP, prementur fundi in ratione composita ex magnitudinibus suis, & Fluidorum altitudinibus.

Sit LM, PQ: : 1., 3, erunt, positis iisdem altitudinibus, pressiones, uti 1. ad 3. Sit praeterea KL, OP: : 1., 2. erunt, positis paribus fundis, pressiones: : 1., 2. quare positis inaequalibus fundis & altitudinibus, erunt pressio.

superficie nulla; in locis vero intermediis major vel minor, prout magis vel minus ab extrema superficie distant ea loca. Atque hinc oritur fluida compressibilia, & elastica vasi inclusa non eandem per totam suam altitudinem habere densitatem; ubi

enim fluida ista magis premuntur, scil. prope fundum, densiora ibi esse debent, ubi vero minus premuntur, scil. prope superficiem, ibi erunt rariora: eorum quippe densitas ponderis incumbentis rationem sequitur.

pressiones supra LM & PQ: : 1×1 , 3×2 , hoc est, uti 1 ad 6.

§. 604. Quoniam partes Fluidi in seriebus rectis ad horizontem perpendicularibus, sibi non incumbunt, sed vario inordinatoque situ jacent, premunt se quoque lateraliter, & quia cedunt impressioni minimæ, cedent lateraliter & in quacunque obliqua directione, quantum perpendiculariter deorsum urgentur.

§. 605. Idcirco columna Fluidi quælibet agitur lateraliter, & in directione qualibet obliqua, tanta vi in qualibet sui altitudine, quantum perpendiculariter in iisdem altitudinibus agitur sua gravitate deorsum: quemadmodum Experientia probat, Fluido imponendo tubos obliquos, varie inclinatos, utrinque apertos, in quos omnes influat Fluidum, assurgitque ad eandem altitudinem.

§. 606. Si vas cubicum XZE (*Tab. 9. Fig. 3.*) perpendicularare ad horizontem impleatur Fluido, unumquodque latus, veluti Xn , extrorsum vi duplo minori, quam fundus vasis deorsum premetur.

Animo concipiantur in latere Xn aliquot puncta α , β , γ , η , ex quibus usque ad diagonalem XZ ducantur perpendicularares supra Xn , veluti $\alpha\alpha$, $\beta\beta$, $\gamma\gamma$, $\eta\eta$, erunt singulæ æquales altitudinibus, quibus respondent a summo puncto X : verum pressiones Fluidi in hæc puncta sunt uti ejus altitudines, adeoque ut memoratæ lineæ: illæ ductæ ad omnia puncta in Xn complent Triangulum XnZ , quod proinde summam pressionum lateralium repræsentat: verum supra fundum AZ agit pressio in quodlibet punctum altitudinibus æqualibus AA , BB , CC , DD , EE ; cumque totidem puncta sint in AZ , quam in Xn , pressionesque omnes supra AZ repræsentatæ ope linearum adimpleant Parallelogrammum XAZE , quod duplum est Trianguli XnZ , patet fundum vi duplo majori, quam latus quodlibet Xn extrorsum premi.

§. 607. Ergo quatuor latera vasis Cubici ad horizontem perpendicularia, simul prementur extrorsum a Fluido viribus duplo majoribus, quam fundus: quare considerata simul pressione in fundum, ex actione gravitatis Fluidi, oriri potest pressio triplo major, quam ex actione sola gravitatis corporis Firmi oborta fuisset. Adeoque cera frigida & firma, adimplens vas cubicum, minus agit in omnes vasis parietes, quam cum resoluta igne est in Fluidum.

§. 608. Si vasis, fluido pleni latus fuerit parallelogrammum

$\text{Y} \quad 3 \quad \text{XEZ}$

XEZⁿ, (Tab. 9. Fig. 3.) dividatur XE bifariam in C, atque ducatur CC parallela ad EZ, quæ dividatur in O, ita ut C β O sit ipſius CC, erit punctum O centrum preſſionis.

Nam centrum preſſionis in hoc plano debet eſſe in recta CC, dividente planum bifariam; verum in rectam CC a ſummo ad imum exercentur preſſiones, quæ ſunt uti Triangulum XⁿZ. Eſt vero Trianguli centrum gravitatis ad $\frac{2}{3}$ partes a ſummo; erit igitur centrum gravitatis vel preſſionis in CC ad $\frac{2}{3}$ partes a ſummitate. (1)

§. 609. Si vas fundum horizonti parallelum habuerit, nec omnes Fluidi infuſi columnæ fuerint ejuſdem longitudinis, quia fluidum eſt incontinens ſui, preſſione laterali longiores columnæ delabentur in breviores, donec omnes ejuſdem longitudinis fuerint, preſſionesque cunctæ laterales ſibi fuerint æquilibratæ.

Idem effectus neceſſario etiam continget propter preſſionem perpendicularem; columnæ enim longiores plus gravitant brevioribus, descendantque, elevaturæ breviores, donec omnes æquales & ſibi æquilibratæ fuerint.

§. 610. Superficies ergo Fluidi manentis in quiete erit parallela horizonti, proinde ſphærica vel ſphæroidea, cujus centrum eſt idem cum centro Terræ: tum vero dicitur eſſe Fluidum ad *Libellam*.

§. 611. Plurima alia phænomena ex Fluidorum laterali preſſione intelliguntur. Veluti ſi dentur duo vaſa AB, CD, (Tab. 9. Fig. 4.) æqualis diametri, ope intermediæ tubi BDGH inter ſe communicantia, Fluidum infuſum vaſi AB, fluet per tubum BD, in vas alterum CD, adſcendetque ad libellam in utroque vaſe: quia Fluidum in A B non prius quieſcet, quam cum id in CD premat intermedium Fluidum BD lateraliter vi æquali; quod modo fiet, poſitis paribus altitudinibus Fluidorum in AB & CD.

§. 612. Neque reſert, an vaſa diverſæ amplitudinis fuerint; nam Fluidum in vaſe anguſto CD tantopere lateraliter premit, quam id in vaſe ampliori CDEF, cum preſſio

(1) Plures circa doctrinam obſcure hoc §. indicatam ſuboriri poſſunt difficultates, quæ tironum animos plurimum remorentur, nec præ-

terea alicujus ea videtur eſſe momenti; quamobrem eis auctor ſum, ut hunc articulum prætereant.

pressio lateralis sit æqualis perpendiculari, adeoque in vase angusto CD, & amplo CEFD, positis paribus Fluidorum altitudinibus, erunt pressiones laterales æquales. Quod Experientia confirmatur (1).

Y 4

§. 613.

(1) Id tamen juvat ita accuratius demonstrare. Supponatur fluidum in utroque siphonis brachio ad eandem altitudinem jam consistere. Si tum modo pressioem alterutrius brachii cum altero detur æquilibrium, consequens est in diversis brachiorum altitudinibus fluidum manere haud posse. Æqualibus vero in utroque brachio altitudinibus fluidi, id dari æquilibrium facile constat: siquidem posita basi, seu, amplitudine brachii CF alterius AG quadrupla e.g., patet descendere non posse fluidum ex brachio CF, puta, per unum pedem, quin in alterum brachium ascendat usque ad quatuor pedes, seu quin spatia describantur inverse, ut vasorum bases, sive amplitudines CE & A; eruntque adeo fluidorum eodem tempore descendendis, & ascendendis velocitates inverse, ut ipsæ vasorum bases, sive amplitudines. Sunt autem hæc vasorum bases, ob eandem in utrisque altitudinem, & cylindricam vel prismaticam figuram, ut fluidorum inibi contentorum quantitates, sive pondera: igitur ut eadem hæc fluidorum pondera inverse, erunt eorundem fluidorum velocitates; atque adeo utriusque fluidi momentorum seu pressio-num æqualitas, & æquilibrium erit.

At si alteruter siphonis tubus tam exilis tenuisque sit, ut capillaris tubi formam induat, tum fluidum non in eadem horizontali libella in utroque crure consistet, sed altius in subtiliori præ altero adsurgit, respondetque altitudinum excessus diametro subtilioris tubi inverse. Quod ab attractione ejus tubi pendere jam §. 530. demonstratum.

Quod si fluida utrique siphonis cruri affusa etherogenea sunt, diversique ponderis sub eadem mole; nec

æquilibrium in eadem horizontali linea fiet, sed levius fluidum altius præ altero ascendit, eruntque utriusque altitudines inverse ut densitates: ita cum mercurii gravitas vel densitas quatuordecim vicibus aquæ gravitate vel densitate major sit, erit aquæ altitudo ad mercurii altitudinem, ut 14 ad 1. Si enim in utroque siphonis brachio mercurius affundatur, eadem erit & in utroque illius altitudo pro æquilibrium: Quod si in brachium AB loco mercurii aqua substituitur, tanta ejus quantitas requiritur pro æquilibrium cum mercurio brachii DC, quanta tantundem ponderet, quam prior mercurii quantitas, quæ in eodem brachio AB continebatur. Eam vero aquæ quantitatem in altitudine brachii BA, priore quatuordecim vicibus majori, contineri, liquidum est.

Illud præterea hic observandum, ex demonstrato liquorum homogeneorum æquilibrium in eadem utriusque cruris altitudine, nobilissimam inferri posse hydrostaticam propositionem, quod scilicet *pressio liquorum in fundos seu bases æquales plurium vasorum, utcumque diversæ amplitudinis, æstimanda tantum sit ex altitudine, ad quam in iis ascendit liquor, non vero ex eorundem vasorum amplitudine*; de qua propositione vide etiam sequentes §. 613. 614, 615, 618. Patet enim fluidi pressioem ex tubo HE eandem semper esse, dummodo in eo eadem fluidi maneant altitudo, utcumque aucta vel diminuta ejusdem amplitudine. Quod etiam sequenti experimento liquet. Sint quatuor vasa delineatis figuris designata (Vide fig. 37. Tab. 2. Addit.), quorum fundi seu bases æquales sint, nec interim vasorum lateribus firmiter

con-

§. 613. Si fuerit vas Conicum AGSC, (*Tab. 9. Fig. 5.*) Coni basis GS sit fundus, apex AC forsum spectet, impleaturque Fluido, premetur fundus GS eadem vi, ac si vas cylindricum RGST ejusdem baseos ad parem altitudinem impletum fuisset.

Concipiantur in Cono columnæ ejusdem baseos, ac media longissima, apici respondens, ABCD; hæc media descensum molitur, nititurque elevare vicinas breviores EE, FF, OO, II; hæc elevari nequeunt propter resistentiam lateris conici in E, F, G, O, I, V, S; hæc resistentia proinde reprimuntur versus basim vi pari, ac si incubuissent columnæ, AE, KF, RG, CO, TS; adeoque totus fundus GS premitur vi eadem, ac si Fluidum implevisset vas cylindricum RGST.

§. 614. Ergo apice Coni ad quamlibet altitudinem CP producto ope appositi tubi, Fluido impleti, premetur basis GS vi eadem, ac si vas cylindricum baseos GS, altitudinis PD, Fluido plenum fuisset: Quemadmodum Experimentia probatur.

§. 615. Neque alia est pressio Fluidi supra fundum GS (*Tab. 9. Fig. 6.*) vasis GSRT cylindrici, ex quo in altum prominet tubus PC, hoc enim usque ad P repleto, premetur latus supremum RT forsum, quantum Fluidum altitudinis PC, & baseos RT, deorsum gravitat, uti Experimento etiam evincimus. Quamobrem posito tubo PC angustissimo, quem exigua Fluidi copia impleat, vase autem RGST amplissimo, poterit a minima Fluidi quantitate vis ingens quaquaversum in latera vasis exerceri; & si vas RGST ex corio flexili fuerit, poterit a paucis Aquæ guttis pondus maximum

connexæ, sed quæ per fluidi incumbentis pressionem deorsum adigi possint; ita vero vasorum lateribus adhæreant, eaque contingant, ut nullus sit vel exiguissimus hiatus, per quem aditus aquæ pateat. Experimenta docemur, quod si aqua ad eandem altitudinem in quatuor his vasis affundatur, æqualis tum vis in singulis requiratur ad impediendum, ne vasorum fundi deorsum tendant, etsi aquæ quantitas utcumque diversa in singulis vasis contineri possit. Ejusmodi vero vis quantitas, quæ scilicet vasorum fundi cohibentur, æqualis reperitur aquæ quantitati,

quæ in primo vase recto & æqualis ubique amplitudinis continetur: quamobrem si aqua hic contenta centum librarum pondus adæquet, tantundem ponderis requiretur ad reliquorum vasorum fundos sustinendos, etsi in quarto vase una aquæ uncia possit contineri. Quod ex eo etiam confirmatur; nam si hujus vasis fundus filo alligetur, per quod stateræ brachio appendi possit, in altero brachio centum librarum pondus requiritur, ut fiat æquilibrium. Idipsum in reliquis vasis observatur, si simili ratione ex stateræ brachio suspendantur.

ximum supra, R T positum elevari, ut Folle Hydrostatico probamus.

§. 616. Pressio Fluidi in altum evincitur quoque hoc Experimento: cape vitrum cylindricum ABCD, (Tab. 9. Fig. 8.) aliudque angustius E G X, ampliori vasi infundatur Aqua, hæc elevabit vas angustius E G X, quamvis oneratum.

§. 617. Pressio Fluidi deorsum efficit, ut eadem Fluidi quantitas diversissimum pondus habere videatur; tantummodo vasis fundum vi varia deorsum premendo: Sit enim vas DHEK, (Tab. 9. Fig. 8.) impletum Fluido ad F M, Libræque id appensum reduc ad æquilibrium: sit cylindrus solidus ASB, prominens ope brachii BC ex pariete firmo, vas attolle, ut capiat cylindrum AB, & Fluidum assurgat usque ad G O, id nunc altius, quam ante, premet fundum H E majori vi deorsum, nec in æquilibrium cum priori pondere ad Libram erit.

§. 618. Si vas fuerit conicum, vel truncati Coni pars G ACS, (Tab. 9. Fig. 9.) apice AC spectante deorsum: basi G S sursum, impletum Fluido, ab eo premetur fundus AC, quantum Cylindrus ACBD ejusdem altitudinis ac vas, & diametri, quam fundus AC habet, pressisset; reliquum enim laterale Fluidum a lateribus Coni obliquis sustinetur, nec pressionem columnæ ACBD longissime augere potest.

C A P. XXII.

De Fluido per vasis foramen fluente.

§. 619. **S**I vasis ABCD, (Tab. 9. Fig. 10.) Fluido pleni, fundus horizontalis B D variis in locis E, G, F, pertundatur foraminibus æqualibus, eadem celeritate effluet ex his omnibus Fluidum.

Nam particulis E, G, F, quæ respondent foraminibus, incumbunt columnæ Fluidi æquales, & pari gravitate prementes; quare cum particulis communicabitur æqualis celeritas.

§. 620. Effluent igitur per singula foramina paribus temporibus æquales Fluidi quantitates, veluti Experientia probat. (a).

§. 621. Quia Fluidi particulæ in eadem altitudine omnem versus directionem pari vi premuntur, effluet Fluidum,

tum

(a) *Hamel. Hist. Acad. Reg. 1. 1. S. 2. c. 4.*

tum ex foraminibus fundi, tum ex foraminibus lateralibus, parem cum fundo altitudinem habentibus, eadem celeritate & copia.

§. 622. Quo Fluidum vas ABCD (Tab. 9 Fig. 10.) ad majorem altitudinem impleverit, eo celerius ex foraminibus fundi E, G, F, effluet

Si enim foramini G incumbat columna altitudinis H G, premitur particula, respondens foramini, a gravitate columnæ H G; cum autem columna acceperit longitudinem K G, premetur particula in foramine a majori potentia K G, quæ proinde cum ipsa majorem celeritatem communicabit.

§. 623. Positis Fluidi altitudinibus variis G H, K G, erunt celeritates particularum, ex foramine G effluentium, in ratione subduplicata altitudinum H G, K G.

Nam columnarum incumbentium gravitates sunt potentia prementes, quæ vires cum particulis in foramine G communicant, proportionales suis magnitudinibus, hoc est, altitudinibus: sunt vero celeritates in ratione subduplicata virium §. 190.; adeoque erunt celeritates, in ratione subduplicata altitudinum H G, K G (1).

§. 624. Particulæ Fluidi ex foramine G eadem celeritate effluunt, ac si libere cecidissent ex altitudine, æquali columnæ K G.

Nam per §. 238. vires corporis libere cadentis per K G, sunt in G, uti K G; vires autem particulæ effluentis ex foramine G, & relinquentis columnam, sunt uti numerus particularum constituentium columnam K G, sive uti K G: quare est æqualitas inter vires in utroque casu; adeoque eadem celeritas.

Experimento (a) demonstravit hanc propositionem Cl. Polenus: Vasis, 13 pedes alti, fundo inseruit tubum, 7 lineas longum, cylindricum, diametri 3 linearum; tempore minuti effluerunt 905 pollices cubici Aquæ, qui in cylindrum, cujus basis est tubus, conversi, longitudinem formant 1536 pedum: Corpus grave libere delapsum ex altitudi-

(a) In Ep. ad Marinonum.

(1) Quod si ergo ex vertice G, & axe G K descripta fuerit parabola quæcunque, cui ex punctis H & K occurrant ordinatæ H L, K I; his designari poterunt fluidi ex foramine G effluentis celeritates altitudi-

nibus G H, K G respondentes. Ex parabolæ enim natura, sunt H L, K I in ipsarum altitudinum H G, K G subduplicata ratione; eritque adeo figura K G I scala velocitatis,

titudine 12. pedum acquirit celeritatem, qua emittitur intra minutum pedes 1493, & ex altitudine 13 pedum percurrit 1680. pedes: adeoque fluxit Fluidum celerius, quam grave ex altitudine 12 ped., & lentius, quam grave ex 13 ped. lapsum propter attritum partium ad latera tubi; nihilominus inde satis patet, sublato attritu, celeritates Gravis libere delapsi, & fluidi exeuntis æquales fore.

§. 625. Si fuerint duo vasa variæ latitudinis, in fundo pertusa foraminibus æqualibus, & eodem impleta Fluido, erunt quantitates Fluidi ex utroque vase effluentis eodem tempore, veluti celeritates, quibus effluunt, adeoque in subduplicata ratione altitudinum supra foramina.

Comprobamus hanc veritatem Experimento, quo simul ostendimus, quomodo cognita quantitate Fluidi, intra datum tempus, ex vase dato, pertuso foramine quodam, effluentis, colligi possit quantitas Fluidi ex altero vase intra quodcunque tempus per foramen elapsuri. Mariottus aliqua fecit pericula, quorum beneficio copiam elabentis aquæ cognoscere licet: Capiebat vas aquæ plenum, ad profunditatem 13 pedum sub superficie, id pertundebat foramine,

diametri $\frac{1}{4}$ pollicis, tempore minuti effluebant 14 pintæ

Parisiæ. Ergo scire licet, quot pintæ pari tempore ex æquali foramine effluerent, si id vas lateraliter ad varias altitudines perforaretur: En tabulam.

Altitudo aquæ in pedibus.

Copia Aquæ emanantis mensuratae pintis.

1	3, 8819
5	8, 5824
10	12, 2770
13	14, 0000
15	15, 0383.

Capiatur jam quælibet alia altitudo pro lubitu; veluti igitur 13 pedes sunt ad 14 pintas, fluentes ex foramine $\frac{1}{4}$ poll. minuti spatio, ita est media proportionalis inter 13 & assumptam altitudinem, ad copiam aquæ æquali tempore ex pari foramine effluet.

§. 626. Si vas ABCD (Tab. 9. Fig. 11.) semper maneat æque plenum, quo tempore corpus Grave cadens libere percurrit altitudinem Fluidi EF, effluit ex foramine, columna FH, duplo longior quam EF.

Fluidum effluens ex F, fertur celeritate, quam acquirit grave delapsum ex E in F, fertur autem ex F semper eadem celeritate; sed ab E in F ex quiete, celeritate accelerata movetur; quare duplo plus spatii percurreret fluidum ex F effluens, quam Grave delapsum ex E in F.

§. 627. Si duorum vasorum cylindricorum æqualium & sibi similium ABDC, (Tab. 9. Fig. 12.) FGHL, fundi foraminibus inæqualibus E & K, pertusi fuerint, fluidorum quoque altitudines sint æquales, erunt tempora evacuationum in ratione reciproca foraminum.

Concipe in vasis Fluida divisa in columna, quarum bases æquales foraminibus. Cum in utroque vase hæ sint æque altæ, pari tempore effluent; quare erit tempus evacuationis vasis ABDC, ad illud vasis FGHL, uti numerus columnarum in ABCD, ad eum in FCHL. Sed sunt hi numeri reciproce ut magnitudines; magnitudines columnarum sunt uti bases, hoc est uti foramina; quare erunt tempora evacuationum in ratione reciproca foraminum.

§. 628. Si duorum vasorum cylindricorum ABCD, (Tab. 9. Fig. 13.) EFGH æque altorum, & inæqualis diametri, foramina fundorum fuerint æqualia, impleantur eodem Fluido ad parem altitudinem, erunt tempora evacuationum in ratione basium, quas habent vasa.

Concipe Fluidum utrumque divisum in columnas æqualis cum foraminibus diametri, quia omnes æque altæ sunt, & eodem tempore effluunt, erit tempus evacuationis in ABCD, ad illud in EFGH, uti numerus columnarum in ABCD, ad eum in EFGH; sed sunt numeri columnarum, uti magnitudines cylindrorum; & hæ uti bases: quare tempora evacuationum erunt uti bases. Experimentis hoc convenire notavit Picardus (a).

§. 629. Si igitur priora vasa §. 628. habuerint foramina in ratione suarum basium, pari tempore exinanientur: Et semper, si vasa cylindrica æque alta, sed inæqualis diametri, sint in fundis pertusa foraminibus inæqualibus, & ad parem altitudinem eodem Fluido impleantur, erunt tempora evacuationum in ratione composita, ex reciproca foraminum, & directa basium.

§. 630.

§. 630. Si duo vasa cylindrica ABCD, EFGH, (*Tab. 4. Fig. 14.*) inæqualis altitudinis, sed æqualis diametri, eodem fluido impleta, sint in fundis pertusa æqualibus foraminibus, erunt tempora evacuationum in ratione subduplicata altitudinum.

Nam celeritas quacum exit Fluidum ex vase ABCD, est ad eam ex EFGH, ut \sqrt{AB} , ad \sqrt{EF} . Sed ut est celeritas effluentis Fluidi ex ABCD, ad eam ex EFGH, ita est quantitas ejus, ad quantitatem hujus: Uti vero est quantitas Fluidi elapsi ex vase, ita quoque est evacuatio; adeoque evacuatio pari tempore ex vase ABCD, ad eam ex EFGH erit uti \sqrt{AB} ad \sqrt{EF} . Quantitates vero fluidorum in vasis sunt ut AB ad EF: ut igitur hæ effluant, oportet ut tempora sint, veluti \sqrt{AB} ad \sqrt{EF} ; nam $\sqrt{AB} \times \sqrt{AB} = AB$; veluti $\sqrt{EF} \times \sqrt{EF}$ est $= EF$ (1).

Sit vas ABCD quadruplo altius quam EFGH; ergo celeritas Fluidi incipientis exire ex altiori, est ad eam ex humiliori, uti 2 ad 1; adeoque quantitates, quæ elapsæ eodem tempore sunt, se habent ut 2 ad 1; idque semper obtinet: adeoque postulatur tempus duplum, ut copia Fluidi ex altiori vase sit ad aliam, veluti 4 ad 1. Quantitates autem Fluidi in vasis sunt, ut 4 ad 1: ergo tempora evacuationum erunt ut 2 ad 1, sive uti radices altitudinum. Quod Experimento confirmamus.

§. 631. Adeoque tempora evacuationum in vasis cylindricis inæqualis altitudinis, diametri, & foraminis in fundo, sunt in ratione composita, ex reciproca foraminum, directâ basium, subduplicata altitudinum.

§. 632. Ex iis, quæ hucusque exposita sunt, intelligitur Propositio olim a Torricellio (a) proposita. Vasa Cylindrica, sive Prismatica, in fundo perforata, ea lege exhauriuntur, ut divisio toto tempore in partes æquales, emissio ultimi temporis sit ut unum, penultimi ut tria, ante-

(a) *Lib. 2. de Mot. Proj. pag. 202.*

(1) Clarius. Quantitates fluidorum in vasis AD, EG sunt ut vasorum altitudines AB, EF. Fluidorum item quantitates eodem tempore ex vasorum æqualibus foraminibus egredientes, sunt ut \sqrt{AB} , \sqrt{EF} . Ergo positis temporibus ut \sqrt{AB} , \sqrt{EF} ; erunt tum fluidorum egredientium quantitates ut $\sqrt{AB} \times \sqrt{AE}$, $\sqrt{EF} \times \sqrt{EF}$, seu ut AB, EF, seu ut ipsa met fluidorum in vasis contentorum quantitates.

tepenultimi ut quinque, & sic deinceps, ut numeri impares ab unitate incipiendo.

Quia, quo vas magis inanitur, eo brevior columna foramini incumbens facit, ut particulæ minus premantur, & minori celeritate exeant, adeoque elabitur Fluidum motu retardato: Gravium sursum projectorum retardationes sunt in ratione altitudinum subduplicata; sed retardationes fluidi elabentis etiam sunt in ratione subduplicata longitudinum, quas habent columnæ; idcirco effluit Fluidum motu simili, quo Gravia feruntur sursum; horum vero spatia, paribus temporibus percurfa, sunt uti numeri impares, & incipiendo ab ultimo tempore, sunt uti 1, 3, 5, 7 &c.; adeoque ita erit descendens in vase Fluidi copia ab ultimo tempore incipiendo: confirmavit hoc Picardus (a) Experimento (1).

§. 633. Si autem vas construendum sit, ex quo Fluidum æqualibus temporibus effluendo descendat pari altitudine, requiritur ut $\overline{BH4}$ sit ad $\overline{DI4} :: \overline{AH}, \overline{AI}$. (Tab. 9. Fig. 18. *)

Sit axis \overline{AH} divisus in partes æquales $\overline{HI}, \overline{IL}$, infinite parvas; tum æquali tempore effluit circulus \overline{BHC} , ac \overline{DIE} , ac \overline{FLG} . Sed circulus \overline{BHC} est ad circulum $\overline{DIE} :: \overline{BHq}$ ad \overline{DIq} ; hi circuli sunt uti celeritates fluidi emanantis, & hæc celeritates uti $\sqrt{\overline{AH}}$ ad $\sqrt{\overline{AI}}$; ergo hæc elevando, erit $\overline{BH4}, \overline{DI4} :: \overline{AH}, \overline{AI}$ (2).

§. 634.

(a) Hist. Acad. Reg. Scien. L. I. cap. 4.

(1) Atque hinc facile resolvitur sequens Problema: *Vas quodcumque cylindricum dividere in partes, quarum singulæ datis temporibus depleantur, dato tempore, quo depletur totum.* Effluat e. g. omnis in cylindrico vase contenta aqua per datum in ejus fundo foramen, spatio 12 horarum, sitque ita in duodecim partes dividendus cylindrus, ut earum singulæ singulis horis depleantur. Sumatur quadratum numeri 12 nempe 144; tum vasis altitudo dividatur in hunc æqualium partium numerum 144: dico harum ultimam, quæ scilicet est prope vasis fundum, ultima seu duodecima hora depleri, tres proximæ superiores hora penultima seu

undecima vacuas fieri, quoque ultiores decima hora, & ita porro sumendo semper superiorum reliquarum partium numeros impares 7, 9, 11, 13, 15, 17, 19, 21, ac demum 23 ad vasis extimam superficiem terminatas, quæ hora prima exhauriuntur. Hujus praxeos ratio ex dictis manifeste liquet; ostensum siquidem est altitudines partium pari tempore depletarum, ab ultimo tempore incipiendo esse secundum imparium numerorum proportionem 1, 3, 5, 7, 9, &c. Atque hinc methodus patet clepsydras construendi, quibus olim veteres utebantur.

(2) Pro circulis \overline{BHC} , \overline{DIE} hic intelligi debent cylindrici æqualibus al-

§. 634. Quæ huc usque explicuimus Geometrice, non ita comparata sunt Physice, nam particulæ Fluidi, quæ per foramen transeunt, attritum a lateribus foraminis patiuntur, & retardantur: quæ autem medio foramini respondent, huic retardationi subjectæ non sunt, adeoque inæquali celeritate fluidum effluit: id, quod in medio celerius fertur, adhæret vi attrahente partibus lateralibus, quas dum accelerat, ipsum retardatur, idcirco minori copia effluit ex vase, quam huc usque determinavimus. Præterea quod exit Fluidum, a pressione laterali partium, quæ adjacent, obliqua quadam determinatione quoque fertur, cumque id ab omni latere effluentis columnæ obtineat, hæc in aliqua distantia a foramine angustior fit vel diametri contractæ. Docuit Experientia Nob. Newtonum (a) paulo infra foramen contractam hanc diametrum esse ad eam foraminis, veluti 5 ad 6, vel $5\frac{1}{2}$ ad $6\frac{1}{2}$ quamproxime; veramque quantitatem elapsi Fluidi esse æstimandam ex hac diametro contracta, & longitudine columnæ Fluidi, a superficie usque ad hanc contractionem supputata: Cl. Polenus (b) plurima fecit pericula similia, eidem vasi semper Aquæ pleno applicando tubos diversos conicos, cylindricos, lamellas planas tenues, quorum omnium lumina erant ab una

(a) *Princ. Phil. l. 2. pr. 36. pag. 504.* (b) *De Cast. Aquar.*

altitudinibus HI, IL, præditi; quos numero infinitos, ejusdem singulos altitudinis HI imaginari licet, secundum consuetam recentiorum Geometrarum methodum. Quoniam igitur æqualibus temporibus æquales altitudinis partes HI, IL depleri supponitur, consequens est æqualibus item temporibus effluant cylindri BDEC, DFGE, seu (uti Auctori nostro loqui placet) circuli AHC, DIE. Celeritates præterea eorundem cylindrorum pari tempore effluentium sunt ut ipsimet cylindri; patet enim quod si cylindrus BDEC cylindri DFGE duplus vel triplus fuerit, ob idem utriusque fluxus tempus, duplo vel triplo velocius prior præ altero effluat. Sunt vero iidem cylindri ob eandem altitudinem, ut bases, seu ut BHq. DIq.; adeoque & in hac eadem ratione erunt eorundem effluentium

celeritates. Sed eædem celeritates §. 623. sunt ut \sqrt{HA} , \sqrt{IA} ; igitur ex æquali erit BHq. DIq. : : \sqrt{HA} , \sqrt{IA} ; & elevando singulos analogiæ terminos ad quadratum, erit BHq. DIq. : HA, IA. Patet ergo quæsitæ vasis curvæ superficiem ex ejusmodi lineæ curvæ BAC revolutione gigni, quæ ordinatarum quadrato-quadrata, seu quartas potestates, respondentibus abscissis a vertice A incipientibus, proportionales habeat; quæ *parabola quadrato-quadrata* Geometris dicitur. Ejusmodi vasis figuram irritò conatu quæsitæ olim Torricellius, invenit deinceps Mariottus, ac tandem Varignonius in monumentis Regiæ Scientiarum Academiæ anni 1699. generali methodo quæsitam curvæ in quacunque gravitatis hypothesi etiam exhibente, ingeniosissime definivit.

una parte inter se æqualia , per quæ varia Fluidi quantitas eodem tempore transfluxit. Nam per tubum conicum, 92 lineas longum, basi latiori adhærente vasi, & diametri 42 linearum, lumine anteriori habente diametrum 26 linearum, vas aliquod impletum fuit tempore 2', 57". Per tubum conicum, cujus diameter baseos 33 lin. lumen 26 lin. vas impletum fuit eodem tempore. Per tubum conicum, cujus baseos diameter 60 lin. lumen 26 lin. impletio facta fuit tempore 3'. Per tubum conicum, cujus aperturæ erant 118 & 26 lin. vas impletum sunt 3', 3". Per Cylindrum æque longum, cujus lumen utrimque 26 lin. vas impletum fuit 3', 7". Per laminam ferream pertusam foramine 26 lin. impletum vas 4', 36". Quoniam igitur pertubos conicos determinatæ figuræ maxima quantitas Aquæ eodem tempore fluxit, patet, a pressione laterali augeri celeritatem Fluidi effluentis. Plura videantur apud Newtonum, Polenum, Gulielminum & s' Gravesandium.

§. 635. Patent hinc fundamenta totius *Hydraulicæ*; sive enim Fluida effluant ex luminibus determinatæ magnitudinis, sive per canales æquales, erunt, positis reliquis partibus, omnia similia; adeoque ex præmissa doctrina absque ullo labore erui possunt. Verum cum Fluidum in canale longo movetur, a parietibus patitur perpetuum attritum, quo retardatur, & quidem plus minusve pro varia canalis politura vel asperitate. Cum quoque multis anfractibus inflectuntur canales, resistantiam experiuntur fluidi particulæ, lateribus impactæ, resiliunt, retardant fluidum a tergo affluens, quibus causis multo minor Fluidi quantitas per canales fertur, quam computationes præciperent. Sed Aquileges adeamus: Observavit inclytus Desagulie-

rius (a) per canalem 1000 ulnas Anglicanas longum, $\frac{11}{12}$

minorem copiam fluxisse, quam secundum Mariotti regulas calculus exhibet. Coupletus in Aquæ ductibus Versalienſibus pulcras instituit observationes. Aquæductus est ferreus, diametri 4 pollicum, longitudinis 1800 pedum, hinc inde cum inflexionibus, utrimque apertus, cum aqua in cisterna ad alteram canalıs extremitatem, 9 pollices erat elevatior, quam ad alterum extremum effluebant quodam tempore 2 pollices, 63 lineæ, cum secundum Mariot-

ti

(a) *Phil. Trans. n. 303.*

ti pericula ex brevitybo, 61 $\frac{11}{25}$ pollices effluxissent, adeoque trigiesies minus aquæ per longissimum hinc tubum transfluxit. Alius est aquaductus ferreus, diametri 6 pollicum, ejusdem cum priori longitudinis; tum aqua in cisterna tres pollices altiori posita, ex altero canalisi lumine, definito tempore, effluerunt 7 pollic. 44. lin. cum ex Mariotti calculo effluxissent 80 poll., & posita aqua in cisterna 5. $\frac{1}{4}$ poll. altiori,

quodam tempore effluerunt ex altero canalisi lumine 10 $\frac{1}{2}$ pollices, cum consulendo Mariottiana, emanassent 407 pollices, adeoque in hoc casu major retardatio, quam in præcedenti fuit, quia posita aqua ad majorem in cisterna altitudinem, major erit transfluentis celeritas, unde attritus amplior, & incurfus in laterum inflexiones impetuosior, adeoque major transeuntis fluidi retardatio. Est Aquaductus 7014 pedum, diametri 5 pollicum, cum aqua in cisterna erat 25 pollices altior, quam altera canalisi extremitas, intra quoddam tempus effluerunt 9 poll. 115. lin., & secundum Mariotti calculum effluxissent 260 pollices. (a) Imo probat Experientia, si in curvaturis tuborum aer hæreat, aquam tantopere retardari, ut undevigesies minor quantitas, quam par est, transfluat: Coupletus tradit, per fistulam plumbeam 11400 pedes longam, diametri 8 pollicum, propter curvaturas, & hinc inde hærentem aerem, aquam modo transfluxisse tempore 10 dierum: experti artifices idcirco super omnes fistularum curvaturas ponunt cucurbitas, recipiendo aeri destinatas, ideo mirandum non est, Aerem venis animalis infusum, instar præsentanei veneni occidere, cum sanguini, circulum obeunti, veluti firmissimus obex resistit.

§. 636. moveatur Fluidum per canalem conicum SABX, (Tab. 9. Fig. 15.) ab apice AB ad basim SX, impressum a causa semper æquabiliter agente, movebitur velocissime circa apicem, lentissime circa basim; replet enim paribus temporibus eadem Fluidi quantitas segmenta æqualia ABCD, ECFD, GEFH, IGHK, quorum altitudines sunt inæquales AL, LM, MO, OP.

§. 637. Agit ejusmodi Fluidum vix in latera canalisi, nisi quatenus motu laterali diffluit. Causa adimplens

Tom. I.

Z

hunc

(a) L'Hist. de l'Acad. Roy. A. 1732.

hunc canalem per apicem potest esse admodum parva, quia ea virium quantitas requiritur, quæ elevare potest columnam Fluidi, basim *AB* habentem & altitudinem vasis perpendicularem: Si igitur apertura *AB* sit admodum exigua, vis minima ad implendum sufficiet. Patet idcirco, quomodo vis exigua sanguinem per venas Animalis propellere possit, fluit enim sanguis per venas in vasis conicis ab apice versus basim: tum quomodo vis externa minima, per vasa absorbentia in corpus internum, Medicamina, aliaque extrinsecus applicata, cum facilitate promoveat.

§. 638. Si autem in eo Fluido fuerit corpus *R* heterogeneum, id cum Fluido recta propulsum sursum, agere nequit in latera vasis, nisi ubi in curvaturam inciderit: patet inde Medicamenta vix in venarum parietes agere posse. Moveretur corpus *R* in sectione, apici vasis proxima, *ACBD*, motu velociori sursum, quam fluidum in segmento sequente; quare in id Fluidum agere poterit; verum retardabitur; hæc retardatio in aliis superioribus sectionibus continuo increset; unde tandem corpus *R* motu lento cum ipso Fluido movebitur. Hinc Medicamenta in Fluidum venarum operari poterunt, præcipue si fuerint admodum solida & gravia: Ideo chalybeata Hepati deobstruendo, & Utero adeo conducunt.

§. 639. Si vero Fluidum in canale conico a basi ad apicem fluat, a causa æquabili pulsus, fluat motu semper accelerato versus apicem; cum æquales quantitates Fluidorum per Coni segmenta æqualia, quæ inæqualis altitudinis sunt, transeunt. Causa pellens hoc Fluidum requiritur maxima, quæ columnam fluidi ejusdem altitudinis & baseos cum Cono polleat movere.

§. 640. Fluit sic sanguis in corpore Animali per Arterias, causamque fortissimam pellentem habet Cor. Incurrit autem totum fere Fluidum in parietes canalis, quare in eos operatur, illos extendendo: Si proinde corpus heterogeneum *R* in Fluido fuerit, id incurrit cum fluido in parietes; patet inde Medicamenta operari in latere Arteriarum: quæ, quo solidiora sanguine fuerint, eo fortius in Arterias agent, extrorsum pellendo, extendendo, stimulando, lacerando, perscindendo, pro varia figura & indole sua.

Qui Hydraulicam profundius addiscere desiderat, consulat Mersennum, Helshamum, Robinsonum, Bernoullium.

C A P. XXIII.

De Fluidis profilientibus.

§. 641. **L**umen vocatur apertura canalís, ex qua profilit Fluidum.

§. 642. Fluidum ex lumine canalís projectum vocatur *Jactus*.

§. 643. Quoniam Fluidum ex fundo vasis perforato eá celeritate effluit, quam acquisivisset Grave delapsum ex altitudine, qua Fluidum vas implet; & Grave per aliquod spatium delapsum celeritatem acquirit, qua ad eandem altitudinem sursum adscendere potest §. 242. Idcirco Fluidum ex fundo vasis perforato effluit eá celeritate, qua ad eandem altitudinem, quam Fluidum habet, salire potest, si directione sursum versus feratur.

§. 644. Fieri id potest, si canalís, Fluidum vehens, parte inferiori flectatur sursum, ita ut Lumen sursum spectet, tum enim Fluidum in altum ageretur ab alio, quod a tergo premit.

§. 645. Si lumen eandem amplitudinem quam canalís habet, non ad altitudinem in §. 643. assignatam assurgit jactus, sed ad multo minorem: quia Fluidum attractione adhæret lateribus canalís, atque ita libere descendere nequit: præterea cum iis magnum attritum in descensu exercet, quibus impeditur celeritate, indicata in §. 643. descendere.

§. 646. Si vero, manente canale eodem, Lumen immi- nuatur, eliditur Fluidum ad majorem altitudinem, quam in §. 645.; quia tum Fluidum in canale non tam celeriter descendere cogitur, adeoque multo minori attritui parietum canalís subjicitur.

§. 647. Quamvis autem Lumen minus sit capacitate canalís, non tamen jactus perpendicularis assurgit ad eandem, cum Fluidi superficie, altitudinem, sed ad minorem ob varias causas.

1. Quia dum ex Lumine Fluidum eliditur, particule attingentes ejus latera, attritum patiuntur, atque ideo retardantur: quæ mediam Luminis partem transeunt, hac remora quidem vacant, verum quia aliquantum partibus lateralibus adhærent, eas abripiendo, & cum illis celeritatem communicando, ipsæ retardantur.

2. Fluidum in toto canale attritui subicitur, adeoque ea celeritate non descendit, quā ad eandem altitudinem cum superficie sua in vase adscendere posset.

3. Postquam aqua in altum expulsa adscendit, quantum potuit, amissa omni celeritate, nititur, labiturque in se deorsum, verum tum toti jactui incumbit, quem suo pondere deorsum premit, adscendentibus particulis remoram affert, adeo ut hæc ad altitudinem requisitam egeri nequeant. Contingunt hæc, etiamsi Fluidum in Vacuo saliat; verum, si per Aerem adscendat, resistantiam, & idcirco retardationem ab Aere, quem attollere & penetrare debet, experietur: eritque hæc resistantia eo major, quo celeriori impetu jactus adscendit: ita ut in celerrimo jactus adscensu, ab Aere in exiles guttas discerpatur Fluidum. Notabilis est adversus jactum resistantia Aeris, quia jactus ultra diametrum contractam affurgens, necessario explicatur conicam in formam, cujus basis est summa jactus altitudo.

§. 648. Tolle, vel saltem minui potest impedimentum tertium, efficiendo, ut jactus non in rectum, sed parum oblique ad horizontem adscendat, tum enim relabens fluidum ipsi non incumbit, docuitque experientia Torricellium (a), jactum sic fieri perpendiculari altiore.

§. 649. Excellit in doctrina hac de Fontium jactibus Cl. Mariottus, qui experientia edoctus multiplici regulas tradidit optimas, ex quibus construendi tubi, eorum amplitudines & lumina, ut data scaturigine jactus expellatur altissimus: ex eo notamus pauca:

1. Quo canalis Fluidum vehens est amplior respectu Luminis, eo fit jactus altior.

Tum enim Fluidum minori celeritate descendens, minori attritui subicitur: & positis paribus celeritatibus, est attritus in ratione inversa diametrorum fistularum. Dantur hic tamen limites, ultra quos amplitudo canalis nihil contribuet ad augendum jactum, quando celeritatum, quibus fluida descendunt, sensibile discrimen non datur, nec proinde attritus differentiam affert. Aquariolum 26. pedibus & uno pollice erat altius lumine, luminis diameter erat 6. linearum, jactus ad altitudinem 24. pedum, & 2. vel 3. pollicum affurgebat; ampliato autem lumine, ut diameter 10. linearum evaserit, jactus altitudo tantum 23. ped. 9. pol.

(a) L. 2. de Mot. Proj. p. 192.

9. pol. fuit: in priori casu fistula erat amplior respectu luminis, quam in posteriori.

2. Oportet ut foramina epistomiorum eandem amplitudinem, ac fistula, habeant, adeo ut hæc in tota sua longitudine ubivis æque capax maneat.

3. Quo Lumina ampliora, eo jactus fit altior.

Tennis jactus ab Aere facile in guttas discerpitur, in primis si magna cum celeritate ascendat: Magnus ex lato Lumine jactus, est solidior, facilius per Aerem penetrat; non discerpitur ab eo in guttas: idcirco nisi Lumina sint ampla, jactus altissimi excitari nequeunt. Jactus magni minori attritui Luminis subjiciuntur, quam tenues: sunt enim soliditates jactus, uti sunt quadrata diametrorum, & attritus modo sunt uti diametri. Verum & Luminum amplitudo videtur suos limites obtinere.

4. Lumina in plana lamella metallica, valde tenui, tubo directe imposita, jactum maxime regularem, minimoque cum attritu transmittunt; si vero canalibus imponantur tubi Conici vel Cylindrici, jactus non tam alti egeruntur, propter attritum majorem longorum parietum; tum quia nimis ampliantur jactus, atque in iis particulæ motu valdequam inordinato feruntur. Cum tamen jactus non admodum alti sunt, parum refert, utrum lumen lamellæ, an canali fuerit insitum.

C A P. XXIV.

*De Corporibus Firmis Fluido immersis, & Gravitate
Corporum specifica.*

§. 650. **U**T hæc doctrina clare intelligatur, in memoriam revocanda sunt, quæ §. 40. de Corporum Densitate diximus, quæ quantitas materiæ est sub corporis extensione, adeo ut illud corpus duplo triplove densius altero vocetur, quod sub pari extensione duplo triplove plus materiæ comprehendat.

§. 651. Extensionem corporis nonnulli insignant quoque nomine *Voluminis vel Magnitudinis*.

§. 652. Gravitas corporis, comparata cum illa in altero corpore, paris voluminis, appellatur *Gravitas specifica*.

§. 653. Quoniam quicquid est corporeum in corporis volumine, densitatemque constituit, grave est, erunt Densi-

tas & Gravitās specifica in eadem ratione ; quod corpus proinde duplo densius est altero , gravitatē specificā duplo maiorem altero habebit.

§. 654. Si duo corpora eandem gravitatē specificā habuerint , erunt eorum pondera in ratione voluminum.

§. 655. Si duo corpora A & B densitate & volumine differunt , erit quantitas materiæ in A ad eam in B , in ratione composita ex densitate in A ad eam in B , & volumine A , ad volumen B.

Sint tria corpora A , C , B , quorum quantitates materiæ diversæ vocentur Q , q , r . Sint vero volumina corporum A & C æqualia , & vocata V , volumen corporis B fit v . Densitas corporis A ponatur D , & corporum C & B par densitas vocetur d . Tum erit quantitas materiæ in A , ad eam in corpore C , uti densitas in A ad densitatem in C , quia sunt volumina æqualia , sive erit Q , q :: D , d . Erit etiam quantitas materiæ in C , ad eam in B , uti volumen Corporis C , ad volumen corporis B , quia densitates sunt pares : hoc est q , r :: V , v . Multiplicatis utriusque proportionis in se terminis Antecedentibus & Consequentibus , habentur producta Q q . q r :: D V . d v . prioribus terminis divisīs per communem quantitatem q , non mutatur proportio , tum vero stabit Q , r :: D V , d v .

§. 656. Quamobrem facta multiplicatione terminorum mediorum & extremorum per se , erit $Q d v = r D V$, & ordinando in proportionem erit d , D :: V r , v Q . Sive Densitates Corporum sunt in Ratione composita ex directā quantitatum materiæ , & reciproca voluminum .

§. 657. Quia d , D :: V r , v Q , dividatur ultima ratio quantitate V v ; erit d . D :: $\frac{V r}{V v} \frac{v Q}{V v} :: \frac{r}{v} \frac{Q}{V}$ hoc est , sunt corporum densitates , uti quantitates materiæ , divisæ a suis voluminibus .

§. 658. Vel aliter eandem ordinando proportionem , erit , v , V :: r D , Q d . Sive erunt volumina in ratione composita ex directā Quantitatum materiæ , & reciproca Densitatum .

§. 659. Quoniam pondera corporum sunt uti Quantitates materiæ , poterunt pondera substitui pro his quantitātibus designatis ope litterarum Q , r . Vocentur itaque pondera P , p , erit ,

P , p :: D V : d v . hoc est pondera corporum inæqualium

lium sunt in ratione composita voluminum & densitatum.

§. 660. Si igitur pondera fuerint æqualia, erit $DV = dv$; his in proportionem positis, erit, $D, d :: v, V$. five erunt Densitates in ratione reciproca Voluminum.

§. 661. Quoniam vero uti sunt corporum Densitates, ita quoque sunt eorum Gravitates specificæ, per §. 653. erunt, positis duorum corporum ponderibus æqualibus, Gravitates specificæ in ratione reciproca Voluminum.

§. 662. Quoniam §. 659. est $Pdv = pDV$, erit $v : V :: pD : dP$, & ultimam rationem dividendo quantitate dD ,

erit $v, V :: \frac{pD}{dD}, \frac{dP}{Dd} :: \frac{p}{d}, \frac{P}{D}$, five erunt volumina cor-

porum, uti eorum pondera, divisa a suis densitatibus, vel gravitatibus specificis.

§. 663. Est hæc regula magnæ utilitatis, quia cognito pondere alicujus irregularis corporis, ejusque gravitate specifica, exemplo ejus magnitudo cognosci potest, quæ est

æqualis $\frac{P}{D}$. Habeamus quædam fragmenta coralliorum ru-

brorum, ponderis 7 unciarum: inspiciatur Tabula annexa huic capiti, continens multorum corporum gravitates specificas; ibi Coralliis adscribitur numerus 2, 689. Est Tabula ita constructa, ut Aqua posita æqualis 1000 capi queat pro 1000 Unciis, quæ pondus pedis Cubici aquei efficiunt, adeo ut omnes numeri in Tabula uncias pedis Cubici cujuslibet corporis designent: genus ponderis vocari solet *averdupois*. In nostro exemplo pondus 7 Unciarum dividatur gravitate specifica, five 2, 689; ita habebitur magnitudo Coralliorum sub pede cubico: sed hic pes continet 1728. pollices cubicos, (a) adeoque hi multiplicent 7, &

productum divisum a 2689, dabit 4 $\frac{1340}{2689}$ pollices cubicos

pro magnitudine coralliorum. Hæc generalia præmittenda erant ad pleniorum eorum, quæ sequuntur, intellectum.

§. 664. Consideremus igitur Corpora Firma, quæ in Fluido poni possunt. Hæc sunt, vel ejusdem Gravitatis specificæ ac Fluidum, vel majoris, vel minoris: quo ordine tres casus sunt examinandi.

Z 4

§. 665.

(a) Vide adnot. ad §. 28.

§. 665. Si corpus firmum A fuerit paris Gravitatis specificæ ac Fluidum, quo immergitur, id nec pessum ibit, nec exstabit, sed cum æquatur fluido, in quocumque loco positum sub ejus superficie hærebit quietum.

Concipe Fluidum in vase BCDE, (Tab. 9. Fig. 16.) divisum in columnas, æquales illi, in qua est corpus A, erit pars ZA aequæ gravis, ac vicina BF; AQ aequæ gravis, ac FK; QX aequæ gravis ac KC, idemque obtinebit in omnibus columnis; quare tota columna ZX, paris ponderis ac BC, tantum nititur deorsum, ac elevatur a BC; ergo cum neutra res alteri cedit, nec descendet, nec adscendet; & quia omnes æquales partes in utraque columna sunt aequæ graves, quantum nititur AQ deorsum, tantum elevatur ab FK; & cum id æquilibrium obtinet ubique, nulla pars adscendet, nec descendet; ergo nec corpus A, quod idcirco hærebit in quiete (1).

§. 666. Ex hac Hydrostatica Lege patet apodictice, & dari Vacuum, & fictitium Æthera non existere: nam id universale Fluidum, omnia ambiens, etiam impleret omnes corporis firmi poros; cum vero omnis materia sit aequæ gravis, ex §. 214. & 215. quicquid est firmum, ejusdem gravitatis specificæ cum hoc Fluido foret; adeoque nec in eo adscendet, nec descendet, sed ubicunque positum, quiescet; quod adversatur phænomenis, quæ ubivis in corporibus gravibus observantur.

§. 667.

(1) Idipsum ita fortasse aptius deducetur. Cum solidum intra fluidum immittitur, tantundem fluidi sursum attolli necesse est, quantum implet locum a solido occupatum, seu quantum fluidi sub solido mole continetur. Demersum itaque solidum vincere sua vi & pondere debet resistantiam, quam exclusa fluidi moles ad ascensum habet ratione suæ gravitatis. Hæc præterea fluidi moles e loco suo deturbata in solidum reagit tanta vi, quanta ponderis sui quantitatem æquat: atque ita solidum, & ea fluidi moles se mutuo sustinebunt. Quamobrem 1. si fluidum ejusdem fuerit cum solido gravitatis specificæ, æqualis erit solidi, & fluidi e suo loco exclusi vis sustinens, atque adeo in æquilibrio ambo manebunt, neutro præpollente

alteri. 2. Quod si fluidum majorem habeat præ solido specificam gravitatem, id vi externa premente demersum, hac remota, extolletur a majori vi & pondere fluidi e loco suo exclusi, siue ponderis excessu supra solidi pondus deorsum reuentis: ac tunc demum consistet solidum, donec tanta ejus magnitudinis pars immersa maneat, quantum habens e loco suo deturbata fluidi quantitas, ejusdem sit cum solido ponderis; eo enim casu tantum æquilibrium manet inter solidum & elevatam fluidi quantitatem. 3. Simili ratione si gravitas solidi specifica, fluidi specificam gravitatem superaverit, usque ad vassum fundum ruet solidum excessu gravitatis suæ specificæ supra fluidi specificam gravitatem.

§. 667. Hæret ergo corpus A in hoc Fluido in æquilibrio, poteritque a causa, quæ valet partes Fluidi a se separare, moveri sursum, deorsum, lateraliter, & secundum quamcunque directionem. Hinc intelligimus, quamobrem labrum Aquæ plenum, & Aqua mersum, vi admodum exigua usque ad superficiem attolli possit.

§. 668. Si corpus A (Tab. 9. Fig. 16.) fuerit, antequam Fluido immergebatur, ex balance suspensum, & reductum ad æquilibrium, postquam sub Fluidi subsedit superficie, totum pondus amisisse videbitur. Nam quantum A in Fluido gravitat deorsum, tantum elevatur a fluido FK sursum; quamobrem effectus descensus impeditur, nec A balancem deprimit. Nihilominus retinet A suum pondus, quo deorsum nititur, quemadmodum FK contrario nisu probat, ut pondus vasis BCDE auctum.

§. 669. Si corpus A hæserit ad fundum vasis X, tam arte applicatum, ut nulla pars Fluidi inter A & X interfluat, non poterit A elevari, nisi a Potentia, superante pondus corporis A, & totius columnæ incumbentis ZX.

Est enim corpus A in hoc casu, non diversum a fundo vasis, cui tota columna ZX insistit, secundum §. 593.

§. 670. Ea, quæ huc usque demonstravimus de corpore Firmo A, obtinebunt quoque, si A fuerit Fluidum ejusdem specificæ gravitatis, ac Fluidum alterum, in quo hæret, veluti videre est in guttis Oleorum, Vino immixtis.

§. 671. Si corpus A (Tab. 9. Fig. 16.) fuerit majoris gravitatis specificæ, quam Fluidum, quo immergitur, subsidebit per Fluidum, donec ad fundum vasis pervenerit.

Cum enim Fluidum ZA, QX, sit æquilibratum cum vicinæ columnæ Fluido BF, KC, Fluidum hujus FK minus gravitat deorsum, quam corpus gravius A Q: hoc idcirco prævalens subsidebit, elevabitque Fluidum FK; cumque eadem ratio obtineat in omni loco, quem corpus in columna ZX occupat: descendet A Q usque ad fundum vasis.

§. 672. Idem continget, si loco corporis Firmi A sumatur Fluidum, modo non cito cum leviori permisceatur.

§. 673. Quatenus corpus firmum A sub suo volumine parem gravitatem cum Fluido in FK, habet, sustinetur ab eo, subsidet vero tantum excessu gravitatis in suo volumine, supra eam in FK: Solet hic excessus a nonnullis appellari *Gravitas Respectiva*.

§. 674.

§. 674. Si proinde corpus firmum A ex filo suspensum, & sub Fluidi superficie a Potentia, sive in Fluido, sive extra illud, sustineatur, requiritur modo hæc æqualis Gravitati respectivæ, reliquo corporis A pondere a Fluido sustentato.

§. 675. Videtur proinde corpus A in Fluido amittere pondus, quod Fluidum sub pari volumine cum corpore A habet. Quod confirmatur, si cylindrum solidum ex alio, cujus cavitas priorem capit, ad balancem suspendimus; facto enim prius in Aere cum his ambobus æquilibrio, solidus cylindrus Fluido immergatur; sublatum erit æquilibrium, quod redit, simulac eodem Fluido cavus Cylindrus impletur. Vel Cylindrus cavus, aquæ plenus, pendeat ex altero Libræ capite, ex altero cylindrus solidus, & ponderibus ab utraque parte constituatur æquilibrium; dein cylindrus solidus aquæ immittatur, destructum erit æquilibrium, quod redit, effusa omni aqua ex cylindro cavo.

§. 676. Quo igitur Fluidum gravius est, cui corpus A immittitur, eo majorem sui ponderis partem amisisse videbitur A: quo Fluidum levius est, eo gravius mansisse videbitur A.

§. 677. Quamobrem ope corporis A, variis immerfi Fluidis, Gravitas Fluidorum specifica pulcherrime detegi potest; est hæc enim semper, uti est pondus corporis A in Fluidis amissum. Suffragatur Experientia optime huic methodo, qua usi fuimus in determinandis gravitatibus specificis Fluidorum, quas in Tabula sequenti exhibemus.

Bulbus solidi vitri & cujuslibet figuræ C (Tab. 9. Fig. 17.) sumitur, hic ex seta equina suspensus, ad balancem reducitur ope ponderis E, in Aere ad æquilibrium, tum immisus Fluido, pondus amittit; sed tantundem imponitur lanci F, donec redeat æquilibrium; pondus hoc in F notetur; est enim id, facto periculo in variis Fluidis, eorum Gravitas specifica. Si corpus G fuerit Cubus, cognoscitur hac methodo, quantum sit pondus cujuslibet Fluidi, sub volumine Cubi, & proinde sciri potest fluidi pondus sub dato quocunque volumine (1).

§. 678.

(1) Atque hinc x. methodus eruitur, qua dignosci possit, an partes fluidi inferiores a superioribus comprimentur nec ne, sitque adeo

fluidum elasticum an secus. Solidum quippe majoris præ fluido gravitatis specificæ filo suspensum ad diversas intra fluidum altitudines de.



§. 678. Erui nunc quoque gravitas specifica omnium corporum firmorum poterit: ponderetur corpus A prius in Aere, deinde in Aqua, tum gravitas specifica corporis est ad eam Aquæ, veluti pondus corporis in Aere ad pondus amissum: sit hoc uti 10 ad 1. Aliud corpus B in aere habeat pondus, quod est ad illud in Aqua amissum, veluti 3 ad 1; erit gravitas specifica corporis A, ad eam B, veluti 10 ad 3. Vel obtineri hoc modo potest: Pondus corporis in aere dividatur pondere, quod corpus in aqua amittit, & habebitur corporis gravitas specifica. Nam ponatur gravitas specifica Aquæ = 1. iactura ponderis, quam patitur corpus in aqua vocetur Q, & pondus corporis

demergatur; si ejus idem semper manet pondus, seu eadem gravitas respectiva, indicio est id fluidum ejusdem esse ubique densitatis; secus vero si ad majorem altitudinem minor ejus deprehendatur gravitas respectiva; erit vid. ejus fluidi major densitas, atque adeo major gravitas specifica in inferioribus locis præ superioribus. Tentatum id est a P. de Lanis in vase duorum pedum altitudinis aquæ pleno, deprehensumque est globum vitreum per totam vasis altitudinem constanter 18 grana pendisse; nisi quod ad infinitam aquæ profunditatem dimidium grani ex eo pondere decedisse reperit; ex crine equino scil., quo globus sustinebatur, intra aquam demerso, eo orto decremento. Hinc colligitur inferiores aquæ partes a superioribus haud compressionem pati: at oporteret idem experimentum in majoribus etiam profunditatibus instituire.

2. Hinc adhuc liquet methodus, qua adulteratio aureæ monetæ dignosci facile possit. Inveniat scil. pondus similis monetæ, de cujus bonitate nullum sit dubium, primum in aere, tum in aqua; ejusque ponderis decremento accurate notato, exploretur in aqua, quantum ponderis dubia moneta amittit: Si enim idem fuerit utriusque monetæ ponderis de-

crementum in aqua, nulla esse potest adulteratio, quippe utraque moneta ejusdem erit molis & ponderis, atque adeo ejusdem densitatis, & speciei. Quod si majus sit ponderis decrementum monetæ dubiæ, indicium tum erit majorem ejus esse molem, quam veræ monetæ sub æquali utriusque pondere in aere; atque adeo aliquid levioris metalli cum auro permixtum ei esse; in quo posita est aureæ monetæ adulteratio.

3. Si duo solida sub eodem pondere in aere, diversam habuerint molem atque adeo densitatem; eaque in vase aere vacuo porro pendantur, æquilibrium non remanebit, majoris molis corpore præpollente alteri; quia scil. in aere majorem ponderis partem amittit corpus majori volumine donatum, quam quod sub minori est volumine; hinc ablato aere majus pondus restituitur corpori majoris molis, quam alteri minore mole prædito. Paret etiam cur non maneat æquilibrium in aqua, quod obtinebat in aere inter duo corpora densitatis diversæ, veluti inter aurum & stannum, ita quidem ut quod minori volumine donatur corpus alteri præponderet; quod scil. in aqua majorem ponderis partem amittit corpus majori donatum volumine, quam quod minori præditum est.

in aere sit P , erit $Q.P.::1.$ $\frac{P}{Q}$; nam gravitas aquæ, ejus-

dem cum corpore voluminis, est ad pondus corporis, ut gravitas specifica aquæ, est ad gravitatem specificam corporis. Habeamus molem stanni, ponderis 300 gran., in aqua amittat pondus 40, 5 gran. divide proinde pondus 300. quantitate 40, 5, quotiens erit 7, 4, quæ est gravitas stanni specifica.

§. 679. Si duo corpora firma paris voluminis, sed diversæ densitatis, eidem Fluido immittantur, erit pondus eorum amissum idem: sint enim omnia æqualia corpori A , (*Tab. 9. Fig. 16.*) adeoque tantum de suo pondere amittunt, quantum gravitat Fluidum FK . Probamus hoc Filis Metallicis æqualis voluminis, sed diversissimæ densitatis. Ex his sequitur, quod, quomodocumque densitates corporum inæqualium inter se differant, si eodem Fluido immergantur, erunt eorum pondera amissa in ratione voluminum.

§. 680. Interim si vas $BCDE$, aliquousque Fluidi plenum, ex balance suspensum, ad æquilibrium sit reductum, & ex filo pendeat sub Fluido corpus A , tum tantum ponderis vasi accessisse videbitur, quantum gravitat Fluidum sub volumine corporis A ; quia corpus A tantum gravitat deorsum, quantum elevatur ab æquali copia Fluidi FK ; adeoque idem præstat ac si tantundem Fluidi affunderetur vasi: Gravitas autem respectiva corporis a filo, e quo pendet, sustinetur (1).

§. 681. Si duo corpora fuerint paris in aere ponderis, sed gravitatis specificæ discrepantis,mersa hæc sub eodem fluido, habent jacturam ponderis in ratione inversa gravitatis suæ specificæ.

Tantum enim de suo pondere in Fluido amittit corpus, quan-

(1) Quod si una cum vase fluidi pleno, e balance ope fili pendeat quodque corpus A , ita ut ejus gravitas respectiva ad æquilibrium conferat; absciso tum filo, quod corpus A sustinebatur, tollitur æquilibrium, sursum se elevante vase, nec restituetur, donec ad fundum vasis corpus pertigerit. Cum enim corpus descendit, gravitas ejus respectiva ad descensum cogit corpus, in eoque impenditur tota; neque adeo in balancem agit, nisi cum ad fundum pervenerit. Atque

hinc intelligitur ratio, cur decidente pluvia, aer aliquanto levior sit, quam cum cælum sudum est, vel nebulosum, uti observationes barometricæ constantissime ostendunt. Ante imbrem liquidum totum vaporum pondus atmosphæræ addebatur, inter imbrem vero eorum ponderis pars tantum ad Atmosphæram accedit, pars vero reliqua ad decidendum impenditur, qua proinde parte Atmosphæræ gravitas diminuitur, atque ita levior evadit.

quantum sub eodem volumine ponderat Fluidum: sed volumina corporum aequae gravium & variae gravitatis specificae, sunt ad se mutuo in ratione inversa gravitatis specificae per §. 661.; adeoque eodem modo erit iactura ponderum constituta. Capiantur duae moles, altera plumbea, altera stannea, ponderis 200 granorum, harum gravitates specificae sunt uti 112 ad 74. Plumbum sub aqua ponderatum amittit 35, 5 gr. Stannum sub aqua amittit 54 gr. sed est 35, 5 ad 54 :: 74, 112. hoc est, iactura ponderum est in ratione inversa gravitatum specificarum in corporibus.

§. 682. Si corpus firmum A, (Tab. 9. Fig. 16.) specificè gravius Fluido, cui immittitur, supra se Fluidum premens non experiatur, potest ea altitudine in Fluido immergi, ut non descendat: & si profundius deprimatur, ascendant. Concipe Fluidum ZA abesse, erit in quiete & æquilibrio corpus A, si columnæ AQ & QX sint ejusdem ponderis, quam vicina columna BC; tum enim tantopere premitur corpus A sursum a Fluido BK, quantum hoc gravitat deorsum.

§. 683. Si A profundius ponatur, ita ut columna AQ & QX sit levior, quam vicina columna BC, descendet BC, elevatura eam XA, adeoque ascendet corpus A. Demonstramus hoc ope solidi metallici congruentis cum cylindro cavo, cui adnexus est tubus, impediens quominus Fluidum superius solido incumbat.

Hinc intelligitur, quomodo naves construuntur ex metallis gravioribus possint; tum quomodo gravissima solida, ut in Fluido natent, disponi possint; tum quomodo Insulae & materia vefcabili in lacubus natent, quales memorantur in Lydia, (a) ad Cutillas, in Vadimonis lacu, in lacu Stationensi, in Hiberniæ lacubus &c.

§. 684. Si corpus firmum A, (Tab. 9. Fig. 18.) fuerit specificè levius Fluido, cui imponitur, subsidet aliquousque, nempe quantitate AK, donec volumen Fluidi, æquale parti immersæ, eandem gravitatem, ac totum corpus A, habeat.

Sit Fluidum divisum in columnas, quarum bases æquales illi corporis A, non prius quiescent columnæ, quam cum sibi æquilibratæ erunt; erit igitur columna XAB æque gravis, ac vicina EB; verum partes ZB, KB utriusque æquales, sunt æque graves; quamobrem pars EZO æqua-

(a) Seneca L. 3. C. 25. Q. N.

æqualis volumini Fluidi, a corpore A ex loco pulsi, erit ejusdem ponderis, ac corpus A.

§. 685. Si igitur corpori eidem A (*Tab. 9. Fig. 18.*) adhuc pondera imponantur, subsidet profundius in eodem Fluidi; eruntque semper partes ejus immerse, uti corporis pondera.

§. 686. Quia Fluidum EZ vel AK, ejusdem ponderis ac corpus A est: erit Gravitas specifica Fluidi, ad eam corporis A, veluti magnitudo tota corporis A, ad ejus partem immersam AK.

§. 687. Idem corpus A, impositum Fluidis diversæ densitatis, ad varias altitudines in iis subsidet; eo majores, quo Fluidum est levius: eo minores, quo Fluidum est gravius.

Nam expulsum Fluidum AK, semper erit æque grave, ac corpus A: proinde manente A semper eodem, erit AOK volumen eo minus, quo Fluidum est densius.

§. 688. Huic fundamento innititur Hydrometrum vulgare ex Vitro, vel Metallo confectum, variisque usibus destinatum: Id enim impositum Cerevisiæ, subsidebit modo ad A (*Tab. 9. Fig. 19.*); in Aqua, quæ levior est, usque ad a; in Vino generoso ad b; in spiritu Vini ad c: cognosci igitur ejus ope poterit varia Fluidorum Gravitas specifica. Hæc methodus in praxi rudiori sufficit, verum nequaquam est adeo accurata ac illa, quam indicavimus §. 677.

§. 689. Si corpus A (*Tab. 9. Fig. 18.*) fuerit Cylindrus, vel Prisma, immersum variis Fluidis, notatæque fuerint altitudines, ad quas A in iis subsederit, erunt Gravitates specificæ Fluidorum, in ratione inversa altitudinum, ad quas subsederit A.

Descendat enim A in Aqua, quantitate AK vel EZ; in vino quantitate AS; erit columna Aquæ EZ, æque gravis ac columna Vini AS; quare per §. 661. gravitas specifica Aquæ erit ad eam in Vino, ut AS ad EZ (1).

§. 690.

(1) Idipsum ita demonstrare libet. Sint etherogenea fluida (*Vide fig. 38. Tab. 2. Addit.*) GKZX, XHLZ; sintque duo solida iis immersa omnino similia, æqualia, & homogenea AO, DF, puta parallelepipedum figuram habentia. Solidum AO immergatur suæ magnitudinis parte NOCB, solidum vero DF parte MBFE. Enimvero per §. 686. gravitas specifica fluidi GZ est ad gravitatem specificam solidi OA, ut

integra ejus solidi moles ad demersam partem CC: præterea gravitas specifica solidi CA, vel FD, est ad fluidi XL specificam gravitatem, ut pars magnitudinis EF ad integram ejusdem solidi magnitudinem. Ergo ex æquo perturbate erit gravitas specifica fluidi XK ad gravitatem specificam fluidi XL; ut reciproce pars demersa EF, ad partem demersam BC, seu ut altitudo EF ad altitudinem BC.

§. 690. Si corpus A, sub Fluido ad aliquam profunditatem fuerit submersum, ita tamen, ut undique ambiatur a Fluido, adscendet sursum motu accelerato; quia columna Fluidi vicina descendit motu accelerato, suoque descensu corpus A elevat; idcirco ex superficie Fluidi cum impetu enatabit A; verum non prius in superficie fluidi quiescet, quam cum subsederit ad altitudinem in §. 684. assignatam.

§. 691. Si vero corpus A fuerit immersum Fluido graviore, vis, quæ illud ibidem retinet, sive deprimendo, sive trahendo deorsum, requiritur æqualis excessui Gravitatis, quam Fluidum, sub eodem volumine cum corpore A, habet.

§. 692. Quamobrem idem corpus A, variis immersum Fluidis, diversis viribus quoque sursum adscendere nitetur, eo majoribus quo Fluidum est gravius; eo minoribus, quo Fluidum est specificè levius.

§. 693. Si fuerint duo Solida A, B, ejusdem ponderis, sed diversæ densitatis, quæ eidem Fluido, ipsis specificè graviori imponantur, erunt partes eorum immerse æquales.

Non eorundem ponderum corpora, cum eadem quantitate Fluidi æquilibrium agunt.

§. 694. Si fuerint duo Solida ejusdem voluminis A, B, quæ imponantur eidem Fluido, specificè graviori, habebunt gravitates specificas in ratione partium immerfarum.

Est gravitas specifica A, ad eam Fluidi, ut pars immersa A, ad volumen A. Est gravitas specifica B, ad eam Fluidi, ut pars immersa, ad volumen B: sed volumen A est \equiv B; adeoque Gravitates specificæ in A, ad eam in B, est ut pars immersa A, ad partem immerfam B.

§. 695. Sit vas duplici impletum fluido, huic injiciatur corpus firmum, quod specificè gravius fluido superiori, sed levius fluido inferiori; tum id corpus mergetur sub fluido leviori, sicut in graviore aliquousque. Profunditas ad quam sidit in inferiori fluido, est ad totam corporis magnitudinem, veluti discrimen inter gravitatem specificam corporis firmi & fluidi superioris, ad discrimen gravitatis specificæ inter utrumque fluidum.

Pars corporis firmi, quæ penetrat in fluidum gravius, vocetur A, ejus altera pars hærens in fluido leviori vocetur B, gravitas specifica graviore fluidi vocatur a, & levioris

vioris fluidi sit b ; tum per §. 659, erit pondus fluidi pro parte B, ut volumen B multiplicatum in gravitatem specificam, sive Bb ; & ita pondus fluidi pro parte A est uti Aa . Sit jam gravitas specifica corporis dicta c ; erit hujus pondus $Bc + Ac$; adeoque debet esse $Aa + Bb = Ac + Bc$; hinc $Aa - Ac = Bc - Bb$; unde $A, B :: c - b, a - c$; & $A, A + B :: c - b, a - b$.

Corpora, quæ aquæ innatant, siderunt per aerem, & ingredientur aquam ad aliquam tantum profunditatem; profundius autem siderent, si in vacuo ponerentur, quamobrem hæc regula fere semper observanda est.

§. 696. Si corpus innatat Fluido, centrum gravitatis partis immersæ perpendiculariter jacebit sub centro gravitatis in parte eminente, ceteroquin corpus non quiescet: si enim corpus a superficie fluidi concipiat in duas partes divisum, & omnia ponantur quæta, directio centri gravitatis in parte superiori debet transire per centrum gravitatis in parte inferiori, vel pars superior non sustineretur, adeoque volveretur; sed ponitur quiescere; ergo ambo centra gravitatis jacent in eadem perpendiculari.

§. 697. Quæsierunt Philosophi diversas Methodos eruendi Gravitates corporum specificas, præstantissimam in Fluidis dedimus in §. 677. quæ sufficit; lubet tamen inventa aliorum attingere.

Sumtus fuit tubus bicuralis CBDE, (Tab. 9. Fig. 20.) crus BD horizonti parallelum sit, huic infusa fuerunt duo Fluida ABF, EDF quæ sibi æquilibrata quiescunt. Est gravitas specifica Fluidi ABF, ad eam in EDF; uti altitudo ED, ad AB per §. 660. In praxi non valet hæc methodus, 1. cum dentur plurima Fluida, quæ illico secum permiscuntur. 2. vel inter se effervescent. 3. propter attractionem Fluidi ad latera tubi vera altitudo in A & E observari nequit.

§. 698. Alii modo vas determinatæ cavitatis, cognitque ponderis sumserunt, id impleverunt Fluido, tum ponderarunt in balance; idque cum omnis generis Fluidis repetendo, habuerunt eorum Gravitatem specificam. Simplissima est hæc methodus, sed nequaquam valet, cum fieri nequit, ut quis accurate Fluido vas impleat, superficie Fluidi vel concavam vel gibbosam figuram induente. Remedium afferre conatus fuit Cl. Hombergius, phialam capi-
piendo A, (Tab. 9. Fig. 21.) cum collo ampliori C, &

langu.

angustiori tubo D, in quo vera altitudo Fluidi observaretur. Sed Attractio Vitri diversa in varia Fluida, impedivit, quominus vera altitudo Fluidi in C, ope tubuli D, notari potuerit.

§. 699. Alii tubum bicruralem parte superiori D (Tab. 9. Fig. 22.) applicuerunt Antliæ pneumaticæ, & duo vascula A, B, diversis Fluidis impleverunt, quibus tubi crura sunt imposita, educto aliquousque interno Aere, ascendit v. gr. Fluidum ex vasculo A, ad altitudinem AC; ex vasculo B ad BE, pressum a pondere eodem Atmosphæræ, extrinsecus incumbentis; quare erit gravitas specifica Fluidi A, ad eam B, uti EB, ad AC. Pulchra satis methodus est, si modo tubi non exercerent vim attrahentem in Fluida diversam; 2. & si observari vera altitudo posset: verum sunt Fluidorum superficies ad C, & E plus minusve concavæ, imo & convexæ, veluti in Mercurio: quare & hæc methodus rejecta fuit.

§. 700. Solidorum Densitates, & specificas gravitates illico detegimus, ea redigendo ad æqualia volumina, & tum in balance ponderando, erunt per §. 662. gravitates specificæ uti pondera.

§. 701. Si vero reduci nequeant in volumina æqualia, veluti Salia, Arenæ, aliique pulveres; prius hæc in vasculo in Aere ponderentur, dein præcognito pondere, quod vasculum in Fluido amittet, immittantur Aquæ, Oleo Terebinthinæ, vel Spiritui Vini subtilissimo, aliive Fluido, non solventi pulveres, exploretur pondus amissum; erit hoc æquale ponderi illius Fluidi, sub eodem volumine cum pulveribus, per §. 675.; adeoque erit Gravitas specifica pulverum, ad eam Fluidi, veluti pondus pulverum in Aere, ad aliud, quod amissum est in Fluido.

Si igitur cognoscatur Gravitas Fluidi in dato volumine, per §. 677. cognosci potest gravitas specifica pulverum, respectu aliorum Solidorum.

§. 702. Si autem corpus explorandum sit fluido levius, non posset sub fluido mergi, ideo adnectitur corpori specifice graviori fluido, ut ambo juncta sidant; sciamus jam, quantum corpus gravius solum in aere ponderet, & in fluido de suo pondere amittat: tum quantum corpus levius ponderet, & quantum cum graviori junctum, sub fluido de suo pondere amittat, erunt pondera amissa æqualia ponderi fluidi sub voluminibus corporum: pondus amissum gravissimi corporis subtrahatur e pondere amisso a

juncta mole, & dabitur pondus fluidi sub magnitudine levioris corporis : estque hoc pondus ad pondus levioris corporis in aere, ut gravitas specifica Fluidi, ad gravitatem specificam corporis levioris.

§. 703. Utilitas hujus doctrinæ ingens est, in distinguendis puris metallis ab impuris, aut adulteratis ; in cognoscendis veris Gemmis & spuris ; & quibuscunque aliis corporibus, tam Firmis, quam Fluidis. Sit enim Ducatus aureus, ponderis 60. granorum in aere, in aqua ponderatus amittit pondus 3., 285. granorum ; est igitur gravitas specifica nummi ad eam Aquæ, uti 60. ad 3., 285. In Tabula sequenti gravitas specifica Aquæ ponitur æqualis 1000. ; adeoque pono 3., 285. 1000. :: 60. 18., 261. ; video in Tabula Auri gravitatem specificam exprimi hoc numero ; quare concludo, nummum esse genuinum Aurum (a).

Sit Lapis filici similis, in Tabula ponitur filicis gravitas specifica ad eam aquæ, uti 2500. ad 1000. ; sed gravitas specifica lapidis ad aquam est, uti 4500. ad 1000. ; adeoque lapis non est purus lapis, sed aliquid metalli admixtum habet.

(a) *Vid. adnot. ad §. 677.*

T A B U L A

Continens nonnullorum corporum Gravitates
specificas.

A Urum purissimum,	19, 640.
— Aurea Guinea,	18, 888.
Aureus Ludovicus,	18, 166.
— Ducatus,	18, 261.
Mercurius Germanicus,	14, 000.
— Britannicus,	13, 593.
— Semel destill. a Boerhaavio.	13, 570.
— Cum auro purissimo unitus, & centenis vicibus destillatus.	13, 550.
— cum argento purissimo unitus, & centenis vicibus destillatus.	13, 580.
— cum plumbo unitus, in pulverem mutatus, dein resuscitatus.	13, 550.
	vicibus

— vicibus gr. destillatus.	14, 110.
— sublimatus coros.	8, 000.
— dulcis bis sublim.	12, 353.
— ter sublim.	9, 882.
— quater sublim.	8, 235.
Turbith minerale,	8, 345.
Cinnabaris nativa,	7, 300.
— factitia,	8, 200.
Plumbum Britannicum,	11, 325.
— Germanicum,	11, 310.
Plumbi calx,	8, 940.
— cerussa,	3, 156.
Plumbum ustum,	1, 666.
Lithargyrium Auri,	6, 000.
— Argenti,	6, 044.
Saccarum Saturni,	2, 745.
Argentum purum,	11, 091.
Argentum Hollandicum optimum,	10, 535.
— minoris valoris,	10, 340.
Cuprum Japoniæ,	9, 000.
— Sueciæ,	8, 784.
— Calcinatum,	5, 453.
Viride Aëris,	1, 714.
Aurichalcum fufum,	8, 000.
— tufum,	8, 349.
Tutia,	4, 615.
Chalybs mollis,	7, 738.
— durissimus,	7, 704.
— elasticissimus,	7, 809.
Sal Chalybis,	1, 830.
Ferrum,	7, 645.
Ens martis semel sublimatum,	1, 453.
— ter sublimatum,	1, 269.
Crocus Metallorum,	4, 500.
Stannum purum,	7, 320.
— Britannicum,	7, 471.
Antimonium crudum,	4, 000.
— Hungaricum,	4, 700.
Antimonii regulus Martialis,	7, 500.
— Veneris,	7, 500.
— Cinnabaris,	6, 044.
— Vitrum,	5, 280.

Bismuthum,	9, 700.
Marcasita,	4, 589.
Adamas,	3, 400.
Granatus Bohemicus,	4, 360.
— Seucicus,	3, 978.
Granati mimera,	3, 100.
Sardachutes,	3, 598.
Selenites,	2, 322.
Onyx,	2, 510.
Turcois,	2, 508.
Agatus Britannicus,	2, 512.
Lapis Grammatias,	2, 515.
— Nephriticus,	2, 894.
— Lazuli,	3, 054.
— Amianthus,	2, 913.
Carneolus,	3, 290.
Corallachates,	2, 605.
Hyacinthus,	2, 631.
Jaspis,	3, 666.
Silex pellucidus,	2, 641.
— vulgaris,	2, 542.
Marmor Italicum nigrum,	2, 704.
Marmor Italicum album,	2, 707.
— aliud,	2, 718.
Alabastrum,	1, 872.
Lapis Manati Jamaicae,	2, 270.
— alius,	2, 330.
— rufus Bremensis,	1, 666.
— caeruleus Namurcensis,	5, 000.
— Calaminaris,	5, 000.
— Judaicus,	2, 500.
Hæmatites,	4, 360.
Manganesia,	3, 530.
Osteocolla,	2, 240.
Cos Lotharingæ,	3, 288.
Lapis scissilis caeruleus,	3, 500.
Slate Hybernicus,	2, 490.
Lapis dictus Gallipot,	1, 928.
Talcum Venetum,	2, 780.
— Jamaicae,	3, 000.
Bolus Armena,	2, 727.
Terra Lemnia,	2, 000.
Carbo	

Carbo fossilis,	1, 240.
Ostreæ concha,	2, 092.
Muricis concha,	2, 590.
Lapis Bezoar Occidentalis.	1, 500.
— Orientalis,	1, 530.
Calculus vesicæ humanæ,	1, 700.
— vel,	1, 664.
Crystallus Yslandica,	2, 720.
— rupium,	2, 650.
Vitrum purissimum,	3, 150.
— viride vulgare,	2, 620.
— pro lagenis,	2, 668.
Sulphur vivum,	2, 000.
Sulphur vulgare,	1, 800.
Vitriolum Britannicum,	1, 880.
— Dantiscanum,	1, 715.
— album,	1, 900.
— rubefactum,	1, 900.
Sal Vitrioli,	1, 900.
Sal Gemmæ,	2, 143.
Nitrum,	1, 900.
— fixum,	2, 745.
Sal prunellæ,	2, 148.
Sal polychrestum,	2, 148.
Alumen	1, 714.
Borax,	1, 720.
Tartarus crudus,	1, 849.
Tartari cremor,	1, 900.
Tartarus Vitriolatus,	2, 298.
— Emeticus,	2, 246.
Sal Ammoniacum purum,	1, 453.
— volatile Cornu Cervi,	1, 496.
— mirabile Glauberi,	2, 246.
— Guajaci,	2, 148.
— Enixum,	2, 148.
Cornu Cervi,	1, 875.
Ebur,	1, 825.
Cornu Rhinocerotis,	1, 242.
— Bovinum,	1, 840.
Ossa Ovis recentia,	2, 222.
— Bovis sicca.	1, 656.
Oculi Cancrorum veri,	1, 890.

— Cancrorum spurii,	2, 480.
Corallia rubra,	2, 689.
— alba,	2, 500.
Lignum, Abies,	0, 550.
— Acer,	0, 755.
— Aloe,	1, 177.
— Brasiliense rubrum,	1, 031.
— Buxus,	1, 031.
— Campechiæ,	0, 913.
— Cedrus,	0, 613.
Coco putamen,	1, 349.
Ebenum,	1, 177.
Fagus,	0, 854.
Fraxinus in ramo,	0, 734.
— in stipite,	0, 845.
Guajacum,	1, 333.
Guajaci cortex,	1, 250.
Juniperus,	0, 556.
Mastichinum,	0, 849.
Nephriticum,	1, 200.
Prunus,	0, 663.
Quercus in caudice,	0, 929.
— in ramo viridi,	0, 870.
Rhodium,	1, 125.
Santalum album,	1, 041.
— citrinum,	0, 809.
— rubrum,	1, 128.
Sassafras,	0, 482.
Suber,	0, 240.
Taxus,	0, 760.
Ulmus,	0, 600.
Variegatum Virginiae,	1, 313.
Vitæ,	1, 327.
Radix Chinæ,	1, 071.
— Gentianæ,	0, 800.
Cortex Peruvianus,	0, 784.
Galla,	1, 034.
Ambra,	1, 040.
Agatus niger,	1, 238.
Camphora,	0, 996.
Cera flava,	0, 955.
Gummi Arabicum,	1, 375.
	Gum.

Gummi Tragacantha	1, 333.
Myrrha,	1, 250.
Opium,	1, 373.
Pix,	1, 150.
Resina Guajaci,	1, 224.
——— Scammonii,	1, 200.
Succinum pellucidum,	1, 065.
Thus,	1, 071.
Ichthyocolla,	1, 111.
Aqua pluvia,	1, 000.
—— destillata,	0, 993.
—— Marina.	1, 030.
—— putealis,	0, 999.
—— fluviatilis,	1, 009.
—— fortis,	1, 300.
—— regia,	1, 234.
Aer,	0, 001 $\frac{1}{4}$
Acetum Cerevisiæ,	1, 034.
—— Vini,	1, 011.
—— Destillatum,	1, 030.
Ammoniæ Gummi Tinctura,	0, 899.
Antimonii Butyrum,	2, 470.
—— Tinctura,	0, 869.
Balsamus de Tolu,	0, 896.
Corticis peruviani Tinctura,	0, 900.
Lac Bubulum,	1, 030.
—— Caprinum,	1, 009.
Oleum Ambræ,	0, 978.
Oleum Anethi,	0, 994.
—— Arantiorum,	0, 888.
—— Carui,	0, 940.
—— Caryophyllorum,	0, 034.
—— Cerae,	0, 831.
Cinnamomi,	1, 035.
—— Cumini,	0, 975.
—— Feniculi,	0, 997.
—— Hyssopi,	0, 986.
—— Juniperi,	0, 911.
—— Menthae,	0, 975.
—— Lini,	0, 932.
—— Nucis Moschatæ,	0, 948.

Olivarum,	0, 913.
Origani,	0, 940.
Pulegii,	0, 978.
Raparum	0, 853.
Rosmarini,	0, 934.
Sassafras,	1, 094.
Sabinæ,	0, 986.
Spicæ,	0, 936.
Tanaceti,	0, 946.
Terebinthinæ,	0, 792.
Tartari per deliquium,	1, 550.
Vitrioli,	1, 700.
Sanguis humanus,	1, 040.
Sanguinis serum,	1, 190.
Spiritus Ambræ,	1, 031.
Cornu Cervi,	1, 073.
Mellis,	0, 895.
Nitri communis,	1, 315.
Nitri Hermeticus,	1, 610.
Nitri cum Ol. Vitrioli,	1, 338.
Nitri dulcis,	1, 000.
Nitri Bezoardicus,	1, 315.
Serici,	1, 145.
Spiritus Salis Marini,	1, 130.
Salis dulcis,	0, 951.
Salis cum Ol. Vitrioli,	1, 154.
Salis Ammoniaci cum Calce,	0, 952.
Terebinthinæ,	0, 874.
Tartari,	1, 073.
Vini Rectificatus,	0, 866.
Vitrioli,	1, 203.
Vinum rubrum Pontacq,	0, 993.
Burgundicum,	0, 953.
Canariense,	1, 033.

§. 704. Differunt Gravitates specificæ, tam firforum, quam Fluidorum, tempore Æstivo & Hyberno: nam Æstate, Solis calore omnia sunt rarefacta, Hyeme a frigore condensata; nec æquali gradu mutantur omnia corpora, verum diversissimo: Comprobarunt hoc experimentis Cl. Hombergius & Eifenschmidi: Hujus Tabulam hic appono, in qua Pollicis Cubici Parisini pondus, quod ibi loci in usu est, exhibetur.

Æsta-

	Æstate.			Hyeme.		
	℥	℥	grana	℥	℥	grana
Mercurius,	7	1	66	7	2	14
Oleum Vitrioli,	0	7	59	0	7	17
Spiritus Vitrioli,	0	5	33	0	5	38
Spiritus Nitri,	0	6	24	0	6	44
Spiritus Salis,	0	5	49	0	5	55
Aqua fortis,	0	6	23	0	6	35
Acetum,	0	5	15	0	5	21
Acetum Destillatum	0	5	11	0	5	15
Spiritus Vini,	0	4	32	0	4	42
Lac bubulum,	0	5	20	0	5	25
Aqua fluviatilis,	0	5	10	0	5	13
Aqua putealis,	0	5	11	0	5	24
Aqua destillata,	0	5	8	0	5	11

C A P. XXV.

De Aqua.

§. 705. **C**onspectis nonnullis generalibus Fluidorum proprietatibus, admodum utile fore judicavimus, si propius inspiceremus tria Fluida, admodum universalia, nempe Aquam, Ignem, & Aerem: tum quia hæc possident pulcras & admirandas proprietates, tum quia insignem utilitatem nobis, aliisque corporibus terrestribus asserunt; adeo ut Philosophi attentione atque examine dignissima sint.

§. 706. Incipiamus ab Aqua, utilitatemque primum ejus breviter videamus: 1°. Omnibus Animalibus cedit potui, neque potest aliquod, utile vitæ & sanitati præparari potulentum, cujus maxima pars non sit Aqua. 2. Dissolvit cibos in ore, & causa omnium saporum, ab Animalibus perceptorum, existit: aridorum enim in sicco ore nullus est sapor. 3°. Est vehiculum omnis nutrimenti Animalis ad quascunque corporis partes. 4°. Causa Vitæ existit, cum sanguinem per vasa meabilem reddat, eumque diluat. 5°. Causa vegetationis, & incrementi omnium Vegetabilium existit. 6°. Sed nec Fossilia increverent in Terræ gremio, nisi Aqua partes nonnullas aliis afferret; nullus Lapis, Silex, Gemma daretur, nisi ex Aqua, cum terris permista, succus lapidescens præpararetur, qui aliis allapsus ter-

ris

ris in Saxa, & Silices convertitur. 7°. Piscium est vehiculum. 8°. Ut & navium, quibus mercaturam exercemus cum remotissimis populis. 9°. Pluviam format, quæ lapsa suo lavat Aerem: & ejus ope abluimus quasunque sordes. 10. Sed Fontium & Fluviorum sola est causa; atque ita movendis molarum alis, innumerisque aliis usibus Mechanicis inservit.

§. 707. Distinguitur Aqua ab omnibus aliis Fluidis, huc usque cognitis, quod sit Massa fluida, liquida, humida, insipida, inodora, limpida, lucida, coloris expers, exiguo calore volatilis, in igne non ardens, sed illum plerumque extinguens.

§. 708. Aquarum species ad sex referri possunt. 1°. E caelo decidit sub forma Pluviæ, Nivis, vel Grandinis. 2°. est Fontana. 3°. Fluvialis. 4°. Putealis. 5°. Paludosa. 6°. Marina.

§. 709. Pluvia, Nix, & Grando prius fuerunt Aqua, quæ a terræ superficie sub forma Vaporis ascendit, nubes composuit, atque ex alto relabitur in Terram: quomodo hæc fiant in Capite de Meteoris exponam.

§. 710. Pluvia, Nix, & Grando, & Vapores Aerei, excepti a Terra, in devexo fluunt, tum quoque a Terra sorbentur, eamque ad diversam penetrant altitudinem, pro varia illius conditione: Seneca vinearum diligens sessor affirmat (a), nullam pluviam esse tam magnam, quæ Terram ultra decem pedes in altitudinem madefaciat; ad loca maxima declivia defluunt hæ aquæ, si quæ ex iis erumpere possint, constituunt Fontes, qui altius humilisque suas Aquas projiciunt, pro diversa altitudine Scaturiginis Aquam colligentis.

Pluvia supra superficiem Terræ defluens, versus loca humiliora excavata, tum & erumpentes Fontes, constituunt Fluvios, horum Aqua igitur est Pluvia, vel Fontana, vel utraque. Fodiendo Terram in nonnullis locis ad majorem minoremve profunditatem, aliquando ducenum aut trecentum pedum, pervenimus ad stratum arenarium, quod spongiæ instar, Aquam imbibit, ejusque uberes præbet venas: Est hæc Aqua putealis, fluens per arenarum interstitia, ex lateralibus quibuscumque locis, ad puteum. Illa vero, quæ in amplis crateribus stagnat, atque tum ex Pluvia, Fontibus, Fluminibusque componitur, Paludosa est. Marina est, quæ amara, salsaque, Oceanum constituit.

§. 711.

(a) L. 3. C. 7. Qu. N.

§. 711. Aqua naturalis raro, aut forsitan nunquam, potest haberi pura, sed inquinatur subtilissimis omnium fere corporum terrestrium particulis: nam pluvia, dum per Aerem decedit, eam lavat, secumque defert tenerrimarum plantarum semina, animalcula in Aere natantia, Sales volatiles Aereos, subtiles terras, plurimæque alia, quæ in Aere volitare solent. Aqua Fontana, cum ex pluvia originem ducit, ea purior non est; & præterea inquinatur iis partibus, quas in Terra, quam perfluit, solubiles invenit, si ve hæc sint Terræ, Sales, Vitriola, Metalla, Sulphura, Saponēs, vel alterius generis corpora: Hinc Sulphurata, Ferrata, Aluminosa audit Aqua. Hæc evincunt Fontes Aciduli, multis in locis reperiendi, nam continent plerumque Vitriolum Ferri, ideo affusæ aquæ ad Gallarum solutionem, nigrescunt: id sæpe sub forma Ochreæ subsidet, ex aliis evolat: Aer has aquas nonnunquam putrefacit, & præceps dat vitriolum; hinc ab aere muniendæ, si diu conservandæ sunt. In Aquis Padanis invenitur Rubrica, Ochra, Æs, Sulphur, Vitriolum, Nitrum, Plumbum, Cærulea: in Britannia aquis Badensibus invenit Guidettus, docti quantitatem examinando, quinque uncias & tres drachmas lapidum, duas uncias & sesquidrachmam terræ cæruleæ & sulphureæ, tres uncias salis tam marini, quam niri. In aquis Pyramontidatur multum salis amari, Ferrum, & Terra calcaria. Hinc pro variis admixtis effectus producit Aqua diversos: Quæ Spiritibus abundat, inducit temulentiam, ac si merum quis bibisset, veluti narratur de Fonte prope oppidum St. Baldomari, de alio Aquitania non procul a Bessa, de Fonte in agro Toletano prope Valentiam, de Lyncestio amne, & pluribus (a). Si aquæ Sulphur, & Bitumen admixtum fuerit, aut CrySTALLI æris, amari, veluti est Aqua in Coromandelii littore, & Exemplum in Ponto. Si subtiles terræ admisceantur, quæ penetrare possunt in poros corporum aliorum, huic Aquæ injectorum, inque iis hære, mutantur injecta in Lapides, quod præstant multi fontes, veluti Muabus; alios notavit Vitruvius (b), Strabo (c), & Plinius (d), hujusmodi existit quoque in Yslandia; tum prope Shwalbachium notante Haertrungo, in agro Norico (e), in Scorix sylvæ Hamiltoni, &
in

(a) Varenii Geogr. S. 6. C. 17. §. 6.

(b) Lib. 3. Cap. 8. (c) Lib. 13. p. 519. (d) Lib. 31. C. 11. (e) Bayeri Oryctog. p. 9.

in Buchania tradente Sibaldo (a). Aliquando tamen terrestris materia, quæ in aqua natat, crustæ instar, undequaque corpora obducit: Neosolienses fontes prope oppidum Herngrund mutant Ferrum in Cuprum, illud exedendo, & cuprum in locum enesi Ferri relinquendo (b).

§. 712. Sunt Fontes, quorum Aquæ epotæ crines & capillos & lanam alio colore inficiunt, quos memorat Seneca (c), Plinius (d), Vitruvius (e). Alii Fontes vim Venenatam ab admixtō Arsenico, Antimonialibus, aliisve terris habent, veluti circa Nonacrin in Arcadia Styx appellata ab incolis, advenas fallit, quia non facie, non odore suspecta est, quælia sunt magnorum artificum venena, quæ deprehendi nisi morte non possunt: Est quoque noxia aqua in Thessalia circa Tempe, ut & Fons Neptunius in Terracina, in Sicilia Aqua Palicuni fontis, &c. In Americæ Provincia Guatimalia jacet pagus Sacapula dictus, per quem fluvius currit, cujus aqua frigida pota efficit, ut homines scrophulis tententur, obsidentibus mentum usque ad pectus (f): simile quid in incolis nonnullis Alpibus observatur. Aliæ aquæ potæ dentes hominibus vacillantes & cadivos reddunt, veluti est ea pagi Senlisses (g), quæ multum Salis Alcalini fixi gerit; idem notavit Vitruvius (h) de fonte in urbe Susis Persidis; de aliquibus Germaniæ fontibus Plinius (i). At plura Fontium genera descripsit Dausquius (k) & Fabricius (l). Verum hos effectus non edit Aqua ratione Aquæ, sed ratione admixtorum. Putealis Aquæ per filices exiguos, purumque sabuletum fluens, admodum pura est, cæteroquin terrestribus partibus, quibus & Fontana, inquinatur. Impura est Aqua paludosa, & Fluvialis, utpote vehens limos, omnis generis fordes, plantas, pisces & quæcunque Ventus, Aer, Homines, Animalia, illi injiciunt. Aqua marina, præter Salem, continet bitumina & omnis generis fordes, quia flumina in mare se exonerant: Esse vero non modo Aquam falsam patet, quia nunquam Pluviæ Salem injiciendo, efficies

(a) Scotia L. 2. p. 1. C. 9.

(b) Brownius Memor. p. 186. Philos. Tran. N. 450.

(c) Seneca L. 3. C. 25. (d) Plinius L. 31. C. 2.

(e) Vitruvius L. 8. C. 3. (f) Gage intiner L. 2. C. 20.

(g) l'Hist. de l'Acad. Roy. A. 1712. (h) L. 8. C. 3.

(i) L. 25. C. 3. (k) Dausquius de Terra & Aqua C. 13.

(l) Theologie de l'Eau.

efficiēs Aquam marinam: hujus sapor singularis amarus a bitumine fluente ex fontibus submarinis, tum ab oleis Plantarum, animalium, & Sale nitroso pendet. Si muriæ affundantur aliquot guttæ Spiritus destillati ex Lithanthracibus, sapor aquæ marinæ oritur: Sal marinus, prope Rhodani ostium confectus, prioribus tribus annis propter amaritatem usui inservire humano non potest, ut quidem postquam avolavit bitumen: Si farina depsetur cum aqua marina, sequenti die propter amaritudinem fastidio est. Sal qui aquæ marinæ inest a superficie ad profunditatem 6 pollicum, alterius est indolis, quam qui in profundiori Aqua reperitur: si enim prior Sal chartæ cæruleæ imponatur, hanc nitri instar rubefacit, quod a profundiori Sale non fit.

Opinati fuerunt eraditi nonnulli Marinum Salem amarum esse volatilem, per universam atmosphæram dispergi, atque esse matrem Vitrioli naturalis, Aluminis, Nitri, Ammoniaci. Videtur hoc bitumen causa, cur aqua marina, in firma corpora impacta, noctu luceat.

§. 713. Purificatur Aqua ab admixtis heterogeneis, 1o. *Transcolatione*; in transitu enim per sabulum purissimum, altis in vasis supra se acervatis collectum, amaritudinem ponit, & pravitatem saporis, & in sinceram aquam transit: hinc putei in littore marino arenoso effossi, aquas dulces colligunt. Ejusmodi Transcolatio etiam feliciter ope nonnullorum porosorum Lapidum perficitur. Attamen aqua marina non bene orbatur sale suo & amaritie. Ope Algæ marinæ, perspirantis Aquam subito, percolationis instar, purificari posse Aquam docuit Listerus (a). Deslandes ex cera virginea conficit infundibula, ex quibus Marina aqua impletis, dulcis effluit. Leutmannus aquam per chartam bibulam percolat, quam dein finit putrescere, ut quæcunque Salia insint reddantur volatilia, imo avolent, & partes terrestres sidant: postea iterum aquam percolat, quam destillata esse puriorem affirmat, quia Sales & Terræ jam ablatae sunt (b). Hæc methodus etiam commendata a Joan. Gadesden A. 1516. prodente Halesio (c).

2. Purior redditur Aqua *Conglaciatione*; quicquid enim Spiritosum est, non coagulatur, Sal ab Aqua separatur, ideo glaciēs quæ ex Aqua marina formata est, resolutæ

ite-

(a) *Phil. Transf. N. 156.* (b) *Comment. Petrop.*

(c) *Philos. exper. pag. 19.*

iterum, præbet dulcem Aquam, notante Bartholino, Boyleo, Reyhero: pari modo, quidquid est heterogeneous fere, aquæ permixtum; congelatione ab illa secedit, quod probant Vina, quæ in Phlegma & Spiritum abeunt, Cerevisia in Aquam, & in generosorem Cerevisiam.

30. In primis autem a fordibus purgatur Aqua, cum in Vapores resolvitur, sive hos evehat in altum suo calore Sol, sive id in recipientibus, ignis arte suscitatus, faciat; ideo pluvia est adeo pura, etiam si formata sit ex Aqua Oceani, Paludum, Fluminum, & expirationibus variorum corporum in Terræ superficie degentium; facile enim a levi calore Solis in vapores evehitur Aqua pura, multo difficilius attolluntur Salia, & reliqua crassiora corpora. Id Ægyptii cognoscentes, ex Nilo Aquam noctu hauriebant, priusquam Sol subtiliores partes extraxisset (a): si nautæ noctu vellera ad latus navis, medio in Oceano expandant, mane ex iis Aquam dulcem exprimunt (b). Destillatione autem artificiali, præcipue repetita, haberi potest Aqua omnium purissima, remanentibus in vase crassioribus facibus: sincerior est, si fuerit antea pluvia pura, vel in alto puroque loco collecta, & vix ab Aere inquinata. Omnis tamen aqua destillationibus artificialibus acquirit saporem & odorem empyreumaticum, partim ab igne, partim a quibusdam admixtis corporibus. Non exiguum navarunt homines operam, ut aquam marinam redderent dulcem: hunc in finem eam putredini commiserunt; si autem dum putrefit destillatur usque ad dimidium, foetet horrende, quicquid destillatum est: pars superstes sequenti die dulcis & limpida est, omnibus fordibus demersis: sed si putrefactio Aquæ marinæ penitus absoluta fuit, evadit aqua dulcis & limpida sponte, tum destilletur, sed non omnis, quia in parte inferiori hæret spiritus Salis marini, qui quoque adscenderet: Aqua hæc destillata empyreuma urinosum redolet, est dulcis, satis pura, non præcipitat argentum in Spiritu nitri solutum, sed fusca fit & sordēs ponit, uti aqua putealis; odor temporis successu avolat, inservitque egregie emolliendis pisces. Putrefactionem Aquæ marinæ promovemus adjecta Ichthyocolla: sed absque putrefactione prægressa nunquam sola destillatione ex aqua marina dulcem, puram, salubrem recipimus; manet

(a) Plutar. L. 8. q. 5. Symp.

(b) Verulamius in Sylva Sylv.

manet enim semper amaricans , nisi ad primo destillatam affusum fuerit lixivium Salis Tartari , & denuo destilletur : alii adjecerunt Sal Tartari , calcem , ossa & ostracodermata calcinata , & iterum destillarunt , quamvis non tam felici successu , quam priori methodo.

4^o. *Clarificatio* ope admisti glutinosi , uti sunt albumen Ovi , Lac , Ichthyocolla aliaque similia , reddit Aquas puriores , dum irretiuntur sordes a glutine . Verum aqua marina , etiamsi primum destillata hac methodo , nauseoso & amaro sapore orbari nequit , quamvis paululum dulcescat .

5^o. Ad *Præcipitationem* confugerunt alii , sperantes se admittance aliorum corporum sales sordesque ex Aqua expulsiuros ; ita Aquæ marinæ Tartarus crudus immixtus fuit , qui in se salem marinum absorberet : Alii infuderunt Oleum Tartari , quod secum Salem marinum reddit præcipitem , tum Aquam destillant , & percolant (a) . Indi Seminum ope idem præstant (b) . Alii injiciunt eundem in finem Zincum , Lapidem Calaminarem , Salia Saturnina (c) Corallia , Oculos cancrorum : Glauberus lapidem specularem , in pulverem redactum , sufficere opinabatur (d) . Alii adjecerunt Spiritus acidus ; sed ope horum omnium aquam marinam Sale & amaritudine orbare non potuerunt , neque eam usui humano aptam reddere . Omnium conatus superavit his tentaminibus industrius Halesius .

§. 714. Aqua purissima esse cognoscitur , 1^o. Si fuerit pellucidissima , limpida absque ullo colore , sapore , & odore : 2^o. Si postquam solutio Argenti in Spiritu nitri affusa fuerit , permaneat ipsa Aqua æque limpida ; alioquin turbatur , & cærulescit . 3^o. Si quoque ab affuso Oleo Tartari per deliquium non late scat . 4^o. Si a solutione sacchari saturni affusa etiam non tubetur . 5^o. Si Sapo Venetus ea in Aqua æquabiliter dissolvatur , absque ullis relictis fragmentis .

§. 715. Cum aqua pluvia , puteali , aut fluviali dolia navalia implemus , ut nauticis inserviat , docet experientia , aquæ , in vasis clausæ , colorem , saporem , odorem mutari : adeo ut nauseosa & foetens evadat , nec a nauticis facile bibi possit : Ipsi hæc mutatio a parvis insectis inducitur ,

(a) *Phil. Transf. N. 67.*

(b) *Phil. Transf. N. 249.*

(c) *Acta Lipsf. A. 1682.*

(d) *Histor. Academ. reg. Lib. 1.*

citur, quæ aquæ immista, subito in magnam multitudinem excreverunt: si hæc aqua foetens supra ignem ebulliat, illico moriuntur insecta, caduntque una cum reliquis sordibus ad fundum. Adversus putredinem & insecta aquam conservare aliqui tentarunt, affundendo huiusmodi corpora, quæ occiderent insecta, & non nocerent hominum sanitati; expertus fuit diligentissimus Halesius cuilibet dolio convenire unciam olei Sulphuris, vel octo scrupulos olei vitrioli: convenit etiam dolia, priusquam impleantur aqua, probe inficere fumo ardentis sulphuris.

§. 716. Aqua pura, sive aere inquinata, sive ab eo purgata, tempore frigido, inclusa vasi Aureo, Argenteo, Plumbeo, Stanneo, deinde compressa vi præli, aut ictibus mallei, vel in antlia ab embolo pressa, non videtur condensabilis in minus volumen, quemadmodum Florentini Philosophi, aliique multis Experimentis evicerunt: Potius enim roris instar quoquoersus per Metallorum poros transudat, adeo ut quantum vi externa cavum interius immittatur, tantum Aquæ accurate exsudet, uti ad singulos mallei ictus, in globum adactos, videre est. Ex quibus concludimus, particulas Aquæ esse admodum duras, ut non facile figuram suam mutant, nec proprios poros, aut interstitia inter partes relictæ, impleant. Hinc lignum planitie sua in aquam adactum finditur, ac in corpus durum impactum fuisset: globi plumbei ex catapulta oblique in aquam explosi, appllanantur, ac si in lapides incurrisent, imo sæpe in partes dissiliunt (a): ideo si vitrea lagena accurate impleatur aqua, & os subere claudamus; si suber, attingens jam aquam, ulterius introrsum premere pergamus, frangitur lagena: hinc discimus, quomodo aliquot subera lagenis immittenda sint, si hæc, aquis plenæ, ad loca varie calentia sint transvehendæ (b).

§. 717. Vi notabili partes aquæ se trahunt, ideo tenuis chalybea acus, munda, sicca, aquæ frigidæ innatare potest, subsidens modo in aqua calida, aut si prius humectata fuerit: lamina cuprea 30 granorum, 11 pollicum quadratorum innatat aquæ, hoc pondere non valente partes aquæ a se remove; idcirco vis attrahens in tali latitudine major est hoc pondere: hanc ob causam bractææ Auri, Argenti, Stanni, Plumbi innatant aquæ, & ob-

ser-

(a) *L'Hist. de L'Acad. Roy. A. 1705.*

(b) *Hales Experiments on steel waters.*

servante Petito multis pondusculis, antequam fidant, onerari possunt (a).

§. 718. Aqua gravitatem specificam respectu Auri puri habet, uti 1000. ad 19640. attamen hæc comparatio Æstate & Hyeme differt, quia Æstate ab igne omnia corpora expanduntur, Hyeme condensantur. Non autem expansiones, & condensationes corporum ab eodem igne pari passu incedunt, sed discrepant, quia a cohærentia, & a gravitate partium pendent. Quamobrem quotidie Aquæ gravitas specifica diversa erit, veluti Experientia probat: aquæ putealis Leidenfis pes cubicus Rhenolandicus, vernali tempore pondus habet 63 lb. 2 Unc. 1 drachm. 4 gran. pondus est Amstelodamense.

§. 719. Ex hac comparata gravitate Aquæ cum Auro conclusimus in §. 45. particulas Aquæ esse porosas: verum id quoque ex ejus maxima pelluciditate concludere possumus, cum nautæ nonnunquam in Oceano limpidissimo fundum maris, 100 & ultra pedes profundum, cernere possint. Et nisi Aquæ partes porosæ forent, quomodo ab igne tantopere rarefieri possent? consistit enim Fluidorum rarefactio non modo in remotione majorum partium a se, sed quoque in earum vera expansione, a recedentibus particulis, partes componentibus, oriunda.

§. 720. Ergo quælibet Aquæ pars non est Elementum, sed massa composita ex particulis: hæc forte ex minoribus; quæ tandem post series aliquas constabunt ex Elementis; hæc sibi mutuo imposita porosas formaverunt partes, quæ collectæ, cum globosæ sunt, interstitia & caulas relinquunt.

§. 721. Globosas esse particulas his argumentis colligimus. 1º. Quia nullum Fluidum cujus partes conspici possunt, novimus, quod non rotundis constet partibus. 2º. Quia Aqua est admodum lenis; Oculo instillata, vulneri infusa, nullum dolorem suscitatur, modo purissima sit & tepida: nullum saporem habet, odorem nullum. Si angulosis, acutis, sciendentibusve corpusculis constaret, lenitas hæc observari non posset. 3º. Quia est Aqua admodum fluida & lubrica. 4º. Vapor in camera obscura surgens, transiensque per radium Solis exiguum, Microscopio conspectus, nil nisi Sphæras exhibet. 5º. Cum partes ejus majores se admodum æquabiliter attrahunt, formantque guttas globosas, probabile est, ejus partes inferioris ordinis etiam

Tom. I.

B b

se

(a) L'Hist. de L'Acad. Roy. A. 1731.

se æquabiliter attraxisse, & formasse particulas pari modo sphaericas.

§. 722. Sunt ejus particulæ admodum subtiles, videri enim nequeunt ope maxime amplificantium Microscopiorum: & penetrant per vascula subtilissima corporum Vegetabilium, & Animalium, tam quoque per poros Metallorum, secundum §. 716. Ex vapore, in quem Aqua, ex Æolipila erumpens abit, collegit Niewentytius, ad cuspidem tenuissimæ acus, aquæ immixtæ, adhærere ad minimum 13000. ejus particulas. Verum certi aliquid hic determinari nequit: neque etiam, an omnes Aquæ partes sint æque magnæ, an autem magnitudine differant? de quo incassum disputant Philosophi: nec aliquid certi excitori susceptione caloris, nec ex faciliiori solutione saponis, vel abstersione sordium colligi potest.

§. 723. Utcunque subtilibus confet Aqua particulis, nihilominus per Vitri poros non transit, eaque, quæ lagenam implevit ante 150. annos, pari copia eandem postea implevisse observata fuit.

§. 724. Aqua, in vase Igni exposita, calefit, rarescit in majorem molem, quæ a proximo glaciationis puncto us-

que ab ebullitionem increfcit $\frac{1}{26}$ parte totius voluminis, deinde incipit sonare, tum bullas aereas expellere, tandem ebullire in formam undarum: interim particulæ, quæ constituunt Vaporem, sursum eleuantur. Sonum autem edit diversum, pro vario Metallo, vel Terra, ex quibus vas constat, in quo ebullit: oritur enim sonus ille a particularum Aquearum, quæ ab Igne elevabantur, lapsu in tinulum fundum. Cum vero Ignis maxima copia Aquam ingreditur, qui tantum determinata quantitate in ea contineri possit, evolat iterum, eam perumpendo, undasque suscitando.

§. 725. Aquam Fluviorum currentem minus evaporare, quam in Palude stagnantem observavit Verulamius, quamvis tamen Fluvii multos in altum expellant vapores: quod evenit, quia in Palude tantum particulæ Soli exponuntur, quæ in Aquæ superficie, nec multum infra jacent, hæ ideo plus incalescunt, quam partes in Fluvio, quæ omnes inter se moventur, ita ut, quæ nunc in superficie sunt Soli expositæ, mox ad fundum descendant, illæque ex fundo ad superficiem enatent, mox descensuræ iterum.

20. Etiamſi Aquæ in Stagno & Flumine æque calerent, parcior tamen Vapor ex Flumine aſſurgeret, quia Fluvialis Aqua ſupra planum inclinatum labitur; Ignis igitur Aquam elevaturus, ſuperare tenetur has in deſcenſu acquiſitas vires, quas cum vicerit, tum modo agere in hanc, veluti in ſtagnantem aquam poſſet, ſed magnam virium partem, antequam hunc effectum præſtet, amiſit.

§. 726. An Aqua cocta minori evaporationi ſubjecta eſt, quam non cocta, uti Verulamius aſſerit, quia coctione ſubtiliſſimæ partes evolarunt?

§. 727. Quare Aqua parcius exhalat, quam Vini ſpiritus; copioſius, quam Mercurius? An id non pendet a partium gravitate, tum a vi attrahente partium mutua, minori in ſpirituoliſ, majori in aqua, maxima in Mercurio?

§. 728. Quamdiu Vapor calet, admodum elatiſticus, Aerique aliquantum ſimilis eſt, uti Æolipilæ ope conſtat: coercitus in vaſe vires ingentes expansionis vapor exercet, uti colligitur ex Sphæra vitrea, guttam Aquæ concludente, quæ Igni impoſita, cum maximo fragore diſſilit: Imo in Digeflore Papini fervens Aqua, & vaporem expellens, ab hoc ſibi ſuperius incumbente valde premitur, ita ut in oſſa annoli animalis penetret, ea cito emolliat, cunctaque fere corpora diſſolvat. Ope Vaporis huius ingentes Machinæ, deſtinatæ ad Aquam elevandam, moventur. Eſt vis vaporis eo major, quo plus calet, adeo ut a vehementi igne in vaſis clauſis vapor agitatus nonnunquam duplo triplove majores effectus edat. Cur autem Vaporis calidi tantæ vires, quæ eas pulveris pyrii longe ſuperant, & vix cohiberi poſſunt, imo quas nulla fere tenet compages, cum Vapore frigefcente omnis illa vis momento temporis perit? Conſtans & univerſalis Lex hæc Naturæ obſervatur. Cum partes corporum ex Sphæra ſua Attractionis exeunt, atque ingrediuntur Sphæram Repulſionis, tum ſeſe viribus ingentibus repellunt; veluti in omnibus Efferveſcentiis, Fermentationibus, Putrefactionibus, Incendiis, in quibus Elatiſticum Fluidum generatur, eſt quam maniſeſtiſſimum (a).

§. 729. Vapor calentis Aquæ, licet pondere totius Atmoſphæræ comprimatur, ſeſe ad minimum in volumen 14000. majus expandit: veluti colligi poteſt ex gutta Aquæ, in Sphæra vitrea ſupra ignem poſita, quæ omnem Aerem non modo expellit, ſed ſe tantopere expandit, ut

B b z

poſt-

(a) Vid. adnot. ad §. 551.

postea Mercurius, sphaeram implens, ostendit. Experimenta cum machina Saveriana capta & perpensa idem confirmant. Hinc iterum liquet, vaporem aquae fortio-rem esse incensi pulveris pyrii parvi copia: nam secundum Amontonsium (a) & Belidorum (b) praestantissimus ejusmodi pulvis sese in volumen 4000. majus incendio explicaret, adeoque plusquam triplo minus quam aqua. Hauksbejus (c) hunc pulverem inflammatum 222. expansionem majorem occupare notavit: foret igitur vis vaporis 63. intensior, quam pulveris pyrii. An igitur particulae Aquae, adeo elasticae, se tum quidem contingunt? an vero, veluti duo magnetes se non contingentes, se repellunt? An tandem singulae, ignis plenae, tantam in molem intumescunt?

§. 730. Cum vapor Aquae ex partibus subtilissimis, a se separatis constet, facile intrat corporum aliorum poros, praecipue Animalium & Vegetabilium: haec corpora adeo relaxat, humectatque, ut citissime ea dissolvat, & putrefaciat; hinc inter Animalia & homines maligni morbi, putridaeque febres, simulac Atmosphaera humida & tepida evaserit. Cadavera nunquam citius corrumpuntur, quam in Aere tepente humido: Cum Europaei primum Americae nonnulla loca occupabant, Aerem admodum humidum, calentemque, propter plurimarum Sylvarum exhalationes, experti sunt, inde multi morbi: incensis vero sylvis Aer ficior, & vitae humanae salubrior evasit.

§. 731. Aqua in aperto vase supra ignem posita, atque ebulliens, calorem concepit maximum, quem in tali pondere Atmosphaerae Aerae concipere potest, idcirco sive breviter, sive diu supra ignem ebullierit, non plus calet: veluti Amontonsius ope Thermometri probavit. Haec ita in vase aperto se habent; verum imminuto pondere Atmosphaerae citius supra Ignem fervet Aqua; & in Vacuo citissime, notante Hugenio (d): Aucto Atmosphaerae pondere serius ebullitio fit. Nam si Aqua includatur robusto Digestori Papini, tum ignibus subditis tantopere calefieri potest, ut liquefaciat Stannum & Plumbum, etiamsi haec ex Aeneis filis media in Aqua suspensa fuerint: Forsitan si Aqua in magis firmis adhuc claudi posset vasis, calefieret usque ad candorem, ad quem Ferrum in igne reduci potest.

(a) *L'Hist. de l'Acad. Roy. A. 1707.*

(b) *Miscel. Berolin. T. 4. p. 119.* (c) *Physico-Mech. Exper.* (d) *Phil. Trans. N. 122.*

est. Cur autem fundus vasis, in quo Aqua ebullit, tantum tepet? An quia per apertos fundi poros ignis liberissime transit in Aquam? An potius, quoniam Aqua in se cito rapit ignem ex corporibus circumquaque positis, eumque in se ex fundo & lateralibus vasis abripit?

§. 732. Aqua effervescens subditis ignibus in vase aperto, plerumque apud nos tantum illum calorem gradum acquirit, qui in Scala Thermometri Fahrenheitiani 212 est, ideo simulac corpora multo calidiora illi injiciuntur, oritur fremitus, strepitus, disjectio partium incredibilis: id observari potest simulac Oleo ebullienti, cujus calor est 600 graduum, secundum priorem scalam, Aqua injicitur: vel si liquefacto Plumbo tantilla copia ejus inspergitur, aut cum metallum formis infusum humidis vapori occurrit: vel si Cupro in igne liquefacto, Aqua affunditur, illico disjicitur metallum summo cum fusoris periculo, omniaque vicina prosternit, & disjicit. Idem fit, cum Salem Alcalinum fixum, in igne fluentem effundimus, in humidum mortarium æneum: forte enim Aquæ particulae, non ferentes tantum calorem, quem hæc corpora habent, nimis rarefactæ, a se dissiliunt, franguntur, cunctosque hos violentos effectus producunt.

§. 733. Aqua vulgaris intra partium suarum interstitia Aerem continet: Aquam frigans ad gradum 50, tempore vernali in his Terris, recipienti Boyleano inclusa, ex quo Aer exantlatur, Aerem suum incipit dimittere, Mercurio in indice ad altitudinem 26. poll. Rhen. ascendente. Aqua, priori calidior, citius, & in minori Aeris incumbentis rarefactione, Aerem ex se dimittit, & quo calidior est aqua, eo citius, adeo ut calens ad gradum 96, in vacuo citissime aere orbetur, & propter impetuosum hujus ex latebris suis egressum, quasi vehementissime ebulliat: Aqua vulgaris sub recipiente clausa, ex quo exantliatur Aer: dimittit ex se aliquas bullas aereas; id evenit, aere recipientis ad aliquam usque raritatem deducto; mox exitus cessat: ut de novo aliæ aereæ bullæ ex aqua extricentur, recipientis aer magis rarefaciendus est; idque sæpius & diu repetendum, antequam omnes aereæ bullæ ex aqua exhibunt.

§. 734. Aqua omni Aere orbata, phialæ dein inclusa, una cum bulla Aerea, Aerem in se absorbet, ut penitus evanescat: successu temporis aliæ bullæ Aereæ adjectæ, ab eadem Aqua absorbentur, id usque ad saturationem contin-

git: primus Aer citissime solvitur, sequens semper eolentius, quo Aqua plus Aeris imbibit. Quamvis Aer ita in aqua delitescat, non tamen in eam convertitur, nam sub recipiente Boyleano ex Aqua iterum aer colligi potest, rediturus eadem copia, qua se in Aquam receperat: Et ne hic Aer credatur potius ex Aqua progigni, non vero esse eundem, qui antea intravit, evincam experimento; cum enim decem ante annos Aquam, Aere orbatam, vitreae incluseram phialæ, ex ea, in vacuo aperta, nullus Aer prodiiſſe conſpectus fuit.

§. 735. Quia autem in Atmosphæra continentur varia Fluida elastica, ab Aere diversa, ipsi tamen similia, hæc etiam Aquearum partium interstitia ingrediuntur: cognoscuntur ex immensa elasticitate, qua prædita sunt; observavi sæpe, ejusmodi Fluidi particulam ex parvitate primum invisibili, increvisse in sphaeram, cujus diameter erat unius pollicis, & ultra, quando ex superficie Aquæ, in vacuo positæ, exibat; præcipue cum aqua tepebat.

§. 736. Quomodo Aqua Aerem imbibit? Verosimile est partes Aereas majores esse aqueis, illas esse cavas porosasque, & ab aqua impleri, angustissimis poris exceptis: ideo massa hæc composita ex aere & aqua, incompressibilis est, cum aqua sit dura, & solidæ aeris partes impenetrabilitate sua resistant: Cum quoque Aer vix partes possideat solidas, permixtus cum aqua, vix incrementum voluminis huic conciliabit; ideo etiam magna, sed determinata aeris copia in aqua delitescet.

§. 737. Si pondus specificum aquæ, aerem continentis, aut eo orbatæ, exploretur, discrimen detegi fere nequit, Aqua tamen aeris plena, tantillo majus volumen occupat, quam eo purgata; ideo Aer in aqua delitescens multum a statu suo naturali aberit, sed aerea quælibet particula non facile aqueas, quas complectitur, ex se demittet, nec conjungetur facile cum aliis in formam separati fluidi. Simili modo aer hæret in aliis fluidis.

§. 738. Solvit Aqua Sales omnes, Fossiles, Vegetabiles, Animales, singulos in varia sui quantitate, veluti accuratissime Magnus Boerhaavius (a) Experimentis evicit: calente enim Aere & aqua ad grad. 38. Salis marini ℥ij solvabantur in Aquæ puræ ℥vj. & ℥iij. Salis gemmæ ℥j. in Aquæ ℥iij. & ℥ij.

Salis

Salis Ammoniaci ℥j. in Aquæ ℥iij. & ℥ij.

Nitri ℥ix. in Aquæ ℥vi.

Boracis ℥℥. in Aquæ ℥x.

Aluminis ℥j. in Aquæ ℥xiv.

Salis Ebsoniensis ℥j. in Aquæ ℥j. & ℥ij.

Vitrioli viridis ℥℥. in Aquæ ℥iij.

Quomodo solutio peragatur, explicui in §. 538. interim hic notandum, quo Aqua plus concutitur cum Sale, eo plus Salis, & citius solvetur. Idem quoque obtinebit, quo Aqua plus calet.

Citius nonnulli Sales aliis solvuntur; citissime enim liquefit Sal alcalinus, lentius Sal Ammoniacus, lentissime Borax. Tandem, postquam Aqua tantum de uno Sale solvit, quantum potest, dissolvit adhuc alium Salem, solutione priori permanente imperturbata.

Solvit insuper Aqua Olea Vegetabilium, quæ fermentatio summopere attenuavit, veluti est Spiritus Vini aut Alcohol, etiamsi non absque concussione.

Solvit Aqua Saponem, sive naturales, sive arte factos, & horum ope Olea.

Tandem Terrestria fere omnia, quæ prius Spiritus acidus in se absorpserunt.

§. 739. Cum Aquæ partes sint subtilissimæ, penetrant facile in poros omnium Vegetabilium, aliorumque nonnullorum corporum: ingressæ augent horum pondus, partes a se remouent, tumefaciunt quaquaversum, inflant viribus ingentibus, ita ut funes prius sicci, deinde Aqua madefacti, pondus ingens appensum attollant: Similes lignum humefactum & se expandens vires, in alia ipsum coercentia corpora, edit.

§. 740. Plurimorum corporum incensorum ignem extinguit Aqua, ingenti mortalibus usu & solatio: quicquid in corporibus Ignem alit, oleosum est: Fervens Oleum calorem 600 graduum, ardens majorem, habet: Aqua vero tantum caloris 212 graduum in aperto Aere est capax, adeoque alendæ flammæ minime idonea: idcirco affusa ardentibus corporibus, refrigerium illico affert, eorum Ignem in se rapit, expellit, dissipat, hinc inflammata extinguuntur: Præterea cum in ardentibus corporibus propter partium attritum ignis colligitur, Aqua partibus interposita attritum minuit, ignis collectionem novam impedit, atque hoc modo etiam incensa corpora extinguit. Verum

ardentia quælibet liberum Aëris accessum ut ardeant, possulant: aqua copiose affusa accessum aëris prohibet, atque ita incendium quoque suffocat. Si autem ardeat merum Sulphur, Oleum, Pix, Ignis Græcus, Pulvis Pyrius, Spiritus Vini Æthereus, &c. Aqua intra horum poros se insinuare nequit, atque adeo inepta est extinguendo eorum incendio.

§. 741. Crediderunt nonnulli experientissimi Chemicæ, Aquam naturæ & arte converti posse in Terram; imo in Terram adeo firmam, ut igni ad candorem usque posset: verum solertissimus Boerhaavius, suis sapiens observatis, ostendere conatus fuit, Aquam arte in Terram non converti, sed fluidam, eandemque semper manere; errorem autem fuisse ortum, quod pulveres in Aëre natantes, Aquæ admisti, & in repetitis destillationibus ad fundum vasis collecti, materiam terrestrem, quæ ex Aqua concrevisse credebatur, suppeditaverint.

§. 742. Hyeme in frigidis regionibus Aqua in glaciem, corpus durum, valde elasticum, convertitur, variis cum phænomenis, prout citius lentiusve formatur. Si lenta congelatio Aquæ in vasculo fiat, (a) tum circa circumferentiam vasis orbiculariter, ab hac medium versus emittuntur subtilissima quædam filamenta, inclinata ad latus vasis sub diversis angulis, raro rectis, aut sexaginta graduum; post hæc oriuntur alia, quæ inordinate & quaquaversum ad imum descendunt, sensim latitudinem acquirunt, vix crassitiem, ita ut pelliculæ evadant, diversissimo situ, respectu superioris superficiei, jacentes: similes pelliculæ plures inter se sub variis angulis junguntur, sibi mutuo imponuntur, vel arearum instar, Aquæ massam intercipiunt, abeunt in notabilem glaciei crustam, Aquæ innatantem, cujus superior superficies est aspera, & inæqualis, similis illi in crytallo, quæ incisuris cælata est subtilibus. Si autem, faviente gelu, subito congeliat Aqua frigoribus, oritur primum in superficie ejus lamella tenuis, a pariete ad medium extenta, obliquo ad superficiem situ, mox undequaque ad parietes vasis similes, noctu oculi citius, oriuntur lamellæ, procurrentes versus medium vasis, triangulares, cuspidibus medium spectantibus, inordinate jacentes, aereas intercipiunt, quibuscum crustam glaciei formant, quæ ex aqua sublata, & a parte inferiori inspecta, utcunque bovis abomasum refert.

§. 743.

(a) *Tentamina Floren. p. 166.*

§. 743. Hucusque glacies, modo duas tresve lineas crassa, pellucida & homogenea apparet; cum autem procedente tempore crusta fit densior, Aer & Fluida elastica ex interstitiis Aquæ prodeunt, formant exiguas bullas, dispersas, caput aciculæ æquantes, nonnunquam breves subtilissime canaliculos fingentes: deinde augentur bullulæ, coeunt pluribus secum invicem, adeo ut diu perstante sævo gelu interdum sphaeræ, diametri dimidii, imo & integri pollicis evadant, jam opaca fit glacies, & eo minus pellucet, quo plures majoresque bullæ prodierunt.

§. 744. Innatat glacies ejusmodi Aquæ; ponderata, specificè levior Aqua deprehenditur; sed eo levior, quo copiosioribus & majoribus bullis Aereis scatet; plerumque est ejus pondus ad pondus Aquæ, veluti 8 ad 9. (a).

§. 745. Glacies, quæ ex Aqua vulgari concrevit, in majus volumen expanditur, veluti ex pondere specifico §. 744. ejus facile colligitur; verum id Philosophi Florentini aliis adhuc evicerunt Experimentis; cum enim aureum cavumque globum Aqua implevissent, clausissentque, mensuratus ope metallici trochi fuit circulus ejus maximus; in glaciem conversa Aqua, globus aureus valde intumuerat, ut per trochum trajici nequaquam potuerit. Expanditur autem glacies tanto cum impetu, ut vasa Terrestria, Vitrea, Metallica, Lapidea, rumpat, arboreque findat, atque ædes vi sua elevet. Prodidit enim Boyleus (b), glaciem in tubo æneo, 3 lato pollices, elevasse 74 lb. Hugenius ferream catapultam, aquæ plenam & clausam, vi glaciei magno cum strepitu crepuisse & fissuram egisse observavit (c). Florentini in densissima ænea sphaera clausurunt Aquam, & ad gelu exposuerunt, eam variis vicibus attenuando, donec a viribus, quibus glacies se expandit, frangeretur: hæc vis in pollice sphaerico glaciei fuit æqualis 27720 libris (d), adeo ut indomita naturæ potentia Aquæ in diversissimis statibus, summi caloris frigorisque, insit.

§. 746. Glacies exposita Aeri, quo tempore gelat, exspirat cum ponderis decremento ex se perpetuo partes: cubus ponderis quatuor unciarum, sæviente gelu, spatio 24 horarum, 4 granis levior evasit. Moles glaciei, 18 pollicibus

(a) *Tentamina Floren. pag. 142. p. 1.*

(b) *Hist. frigoris, titulo x.*

(c) *Du Hamel Hist. Ac. Reg. Lib. 1. S. 2. C. 1.*

(d) *Tentamina Floren. pag. 135. p. 1.*

ces alta, quinque diebus, ¹ pollicis parte in altitudine de-
³⁶ crevit. Perraultius quatuor glaciei libras intra 18. dies pon-
 dus libræ amisisse deprehendit. Ideo nivis in Terram de-
 ciduæ, perdurante gelu aliquot diebus, quasi magna pars
 evanescit: a Sole enim continuo partes solvuntur, excu-
 tiuntur, & una cum igne avolant.

§. 747. Aqua Aere orbata, positaque in vacuo, vel in
 Aere aperto, citius congelat, quam Aqua vulgaris; in con-
 gelatione tamen eadem modo spectantur phænomena, quæ
 memorata sunt in §. 742. concreta exhibet glaciem sine bul-
 lis, homogeneam, quæ aliquando magis, aliquando multo
 minus, pellucet glacie vulgari: Est hæc glacies etiam spe-
 cifice levior Aqua: Sese expandit vi ingenti, qua vitrea
 diffringit phialas, veluti glacies ex Aqua vulgari.

§. 748. Si vas, Aquam continens, in nive vel glacie
 rasa ponatur, quacum miscetur tenue pollen Salis marini,
 Salis gemmæ, Salis fontani, Salis Ammoniaci, Aluminis,
 Vitrioli, Boracis; Alcohol Vini, Spiritus Salis marini, Spi-
 ritus Nitri, Aqua fortis, Aqua regia &c. tabescente nive
 vel glacie, congeliat Aqua in vase: Oritur autem ab af-
 fuso ad glaciem rasam spiritu Nitri frigus intensissimum,
 quod est in scala Fahrenheitiani Thermometri 40. graduum
 infra notam primam, si hyeme gelante periclitatio institu-
 ta fuerit.

§. 749. Obtineri glacies potest ope Aquæ nivalis, in
 cella conservatæ, etiam si liquefactæ, modo minorem quam
 50 graduum calorem habuerit, si ei infundatur Sal Am-
 moniacum, & dum hoc solvitur, aliud vas Aquam com-
 plectens, in priori steterit.

§. 750. Verosimile est, Aquam in glaciem converti, non
 quia privatur igne, licet glacies nunquam multum ignis in se
 habeat: Nec quia ejus partes quiescunt: Sed quoniam ex At-
 mosphæra nonnulla corpora subtilia Aquæ admiscuntur, quæ
 cum Aqua quasi effervescent, ignem expellunt, deinde
 Aquæ partes figunt, intrando particularum poros, clavorum
 instar; vel iis loco glutinis interponuntur, quemadmodum
 ipsa Aqua aliorum corporum gluten est.

§. 751. Glaciem vero partes in motu habere positas col-
 ligimus. 1. Ex incremento continuo bullarum Aerearum,
 quæ non possunt non partes glaciales a se perpetuo remo-
 vere. 2. Ex crepitu glaciei, qui manifesto in Lacubus, duran-

te gelu auditur, oriturque a partium, quæ a se propelluntur, motu. 3^o. Ex exhalatione perpetua & ponderis decremento. 4^o. Ex expansione valida, qua vasa firmissima franguntur. Non hæc omnia pendent ab Aere glaciei, cum expansio vehemens quoque sit in glacie, quæ ex Aqua Aere orbata formatur.

§. 752. Induci non potui ut credam, formari glaciem, quia Ignis tantummodo ex Aqua avolat, partesque ejus motu orbatae, & propius ad se accedendo, coherere in massam firmam incipiunt: nam si id verum foret, glacies esset Aqua condensata, cum omnia corpora, tam Firma quam Fluida, frigore fiant densiora; verum glacies quæcunque est Aqua rarior, & semper eo plus tumet, quo gelu est asperius, & magis diuturnum. Hæc in Aqua purgata Aere intumescencia tantum oriri potest, quoniam in illam aliquod corporum genus irrepit, quod sua mole, aut motu partes a se removet: hanc opinionem aliquibus adstruere nitar argumentis.

§. 753. Sæpe animadverti hyeme, imo fere quolibet observari potest anno, Thermometrum Fahrenheitianum, cujus gradus 32. indicat glaciei initium, persistente gelu, Mercurium suspendisse ad gradum 36. imo ad 41. cum plerumque ipso gradum 33. notante regelare soleat. Si igitur ab ignis absentia sola congelatio pependisset, profecto quo tempore Mercurius supra gradum 32. suspenditur, regelatio, non gelu, observanda foret: idem observavit Cl. Wolfius (a) in Germania, & Reaumurius (b) in Gallia: Aqua enim ad quemdam gradum frigens, congelatur; alio die plus frigens non congelatur: Regelat in majori frigore, quam cum gelabat. Nam Anno 1739. aliquoties observavi nivem cum pluvia ex cælo deciduam & regelasse, stante Mercurio ad gradum 30. Mercurialibus autem Thermometris fidere tuto licet, quia mercurius & tubus omni Aere sunt purgati, & Thermometra summa arte elaborata: Cyrillus Neapoli observavit, longe minori frigore regnante, aquam verti in glaciem, quam in Britannia, Gelat igitur, licet frigus magnum non sit, modo dentur in Aere particulae congelantes; regelat his absentibus, licet plus frigeat, atmosphæra,

§. 754. Nonnunquam notavi Verno tempore Martio & Aprili, imo Anno 1733. in medio Junii, cum dies serenus,

(a) *Elem. Aeromet.* §. 203. (b) *L'Hist. de l'Ac. Roy. A.* 1730

mediocriter calidus præcesserat, noctu succedente Euro vel Borea, fossas ruri fuisse congelatas, vel herbas pruina correptas, hi venti non tam subito Aquam & herbas, diurno Sole tepentes, refrigerare potuerunt, sed aliquid secum advexerunt, quod Aquæ admistum eam in glaciem coegit.

§. 755. Si attendamus ad gelu, id in eadem regione aliquando ita vagatur, ut in nonnullis locis sæviat, & intermediis quasi, inter hæc extrema, pagis, moderatum sit, ulterius iterum asperum. Hoc ab Ignis penuria, in Atmosphæra illius regionis, pendere nequit, sed quidem a Ventis, exiguas plagas perflantibus, & secum quædam corpuscula advehentibus. Anno 1734. vehementer in Belgio gelabat, cum in Suecia & Norvegia nullum gelu: Anno 1737. in Italia & Hispania intensum gelu, cum cælum in Belgio & Germania mite absque gelu. Anno 1738. vehemens in Hollandia gelu, glacie copiosa lacum Flevum obducente, cum nulla in Sinu codano glacies. Ecquis immitius gelu in Belgio, Germania, Gallia, Suecia, Russia expertus est, quam quod in initio Anni 1740. regnavit? attamen in Norvegia tum cælum mite fuit, nec ulla in oceano, littora Norvegiæ alluente, observata fuit glacies. Genevæ etiam clementissima hyems, cum nec Lacus Lemanus, nec vicina flumina glacie constricta fuerunt: in Helvetia reliqua nihilominus sævum exstitit gelu: quemadmodum in literis mecum communicavit Cl. Jallabertus.

§. 756. Glaciei autem alia corpuscula esse admista ex effectu concludo: ejus enim resoluta Aqua, est inepta emolliendis tenerioribus cibis, potuique Caffæ & Theæ.

§. 757. Aqua calens ad gradum 33 ab affuso Spiritu nitri calorem concipit usque ad gradum 41; verum glaciei rarsæ, calentique ad gradum 32 affusus idem Spiritus, enorme frigus suscitatur: cur adeo diversus effectus hujus spiritus cum Aqua vix discrepantis caloris, nisi in glacie aliquod heterogeneum fuerit, quod a Spiritu nitri tantopere intenditur?

§. 758. Si nivis mistæ cum Sale imponatur vas aquam continens, totusque apparatus supra Ignem ponatur, liquefcente Sale, & calore tabescente nive, congelat Aqua in vasculo: hic accessus Ignis congelationem accelerat, & quo copiosior est ignis, citiusque nivem solvit, eo citius glacies formatur: quod fieri nequit, nisi Ignis ex nive particulas congelantes in Aquam vasculi pellat: dubitoque

toque vehementer, an quis hic Ignem, Ignis in nive absensentiam, propellere in vasculi medium tueri auderet.

Plura autem argumenta pro hac sententia congeffimus in Commentariis, quos Tentaminibus Florentinis adjunximus.

§. 759. Interim proponere hic liceat. 1^o. Cur aqua in phiala & in glaciem versa non apparet gravior? (1) 2^o. Quam exigua copia heterogeneorum requiritur, ut nonnulla corpora fluida vertantur in molem firmam, uti in Sulphure, oleo vitrioli, aliisque demonstratur? (2) 3^o. Quænam sunt corpora congelantia? (3) 4^o. Cur hyeme apud nos ple-

(1) Videtur enim graviores tum fieri debere phialam ob admistas congelantes particulas, auctamque idcirco ejus materię quantitatem: nihilominus si ejus fiat in libra periculum, ne vel exiguum ponderis incrementum deprehenderetur. Id scilicet eo oritur, quod tanta sit admistarum particularum subtilitas, ut earundem pondus quantumvis exactissima balance non fiat sensibile. Nec sane indubia exempla id comprobantia defunt. Vitrum antimonii, & crocus metallorum notabili vini quantitate, in qua aliquo tempore fuerint, emeticam virtutem largiuntur; & si liquor ille depleatur, & recens affundatur, hic etiam eadem virtute imbuetur, idque si vel millies fiat, servante tamen semper vitro illo antimonii, & croco idem sensibilibus pondus. Mercurius etiam virtutem suam *verminecem* non mediocri aquæ vel vini quantitati communicat, in qua nempe satis diu infusum, vel incoctum fuerit; nec porro ullum est in mercurio sensibile ponderis decrementum. Tam exigua materię quantitas est, quæ ex mercurio & emeticis in ingentem fluidi copiam diffunditur, ut sub sensu cadere omnino nequeat. Id sane cum animadvertissent quidam Chymici *emeticæ*, & mercurium operari posuerunt sine rei ullius substantialis communicatione, sed *sola*, ut Helmontius loquitur, *irradiatione*, modo nempe incorporeo nec intelligibili. Clarissi-

mo præterea Auctori notatum (*Essay de Physique* c. 25. §. 919.) nec ullum in phiala ponderis apparuisse incrementum, postquam 10. 12. vel etiam 20. exigua infecta phialam subjerant.

(2) Exiguissimam heterogeneorum quantitatem, nec sensibili obnoxiam ponderi ad congelationem inducendam satis esse, ex modo adnotatis liquet: nec mirum id cuiquam videri debet, cum multiplici frequentique experimento insensibilium exiguiusimarumque particularum ubique se prodant sensibiles effectus. Notum est Chymicis in communi sulphure duplicis generis partes contineri, quarum aliæ igni inflammabiles sunt, aliæ acidum spiritum, maximeque fluidum constituunt, atque ex utriusque generis partium commixtione solidam sulphuris massam concrescere. Sed & id Chymicis innotuit, inflammabiles

sulphuris partes, $\frac{1}{128}$ spiritus acidum par-

tem non excedere. Tantillum igitur est, quod acidum sulphuris spiritum coagulare valet. In aliis fortasse

fluidis, quod $\frac{1}{10000}$, eorum partem

æquat, idipsum obtinere fortasse potest.

(3) Salis, nitri, vitrioli &c. particulas aquæ congelationem maxime promovere, quotidie experimur: sed alia innumera esse possunt corpora

plerumque gelat? (1) 5°. Quam in Fluida congelantur?
(2) 6°. Quo usque gelu penetrat in Terram? (3) 7°. Unde oriuntur in Oceano Boreo montes altissimi glaciales?
8°. An mare etiam non congelatur (4)?

C A P. XXVI.

De Igne.

§. 760. **D**E Igne adeo eleganter differuit Boerhaavivius, ut fere tantum eadem repetere, pauca addere fas sit. Quoniam ignis sua subtilitate pene omnes sensus effugit, atque in omni loco & corpore, in quibus pericula facimus, semper præsens est, difficillime eruuntur characteres ipsius proprii: Hi ex phaenomenis, quæ edet, cum in majori minorive copia, quam ante, aderit, colligi modo possunt. Videntur hi characteres esse tantum duo, Lumen visum afficiens, aut Rarefactio corporum Fluidorum, vel Firmorum, major minorve, quam ante. Alterutrum characterum ponimus necessarium, quia Ignis datur non diducens ac tenuans corpora, sed tantum lucens, qualis

pura idipsum cum in aqua, tum in aliis fluidis præstare apta; de quibus tamen ob experimentorum defectum nil modo temere affirmandum.

(1) Particularum congelationem inducentium eadem fortasse copia in ære reperitur sive in hyeme, sive in æstate: calida tamen tempestate ob vehementem Solis calorem aquæ partes concutiuntur, agitantur; neque adeo aptæ sunt, ut a congelantibus particulis sisti valeant, atque congelantes particulas aquæ permixtas, ejus agitatione in æstate conteri, ac minui, minusque proinde ad effectum consequendum apta fieri.

(2) Congelatur aqua, tum quicquid aquæ plurimum admixtum habet: pleraque item olea congelantur; at eorum quædam sunt, uti oleum lini, congelationi nequaquam idonea.

(3) Definiri id constanti mensura haud potest; cum ex variantibus circumstantiis pendeat. Frigidissima hyeme anni 1709. glacies trium vel quatuor pedum altitudinem, Terram

in Hollandia penetravit. In Tartaria glacies ad sex pedum profunditatem deprehensa est: & in aliis fortasse locis major adhuc erit.

(4) Plura esse in telluris superficie flumina, præsertim in Moscovia, aliisque septentrionalibus regionibus, quæ rigente hyeme congelantur, vix est qui nesciat. In plerisque item oris, fretisque Oceani Borei mare congelari ad 300 & amplius pedum profunditatem, nec modo dubium cuiquam est. Calefacto deinceps aere, hiare primum, tum in varia frusta scindi gelu oportet; eorumque fragmentorum, vento & aquarum motu, plures cumulos fieri; in varias Oceani Borei partes huc illuc dispersos, eosdemque deinceps decidentium nivium ingenti copia, undisque superfluentibus in glaciem versis augeri par est. Atque hinc tandem fluctuantes glacie montes Borei maris suam trahunt originem. (Vide Auctoris nostri *Essay de Physique* c. 25. §. 925.)

qualis est in Lunæ luce, quæ etiam si ope Ustorii speculi, vitræ fuerit collecta, in mobilissimum Thermoscopium non agit. Sed datur Ignis quoque, cujus Lux non perceptibilis, verum qui corpora rarefacit, qualis est in Aqua, Oleisve ebullientibus, aut in Metallis nondum fusis: hæc enim rarefacta quidem sunt, attamen non lucent. Intumescencia corporum non est character infallibilis ignis ingressi, quia aqua & humidum æreum qualibet intrans vegetabilia, illa quoque tumefacit, non tamen penetrat se in omnia corpora, veluti ignis, qui cuncta rarefacit.

§. 761. Quæcumque explorata fuerunt corpora Firma, extenduntur ab Igne in omnem dimensionem, quamdiu hic ipsis inest. Demonstratur hoc ad oculum ope Pyrometri nostri (a), ostendentis corporum rarefactiones, quæ

tantum sunt $\frac{1}{12500}$ pars pollicis Rhenol. hos voco gradus.

Explorata corpora sunt omnia Metalla, Semimetalla, multi lapides, Creta alba, Lateres cocti: hæc omnia ab Igne rarefiunt, in longitudine non tantum, sed quoque in reliquis dimensionibus; uti ope coni ænei, qui frigidus vix per foramen, calidus nequaquam transit, probamus.

§. 762. Corpus quodcumque a determinata Ignis copia extenditur in determinatum volumen: eo plus extenditur, quo copiosiori Igne expositum fuerit, sed tamen ad certum modo & constantem gradum (b).

§. 763. Si Corpora frigida Igne exponantur, in principio lente rarefiunt, mox celerius, tum celerrime, mox iterum lentius, & deinde semper eo lentius, quo propius accesserint corpora ad summam expansionem, quam ab eodem Igne recipere possunt (c). Frigidorum enim angustos poros difficilius ingreditur ignis, quam aliquousque ampliatos: cum vero aliquantum partes a se recesserunt, datur major earum, contra recessum ulteriorem, renixus, quam ante, existente tantum vi ignis dilatante eadem: præterea ex poris ampliatis, ignis facilius egreditur, hoc eadem tantum copia accedente, perpetuo imminuitur rarefactio, donec tandem vi cohærentiæ, vel attractione partium æquilibrata cum viribus Ignis expandentibus, subsistat.

(a) *Comment. Tentam. Florent. Part. 2. pag. 12.*

(b) *Tentam. Fl. part. 2. pag. 16.*

(c) *Tentam. Fl. part. 2. pag. 24.*

§. 764. Idem Ignis, varia rarefaciens corpora firma, ea non expandit in ratione inversa ponderum eorum, neque in ratione inversa cohærentiarum, neque in ratione ex binis prioribus composita, sed absque regulis huc usque detectis; veluti experimentis evicimus. Nam ab eodem igne rarefcebat Cuprum rubrum 89 gr., Orichalcum 110, Ferrum 80, Plumbum 155, Stannum 153, Argentum 78. Cohærentiæ autem sive firmitates sunt Cupri rubri, uti 229. 5, Orichalci 360, Ferri 450, Plumbi 29, 25, Stanni 49, 25, Argenti 370 per §. 564; adeoque non sunt rarefactiones in ratione inversa firmitatum. Videntur rarefactiones pendere a diversis ordinibus, partes componentibus, a magnitudine, multitudine & figura pororum, duritie, mollitie, elasticitate, tenacitate partium, a copia olei vel sulphuris, quod ignem copiosius recipere, retinere & alere possit: quæ omnia ignorantur.

§. 765. Corpora Firma diversa ab eodem Igne non æque cito incipiunt dilatari; inter metalla citissime rarefit Stannum, sequitur Plumbum, tum Argentum, Orichalcum, Cuprum rubrum, tardissime Ferrum (a).

Quæ pendent a varia fabrica pororum, qua corpora facilius vel difficilius Ignem admittunt, eum attrahunt, vel repellunt: tum a varia cohærentia partium, harum fabrica, porositate, magnitudine.

§. 766. Metalla & Semimetalla rarefieri ab igne eo usque possunt, ut partes a se dividantur, solvantur, & ita in massam Fluidam liquecant. Non autem Metalla ab eodem frigore usque ad fluorem æqualem copiam Ignis liquefacientis postulant, sed alia majorem, alia minorem. Stannum a frigore glaciei usque ad fluorem calefactum, rarefacit Ferrum in nostro Pyrometro 109 gradibus. Plumbum idem Ferrum rarefacit grad. 217. Bismuthum 300. Marchasita Aurea 169.

§. 767. Quemadmodum Metalla ab Igne reducuntur in Fluorem, ita alia corpora, Cera, Pix, Sulphur sunt comparata: Hæc Actio Ignis vocatur *Solutio*, vel *Fusio*. In illa Vires Ignis, corporum partes removere, superant eas, quibus partes cohærent, ita ut a mutuo contactu potissimum resolutæ sint, natentque undique in Igne: quamdiu enim se contingunt, cohærebunt adhuc.

§. 768. Sunt quædam corpora, quæ ab igne terrestri non,

(a) Tentam. Flor. part. 2. S. 3. pag. 22.

non, aut difficulter ad fusionem rediguntur, si his tamen alterum corpus additur, adjuvatur fulio: ita omnes Terræ, quæ per se ab igne terrestri fortissimo ne fundi quidem possunt, ope salium Alcalinorum in Fluidum vitrum vertuntur: Ferrum adjecto Sulphure funditur in modico igne: nitrum ope Tartari fixatum fusionem reliquorum metallorum adjuvat.

§. 769. Metalla, quæ prius fluunt, antequam igniuntur, maximam Ignis copiam, simulac fluunt, non conceperunt, sed cum ignita splendent: Nam Plumbum a gradu primi floris usque ad splendorem in igne reductum, gradus rarefactionis 46 in ferro plures suscitavit. An autem alia Metalla, quæ tantum candentia liquefcunt, hoc aliove modo se habeant, nondum exploravi accuratissime, sed ex aliis observationibus concluderem, illa cum fluere cœperunt, nondum maxime calere. An id non fit, quia ignis amplissimos poros primum ingressus, partes quidem satis à se removet, ut non amplius cohæreant, sed fluant: verum nondum omni possibili copia poros angustiores particularum ingressus est, quos cum penitus implevit, tota massa candet, plus ignis recipere incapax: Quid vero dicendum est de Ferro, quod fustum in crucibulo, minoris voluminis esse dicitur, quam cum refrigeratur, idque esse solum Metallum, quod inter refrigerandum dilatatur? Ferrum frigidum est condensatum, rarefit ab igne, & quidem eo plus, quo vehementius ignitur, donec in fluorem reducatur: si tum infundatur formis, & e statu fluido in firmam massam abire incipit, inflatur, atque in interna substantia exiguas, copiosas, cavitates vacuas acquirit, jam firmum, etiam si valde adhuc rubens, ferrum, pergit frigesieri, non amplius inflatur, sed detumescit, & quo plus friget eo magis condensatur: nemo mortalium Ferrum accuratius examinavit, quam splendidissimum Gallia lumen *Reamurii*. Postquam autem Metalla in fluorem redacta, maximam Ignis copiam in se receperunt, licet diutissime igniantur, non plus ignis capiunt, sed partim volatilia hunc in auras, partim vertuntur in cineres, hi in Vitrum.

§. 770. Ita quoque alia corpora, veluti Pix, Sulphur &c. sunt comparata. Ignis actio, qua partes reddit volatiles, vocatur *Evaporatio*, vel *Exhalatio*, hæc contingit in partibus corporum tenuissimis, quæ ab Igne potissimum ra-

refieri, specificè leviores reddi, ab eo facillime moveri sursumque propelli potuerunt: Quæ omnia dum patiuntur partes, acquirunt vim Elasticam.

§. 771. Postquam e corporibus partes subtilissimæ, aqueæ & oleosæ imprimis, ab Igne expulsæ fuerunt, remanent crassiores, quæ ab Igne a se procul separatæ, postea avolante eodem, vix se contingunt, vix trahunt, non cohærent, & vocantur *Cineres*, *Calx*.

§. 772. Simulac ex memoratis corporibus Firmis Ignis avolat, hoc est cum frigesunt, condensantur corpora per successivos gradus erundo in extensionem minorem.

§. 773. Quo corpora plus calefacta ab igne fuerunt, eo citius, in spatio vel medio minus calente posita, condensantur; maxima ignis copia rapidissime avolante: Quo autem minus incaluerint, eo tardius condensantur.

§. 774. Quæ corpora firma citissime ab igne expanduntur, ea sublato igne, citissime contrahuntur, sive frigesunt; quia ut facilis ignis in hæc introitus, ita quoque facilis est exitus. Contra, fidelius ignem custodiunt, quæ lentius & majori cum labore eum receperunt.

§. 775. Quæcunque explorata fuerunt Fluida, ut Aer, Aqua communis, Aquæ plantarum medicatarum, Vinum, Acetum, Spiritus Vini, Olea plantarum earundem expressa, Stillatitia, Spiritus acidi & alcalini Salini, Mercurius, conclusa in phialis, ex ventre amplo in collum oblongum gracilemque desinentibus, Igni exposita, expanduntur, ex ventre in collum ascendunt; eo altius, quo copiosior igni exponuntur; attamen usque ad aliquem terminum. Sublata ab Igne, positaque in spatio vel medio minus ignito, contrahuntur, detumescunt, ex collo in ventrem phialæ descendunt; condensantur vero eo magis, quo magis Igne orbantur.

§. 776. Ignis proinde in omnia explorata corpora, Firma & Fluida irrepit; primum implet partium interstitia, partesque a se repellit: deinde ingreditur poros partium, forte & particularum quoque poros, usque ad minimas, removendo tandem ipsa etiam elementa: Quare totum corpus, usque ad intima ab Igne penetratum, intumescit. Quoniam omnia corpora in superficie Terræ posita, nunc Solis radiis obliquius, nunc magis in directum ferientibus, & densioribus exponuntur Hyeme & Æstate, expandentur successivis gradibus in majus volumen, quo ab
Hyeme

Hyeme plus tendimus in Æstatem . Praterea , quo loca Terræ copiosioribus radiis sunt exposita, eo plus rarefacta ibi erunt corpora ; id cum obtineat in locis Æquatori vicinis , patet corpora prope Æquatorem plus tumere , quam in regionibus Polaribus , frigidioribus : ideoque Horologii pendulum metallicum brevius erit in frigidioribus climatibus , quam prope Æquatorem . Quoniam etiam quotidie Sol oritur , calefaciens Terram , & occidente eo , Terra refrigeratur , corpora omnia in Terræ superficie tempore diurno expanduntur , contrahuntur nocturno . Adeoque in perpetua fere dilatatione & contractione erunt omnia corpora . Dilatantur ab Igne , partes propellente : Contrahuntur a vi attrahente , qua partes perpetuo ad mutuam unionem nituntur , expelliturque Ignis .

§. 777. Sunt tamen quædam corpora Firma , quæ Igni exposita contrahuntur , non expanduntur , veluti sunt omnia Ligna Arborum , Fruticum ; tum partes Animalium veluti Ossa , Membranae , & Chordæ ex Intestinis eorum factæ . Contractiones fiunt , quia Ignis subtiles partes ex his corporibus expellit , cum iis avolat , unde reliqua solida , semper ad unionem nitentia , propius ad se accedunt , quamvis ab Igne removeantur , sed minus ab igne nunc , quam antea a particulis volatilibus removeantur , adeoque his orbiata , imminuta sunt , & necessario contrahuntur .

§. 778. Quemadmodum corpora Firma ab eodem Igne inæqualiter tum mole , tum celeritate dilatantur , etiam non secus comparata sunt Fluida ; in experimentis rarefactio visa fuit celerrima & maxima in Aere , minor semper in Fluidis hoc ordine .

Aer , Alcohol , Petroleum , Oleum Terebinthinæ , Oleum raparum , Acetum destillatum , Aqua , Aqua salsa , Aqua fortis , Oleum vitrioli , Spiritus Nitri , Mercurius .

§. 779. Memorata Fluida , & reliqua , excepto Aere , ope Ignis reduci possunt ad ebullitionem , tumque calent , quantum possunt in aperto Aere , suntque in summa expansione .

Tum vero Alcohol ex gradu summi frigoris artificialis , ope Spiritus nitri excitati , & nunc ebulliens , $\frac{1}{9}$ parte totius voluminis expansum est . Aqua ab eodem frigore usque ad ebullitionem suam expanditur $\frac{1}{85}$ parte suæ molis ,

Mercurius ab eodem frigore usque ad suam ebullitionem $\frac{1}{5}$ partibus suæ magnitudinis intumuit.

§. 780. Quia Fluida ab æquali Ignis copia plus quam corpora Firma expanduntur, in usum vocata fuerunt ad Ignis copiam, in corporibus quibuscunque latentis, eruendam: Instrumenta huic usui destinata, vocata sunt *Thermometra*, aut *Thermoscopia*.

Quoniam Aer ab Igne leni multum rarefcit, Drebbelius Aereum Thermoscopium construxit. Vitreae sphaerae capaciore A, tubus BE (Tab. 9. Fig. 23.) adnectitur, vasculum D, quemcunque velis, continet liquorem; parum Aeris primo ex sphaera A expellitur, tum in tubum orificii aperti E, liquor a pondere Atmosphaerae pressus adscendit, suppone usque ad C. Simulac Ignis copiosior sphaeram A ingreditur, rarefcit eius Aer, spatium, in quod se recipiat, non habet, nisi expellat aliquousque liquorem ex B versus E; plus minusve proinde liquor in tubo descendit, pro varia Ignis ingressi, & Aerem rarefacientis, copia. Mobilissimum est hoc Thermoscopium, sed cum instabile sit Atmosphaerae pondus, a quo liquor in tubo suspenditur, fides ipsi haberi diu nequit. Si enim ab aucto pondere Aeris adscenderet liquor in tubo ultra notam C, & simul Aer in sphaera A, a maiori Igne rarefactus, deprimeret tantundem liquorem, ut ab utraque causa oppositis directionibus actus nunc maneat in C, videbitur idem nunc mansisse calor, qui tamen increverat; illum increvisse ignoramus, nisi pondus Aeris ex aliis indiciis mutatum fuisse certo sciamus; sed hoc cognito, nondum scitur auctus calor, quod magnam difficultatem observationibus affert, æque enim movetur fluidum in fistula pondere atmosphaerae mutato, quam a calore diverso. Plura incommoda, rejecti hujus ab omnibus Instrumenti recensere non vacat, nec utile est.

§. 781. Ejus in locum Thermoscopium Florentinum successit, quippe a Philosophis, Academiam Leopoldinam Florentiae componentibus, est inventum. Sphaera quoque A (Tab. 9. Fig. 24.) adnexus est gracilis tubus vitreus BC, quo tempore calum temperati est caloris, usque ad medium D tincto Vini Spiritu impletur, tumque hermetice pars suprema tubi C clauditur. Sic ponderi atmosphaerae non subjicitur Spiritus in hoc Thermometro. Scala apponitur in æquales pro lubitu divisa partes, a D versus C, & a D versus B nu.

B numerando: rarefcens in fphæra A Spiritus a majori copia Ignis adfcendit altius in tubum; descendit e tubo verfus fphæram, avolante igne. Quamvis hoc Thermofcopium præftantius fit priori, nihilominus obnoxium eft vitii fequentibus. 1^o. Scala, quæ ipfi affigitur, a nullo termino fixo & conftante incipit, nec in fixum definit, nec divifiones aliquid accurati de quantitate rarefactionis indicant. 2^o. Aer, qui in fuperiore tubi parte neceffario relinquendus erat, ab accedente calore expañfus, refiftit afcendenti liquori, hinc liquor minus quam par erat adfcendet. 3^o. Quo liquor altius adfcendit in tubum, eo magis deorfum gravitat in fphæram, adfcendentique humori impedimento eft. 4^o. Diuturnitate temporis Spiritus amittit multum de fua fluiditate & elasticitate; nec tam prompte fe expandendo, vetuftus igni obedit, quam recens. 5^o. Vitrum ipfum capacius fit calore, anguftius frigore; quare rarefactiones liquoris adfcendentis minores cernuntur, defeenfus etiam minores, quam fi vas, uti par erat pro Experimentis, femper æque capax maneret. 6^o. Exiguo caloris discrimini menfurando tantum poteft adhiberi: nam Spiritus Vini citius quam ullum cognitum fluidum ebullit; adeoque gradus caloris ebullientium fluidorum hujus ope explorari nequit. 7^o. Ab intenso frigore vertitur Spiritus in glaciem, uti in Lapponia ab inclyto Maupertuifio eft obfervatum, adeo ut frigus atmofphære, & multo minus aliquod intensius frigus non poffet hujusmodi Thermofcopio obfervari. 8^o. Et vix duo plura ve Thermofcopia, pari paffu incedentia, hoc modo fabricari poffunt: partim quia vix duo globi, qui ad capacitates tuborum in eadem ratione funt, haberi poffunt: partim quia non æque dilatabilis eft omnis vini Spiritus.

§. 782. Cognitis his vitii melius Mercurius, quam Vini Spiritus adhibetur; Mercurius enim purus, eft æque dilatabilis, & femper idem: præterea loco fphære tubo adnectitur cylindrus (*Tab. 9. Fig. 25.*), qui facile tantus eligitur, ut ejus capacitas determinatam, refpectu tubi, habeat proportionem; nempe ut 11124. ad 670. : id obfervando, plurima Thermofcopia ad eandem fcalam fabricari poffunt: atque ex modicæ craffitiei vitro fit cylindrus, ne dum hermetice clauditur tubus, a pondere atmofphære capacitas interna minuatur, quæ antea accurate in aere menfurata fuit; cui incommode fubjecta funt Thermometra, quorum venter, ad augendam fuperficiem, concavus, aut variâ

figuræ, & ex tenui vitro, confectus fuit. 2º. Ut Mercurius æquabilissime dilatetur, prius orbatur omni Aere: eo dein impletur capacior cylindrus, tubique pars; qui superius relinquitur omni Aere accurate vacuus. Quoniam difficulter & non nisi a magno igne Mercurius ebullit, pluribus corporum caloribus mensurandis est aptus: & quia frigore non constringitur in glaciem, cuicumque frigori mensurando inservit Mercurius: Scala quoque ipsi adjungitur stabilis & constans, incipiens ab unitate, designante frigus, quod in his terris a glacie cum permixto Sale Ammoniaco producit hyeme, nota 70. ponitur infra primam, ut maximum tum naturale, tum artificiale frigus observetur, nota 32. supra primam ponitur, cum Aqua in glaciem abire incipit, 212. est, cum in Aqua hæret bulliente: & 600. est, cum Mercurius ebullire incipit. Ita cognoscitur quoque quantum dilatetur Mercurius hærens ad quemcumque gradum, quia datur capacitas cylindri respectu tubi.

Vacat hoc Thermoscopium iis, quæ memoravimus in Florentino, vitiis, 1, 2, 4, 6, 7. Sed laborat 3 & 5: & quamvis 3. tolli possit, tubum horizontaliter ponendo, quantum vitium tolli huc usque non potuit. Idcirco ex gradibus ascensus, non possumus de vera quantitate rarefactionis aliquid certi stabilire, multo minus pro certo ponere licet, veram quantitatem Ignis ope ejusmodi Instrumenti mensurari.

1º. Initium enim Scalæ non inceptit, cum Mercurius erat omni igne orbatus: cum multo intensius innotuit jam frigus.

2º. Nescimus, utrum data rarefactione corporis a quadam ignis quantitate, rarefactio ejus a duplo copiosiori igne, futura sit duplo major. In corporibus Firmis id nequaquam obtinet, ob vim partium attrahentem: posset simile quid in Fluidis habere locum.

3º. Si omnis ignis æquali rapiditate non moveatur, potest plurimum ignis, segnius moti, intrare Mercurium, eumque parum rarefacere; vel paululum ignis, valde agitati multum rarefacere: Expansiones proinde Mercurii in tubo spectatæ mensuram copię ignis non exhibebunt. Sunt tamen hæc Thermoscopia omnium optima, & perfectissima, quæ huc usque Ars invenit, eaque pro maxima parte artificiosissimo Fahrenheitio debemus. Quomodo construenda sint explicui breviter in Commentariis, Tentaminibus Florentinis annexis. Florentinum Thermosco-
pium

pium emendare conatus fuit Vir solertissimus Reaumurius (a), scalamque stabilem etiam ipsi accommodavit, felici satis successu: Spiritum Vini quoque suo Aere orbat, eum igne ex phiala & tubo expellit, adeo ut hoc Thermoscopium ad eam perfectionem, cujus capax est, sit redactum: præstantia tamen semper cedit Mercuriali, quia non omni frigori, ne naturali quidem, mensurando, inservire potest, nec calorem ullius ebullientis fluidi indicare, tum quia Spiritus vini paucis annis mobilitatis suæ magnam patitur jacturam.

§. 783. Quotiescunque major corporum calor, quam Mercurius ebulliens capit, explorandus est, Pyrometrum nostrum, expansiones ignitissimi corporis accurate mensurans, adhiberi potest.

§. 784. Thermoscopium Mercuriale secundum scalam præcedentem constructum, evidentissime docet, varios liquores diversam Ignis copiam, ut ebulliant, postulare: hæc non est in ratione densitatis corporum, cum Olea levia multum Ignis, si fervebunt, desiderant, Alcohol Vini ebullit stante Mercurio ad gradum 176: adscendit ad gradum 212 Mercurius in ebulliente Aqua: ad gradum 242 in ebulliente Spiritu nitri: ad 240 in ebulliente Lixivio Tartari: ad 546 in ebulliente Oleo Vitrioli: ad 600 gradum Mercurius ebullit ipse; nec prius ebullit Oleum Lini.

§. 785. Dum in usum vocantur Thermoscopia, observatum fuit, cum subito immerguntur liquore multum frigidore, Mercurium vel Spiritum vini, si Florentina machina in usum vocetur, in tubo statim adscendere, mox descendere: contra, si mergantur in liquore multum calidiore, Mercurium spiritumve in tubo descendere in initio, mox adscendere. Quæ contingunt, quia vitrum Thermoscopii citius a frigore & calore afficitur, quam Mercurius, vel spiritus in eo contentus; vitrum a frigore contrahitur, idcirco ex ventre expulsus adscendet Mercurius; vitri capacitas calore, a quo dilatatur, augeatur; idcirco in ampliatus Thermoscopii ventrem descendit Mercurius, & tamdiu, donec penetrato jam ab igne vitro, eoque ulterius repente, ipsum fluidum rarefieri incipiat: confirmavit hoc aliis Experimentis Cl. Bulfingerus (b). Quambrëm omnes mutationes adscensus descen-

Cc 4

sus-

(a) *L'Hist. de l'Acad. Roy. A. 1730.*

(b) *Com. Acad. Petrop. vol. 3. pag. 242.*

iusque, quas Mercurius in Thermoscopio notat, sunt tantum rarefactiones ejus majores minoresve, quam quibus Vitrum idem Ignis subjeit.

§. 786. Ignis qui se copiose adnectit corporibus, iisque adhæret, eorum pondus auget, idcirco ipse gravitatem, veluti alia corpora, habet.

Paucis id evincendum erit Experimentis, quorum ingentem copiam du Clos, Boyleus, Hombergius, alique descripserunt. Notissimum est 100 lb Plumbi, igne magno calcinati, præbere 100 lb Minii. Hellous 4 lb Zinci in calcem redegit, acquisivit 3 lb 14 uncias pulcræ albissimæ calcis, tum 2 Uncias & 2 drachmas crassioris & minus al-
bentis calcis, & unciam terræ, adeo ut quælibet libra in-

crementum ponderis 2 $\frac{1}{2}$ drachmarum acceperit, quamvis

interea multum metalli cum fumo avolaverit. (a) Sed melius confidi experimentis poterit, si in vasis clausis intuantur: Stanni rasura ad 3ij in retorta vitrea clausa, quæ dein sigillata fuit, per horam sesqui detenta in flamma accensi Sulphuris, abiit magna parte in calcem; ponderata hæc postea, augmentum ponderis granorum quatuor cum dimidio ostendit.

Uncia limaturæ Cupri immissa fuit crucibulo, quod tegula tectum, trihorii spatio expositum igni rotæ fuit: frigesactum metallum, nunc nigrum, pondus granorum 49 acquisivit.

Unciæ rasuræ Stanni in retorta vitrea, hermetice sigillata dein, inclusa fuit, tum exposita bihorio flammæ Spiritus Vini, postea refrigeratæ ponderis augmentum accessisse granorum 4 $\frac{1}{2}$ pensio docuit.

Ignis in tribus diversis pabulis collectus, & suscitatus, eundem effectum aucti ponderis dedit: Verum suspicio hic oriri posset, an non partes quædam subtiliores pabuli terrestris simul cum Igne, per vasa vitrea & crucibulum, in explorata metalla transiverint, quæ eorum pondus auxerint, non vero Ignis. Dubio huic occurri potest, si radii Solis, qui constituunt purissimum Ignem, eundem præstent effectum.

Du Clos libram Reguli Antimonii, in tenuissimum pulverem tenuati, vasi fictili & vitreato immissi exposuit foco Speculi ustorii; erupit ex antimonio fumus, albicans & densior, elapsa hora in cineres quasi redactus pulvis, decima pristini ponderis parte auctus est.

Capta

(a) *L' Hist. de l' Acad. Roy. A. 1735.*

Capta hæc Experimenta in variis mineralibus ponderis simile incrementum dederunt, uti videre est apud du Hamel (a). Hombergius Dioptri ope in Antimonio idem deprehendit, id confirmante Lemmerio (b). Plumbum in foco Dioptri maximi liquefactum, tum calcinatum, & in vitrum mutatum, quamvis multum fumi emiserit, nihilominus pondere increvisse, Casellis observavit Zumbachius. Ergo Ignis sive terrestris, sive sincerus cælestis pondus corporum auget, & cum iis inhæret, ipse gravitatem possidebit.

§. 787. In omnibus Experimentis, quæ ope Ignis corporibus accessisse augmentum ponderis ostendunt, corpora diuturno, & copioso Igni fuerunt exposita, elasticitate & firmitate orbata, & in calcem redacta, in qua multum Ignis irretiri, atque includi potuit, adeo ut notabile pondus ignis evaserit. Quicquid adversus hanc gravitatem nonnulli moliuntur, parum virium habet: Mirandum enim non est, Ignis exiguam copiam, in corpore collectam, vix pondus indicare posse; idcirco massa ferrea ponderata frigida, deinde calefacta, iterumque ponderata, ejusdem gravitatis permanisse videtur: si autem consideremus massam ponderari in Aere, minoris voluminis esse frigidam quam calidam, adeoque inflatam, calentem, in fluido Aereo minus pondus debere indicare; cum vero id idem habeat, ignis in ea tanti est ponderis, quantum de pondere, ob auctum volumen, corpus amisisset. Quamobrem ex hoc Experimento nihil contra Ignis pondus evinci potest; cum e contrario id probat. Ferrum vero ignitum manet ejusdem ponderis, quia tam parum rarefcit; sed alia metalla, quæ multo majorem in molem tumescunt, calefacta evadunt leviora: nam 4 libræ plumbi fusi leviores 4 granis evaserunt, & 4 libræ stanni liquefacti tantum 2 granis leviores observabuntur; plumbum enim antequam liquefcit, in multo majus volumen expanditur, quam stannum, & ideo ab aere plus sustinetur: hæc vero metalla longe magis rarefcunt ab eodem igne quam ferrum. Quamdiu autem corpora manent massæ firmæ, aut in eam redeunt, expellunt iterum ex se ignem viribus suis attrahentibus; quod in calcinatis locum non habet. Multo minus Flamma incensorum corporum adscendens, non descendens, pondus

(a) *Hist. Ac. Reg. L. 1. S. 2. C. 2.*

(b) *Hist. de l'Acad. Roy. A. 1709. & in Chemia 6. 5.*

dus ignis evertit, quippe hæc una cum particulis corporum, quas valde rarefecit, massam componit specificè levio-
 rem Aere isto, per quem ascendit: idcirco in Aere rariori
 semper minus minusque ascendit flamma, donec in Aere
 multum rarefacto non amplius ascendat. Alia obmota
 fuit difficultas, corpora nempe, quæ vitro ustorio in cal-
 cem vertuntur, majus argumentum ponderis acquirunt in
 vasis apertis, quam in clausis; idcirco ex aere particulæ
 quædam accessisse ajunt, quæ pondus auxerunt. Sed si in
 vasis clausis pondus corporum calcinatorum increverit, hoc
 ab aere, cujus accessus vetabatur, non pependit: majus
 minusve incrementum a fortiori leviorique, diuturniori aut
 breviori calcinatione pendet; adeoque concludimus, Igni
 pondus competere. Alius restabat scrupulus: Corporum ope
 radiorum Solarium in calcem reductorum pondus multum
 increfcit, lux autem est admodum subtilis & rara; hinc tem-
 pore, quo calcinatio perficitur, tantum infinite parvam gra-
 vitatem cum corpore communicare, non vero tam ma-
 gnâ, ac observamus, poterit. Sed equis pondus integri
 radii Solis novit? equis determinabit copiam radiorum in
 corpus incidentium, re percussorum, in hærentium? si radius
 a sole ad Terram usque exporrectus gravitatem habe-

ret ————— grani: tum 10000000 radii pondus grani ha-

100000000

bebunt, qui omnes tempore 7 vel 8 minutorum ingredien-
 tes aliquod corpus, quod in calcem reducit, incremen-
 tum ponderis æquale uni grano dabunt; & propterea 60
 plures, pondus drachmæ corpori addent; quamobrem levio-
 ris momenti quoque hic scrupulus est.

§. 788. Ex omnibus hinc usque de Igne traditis sequitur
 manifesto. 1^o. Ignem esse corpus, quia spatium occupat,
 sese extendit ex corpore calefacto quaqua versum in alia
 corpora, vel in spatia: deinde movetur, cum sese expan-
 dit: soliditatem suam re percussione a speculis cansticis osten-
 dit: gravitatem habet, Aliqui ignem penetrabilem, & non
 solidum, esse opinantur, quia si radius Solis perpendi-
 culariter in speculum inciderit, eadem via redit, quod fie-
 ri nequit, nisi semetipsum penetraverit: non vero juxta
 se decurrerent radii incidentes & redeuntes, quia nulla
 datur ratio, quæ incidentem radium e via sua deflectere
 cogeret. Subtile ratiocinium! sed quæsitum velim, an expe-
 rientia

rientia ulla constet, radium lucis solitarium, a speculo redditum, per semet redire? ne régeras, radium tractabilem ita ferri, hic enim constat ex innumeris radiolis divergentibus, quamobrem facile quilibet in alia via adjacente redibit, absque ulla penetratione mutua. 2°. Constabit Ignis ex partibus subtilissimis, cum penetrat in poros quorumcumque corporum, tam firmorum, quam fluidorum. 3°. Eruntque ejus partes solidissimæ, quia sunt minimæ, proinde non multum porosæ: forte elasticæ. 4°. Quæ habent superficiem politissimam; hæc enim fluit ex facultate penetrandi in omnia corpora usque ad intimum meditullium: quod fieri non posset, si Ignis partes forent hirtæ, scabræ, hamosæ: summa Ignis fluiditas lævem superficiem quoque partium demonstrat; obtinetque tantum inter corpuscula figuræ sphæroideæ. 5°. Est quoque Ignis mobilissimus, cum moveat summa rapiditate reliquorum corporum partes: veluti imprimis patet in foco ultiorum. Corporibus adhærere potest, auct enim pondus, & cum iis, quæ volatilia fecit, avolat. 7°. Potestque reduci ad quietem, saltem ad minorem rapiditatem, quam ante habebat, veluti hæret in calce Metallorum, aliorumque corporum, ad Thermometrum non calentium. Hæ calces eo plus ignis imbibunt, quo diutius ignitæ fuerunt: quemadmodum patet, si duæ glebæ æquales calcis saxatilis in aqua macerentur, altera vero gleba diutius ignita altera fuerit, ab illa calce aqua multo vehementius incallescet: idem contingit in sale Alcalino. Ignis copiosus, intra corporum partes intricatus, plerumque lucet, uti videre est in Androdamante Helvetico, in Lapide Bononiensi, immo fere in omnibus aliis lapidibus, calcinatis, vel prius in spiritibus acidis solutis, & deinde calcinatis, tum in bolis, terris, animalium ossibus, plantarum cineribus: Hæc enim omnia, parum a Sole illustrata, dein in obscurum delata, lucent, lucemque aliquamdiu retinent; immo si amiserint, denuo exposita Soli, eandem ostendunt. Lapis Bononiensis, conservatus in cotoneo, lucendi vim ultra quinque annos retinet: idem præstat calcinatus Belemnites, & Topazus. Exploratum fuit, an lux Bononiensis lapidis, solaris foret, an vero ignis in ipsum ingressus, & a luce novo motu agitata: Lux Prismate in colores separata, & in hunc lapidem directâ, ignem antea epotum, & a luce Solis nunc agitatam fuisse, ostendit: Nihilominus multa alia cor-
pora

pora lucem Solis imbibunt, & aliquamdiu servant uti Adamantes, Sapphyri, Amethysti, alique lapides pretiosi: verum mira est corporum varietas, adeo ut non semper expectationi respondeant tentamina: Fayus, qui hoc thesaurus egregie promovit, in Sole, tempore 22. minutorum posuit varii coloris adamantes, in tenebris deprehendit flavos multum lucis sparsisse, reliquos non: alio tempore flavos & cæruleos diu luxisse: dantur lucentes Emeraldi, ut & Crystalli, & lapis Lazuli: lucem æque bibunt positi in aprico, ac sub aqua, aut lacte, sed non sub attrimento. Corpora, lucem imbibendi proprietate prædita, diuturnis ignitionibus eadem exui possunt, veluti observatum est in Crystallis, lapide phosphoreo Bernensi, Emeraldis: sunt alia quæ ignitione eam proprietatem acquirunt, uti lapis Bononiensis, Belemnites, Gypsum, phosphorus Balduini (a) (1).

§. 789.

(a) *L' Hist. de l' Acad. Roy. An. 1730. 1734. 1735.*

(1) Hoc de Phosphoris argumentum post Fayum mire illustravit, auxitque Cl. Jacobus Barth. Beccarius Bononiensis, nuper de iis edito Bononiæ commentario, mole quidem exigua, sed rerum pulcherrimarum novarumque copia, ipsaque scribendi elegantia & ordine plurimum commendabili. Longe plura corpora, quam quis antea credidisset, in tenebris lucere ei deprehensum est; vixque a sententia abest Vir Cl. id universalem corporum proprietatem adstruendi. Quod enim metalla ex omnibus corporibus haud in phosphoros evadere hucusque visa sint, spe non abjicitur fore ut aliquando in phosphorum classem vel vulgari aliqua & obvia preparatione aliquis eis sit locus. Non abs re fuerit, si ipsis Beccarii verbis methodum exponamus elegantem sane, atque ad propositum finem accommodatissimam, qua tot phosphori ei innotuere. *Celulam ergo fieri curavi, nec ita parvam, ut observatori sive sedenti, sive stanti capiendi par non esset, nec vero ita grandem, quin ipse in ea quovunque vellet pro experimenti opportunitate gestari posses. Ingressus erat*

ex uno latere per ostium, quod exactissime clauderetur. In altero autem excisa erat fenestra, cui cylindricum tympanum sic aptabatur, ut inter commissuras minimum spatii relinqueretur, tantum vid., quanto ad tympani circa suum axem, qui ad perpendicularum erectus erat, liberam conversionem opus esset. Ad fenestra laterales oras duæ alæ, ad superiorum vero inferioremque binæ eidem fastid evans appositæ; omnes tam late, omnesque tympani figuræ curvædini suæ ita accommodatæ, ut lumen eternum, quod alias in cellam per commissuras se insinuasset, in ea inflexione disperiret. Postremo a summo ad imum tympani apertura erat, in longum altitudini ejusdem, in latum vero sextæ circumferentiæ parti æqualis. Per eam tympani fundo res observandæ imponebantur, quas erat facile modo ad exteriorem lucem, modo ad observatorem intus conclusam solo tympani circumactu obvertere. Ita & earum erat cistissima luce ad tenebras translatio, & interior obscuritas ab omni luminis illapsu tutissima. Nihil ergo ad observationem restabat am-

§. 789. Antequam verò ex rapidissimo motu, quo vige-
bat antea, ad minorem minoremque, & fere ad quietem
transiit, passus est Ignis diversissimos gradus velocitatis,
semper decrescentis: Idcirco potest aliquando esse plurimus
Ignis in corpore cum parvo motu, vel ejus exiguis effe-
ctibus; aliquando paucus Ignis cum ingenti effectu. Forte
Phosphori, ex Animalium partibus parati, ita se habent,
ut cum sub Aqua frigent, nec luceant, extra Aquam lu-
ceant tantum, copiosissimum quidem Ignem contineant,
sed quiescentem fere: Idcirco simulac eorum Ignis moveri
incipit, suam abundantiam illico ostendit, tum facillima
inflammatione, tum ardore. Idem Minium, in vacuo ca-
lesfactum, sua vehementi expansione & incendio probat.

§. 790. Ignis corporibus inhærens, a nonnullis circum-
ambientibus corporibus retinetur, ab aliis quasi extrahitur
citius lentiusve.

Metalla enim, Saxa, Lapides, Ligna, Fluida, vasis
inclusa, & calida, involve Lanæ, Villo, Plumis, pelli-
bus Animalium, capillis; diutissime calebunt: contra iis
effunde Aquam, aliosve liquores, aut illa pone Aere li-
bero, cito refrigerabuntur.

Aqua calida in vacuo Boyleano Ignem citius quam in
Aere amittit; Lignum putridum & lucens, Aere circum-
datum, per aliquot dies Ignem suum retinet, quo, si-
mul ac in vacuo Boyleano ponitur, illico orbatur: Lignum
hoc semel Igne orbatum, admissio Aere ignem nun recupe-
rat. Lampyris in Aere lucet, in vacuo lucere desinit, admis-
so

amplius nisi ut spectator, quemad-
modum ante dictum est, visu esset
pregressa omnis impressionis purgatis-
simo. Id vero non brevem in tenebris
moram omnino postulat. Que cum
homini vel otioso radiosæ esse consue-
vit, tum vero aliquid acturo, imo
nova investigare, atque intueri cu-
pienti est molestissima. Optimum er-
go Fati consilium est matutinum
tempus ad ejusmodi pericula eligere,
quo per nocturnam obscuritatem, &
sequem minime defatigati sunt oculi,
atque ideo acutius vident, quam alio
quovis. . . . Quod si oculos jam diurna
claritate imbutos habueris, nec ta-
men velis solitudinis, tenebrarumque
tedium perferre, sufficet ex ejusdem

prescripto alterum oculum claudere,
alterum apertum servare. Interea enim
dum plena in luce versatur, illum
otio, & luminis exclusione idoneum
reddet ad observandum; hujus vero
subsidio, quæ ad id necessaria fore co-
gnoveris, ea non incommode appara-
bit. Semihoræ, aut etiam longioris
temporis spatium in hac præparatione
impendat. Omnino enim ejusmodi ob-
servationibus obesse mora non potest,
sed festinatio. Elapso hoc tempore
jam se in cellulam abdat, & ad ob-
servationem accingat; cui se aptum
esse cognoscet, si potis sit chartæ albæ
primum exteriori lumini, deinde sibi
objectæ formæ, & candicantem cla-
rorem percipere.

fo Aere, lucet iterum. Nihilominus Ferrum diutius in vacuo Ignem conservat, quam in Aere, & forte ejusmodi anomaliis plura alia corpora subjiuntur.

§. 791. Quotiescunque corpus ignitum supra aliud minus ignitum ponitur, Ignem cum eo communicat; quantum communicat, tantum amittit; communicare pergit, donec ambò æqualiter caleant.

§. 792. Operantur hoc modo corpora Firma in Firma & Fluida, Fluida in Fluida & Firma, absque ullo hucusque cognito discrimine.

§. 793. Quamobrem Ignis se quaquaversum diffundendo ex corporibus exit, donec æquali copia in omnibus corporibus ambientibus & vicinis hæreat: ideo si in loco quodam spatioso plurima fuerint corpora, Firma & Fluida; veluti Ferrum, Plumbum, Marmor, Villus, Lana, Plumæ, Cotoneum, Lignum, Suber, Vinum, Aqua, Viotrioli Oleum, Mercurius, vel alia quæcunque; atque hæc aliquot horis sibi commissa sint, locus autem nec a Sole, nec ab excitato igne, nec ab Hominibus caleseat; apparebunt omnia hæc corpora, ope mobilissimi Thermometri, æque ignita, sive æque calida. Immo Thermoscopium, vel corpora cum eo inclusa vacuo Boyleano, Torricelliano, eandem Ignis copiam exhibent; est enim Ignis æquabiliter per omnia distributus, ita ut in pede cubico Auri, & Aeris, & plumarum, par ignis quantitas habeatur: an hoc ab ignis elasticitate pendet?

§. 794. Idcirco Thermoscopium ex filo longo suspensum, ac per Aerem in oscillationes actum, nullum discrimen caloris frigorisve ostendere potest: Immo Ventus, ope solis in Thermoscopium propulsus, nullam mutationem ipsi affert. Si vero Thermometrum humectetur aqua, & deinde ventus illi afflet, notabilis inducitur mutatio, cum frigus oriatur: hoc cognito, Nautici lagenas, humido linteo involutas, inter vela suspendunt, ut a ventro refrigerentur. Postulant hæc Experimenta non exiguam curam, nec coram pluribus spectatoribus fieri possunt, cum locus exemplo ab eorum corpore inæqualiter caleseat, nonnullaque corpora aliis citius Ignem in se recipiant.

§. 795. An igitur corpora quiescentia, sibi que libere commissa, Ignem quidem attrahunt, aut an vi inæquali? id enim sisoret, manerent nonnulla aliis calidiora. Lux tamen, uti ex Newtonianis experimentis colligimus, a cor-

pori-

poribus sulphureis fortius trahitur, quam ab aliis: An autem hoc discrimen Attractionis est adeo exiguum, ut rarefactio corporum ope nostrorum Thermoscopiorum ostendere id nequeat, sed quidem Refractio?

§. 796. Ex æquabili Ignis diffusionē intelligitur etiam, quare Ignis ex ardente pruna, ex globo metallico, saxeove, calefacto, æque exeat sursum, quam deorsum, tum lateraliter, & in omnem plagam, uti Thermoscopia probant.

§. 797. Sed erit quoque Ignis per ipsum corpus ignitum æquabiliter dispersus: Quoniam autem corpus applicatum alteri, id tangit in superficie, quacum prius communicatur Ignis; corpus alterum calefaciens, diutissime in centro suo Ignem continebit.

§. 798. Montui in §. 793. Ignem se in aliquo loco æquabiliter per totum spatium, atque corpora in eo posita, diffundere: idcirco si in Aere aperto suspendatur Thermoscopium, ita ut non a Sole illuminetur, indicabitur idem gradus Ignis prope Terram, & in altitudine 10, 20, 30, 40 pedum: Verum in ædibus, quæ ex variis, sibi suppositis contignationibus constant, hæc Ignis æquabilitas tempore diurno aut nocturno in omnibus non observabitur; sed media die observabitur cœnaculum altissimum, etiam calidissimum; minus calet contignatio inferior; adeo ut infima omnium minime caleat: media nocte infima deprehendetur calidissima, ea sub tecto frigidissima, medique caloris media. Quod fit, quia tectum maxime Soli expositum, etiam diurno tempore maxime ab eo calefit; Ignis matutinis horis sensim penetrat per tabulata, & pavimenta usque ad infimam, ad quam sero pervenit. Noctu Aer externus citissime refrigeratus tecta perflat, quæ ideo citissime refrigerantur, atque ignis ex inferioribus cameris nonnisi lente per fornices, & lacunaria sursum transit.

§. 799. Si duo corpora ejusdem materiæ sibi similia, æqualia, fiant æque calida, horum unum imponatur corpori duro densiorique, alterum corpori molliori rariore; tum citius & majorem copiam Ignis amittit, quod duro densiorique corpori est impositum, quam alterum impositum leviori. Præterea corpus durum & densius videbitur minus ignis accepisse quam alterum rarius.

§. 800. Sed id quoque in Fluidis obtinet: Sit enim Aer, Aqua, Mercurius, in tribus vasis æqualibus, æque calidis; hisce fluidis immergantur, tria, æque igniti, & paræ magnitudinis, Ferri frusta: diutissime id calorem retinebit, quod in Aere ponitur; citius ignem amittet, quod Aqua mergitur: ocissime vero id frigeſcit, quod injicitur Mercurio.

Nam ignis ex uno corpore intrans alterum, debet commovere hujus partes, quæ cum sunt in densiori & duriori, tum copiosiores, tum magis coherentes, difficilius etiam moventur, pluresque vires Ignis consumunt: citius igitur ignitum corpus perdidisse ignem, & id quod ignem accipit, minus ignis accepisse videbitur.

§. 801. Hinc intelligimus rationem, ob quam si digitos imponamus Metallo, saxove aut lanæ, quamvis æque calidis, nihilominus metalla appareant frigidiora lana; digitus enim plures metalli partes attingit, quam lanæ, illasque duriores & immobiliores nequaquam tam subito igne suo movebit, quam mobiles, tenues, rarasque lanæ particulas. 2º. tum quare citius quoque digiti a Metallis & solidioribus quibuscunque corporibus refrigerantur, quam a lana.

§. 802. Ventus Thermoscopio afflans majorem frigoris gradum in eo non excitat, quam qui aeri quieto & tranquillo competit per §. 794.; nihilominus Ventus corpus humanum multo plus refrigerare solet quam Aer tranquillus, morbosque illi calenti afflans inducit, nequaquam ab eodem quiescente oriundos. Quod fit, quia corpus humanum naturaliter plus calet Aere ambiente: aerem ideo calefacit, in eo quiescente versamur tanquam in quadam Atmosphæra, ejusdem aut paulo minoris nobiscum caloris, adeoque Aerem non, aut vix frigidum sentimus: Verum afflante vento, tota Atmosphæra calida a corpore abripitur, continuo novus Aer, minus quam corpus calens, appellit, quo non potest non corpus cito & magis frigi fieri. Hinc quoque intelligitur, quare halitus ore aperto in dorsum manus immisſus videatur calidus; flatus ex ore arctato frigidus.

§. 803. Quo corpora difficilius Ignem in se recipiunt, plerumque eo diutius ignem retinent: Quo graviora & duriora sunt corpora, eo difficilius igniuntur, veluti Ferrum, Cuprum, Saxa, sed hæc quoque diutissime Ignem con-

conservant: Creta tamen omnium difficillime ignitur, sed ignem satis cito amittit: Quo leviora sunt corpora, eo citius Igne orbantur: hinc Aer ocyus calorem perdit, quam Alcohol, hoc citius Aqua, hæc citius Mercurio.

§. 804. Quo corpora ejusdem materiei & figuræ majora sunt, eo diutius, æqualiter calefacta & in eodem medio posita, ignem suum conservant. Filum tenue, & crassa ferrea virga in igne rubefiant, eodem tempore in Aere suspendantur, ocyus frigefactum est filum quam virga: corpora enim ignem amittunt in ratione superficierum, eum vero comprehendunt in ratione magnitudinum: Ponantur duo cylindri, prismata, cubi, sphæræ similes, erunt eorum superficies uti quadrata diametrorum: Sphæra A habeat diametrum 1 pedis, sphæræ B diameter sit 10 pedum, erunt superficies uti 1 ad 100, & soliditates uti 1 ad 1000; quare sphæra B decies diutius ignem retinebit quam A. Si nostra Terra globus ferreus foret, hic ignitus ad ruborem, deinde sibi commissus, tempore 50000 annorum caleret, antequam omni igne orbaretur.

§. 805. Si corpora firma, dura, sicca, velociter, & cum appensione perfricentur inter se & atterantur, incipiunt tepere, calere; continuato & aucto attritu increfcit æstus, donec tandem corpora candescant, vel in vivam flammam incenduntur, si ignem alere queant.

Ligna, in primis duriora, nam non omnis hoc tibi materia præstabit, solo attritu incenduntur (a), hinc Sylvarum incendia, ramis arborum, a ventis agitata, se terentibus (b). Terebra obtusior chalybea cito acta in durum lignum, vehementer incalescit. Rohaultus ferram per durum lignum celerrime reciprocans, eam incaluisse, odoremque ex combusto ligno se percepisse, prodit. Ferrum supra incudem a malleis citissime & frequentissime tusum valde calet (c). Saccharum in mortario tusum manifesto lucet. Funis circa arborem convolutus, & aliquoties celeriter, ac cum valida compressione reciprocatus, calet & flagrat. Achates cum Achate frictus flammam emittit. Tubus, vel globus vitreus manu, linteo, charta celeriter perfrictus, calet, & manifeste lucet. Amalgama Mercurii ad speculum vitreum trita lucet. Aurum, Argentum,

Tom. I.

Dd

tum,

(a) *Arist. L. 3. de celo; Seneca l. 2. c. 22. q. 4.*

(b) *Lucret. L. 1.*

(c) *Du Hamel in Hist. Acad. Reg. l. 2. S. 2. c. 2.*

tum, Cuprum, Adamantes & gemmæ quæcunque pretiosæ contra vitrum tritæ lucent (a). Tutia in tenebris malleo contusa in partes, magnam claramque lucem phosphori instar spargit (b). Reaumurius duas partes ferri miscuit cum una parte Antimonii, fuditque: massa hæc asperiori lima limata, pulverem exhibuit phosphoreum, comburentem chartam (c): virga ferrea, qua Antimonium movemus, cum in calcem reducitur, phosphorea ad ictum evadit (d). Linteum, Sericum, Charta durior, cum impetu trahatur inter digitos, calet lucetque (e). Aurum fulminans, & Crocus Martis Antimonialis si terantur vehementius, inflammantur. Possunt hæc phænomena fieri quocunque tempore, & in quocunque loco, immo & in vacuo, quemadmodum Boyleus (f), & Hauksbejus (g), plurimis in vacuo captis experimentis, ostenderunt, velocissime terendo Adamantem, Gummi Laccam, Ceram Sigillatoriam, Vitrum, Ambram, Ostream, Lanam, Chalybem, Silicem. Chalybs in aperto Aere percussiens silicem, vividissimas edit scintillas, quæ collectæ falsos metalli globos aliquos in vitrum versos præbent. Verum in vacuo non lucent hæ scintillæ, producuntur nihilominus globi, prioribus similes. Est igitur Ignis ubivis præsens, & in omni corpore, atque ille, qui in corpore fere quiescebat, vel parum movebatur, tritu celerrime iterum agitatus a partibus, quæ motu vibratorio citissime contremiscunt, illico suam vim & præsentiam ostendit.

S. 806. Quia autem corpora elastica facillime tremunt, tremoremque diutissime continuant, elastica tritu erunt igni colligendo aptissima, hinc chalybs induratus allisus filici, copiosiores ignem elicit, quam molliissimum Ferrum. Quia molliissima corpora vix resiliunt, tremuntve, vix tritu Ignem producunt. Hinc animalium corpora, quæ vas maxime elasticis constant, per quæ elasticus sanguis celerrime movetur, tam facile incalescunt & Ignem colligunt; cum ea, quæ laxis corporibus & sanguine aqueo, vix moto, donantur Animalia, adeo frigent. Verum an

solo

(a) *L' Hist. de l' Ac. Roy. A. 1707.* (b) *Commerc. Litt. Norimb. A. 1736.* (c) *L' Hist. de l' Acad. Roy. A. 1736.*

(d) *L' Hist. de l' Acad. Roy. A. 1736.*

(e) *Phil. Transf. N. 366.*

(f) *In continuat. 1. Exp. Physic.*

(g) *In Exp. Physic. Mechan.*

solo Igne, quem in se habuerunt corpora ante tritum, nunc calent trita? an vero alius ex ambiente spatio accedit, tritu quasi in ea attractus? hoc obtinere videtur, quia Ignis ex uno corpore transit in aliud: tum quia, quo densius est, corpus, eo diutius ignem retinet, quo rarius est, eo citius eum amittit: ea quæ flagrant, non suo tantum, sed aliunde accepto igne ardent.

§. 807. Si inter corpora §. 805. quæ atteruntur, liquor aliquis intermedius funditur, uti Aqua, Oleum, Sebum, vel quæcunque Pinguedo, vix nascitur calor, saltem non comparandus cum priori: hinc axes omnium rotarum, siue curruum, siue Machinarum unguntur pinguedine. Hæc enim Fluida asperitates superficierum implent, tollunt, & quia superficiebus large inuncta mutuam attractionem impediunt, motum corporum supra se lubricum faciunt, hinc exiguus tremor, vix ignem latentem suscitans, in partibus nunc excitatur.

§. 808. Si corpora ejusdem materiæ, sibi similia & æqualia fuerint, picta vel tincta colore albo, rubro, flavo, viridi, cæruleo, purpureo; aut si fuerint nigra, atque exposita eodem modo Soli lucenti, tum & minime, & tardissime calebunt ea, quæ albescent, his plus & citius colorata, crescente calore secundum recensitum colorum ordinem, ita ut ocyssime & maxime caleant nigra. Patet id in pannis quibuscunque, qui humidi nigrique longe citius exsiccantur quam albi. Parietes in hortis nigri longe vehementius calent, quam albi. Terræ nigræ multo plus calent, quam albæ, candidæque arenæ: In foco Dioptri vel Catoptri multo citius incenduntur nigra quam alba. Excussæ e silice & chalybe scintillæ illico incendunt nigrum ustulatumque linteamen, nequaquam vero candidum. Incenditur a levi igne ater ligni carbo, cum idem lignum antea nonnisi a magno igne incendi poterat.

§. 809. Calefiunt corpora nigra adeo cito, quia nigredo constat ex partibus minutissimis, facillime mobilibus: tum præterea Ignis in eas illapsus plurimas refractiones patitur, quibus inter partes irretitur, hæretque, vix, aut saltem parcissime reflexus: Ad nigredinem autem vergit color subcæruleus obscurus, plurimum etiam Ignis in se absorbens retinensque, paulo plus lucis illapsæ repercuit: & quia corpora eo plus lucis, Ignisve, reverberant quosunt fulgentiori colore donata, hinc omnium minime corpus

album, plus rubeum, adhuc plus aurantium, plus flavum, viride, cæruleum, purpureum, violaceum, & omnium maxime nigrum, calefcit.

§. 810. Corpora nigra, lucem excipientia vix ejus aliquid reflectunt; sed omnem in se sorbent; hinc tam cito, & adeo vehementer calent. Probat hoc speculum ustorium, quod nigro lampadis obductum fumo, dein Soli oppositum, nullam lucem ad focum reddit, nec Thermoscopium in eo positum rarefacit: ipsum vero speculum citissime calefcit. Ex Marmore nigro amplum ustorium Speculum confecit Boyleus, sed licet id longo temporis spatio æstuanti Soli opposuerit, nunquam in foco ligni frustum accendere potuit. Corpora autem alba omnem fere lucem Solis reperiunt: hinc ex albis metallis optimo successu Specula ustorio conficiuntur. Terræ albæ a Sole vix incalescunt, Aerem vero, cui lucem reddunt, vehementer calefaciunt; uti insula Ormus docet albiſſimis suis montibus, lucem reflectentibus omnem Aerem fere incendens.

§. 811. Si in speculum cavum, sphericum, ustorium, radii Solis inciderint, reperiuntur, conum formant; cujus basis est superficies speculi, cujus apex est focus, qui a superficie plus minusve distat, pro varia sphaeræ magnitudine & curvatura, cujus portio est speculum. Hic focus omnes radios, omnemque Ignem, in speculum illapsos continet; focus hic evanescit uno momento, simulac vel speculum tegitur panno, vel convertitur, aut Solem interceperit nubes.

§. 812. Quoniam igitur tanta meri ignis collecti copia tam cito evanescit, nullum sui vestigium relinquens, patet Ignem sine pastu non posse permanere; idcirco Sol & Stellæ fixæ non ex Igne puro tantum constabunt, quippe tum etiam uno momento evanissent, sed oportet, ut hæc Sydera sint solidissima, maxima & firmissima corpora, ignem retinentia, & pascentia, veluti in nostra Tellure Lithanthraces, & Saxa cum materia combustibili permixta, sunt comparata, quæ ignita semel, ignita diu manent. Verum hanc sequelam Solares maculæ, & splendoris in aliquibus Stellis fixis mutationes directe probant.

§. 813. Specula ustorio frigida plures Solis radios reperiunt, quam calida, veluti ex effectu eorum in foco colligimus; vehementius ideo ex eadem causa hyeme, quam

quam æstate urunt: calidi enim metalli sunt ampliores porri, quam frigidi: per ampliatos hos facillime ignis penetrat: calidi insuper metalli partes rarefactæ minus elasticæ sunt, adeoque reperiendi radiis minus aptæ, quam frigidi: sed calida tempestate plurimæ ex solo assurgunt exhalationes, Atmosphæram obfuscentes, transitumque solaris luminis aliquantum minuentes.

§. 814. Sunt effectus speculorum ultra fidem magni, præcipue si specula ampla fuerint, quæ plurimos in foco cogunt Solis radios. Illico enim in foco quodlibet funditur Metallum, Semimetallum, calcinatur dein, abique in vitrum, ipsum Aurum in fumum & vitrum purpureum vertitur, quod a nullo terrestri igne fieri potest, nisi Auro adjectum fuerit Zincum: Saxa quæcunque illico in vitrum vertuntur: Combustibilia nictu oculi citius sunt inflammata. Sed pauca singularia, ope speculi Villetiani explorata adnectam. Argilla, Arena, Marmor, Jaspis, Porphyrites, Lapidés inservientes fornacibus ferreis, Crucibula; Silices, Ossa animalium, Pamex, Lateres vulgares, Lapis hæmatites, Creta Vesuntiana, Gypsum, Plumbago, sive Nigrica fabrilis, posita in foco, liquefcunt, vertuntur in vitrum: sed quam cito! notante Experientissimo Philosopho Desaguliero, Pateræ Romanæ frustum rubrum fundi intra 3 Mⁿ. incipiebat, & liquefactum intra 100. Mⁿ. in guttas stillabat: Columnæ Alexandrinæ Pompejanæ frustum in vitrum conversum erat elapsis 50 Mⁿ. Minera cuprea, quæ nihil metalli in se habuisse visa fuit, in vitrum intra 8. Mⁿ. mutabatur. Calculus humanus calcinatus erat post 2 Mⁿ, in vitrum liquefactum conversus intra Minutum guttatim cadebat. Incombustibilis in terrestri igne Asbestus, a Tschirnhausio in vitrum subfulvi coloris conversus fuit.

§. 815. Sunt tanti in foco effectus, verum intra focum, ubi quadruplo rarior Ignis est, quamvis æque copiosus, manus tolerabilem deprehendit calorem: an igitur, Ignis Igni occurrentis mutuam actionem in altissima proportionem, non secundum copiam augebit? ita videtur; quamvis, quomodo id fiat, nondum ex aliqua analogia operationum in corporibus observatarum intelligatur: Radii Solis ope vitri magni ustorii in focum ampliorem collecti non magnos edunt effectus, iidem vitro secundo in focum minorem collecti, multo vehementius operantur, quamvis ali-

qui a vitro percussus fuerint. Experimenta cum Pyrometro instituta idem ostendunt. Verum ex eadem causa ingens fluet in vallibus calor, illum in montibus multum superans, quemadmodum Medletonus (a) in Britannia; & deinde in altissimi montis Cimonis cacumine, qui unus est ex Alpibus, Cl. Galeatus (b) pulcre, observavit: quippe a lateribus montium radii in vallem replicati, occurrunt lateraliter radiis, recta huc missis, percussisque, unde tantus calor, & major quam a sola copia sequi deberet: quia corpora solidiora magis capacia ignis sunt quam rariora, Aer densus in vallibus plus calere potest, quam rarior in montium cacuminibus.

§. 816. Si in focus radii Solis colligantur, postquam transiere per vitrum ustorium maximum diametri quatuor pedum, hosce edunt effectus, incendunt quælibet combustibilia, liquefaciunt metalla, sed non in vitrum mutant, estque horum radiorum actio multo imbecillior, quam qui focus speculi æque magni constituent.

§. 817. Cum vero ope secundæ lentis focus imminuitur, vis radiorum increfcit, nam in hoc coarctato foco incenduntur corpora combustibilia, utcunque humida, immo & mediis Aquis; lignique Aquismersi nucleus interior potius consumitur, quam cortex, qui ab Aqua continuo extinguitur: Metalla quælibet, excepta in carbone, vel terra Porcellanica, in vitrum vertuntur: Lapidés quilibet funduntur, vitrificantur: Gemmæ colore suo privantur, in pulverem reducuntur: vegetabilia quælibet primo in cineres, deinde in vitra mutantur: Salia abeunt in Spiritus, quos nullus ignis terrestris artificialis elicit: quemadmodum constat Experimentis Tschirnhausianis, Hombergianis, Geoffroyanis, & in primis Harsoekerianis, quæ una cum hoc Clarissimo Philosopho cepimus.

§. 818. Ex his experimentis constat, nulla corpora terrestria esse absolute fixa: quicquid enim foco speculi ustorii, aut vitri exponitur, volatile fit: Chemici autem vocant *Corpus Fixum*, quod actioni Ignis, Aerisque resistit, ut ab his non attenuetur, nec sursum rapiatur, sed in eodem statu semper maneat: *Volatile* appellatur, cujus partes ab igne vel Aere sursum feruntur reliqua relicta massa. In foco autem nulla videtur Aeri induci mutatio, forte
quia

(a) *Phil. Transf.* N. 388.

(b) *Com. Bonon.* p. 104.

quia igni non resistit, sed extemplo e loco pellitur, Actio autem nulla est, ubi non datur reactio & resistantia.

§. 819. Lux Lunæ, aut Planetarum, ope speculi ustorii vel dioptri maximi collecta, & in focum densata, nulla vel tantillum rarefacti aut densati fluidi signa in mobilissimo Thermoscopio edit: adeoque nec frigus, nec calor arte huc usque cognita sensibilis, in foco lunarium radiorum habetur, uti Hookius, de la Hirius, Villettius, Tschirnhausius, institutis de industria experimentis evicerunt: quæ optime sententiam Paracelsi, Helmontii & aliorum, destruunt radios Lunæ frigidos & humidos adferentium.

§. 820. Hoc foci otium a raritate lucis lunaris pendet, non quia lux vi calefaciendi caret; est enim a Sole ad Lunam missa, & ab hac iterum repercussa ad Terram: Secundum nonnulla experimenta Bouguerii (a) esset densitas lucis Lunæ plenæ ad eam Solis, prout utramque accipimus, veluti est 1 ad 300000. Sed speculum ustorium Parisinum, a Cl. de la Hirio adhibitum, radios modo 306 vicibus condensat; quamobrem lux Lunæ, a speculo condensata, adhuc millies fere rarior fuit, quam lux Solis, Terram illustrantis; hinc mirandum non est, Thermoscopium in foco lucis lunaris non affici.

§. 821. Si igitur lumen Lunæ Thermoscopium mobilissimum nulli mutationi subicit, an quidem influxus aliquis lucis lunaris, aut Planetarum ab Astrologis, tamquam plurimorum effectuum terrestrium causa invocari poterit? forte nihil magis inane, quam horum doctrina.

§. 822. Præterea Ignis colligitur in corporibus, quæ aperto Aeri commissa putrescere, aut fermentari incipiunt, quemadmodum in Animalium cadaveribus putrescentibus, tum in feno humido congesto, & in fluidis, pastisve semifluidis farinaceis, patet. Verum colligitur quoque Ignis, quotiescunque duo corpora, fluida cum fluidis, vel fluida cum firmis, certæ indolis, secum permiscuntur, atque effervescunt: nonnulla enim tum non modo incipiunt calere, sed fervere, immo viva flagrare flamma. Limatura Ferri cum pari Sulphuris copia, in pastam ope aquæ subacta, leviter tecta terra, brevi tempore effervescit, tandem capit flammam: sit Argentum in aqua forti solutum, ope muriæ præceptum datum, & exsiccatum, hoc

Dd 4

cum

(a) *Essay sur la gradation de la lumiere Sect. 1.*
S. 7.

cum Calce stanni mistum, cito effervesceit, calet, inflammatur, odorem sulphureum spargit: Regulus antimonii mixtus cum Mercurio sublimato, nonnunquam incenditur: Antimonium diaphoreticum cum nigro sapone in clauso crucibulo vehementerustum, deinde refrigeratum, simul ac aeri committitur, effervesceit, cum crepitu inflammatur (a). Spiritus nitri Geoffroyanus permixtus cum omnibus oleis Plantarum stillatitiis recenter factis, præbique, in vivam subito erumpit flammam. Magnum ejusmodi effervescentium corporum, & ignem colligentium, numerum in commentariis Tentaminum Florentinorum dedimus. Collectiones autem hæ Ignis a solo partium supra se mutuo attritu oriuntur.

§. 823. *Pabulum* vel *Alimentum Ignis* vocatur, quodcunque corpus, quod ignem semel excitatum diu sustinere, vel eundem augere potest, dum interim ejus partes hac actione attenuantur, expelluntur, adeoque quasi consumuntur & evanescent.

§. 824. Ejusmodi pabula sunt, omnia olea e Terra producta, veluti Petroleum, Oleum Terræ, Naphtha. Succinum, Ambra, Sulphura, Lithanthraces. Deinde omnia olea Vegetabilium expressa ex quibuscunque eorum partibus, vel stillatitia arte, vel fermentatione reducta in Spiritibus; Resinæ a natura aut arte collectæ; Carbones. Tandem omnia Olea partium Animalium, sive sub forma Adipis, aut Pinguedinis occurrant, sive ex partibus solidis, aut fluidis, arte colligantur, qualis est Phosphorus.

§. 825. Omnis vero ignis terrestris pastu indiget, nec permanere ullo modo potest, nisi alatur: cum hæc pabula Ignem alunt, partes acquirunt ab Igne rapidissime motas, sese mutuo atterentes, attrituque suo & motu propter elasticitatem aucto, novum perpetuo colligentes ignem, eo copiosiore, quo magis elasticæ fuerint. Idcirco nec Aqua, quæ non est elastica, nec Salia, nec Terræ, possunt esse Ignis pabula, sed sola Olea. Horum partes, quæ attritu valde attenuatæ sunt, a reliqua massa separatæ, insensibiliter avolant, atque ita pabulum consumitur.

§. 826. Aliæ vero partes pabuli crassiores, vi a reliqua massa Igne avulsæ, Aquæ, Salinæ, Oleosæ, Terrestræ, cum igne parco conjunctæ & avolantes, abeunt in

(a) *L'Hist. de l'Acad. Roy. A. 1736.*

in Fluidum, sensibile, elasticum, ex memoratis partibus compositum, quod *Fumum* vocamus: Hic collectus, sub forma Fuliginis, Igni denuo expositus, eum alere potest, dum ipse interim attenuatur.

§. 827. Sed hæ eadem partes, in majori copia, & cum copiosiori igne conjunctæ, candentes, volatiles redditæ, reliquamque relinquentes massam, constituunt id, quod *Flammam* vocamus. Est proinde fumus Flammæ proximus, & hic in eam facile convertendus, modo major copia ignis accedat; hinc levi incensi ellychnii flamma ingentem de acervo fumum incendere possumus.

§. 828. Ambitur quæcunque flamma ab Atmosphæra, cujus partes potissimum sunt Aquæ, vi ignis ex medio ad ambitum propulsæ: Est hæc Atmosphæra eo latius circa flammam expansa, quo pabulum aquosius fuerit: binas si candelarum flammæ jungere volueris, clarissime utriusque Atmosphæra, conjunctionem respuens, apparet: nam motu opposito, utriusque partes, nempe a centro flammæ ad peripheriam, moventur; ceteroquin quomodo ope speculi concavi videri possit, docuit Cl. Hookius (a).

§. 829. Adscendit flamma sursum, utpote in Aere natans, estque enim Aeris gravitas specifica major quam earum ardentium partium, quæ a magno igne summopere rarefactæ sunt.

§. 830. Est quoque conicæ figuræ flamma, latæ baseos parte adhærente pabulo, in apicem tenuatum desinens, ex quo fumus, si quis adest, avolat: si nempe pabulum in vase collectum ardet: Ubi enim pabulo adhæret Flamma, copiosissimæ in ea sunt partes, hæcundique ex quocunque sui puncto laterali plurimas expellit, quare eo pauciores supersunt, quo altius adscendit: Si proinde ope annuli, per quem flamma transit, partium lateralem jacturam prohibemus, major copia sursum adscendit, longioremque flammam facit. Non tamen est calidissima flamma ad basim, nec in apice, nec in medio; sed intuenti apparet primum pars infima fuscior, sequitur candidior, quæ est a parte superiori fornicata, hæc calidissima, sequitur minus candidus, longus adhuc apex, minime omnium calens.

§. 831. Quo flamma purior est, excitata a pabulo magis homogeneo, parum fumante, eo vehementius calefacit corpore-

corpora, ideo flamma Alcoholis, corpora, quibus applicatur, omnium maxime calefacit: aliarum enim flammarum fumus corporibus adhærens impedit, quominus hæc a flamma tantopere calefiant, veluti plurima pericula Pyrometro capta docuerunt.

§. 832. Si flamma ab alia ambiatur flamma, veluti ea Alcoholis media in flamma Olei ardere potest, tum sunt duo fluida, quorum unum in altero natat; media flamma idcirco figuram acquirit ad sphericam tendentem, veluti gutta Olei in media Aqua.

§. 833. Ignis in corpore terrestri excitatus, five sub forma prunæ, vel flammæ, pabulo indiget, ut conservetur, atque ut hoc rite cedere alimento, ipseque conservari ignis, queat, oportet, ut Aer Atmosphæricus libere accedat, pabulum sua vi nec minori nec majori premat, tum ut fumus partesque pabuli inutiles procul ab igne arceantur, ceteroquin pabulum alere ignem non potest.

Si enim pruna cujuscunque explorati ligni, vel cespitum Hollandicorum, funis tormentarius incensus, candela odoriferæ incensæ, tum candela ceracea, sebacea, lampas instructa oleo lini, raparum, terebinthinæ, vel alio quocunque stillatio oleo, aut Spiritu vini, ardeat, posita hæc omnia in vase, liberum Aeris accessum negante, intra pauca minuta extinguuntur; quo vas minus fuerit, eo citius extinguuntur: ut & quo vas accuratius Aeri accessum, fumoque exitum negaverit: tum quo incensum corpus plus fumi expiret. Quo autem parcius expiratio fumi, eo pertinacius ejusmodi corpus ignem alit, veluti in fune tormentario incenso, dein in prunis cespitum Hollandicorum præcipue videre est.

§. 834. Omnia memorata corpora incensa, & posita sub recipiente Boyleano, amplo, ex quo Aer ope Antliæ hauritur, multo citius igne orbantur, quam si Aer in clauso recipiente relictus fuisset.

Quo citius Aer rarefcit, eo citius etiam ignis perit.

§. 835. Si omnia eadem incensa amplo includantur recipienti, cui novus Aer perpetuo infunditur, atque ita tota massa Aerea condensatur, aliquantum diutius ignem conservant, quam in eodem Aere relictæ, nihilominus extinguuntur: plura alia apud Nob. Boyleum (a) videri possunt.

§. 836.

(a) Continuat. 11. Exper. Physic. Mechan. Artic. 7.

§. 836. Quamobrem ut pabulum igni alendo inserviat, nec ab Aere minus, nec nimis premendum est; requiriturque, ut fumus ab igne removeatur: in eo igitur partes quædam, maxime ineptæ alendo igni inerunt: hæ vero imprimis sunt Aqueus vapor, tum Salia, & Terræ.

§. 837. Quam liber Aeris accessus desideretur, ex sequentibus patebit: Si recipiens vitreum, capax 95 pollicum cylindricorum, planæ tabulæ impositum, superne aperturam habuerit rotundam, diametri 2 pollicum, candela sebacea

diametri $\frac{1}{2}$ poll. rhenol. incensa, pergit læta flamma ardere, usque ad omnem pabuli consumptionem; immo cum ejusdem recipientis superior apertura erat $\frac{3}{5}$ pollic. quadrati, ardere perrexit, sed minus læta flamma: apertura minuta, ut fuerit $\frac{3}{10}$ pollic. quadrati, extinguebatur flamma intra minutum: paucis secundis ulterius perstabat, facta apertura $\frac{7}{20}$ pollic. quadrati; facta apertura $\frac{2}{5}$ pollic. quad. perrexit ardere tristi & exigua flamma, vix pabulum liquefaciente & consumente.

Tenuis candelæ ceracæ flamma, vix fumans, persistit, facta tantum exigua apertura $\frac{1}{2}$ pollicis quadrati; simulac autem hæc minuebatur, decrevit flammula, extincta satis cito, cum apertura tantum $\frac{7}{20}$ pollicis quadrati relinquebatur.

Excitata in tenuissimo cotoneo flamma, cujus pabulum erat Alcohol, persistit modo flamma per 2. minuta, facta apertura $\frac{3}{4}$ pollic. quadrati, extincta dein: excitata vero major flamma vix perstabat 10 secundis.

Adeo ut flamma cujuscunque pabuli liberrimum Aeris accessum postulet, quod ulterius sequentibus periculis patebit.

Si candela sebacea, ex ea specie, quarum octo ingrediuntur libram, ponatur in tubo ferreo, cylindrico, inferius clauso, superius aperto, qui longitudinem sex pedum, diametrum unius pollicis habet; hæc in fundo ardens brevi tempore extinguitur.

Si tubus ferreus Catapultæ utrimque apertus, per aperturam in supremo recipientis magni Boyleani fere usque ad fundum transierit, in recipiente ardeat candela, ope Antliæ leniter Aer ex eo educatur, ut novus ingredi perpetuo possit, qui ne nimio impetu irruat, & vento excitato flammam efflet, transeat per tria fila cotonea supra tubi superiorem partem tensa: extinguetur flamma intra pauca minuta, veluti expertus fuit Cl. Halesius (a).

§. 838. Hinc intelligere possumus, quare Ignis culinarius non tam bene tempore calido, quam frigido ardeat.

Est scilicet Aer calidus, rarefactus, minus elasticus, quamobrem minus premet partes pabuli in ignem, quam Aer frigidus, multo magis elasticus.

Si proinde Sol suo calore valde calefaciat, rarefaciatque Aerem, ambientem prunam, an tum quidem hic Aer poterit pabulum in ignem propellere? vix; ideo Sol videbitur suo splendore extinguere prunam.

§. 839. Verum an non requiruntur certæ particulæ, in Aere natantes, huc usque incognitæ, quæ ad flammam aliorum corporum constituendam concurrunt? id non caret verosimilitudine, si ad experimenta in §. 837. memorata & in vasis apertis capta, attendamus; in iis enim nec Aeris nimia rarefactio, nec major minorve ejus pressio, nec fumi exitus prohibitus, invocari potest, sed tantum consumptio earum partium ex Aere, quarum præsentia ad flammam alendam erat necessaria. Nunc alia sub forma Questionum videamus.

§. 840. Quare ardens pruna, Spiritui Vini frigido immissa, suffocatur & extinguitur veluti in aqua, nec Spiritum incendit? quia Spiritum non satis calefacere potest, ut flammam capiat: hinc si prius supra ignem Spiritus ebullierit, extemplo a pruna incendetur.

2. Cur flatus certi impetus vim flammæ vel ignis augeat? quia rarior flamma in spatium angustius a flatu condensatur; hinc densioris ignis major impetus; veluti in foco dioptri ustorii coarctato quoque obtinet.

3. Cur ventus major flammam efflat? quia omnes, vel saltem plurimas ignis partes a pabulo propellit.

4. Cur Aqua summo impetu quoquoersus dispersa, & in guttulas minimas vaporis instar divisa, uno momento incensarum ædium flammam efflat? quia idem facit ac ventus impetuosissimus.

5. Cur

5. Cur Aqua lithanthracibus affusa ignem auget? hoc modo fit, cum exigua Aquæ copia superius lithanthracibus, undequaque ignitis, affunditur; tum enim ignis ex superiori parte ad eam pellitur, quam Aqua non attingit; veluti ferri virga longa ab una parte calida, altera frigida, incalescit a frigida parte, simul ac calens extremum Aqua mergitur.

6. An juxta Peripateticos Ignis homogenea colligit, heterogenea segregat? non semper; nam varia liquefacta miscet, uti Sebum, Ceram, Picem, Colophoniam: vel Metalla omnia in igne soluta inter se miscet.

7. Quomodo Ignis nonnulla, ut Ceram, emollit? eorum scilicet partes removendo; quæ quo plus recefferint, eo mollior est massa: donec tandem solutæ quasi in igne natant.

8. Quomodo Ignis alia, uti lutum, indurat? Fluidi inter partes interpositi maximam quantitatem expellendo, ita ut solidæ se latioribus in superficiebus contingant, atque ita magis cohæreant.

9. Quomodo ignis humida exsiccatur? se adjungendo partibus aquosis, eas rarefaciendo, & a reliqua, magis cohærente massa, separando, propellendo.

10. Quare nonnulla vix calida lucent, alia calidiora non lucent? quia ignem non in lineis rectis, sed motu inordinato ex se propellunt; lucem autem modo in lineis rectis oculos ferientem percipimus.

11. Cur flamma candelæ sebaceæ semper aliquantum a sebo distat? quia sebum friget, nec nisi liquefactum, & calefactum ultra 600 gradus, ardere potest, hinc intervalum; nam inter sebum candelæ & flammam, plurimi gradus caloris intercedunt.

12. Cur cotoneum, postquam aliquandiu in flamma arsit, nigrescit? quia carbonem tum suum, tum sebi comprehendit: uti in primis in ardentibus lampadibus, oleo instructis, patet.

13. Cur, quæ aliquandiu arsit candela, dein extincta, facilius denuo incenditur, quam nova (a)? quia cotoneum, quod nigrum evasit, illico ignem in se absorbet; album vero ignem repellit, per §. 708.

14. Quid

(a) Lucret. lib. vi. Ver. 900.

14. Quid est calor in corporibus? quædam ignis moti copia in partium interstitiis, & particularum poris latens; & ideo quo plus ignis moti corporibus inest, eo plus calent.

15. Quando corpora calere tactu nostro detegimus? cum corporibus plus ignis moti quam nervis nostris Organi Tactus, eorumve Fluido inest. Hinc idem corpus æque calidum, nunc tepere, nunc calere, nunc frigere, judicamus, pro varia organi sensorii dispositione.

16. Quid calor in nobis? Mentis perceptio, suscitata a motu ignis certo, in nervis Organi Tactus, eorumve fluido excitato.

17. Cur corpora ignita, alligata, vel imposita corporibus frigidis, solidis, magnisque, extinguuntur non consumto pabulo; eadem vero imposita corporibus raris & exiguis, consumuntur penitus? an non primum contingit, quia ignis non satis concutere & attenuare partes pabuli potest, ut in suum nutrimentum cedant, motu earum a partibus alterius solidi illico suffocato, vel nimis minuto; quod non obtinet, incenso corpore supra alterum rarius posito.

18. An Ignis est corpus sui generis, an vero alia corpora in Ignem quoque convertuntur? Videtur esse corpus sui generis, 1. Quia nihil æque subtile cognovimus. 2. Se per omnia corpora & spatia distribuit æquabiliter. 3. Nullo experimento constat Ignem alia corpora, etiamsi pabula sint, in Ignem convertisse: Nam focus radiorum Solarium, purissimus ignis, videri nequit: flamma autem Alcoholis incensi clare cernitur, & exiguos, respectu foci, edit effectus: adeoque illa flamma non est purus ignis: immo in vitreo recipiente si ardeat, quam plurimum vaporis a parietibus colligitur: Alcohol in digestore Papini magno igne bihorii spatio agitato, nullo modo in ignem conversum fuit: 4. Et si corpora in Ignem verterentur, ejus copia in hac terra cresceret, adeo ut ad extremum omnis mundus ignesceret, tum cuncta perirent, cum ignis determinata modo copia ad vegetationem plantarum, ut & ad vitam animalium, desideretur. Verum est doctrina de Igne adeo ampla & fertilis, ut dicendi nullus finis sit.

19. Quid

19. Quid vero est Frigus absolutum in corporibus? Ignis omnis absentia: non aliquid positivum.

20. Quando corpora percipimus frigida? cum eorum partes ab igne minus moventur, quam nostri nervi, eorumve Fluidum.

21. Quænam proinde corpora refrigerant? quæ Ignem ex aliis expellere possunt, eumve cum partibus corporum reducere ad quietem, aut minorem motum: veluti fit, cum Aquæ admiscantur Salia Alcalia volatilia, & alia, ut Nitrum, Sal Polychrestum, Vitriolum, Sal Gemmæ, Sal marinum, Alumen, & in primis Sal Ammoniacum, aut ejus flores: tum si nivi vel glaciei rasæ admisceatur quodlibet Sal ex memoratis, aut Sal Tartari, Cineres Clavellati, Saccharum Saturni, Borax, Sal Glauberi, Saccharum, Fel vitri, Calx viva, Souda: quibuscum accuratissima experimenta Thermometro gradus frigoris excitari indicantia, instituit experientissimus Reaumurius (a), & Noletus (b). Frigus quoque excitatur, si nivi aut glaciei affundatur Spiritus Vini, Spiritus Salis marini, Spiritus Vitrioli, Acetum, Spiritus Salis Ammoniaci, Spiritus Urinæ, præcipue si affundatur Spiritus Nitri, tum enim terribile frigus oritur, quod est 72 graduum infra notam incipientis Glaciei in Scala Thermometri Fahrenheitiani. Si capiatur Acetum, Spiritus Aceti, Acetum ex viridi æris, Omphacium, Sucus Citri, Aurantiorum, horumque Fluidorum aliquod misceatur cum Alkali volatili purissimo, quale est Sal volatile Sanguinis humani, Urinæ, Cornu Cervi &c. oritur effervescencia insignis cum frigore notabili, veluti invenit Cl. Slarius (c) & post ipsum plurimi Chemici (d), confirmarunt: ad Salem Ammoniacum affusum Oleum Vitrioli, vel Spiritus nitri, idem facit.

22. An igitur Frigus omne non pendet a particulis frigorificis, Ignem expellentibus, & in ejus locum succedentibus, quemadmodum opinati sunt Gassendus, Boyleus, La Hirius, Ramazzini, Nieuwentitius? non omne; suffi-

(a) *L'Hist. de l'Acad. Roy. A.* 1734.

(b) *Phil. Transf. N.* 449.



















(c) *Phil. Transf. N.* 139.

(d) Boerhaave chem. t. 2. p. 533.

sufficit enim, ut ignis æquabilem dispersionem affectans, ex corpore plus ignito, quam reliqua ambientia, exeat, ut hoc frigeat, quamvis nihil aliud in ignis locum succedat, atque ita plerumque corpora frigescunt; nihilominus negari nequit, quin talia dentur corpuscula, quæ in quibusdam occasionibus Ignem ex corporibus expellunt, & ita frigorifica vocari possunt, veluti in præcedentibus patuit.

F I N I S.










Fig. 1.




Fig. 2.




Fig. 3.




Fig. 4.




Fig. 5.




Fig. 6.




Fig. 7.




Fig. 8.




Fig. 9.




Fig. 10.




Fig. 11.




Fig. 12.




Fig. 13.





Fig. 14.






25




















Fig. 1.




Fig. 2.




Fig. 4.




Fig. 5.




Fig. 6.




Fig. 8.




Fig. 7.




Fig. 10.




Fig. 12.




Fig. 14.



Fig. 13.




Fig. 11.


















Fig. 9.





















Fig. 2.





Fig. 3.





Fig. 4.




Fig. 5.




Fig. 6.




Fig. 7.




Fig. 8.




Fig. 9.




Fig. 10.




Fig. 11.




Fig. 12.




Fig. 13.




Fig. 14.



Fig. 15.






Fig. 16.

Filippo de' Grimaldi Sculp.









254

Musschenb
Elementa
Physica
Tom. I.

254
—
28

58